

Մանուկ Մաացականյան



Èàôê²ì àðâÆ
Î²ÛÂ°ÔÀ

[պատմվածքների ժողովածու]

ԵՐԲ ՉԱՓԱՆԻՇԸ ՉՈՐԱՔԱՆՋՅՈՒՐ Ե

Նվիրումների գիրք է սա, իսկ նվիրումի յուրաքանչյուր գրական ստեղծագործություն եթե ոչ գեղագիտական չափանիշի փոփոխություն, եթե ոչ իջեցված չափանիշ, ապա գոնե ինչ-ինչ վերապահություն, թեկուզև բարձր, բայց չափանիշի վերապահված կիրառում է ենթադրում: Հղացում կոչվածը գրական այս ստեղծագործություններում փոխարինվում է կյանքից վերցված ավարտուն մի պատմությամբ (դեպքերի որոշակի շարադասություն, որոշակի ասելիք ու ենթատեքստ), ուր գեղագիտական նյութն այլևս չի թելադրում իրեն հատուկ հանգուցալուծումներն ու իր տրամաբանական ավարտը: Պատումի ընթացքն ու ավարտն անվերաձևելի իրողության տեսքով ֆիքսված են որպես գրողական առաջադրանք, և հեղինակի ճիգն այս դեպքում հետամուտ է ոչ թե նյութի պատմության, այլ պատմության նյութի ստեղծմանը: Եվ եթե միակողմանի չէ ճշմարիտ գրականության արարման դասական այս պատկերացումը, նվիրումի հեղինակները, ուրեմն, հակառակ ծայրից են սկսում իրենց գործը:

Թվում է այդ այդպես է, և ցանկության դեպքում այս ընդհանուր օրինաչափության հունը իր մեջ կարող է առնել նաև Մանուկ Մնացականյանի ժողովածուն: Բայց բանն այն է, որ գրգիռի նույն ակունքից են սկիզբ առել և նույն առանցքի շուրջն են պտտվում Մնացականյանի բոլոր նվիրումները (նաև այն գործերը, որոնց առնչությունը ընդհանուր թեմայի հետ անմիջական չէ՝ արցախյան պայթարի այն ամբողջ հերոսականն ու ողբերգականը, որ ոչ մի կերպ չեն կարող ընկալվել, որպես հեղինակից ժամանակով ու տարածությամբ բաժանված պատմական սյուժեներ: Դրանք՝ «երկրորդ բերան» պատմվող այդ պատմությունները, հեղինակի ապրած օրվա մեջ, հեղինակի զգայական աշխարհում շարունակ հոլովվում են, թող որ ուրիշ մի օր և ուրիշների մասնակցությամբ հյուսված, բայց համանման պատմությունների մեջ ինքը եղել-ապրել է, դրանք նաև սեփական կենսագրության միջով անցնող Մնացականյան անհատի փորձառություններն են: Ասել է թե՛ «նվիրումների դիրքն» ամբողջությամբ իր՝ ականատեսի պատմություններն են, պահպանում են հղացման կենդանի թրթիռն ու կենսական նյութի անհատական ընկալումը, որ այս դեպքում վերաբերում է պատերազմի հայկական կողմի ազգային-բարոյական նկարագրին:

Իսկ այդ նկարագիրը «նվիրումների գիրքը» ներկայացնում է մոտավորապես այսպես.

Հողի, գոյության իրավունքի համար մղվող յուրաքանչյուր մարտ հերոսամարտ է, բայց այս մեկը, այս արցախյանը, այնուամենայնիվ, եզակի է: Այստեղ, Արցախում ուրիշ է հերոսության չափանիշը, ուրիշ են բարոյականության սահմանները, այլ է այստեղ հողի, երկնքի ու մարդու կապը: Այս հողի համար կռվողների մեջ դասալիքներ չկան, վախկոտներ, մատնիչներ, դավաճաններ չկան, չկա այն, առանց որի բարոյազանցություն-արյուն-ավեր նողկալի պատերազմը վերածվում է լեգենդի: Այստեղ քսան տարեկաններ կան, որ հինգ-վեց տարվա կռվի փորձ ունեն: Եվ, իհարկե, ավելորդ է ամբիոնի առաջ թափահարվելով կամ ականջին

մտերմիկ փսփսալով կռվողի մեջ ներարկել գիտակցությունն այն բանի, թե թո հողի ու թո օջախի համար է այս կռիվը: Դրա իմաստը չկա՝ հրեն իրենց տունն ու այգին խրամատից հարյուր մետրի վրա են: Եվ ոչ էլ տեղն է հերոսությունից խոսելու: Իսկ եթե, այնուամենայնիվ, տարբերանշանխաջ է պետք որով պիտի առանձնացնես ու պատվես հերոսին, ուրեմն պապ ու տատի, հոր, մոր ու որդու, կռվողի ու եփող-թափողի՝ բոլորի վզից պիտի կախ տաս այդ խաչը: Այս է իրողությունը կամ գոնե իրողություն է արցախյան-ազատագրական պատերազմի այս ընկալումը: Եվ եթե այս ընկալումն արտացոլող Մ. Մնացականյանի պատմվածքը կամ ակնարկը արցունք բամոզ հերոսական-սենտիմենտալ է, այդ է՝ արցունքը մերն է, և սենտիմենտալը մենք ենք: Դա մեր հոգեվիճակն է, որ ոչ թե պիտի որակավորվի կամ գնահատվի, այլ բացահայտվի: Իսկ եթե, այնուամենայնիվ, պատերազմը միադեմ չէ և ունի իր նողկալի դեմքը, դա էլ ուրիշ իրողություն է և գրողական ուրիշ առաջադրանք: Այդ ուրիշը գեղարվեստորեն իրացնողն էլ կգտնվի մեջ մեջ, և նրա ընթերցողն էլ կլինենք մենք:

Ակնարկում Մ. Մնացականյանը պատմական էքսկուրսներ չի անում, իր բախտագուշակությունը չի առաջարկում աշխարհի փակ դռների առաջ իրենց գենքին ապավինած արցախցիներին, չի փիլիսոփայում, գրողի կեցվածք չի բռնում: Անշարք ինքն է, որ ջանում է ակնարկի՝ հնարավորին չափ ապագեղարվեստականացված մթնոլորտում անաղարտ ներկայացնել իր բարձր, առաքինի, իր հեզ ու անկոտրում հերոսներին: Խոսում է, պատմում է, հուզվում է՝ ասես սրբի դուռ է եկել: Պատերազմական Արցախը դաժան իրողություն է, և ինքը թփրտում է տաք գրգիռների մեջ:

Պատմվածքում ինքը չկա: Պատումը անշտապ գծում է իր ճամփան, մանրամասներն ու պատկերները ճշգրիտ են ու անպաճույճ, շարադրանքը չի սեթևեթում, իսկ երկխոսությունները պահպանում են ականջով ստուգված բանավոր խոսքի կենդանի հնչերանգը: Արձակագրի վարպետությունն ապահովում է իր հանգուցալուծմանը գնացող խոսքի անկաշկանդ հոսքը:

«Լուսավորչի կանթեղը» պատմվածքում միևնույն կարիչ որդին ծնողներին խղճալով խաբում է, թե ինստիտուտից Էտյուդի են ուղարկում Շուշի, գնում է կռվելու: Նկարչի ուր լինելուն տեղյակ լրագրող հայրը կնոջը խղճալով, խաբում է, թե գործուղման է մեկնում Ղափան, ուղևորվում է Արցախ՝ որդուն գտնելու: Նկարչի մայրը ամուսնուն խղճալով, խաբում է ու անտեղյակ ձևանում՝ ուտելիքի պաշար կապելով որդու համար... Վտանգված, փորձության, մեջ հայտնված հայրենիքը փորձության է ենթարկում անհատներին՝ շրջանցելով սեռ ու տարիք, սոցիալական ծագում ու դաստիարակություն: Հայրենասիրությունն այլևս պայմանականություն չի ընդունում, բարոյականության միակ չափանիշն այլևս կյանքի զոհաբերությունն է: Եվ բարոյական նկարագիրն այս ընտանիքի անդամների այնքան անխառն-միասնական է, որ ասես մի մոր զավակներ ու մի մոր փեշի տակ մեծացած լինեն... Իսկ երբ հայրը գտնում է որդուն, վերջինիս թախանձանքով խաբում է հրամանատարին, թե ինքը նկարչի հոր ընկերն է, հրամանատարն էլ խաբելով միամիտ է ձևանում, թե հավատում է լրագրողի խոսքերին... Բարոյականության շղթան ձգվում է, արյունակցությունը իրար է կապում նույն հայրենիքի

զավակներին, և հավատավորների այս երթը բացում է սեփական ժողովրդի հարատևության գաղտնիքը:

Մ. Մնացականյանի այս ժողովածուն կենսական նյութի, ասելիքի և տրամադրության մի ամբողջական արտահայտություն է, իր տեսակի մեջ եզակի, եթե նկատի ունենանք շարունակվող պատերազմն ու մեր արձակի դժվար արձագանքն այդ՝ դեռևս խմորվող կենսական նյութին: Գուցե նյութը սառչեր, հայացքի համար տարածություն բացվեր, և արձակագիրը նոր խոսք ու երանգ հաղորդեր իր պատումներին: Գուցե, բայց այդ դեպքում էլ չէր լինի այն տաք անմիջականությունը, որ այս գրքի հմայքն է, արյունաքամվող հայրենիքի ցավից ծնված այն բարձր ու սարսուռ զգացմունքների դողերոցքը, որ գրքի էջերից փոխանցվում է ընթերցողին:

Այսքանը, բայց խոսքի ավարտը սա չի լինելու: Ասացվածքը վկայում է, թե անգլիացին տանուլ է տալիս իր բոլոր ճակատամարտերը, վերջինից բացի: Ասել կուզի՝ վերջնական ավարի տերն է, տնօրինում է իր ճակատագիրը: Մերը ուրիշ է, մեր պատմությունը պարտությունների շղթա է, մեր հերոսների պարտված բանակի քաջեր են: Եվ ասացվածքը հայերիս համար հակառակն էր պնդելու, հայը հաղթում է իր բոլոր ճակատամարտերը, վերջինից բացի: Դարձյա՞լ նույնն է կրկնվելու, հին ջուրն է ու հին ջրաղա՞ցը...

Հայաստանցին հուսով է, իսկ ղարաբաղցին համոզված, որ բախտի անիվը շրջվել է, որ գոնե այս անգամ նույնը չի կրկնվի,

ՖԵԼԻՔՍ ՄԵԼՈՅԱՆ

ԱՐՄԱՏ

Սումգայիթի գոհերի հիշատակին

Ազնվատոհմ խնձորենու շիվը պատվաստված էր վայրի արմատից քիչ վեր, ու քանի դեռ պատվաստի տեղը հողի հետ չէր շփվում՝ շիվն աճում, մեծանում էր ազնվական ծառի բուրր կանոններով: Բայց, ահա, քամին հող բերեց, կուտակեց ծառաբնի շուրջը, պատվաստի տեղը թաղվեց հողի մեջ, ու վայրենությունն իսկույն խլրտաց արմատի հիշողության մեջ. նա վայրի շիվեր արձակեց և այդ շիվերին տալով իր ողջ կենսահյուսված՝ նրանց տասնապատիկ արագ աճեցրեց: Եվ խեղդվեց, չորացավ ազնվատոհմ շիվը...

Բանաստեղծը՝ յոթանասունին մոտ, թռչնած այտերով, բայց դեռ տռուզ մի տղամարդ, սիրում էր առավոտյան վաղ արթնանալ, խոզանակով մաքրել ատամները, բերանից վանել ծխախոտի գարշահոտությունը, լվացվել ու առաջին սիգարետը վառելով, նստել գրասեղանի մոտ: Սուրճը՝ հետո: Սուրճը՝ երբ կինը կարթնանա, հուշիկ քայլերով, որպեսզի ամուսնուն չխանգարի, ննջարանից խոհանոց կգնա և քիչ անց մազերն ուսերին սփռած, ժպիտն երեսին, գուլորշի արձակող բաժակը ձեռքին զգույշ կբացի աշխատասենյակի դուռը.

– Սալամ, մոալիմ...

«Մոալիմ», այսինքն՝ ուսուցիչ, այսինքն՝ վարպետ էր անվանում կինը ամուսնուն, որովհետև բանաստեղծ էր, թե՛ որ իրենից տարիքով բավականին մեծ էր և ավելի շուտ իրեն հայր կսազեր, թե՛ զգում էր՝ դա բանաստեղծին դուր էր գալիս... Իսկ գուցե, այդ բուրր միասին առկա էին և ամփոփվում էին մի բառի մեջ՝ «մոալիմ»... Խալաթի տակից ընդգծվող կոնքերը մեղմիկ ճոճելով նա մոտենում, սեղանին էր դնում սուրճի բաժակը: Բանաստեղծը ճակատը ձեռքի ափից չէր կտրում, հայացքը դիմացի գրոտած թղթին՝ նա դանդաղ պարզում էր մյուս ձեռքն ու անսպասելի կսմթում կնոջ հետույքը:

- Էլի սկսեցի՞ր, – քիչ կոտրատվելով հետ էր մղվում կինը, - այ թե չարածնին ես, հա~... - Այդ հետ քաշվելու պահը և այդ «չարածնին» էր բանաստեղծին ամենից շատ դուր գալիս:

- Վարդա..., - շշնջում էր բանաստեղծը:

Յիմա այս ոչ մեծ քաղաքում, ուր եկել էր իր հիվանդ մորն այցելության, նա Էլի առավոտյան վաղ էր արթնացել, լվացվել և այլևս իր անելիքը չիմանալով՝ իրեն մի տեսակ օտար էր զգում: Ճիշտ է՝ մոր տունն իր փուլերով էին կառուցել, իր խորհրդով էին ոչ մեծ այգու ծառերն ընտրվել, և ծառերի բերքից մայրաքաղաքի իր բնակարանն անմասն չէր մնում, բայց միևնույն է՝ իր տան տաք մթնոլորտը չկար, որի ներկայությունն արդեն բավական էր, որպեսզի մուսաները թրթռային նրա ուղեղում: Փոխարենը՝ ճաշասենյակի կահույքին շարված պլաստմասսայից

կաղապարված սառը, անհաղորդ արձանիկներն էին, որ հիմա արհեստական լույսի տակ ավելի արհեստական էին թվում:

- Ինչ տեսնում եք, տեսնում է տանը, - փնթփնթաց բանաստեղծը և ձեռքերը մեջքին դնելով՝ գլուխը կախ, աննպատակ պտտվեց ճաշասենյակում: Դրսում դեռ մութ էր: Չնայած մոտալուստ գարունն իրեն արդեն զգացնել էր տալիս, բայց առավոտյան ծովի կողմերից փչող քամին դեռ սառնաշունչ էր, և նրա հպումից զնգզնգացող լուսամուտի ապակու ձայնը՝ մրսեցնող: Բանաստեղծը դող զգաց, մոտեցավ, շոշափեց ջեռուցման խողովակները, որ քաղաքի իշխանություններն իր պատվին էին մոտակա բնակելի շենքի կաթսայատնից անցկացրել: Խողովակը սառն էր:

- Եհ, - գլուխն օրորեց բանաստեղծը, - երկիրը երկիր չէ:

Նա խոհանոց գնաց, վառեց գազօջախը, ձեռքերը պարզեց բոցին, զգաց, թե ինչպես է տաքությունը ներծծվում մարմնի մեջ, և դրանից մարմինը հաճելի փշաքաղվեց: Նա վայելեց երանության այդ պահը, ապա ափերն իրար շփեց և նստելով խոհանոցի սեղանի մոտ՝ ծխեց: Լավ կլիներ, եթե բանաստեղծին սուրճ մատուցեին: Բայց մայրը դեռ քնած էր. նա երեկոյան երկու քնաբեր հաբ խմեց:

- Ախ, ես պառավները, - հիշելով՝ ինքն իր հետ խոսեց բանաստեղծը: - Ղեղի համար խելքն իրենցը չի:

Կինն էր բանաստեղծին ուղարկել մորն այցելության:

- Չարմանում եմ, - ասել էր, - ես որ մորդ չգանգահարեմ՝ դու նրան կհիշե՞ս...

- Ես ու դու մի մարդ եսք, - ասել էր բանաստեղծը:

- Գնա մորդ տեսության, - ասել էր կինը, - հիվանդ է:

- Ի՞նչ է եղել...

- Մեջքն է բռնվել:

- Մահանա, - քթի տակ ժպտացել էր բանաստեղծը, - ինձ է ուզում տեսնել:

- Դա քի՞չ է, - ասել էր կինը:

- Իսկ էն աղջիկն ուր է...

«Էն աղջիկը» բանաստեղծի՝ մորից հարազատ, հորից խորթ եղբոր աղջիկն էր, որ տասնի հետ էր ապրում: Բանաստեղծը նրան չէր սիրում՝ շատ էր ինքնուրույն և իրասածի, բայց հանդուրժում էր, որովհետև մոր կողքին գտնվող միակ կենդանի շունչն էր:

- Էն աղջիկը, - ասել էր կինը, - գնացել է Մոսկվա՝ բան-ման առնելու: Միայն թե՛ շատ է հետաքրքիր՝ ո՞ւմ փողերով է առնում հարբեցող հո՞ր...

Բանաստեղծը հասկանում էր, որ կինն իր փողերն է ակնարկում: Նա մորն անփող չէր թողնում: Եվ որպեսզի տհաճ խոսակցությունը չչարունակվի՝ գրկել էր կնոջ մեջքն ու ասել,

- Միասին գնանք, վարդս, մի օրով:

- Բա ուսանողներս...

«Այդ ուսանողների պատճառով բանաստեղծը երբեմն խանդի վայրկենական բռնկում էր ունենում: Կինը հետ մնացողներին տուն էր կանչում և ամեն մեկի հետ առանձին էր պարապում.

- Վո՞ր թիզ յու նեյմ...

- Մայ նեյմ իզ Յավար:

- Յառ՞ և դու յու դու...

- Թենք յու վերի մաչ:

- Իհարկե,– ուսանողի գնալուց հետո ասում էր բանաստեղծը,– որ քո նման վարդը ինձ էլ տուն կանչի, սուրճ ու կոնյակ հյուրասիրելով հետս պարապի՝ ես էլ հետ կմնամ ու թենքյու վերի մաչից էն կողմ չեմ գնա:

- Մոալիմ... , – ամոթխած ժպիտով ասում էր կինը:

Եվ հաջորդ պահին բանաստեղծն իրեն, իր մաստակն ու հեղինակությունը մտովի համեմատելով իր ներկայության ժամանակ աչքերը միշտ հատակին հառած այդ փսլնքոտի հետ, խաղաղվում էր և ասում.

- Պարապիր, բարի գործ ես անում:

Կինը հավում էր ամուսնուն, այտը սեղմում այտին.

- Բարությունը չի մոռացվում..., - նրա գոլ շշուկից բանաստեղծի ականջը տաքանում էր ու հաճելի սարսուռը տարածվում մարմնով մեկ:

Դրսից ավտոմեքենայի հռնդյուն լսվեց, մարդկանց ձայներ լսվեցին: Բանաստեղծը կտրվեց մտքերից: Մոտիկում մի շուն սկսեց կատաղի հաչել:

- Մաքսուդի շունն էր,– ասաց բանաստեղծը և հիշեց երեկոյան թեյի սեղանի շուրջ բացված խոսակցությունը. այգու պատով կից հարևան Մաքսուդն էր եկել ու պատմում էր.

- Յրապարակում ինչքան ժողովո-ւրդ, ինչքա-ն... Ես ասեմ՝ տասը հազար, դու քսանն ասա:

Մաքսուդը ջրում էր Չեյնաբ խանումի այգու ծառերը, փորում, կանաչի էր ցանում սովերից ազատ մասերում, շուկա գնալիս կատարում նրա հանձնարարությունները, և դրա համար էլ բանաստեղծը հանդուրժում էր Մաքսուդին:

- Ի՞նչ էին ուզում, Մաքսուդ,– հարցրեց Չեյնաբ խանումը:

- Յայերից էին խոսում, հայերից...

- Ինչո՞ւ պիտի չխոսեն,– անսպասելի բռնկվեց բանաստեղծը:– Կանգնել Ղարաբաղն են ուզում:

- Ո՞նց են ուզում,– չհասկացավ մայրը:

- Ասում են՝ հերիք է ինչքան ձերը եղավ, հիմա էլ Ղարաբաղը մերը պիտի լինի:

- Իրենց ասելով հո չի՞,– ուները վեր քաշեց Չեյնաբ խանումը:

- Պատկերացնո՞ւմ ես,– մորը դիմեց բանաստեղծը:

- Էդ ան հավատները չխրատվեցի՞ն,– օրորվեց Չեյնաբ խանումը: - Թուրքերի սարքած ջարդն ու գաղթը մոռացա՞ն, Բաբուն մոռացա՞ն, Շուշին մոռացա՞ն...

- Մեղք են,– ասաց Մաքսուդը:

- Էդ հարցում մեղք չկա: Էդ հարցում մեղք բառը մոռացիր,– խստացավ բանաստեղծը:
- Մոռանամ,– խեղճացավ Մաքսուդը: – Որ ասում ես՝ մոռանամ: Գիտունը դու ես:
- Շուշին հիշո՞ւմ ես,– քիչ թեքվելով տղայի ձեռքը բռնեց Չեյնաբ խանումը: Բանաստեղծը

կկոցեց աչքերն ու քիչ անց ասաց.

- Ջարդերը՝ չէ, բայց հրդեհը ոնց որ հիշում եմ:
- Չէ, դրանք հեչ խրատվել չունեն,– ձեռքը ծնկին գարկեց Չեյնաբ խանումը:
- Դու պատմիր, Մաքսուդ, հրապարակում էլ ի՞նչ կար,– ասաց բանաստեղծը:
- Պատմելու բա՛ն է,– Մաքսուդը բանաստեղծի տուփից սիգարետ վերցրեց, ամաչեց

բոցատուփն ձեռք տալ՝ լուցկին իր գրպանից հանեց, և նրա աչքերը երջանկությամբ լցվեցին, երբ բանաստեղծը նրա քթի տակ շրխկացրեց բոցատուն: Մաքսուդը երանությամբ ներս ձգեց ծուխն ու արտաշնչելիս ասաց.

- Անուշ թութունն է...
- Ասում ես՝ ինչ տեսար հրապարակո՞ւմ,– չհամբերեց բանաստեղծը:
- Խոսեցին, գոռգոռացին՝ հետո վրա տվեցին, սկսեցին հայերի դուքանները վառել:

Գոռում էին՝ մահ հայերին...

- Յետո՞՞...
- Յետոն չգիտեմ: Վախեցա ոտատակ ընկնեմ, թողեցի, եկա տուն:
- Ըհը,– արտաշնչեց բանաստեղծը, և չհասկացվեց՝ գո՞հ է իր լսածից, թե՞ դժգոհ:

Մի պահ լռություն տիրեց:

- Ես բուլճարիկներից խելքդ ի՞նչ է կտրում, մոալիմ,– վերջապես խոսեց Մաքսուդը:– Առաջ էնպես էին սեղմում մարդու շունչը կտրվում էր, հիմա էլ բուլորի կապը բաց են թողել:

- Բուլճարիկները միշտ ճիշտ են, Մաքսուդ,– ասաց բանաստեղծը:– Դու էդ բանը ականջիդ

օղ արա:

- Անեմ,– ուները հնազանդ վեր քաշեց Մաքսուդը:
- Դու բուլճարիկներին բան չասես,– հարևանի վրա մատ թափ տվեց Չեյնաբ խանումը:– Տղաս էլ է նրանցից: – Մայրը ձեռքը պարզեց, շոյեց բանաստեղծի մազերը:

- Բա ո՞նց չի նրանցից,– ժպտաց Մաքսուդը:– Դրա համար էլ բան եմ Ուզում ասել, բայց ամաչում եմ:

- Մի ամաչիր, ասա,– աչքերը փոքր-ինչ խորամանկ կկոցեց բանաստեղծը:
- Դե որ ասում ես՝ ասեմ: Ասա՝ ինձ հեռախոս տան:
- Յեռախոս,– աչքերը խոշորացրեց բանաստեղծը: – Յեռախոսն ի՞նչ ես անում, դու ես՝ քո

չոր գլուխը...

- Եսի՞մ,– ուները ձգեց Մաքսուդը:– Ասում են՝ հարմար բան է:

Դրսից նորից մեքենայի հռնդյուն լսվեց, մարդկանց ձայներ լսվեցին: Բանաստեղծը մտովի դեռ Մաքսուդի խնդրանքի վրա ժպտալով նայեց ժամացույցին, ժամը յոթից քիչ էր պակաս: Նա ելավ, ճակատը լուսամուտի ապակուն հպելով նայեց, մթան մեջ ուրվագծվում էին

այգու ծամերը: Մոտիկում, ցածրում վարդի թփերն էին: «Վարդ» միտքը կնոջը հիշեցրեց ու նույն պահին էլ բանաստեղծական ներշնչանքը խլրտաց նրա ներսում: Բանաստեղծը նստեց, ծոցագրպանից հանեց ծոցատետրը, գրիչ հանեց և արագ-արագ սկսեց գրել:

Տարիքն առած բլբուլը նայում է կոկոն վարդին, երգում է, վարդի գովքն է անում: Բլբուլն ուրիշ ճար չունի՝ պիտի ջահելանա, որ դառնա կոկոն վարդին արժանի: Չպետք է մոռանամ, որ ջահելանալու միտքն է լինելու հիմնական ասելիքը:

Բանաստեղծի սիգարետը վառեց, աչքերը կկոցած ծխեց, մտածեց-մտածեց ու սկսեց գրել:

Վարդը քամուց օրորվում էր,
Շորորվում էր, վայ աման,
Ծեր բլբուլի ջահել սիրտը,
Սիրո ցավից ճաքած սիրտը,
Տրորվում էր, վախ աման...

Բանաստեղծն արագ էր գրում, որպեսզի չկորցնի ներշնչանքի պահը:

Ծեր բլբուլի երգը կարծես
Կոկոն վարդին չէր հուզում,
Նա գլուխը օրորում էր՝
Ծերս ես, երգդ չեմ լսում:
Ախ, վայ, աման, չես լսում...

Բանաստեղծը ներս ձգեց ծուխը ներշնչանքի մի նոր ավիք որսալու համար, ու հենց այդ պահին էր, որ դրսից աղմուկ, ճիչ ու ծղրտոց լսվեց: Նա դժկամությամբ, ելավ, խոհանոցի լուսամուտից նայեց և հասկանալով, որ այդ աղմուկը հակառակ կողմից է՝ ճաշասենյակ գնաց, ձիգ տվեց, բացեց խոնավությունից ուռած պատշգամբի դուռը: Պատշգամբից նրան ամեն ինչ երևաց, դիմացը բնակելի շենքի բակն էր՝ մեջտեղում կուչ եկած կաթսայատնով: Բակում ժխոր, իրարանցում, հայիոյանք, ճիչ ու ծղրտոց էր: Մի քանիսը մետաղյա ձողերով հարվածում էին դեմքն արյան մեջ կորած երիտասարդին ու հրում դեպի բակի կենտրոնը: Երիտասարդը փորձում էր գլուխը ձեռքերով պաշտպանել, ու այդ պահին էր, որ վազելով մոտեցավ մեկ ուրիշն ու կացինն իջեցրեց նրա գլխին: Երիտասարդը տապալվեց գետնին:

- Առանց հայիոյանքի, – լսվեց մեզաֆոնի ձայնը: – Շուրջներս ազեր են, ամոթ է:

Բանաստեղծը հայացքով փնտրեց մեզաֆոնը ու չնկատեց, թե ինչպես ընկածի վրա շշից հեղուկ լցրեցին ու լուցկին գցեցին վրան: Բանաստեղծը բոցի բռնկվելը տեսավ և տեսավ, որ բոցը տեղաշարժվում է:

- Էդ ի՞նչ եք անում, – բղավեց բանաստեղծը:

- Յայերին են վառում:

Մաքսուդն էր: Ներբևում, մեջքը Չեյնաբ խանումի տան պատին հենած, ծխում էր:

- Բա որ քամին կրակը մեր տները գցեց...

- Չի գցի, – ասաց Մաքսուդը:

Բանաստեղծն ուզեց պատասխանել, բայց մեզաֆոնի ձայնը խանգարեց.

- Այ քույրիկ, ինչո՞ւ ես գլխներիս ջուր լցնում: Մենք քեզ ի՞նչ ենք արել...

Յանկարծ դաշնամուրի նվագ լսվեց: Դաշնամուրի նվագն այնքան էր անսպասելի, որ մի պահ բակի աղմուկը լռեց: Եվ բանաստեղծը տեսավ, թե ինչպես ձգելով մուտքից բակ հանեցին մորեմերկ աղջկան:

- Յարսին հոր տանից հանելու նվագն է, – Մաքսուդի՞ն, թե՞ ինքն իրեն ասաց բանաստեղծը:

Աղջկան հրելով բերեցին, անցկացրեցին կաթսայատան պատի հետևը և կորցրեցին բանաստեղծի տեսադաշտից:

- Առանց շտապելու, եղբայրներ, – հնչեց մեզաֆոնից: – Բոլորիդ էլ հերթ կհասնի:

- Յե՛յ գիտի ջահելություն, – կանչեց բանաստեղծը: – Ի՞նչ կասես, Մաքսուդ...

- Ճիշտ խոսքին ի՞նչ ասեմ, – ուները վեր քաշեց Մաքսուդը: – Բայց դու դեռ պինդ ես:

- Չեմ դժգոհում, Մաքսուդ, չեմ դժգոհում... Պիոներական վզկապը վզին տասներկու-տասներեք տարեկան տղան ոտաբորբիկ, հագին մի կարճ վարտիք, հանկարծ հայտնվելով նետի պես սուրաց ու անհետացավ:

- Ես թմբիկ լակոտը են ոսկրոտ աղջկանից հազար անգամ լավն էր, – խոսեց բանաստեղծը: – Ի՞նչ կասես, Մաքսուդ:

Մաքսուդը պատասխանելու էր, բայց հայտնվեցին տղային հետապնդողները: Երկուսի ձեռքերում էլ մետաղաձողեր կային:

- Էն լակոտն ո՞ւր փախավ...

- Եսպես տվեց, Էն տների արանքով գնաց, – ասաց Մաքսուդը:

- Էդպես վնա՞ց որ, – կասկածեց բանաստեղծը:

- Յա, – ասաց Մաքսուդը: – Էլ նրան չեն գտնի:

Մաքսուդը սողնակով փակեց այգու դռնակը, առաջ գնաց, կանգնեց, հայացքով տնտղեց այգին: Ոչ ոք չերևաց: Միայն շունն էր շղթան ձգելով կատաղի հաչում: Մաքսուդը նկուղ գնաց, լույսը վառեց: Տղան խրվել էր անկյունը, պազել հեկեկում էր ու վզկապով քիթը սրբում: Մաքսուդը քայլ արեց: Տղան գետնից վերցրեց փոքրիկ կացինն ու կանգնեց: Նրա աչքերը խոշորացած էին, և գազանի աչքերի փայլ կար նրանց մեջ: Մաքսուդն անշարժացավ: Պարզ չէ՝ Մաքսուդը գիտե՞ր ինչ է նախամարդը, բայց այսպես ոտաբորբիկ, կարճ վարտիքով, մերկ ու կացինը ձեռքին տղան շատ էր նմանվում նախամարդուն:

- Խելա՞նք ես, – վերջապես խոսեց Մաքսուղը: – Դո՞ւ չես իմ ծառերից թուզ թռցնում...

Տղան անձայն թափահարեց գլուխը:

- Հայրդ ո՞ւր է...

Տղան սեղմեց ատամներն ու գլուխն օրորեց: Դրսից գալիս, հասնում էր ճիչն ու վայնասունը, որ երբեմն խլանում էր մեզաֆոնի ձայնից:

- Նրանք թեզ չեն գտնի, – ասաց Մաքսուղը: – Ես թեզ կպահեմ: Կացինը գցիր:

Մաքսուղը վերցրեց սյունից կախ հնամաշ վերարկուն, մոտեցավ, պարզեց տղային:

- Հագիր, ամոթ է:

Տղան վերցրեց վերարկուն և առանց կացինը ձեռքից բաց թողնե՞լու գցեց ուսերին, ձգեց, իրար վրա բերեց փեշե-րը:

- Հանկարծ չմտածես էստեղից դուրս գալ, – ասաց Մաքսուղը: – Ես գնամ թեզ համար շոր-մոր բերեմ:

- Մի գնա, – վերջապես խոսեց տղան: – Վախենո՞ւմ ես...

Տղան թափահարեց գլուխը:

- Բա քո շորերն ո՞ւր են...
- Դպրոց էի գնալու,– փղձկաց տղան:– Վրայիցս պոկեցին:

Բանաստեղծը չնկատեց, թե ինչպես մայրը պատշգամբ ելավ: Բակում սպանողը շարունակվում էր, բայց բանաստեղծի ուշադրության առարկան միլիցիոներների խումբն էր, որ քիչ հեռվում կան գնած նայում էր:

- Ես ի՞նչ մսահոտ է,– ասաց Չեյնաբ խանումը: – Քնիս մեջ երգ ու նվագ էի լսում հարսանի՞ք է...

- Չայերի հարսանիքն է,– ասաց բանաստեղծը:– Դու գնա, սա կնկա նայելու բան չի:

- Չհասկանա՞մ ինչն ինչոց է,– նեղացավ մայրը:

- Գնացի՞նք, գնացի՞նք,– ասաց տղան, մոր ուսը գրկեց, դուրս բերեց պատշգամբից, հետևից ծածկեց դուռը:

- Թ՛ողնեիր նայեի, Էլի,– չհանգստացավ մայրը: Բանաստեղծի աչքն ընկավ կահույքին դրված պլաստմասսայե արձանիկներին, ու նա ասաց մորը...

- Ես անպետք բաները որտեղի՞ց ես ճարում, բերում գցում տունդ...

- Սիրուն են: Չես ուզում հավաքեմ:

- Չավաքիր:

Երկար ու ձիգ հնչեց հեռախոսի զանգը:

- Վարդս է:– Բանաստեղծը ժպտալով գնաց, վերցրեց լսափողը:

- Դո՞ւ ես,– հարցրեց տղամարդու ձայնը:

- Ես եմ,– տարակուսեց բանաստեղծը,– ո՞վ է...

- Իսմայիլովն է:

- Լսում եմ, մոալիմ,– ձգվեց բանաստեղծը:– Ո՞նց տեղս իմացաք...

- Կինդ ասաց:

- Ձեզանից չէ– պրծում չկա,– կատակեց բանաստեղծը:

- Չկա, - ասաց Իսմայիլովը:– Երեկ ի՞նչ է կատարվել այդտեղ: Տեսե՞լ ես...

- Այսօր եմ տեսել...

- Ի՞նչ ես տեսել...

- Սպանում են, վառում են, ջարդում են: Ուրիշ բաներ էլ կան, մայրս կողքիս է, ասելն ամոթ է:

Մայրը, որ ականջը տղայի խոսակցությանը, արձանիկներն էր հավաքում, շարում թասի մեջ, տղայի խոսքի վրա գործը կիսատ թողեց, թասը դրեց սեղանին, գնաց պատշգամբ, ելավ:

- Ուրեմն իմացիր,– ասաց Իսմայիլովը,– շտապ հողված ես գրելու:

- Ինչի՞ մասին:

- Չայ և ազերի ժողովուրդների բարեկամության: Մեր դարավոր եղբայրությունը կա՞, թե՞ չկա...

- Կա, իհարկե, կա,– գլխով հաստատեց բանաստեղծը:

- Մի քանի խուլիգան-ռեցիդիվիստ, հասկանում ես, ո՞նց կարող են սեպ խրել մեր եղբայրության մեջ: Պա՞րզ Է...

- Պարզ Է, սիրելիս, պարզ Է:

- Հիմնական շեշտդ դա է լինելու: Կատարվածի մասին՝ մի երկու բառ: Եղա՞մ...

- Պարտադի՞ր Է, որ ես գրեմ,– իրեն թանկացրեց բանաստեղծը:

- Մեզ հեղինակություն է պետք,– ասաց Իսմայիլյովը:

- Շնորհակալություն,– ասաց բանաստեղծը:

- Վաղը պիտի հանձնես, մյուս օրը տպելու ենք:

- Կհասցնե՞մ...

- Պիտի հասցնես: Երեկոյան մեքենան կգա հետևիցդ: Հաջողություն:

Բանաստեղծը դրեց լսափողը, նայեց՝ մորը չգտավ ու, տեսնելով կրկնի վրա բաց թողած պատշգամբի դուռը, պատշգամբ գնաց:

- Ես ցրտին կանգնե՞լ ես,– գայրացավ մոր վրա: – Հետո էլ մեջքի ցավից ես խոսում:

- Էդ ի նչ են անում,– օրորվեց Չեյնաբ խանումը:

Բանաստեղծը բռնեց մոր ձեռքը, ճաշասենյակ տարավ:

- Սուրճ սարքիր, մինչև ես կսափրվեմ:

Նա «դիպլոմատից» հանեց արտասահմանյան էլեկտրական սափրիչը, գնաց հայելու մոտ, սկսեց սափրվել: Սափրվելիս հիշեց, որ երեկոյան մեքենան գալու է, որ այսօր ինքը հանդիպելու է կնոջը:

- Վարդս,– շնչաց, և դարձյալ ներշնչանքը թրթռաց ներսում:– Ծեր բլբուլը,– ասաց, մտածեց, էլեկտրասափրիչը կգակի վրա մի քանի անգամ վերուվար արեց,– ծեր բլբուլը հանգիստ չունի,– ուրախացավ գտնված տողի համար, սափրվելը կիսատ թողեց, գնաց, նստեց ճաշասենյակի սեղանի մոտ, գրպանից հանեց ծոցատետրն ու գրիչը և սկսեց բարձրաձայն արտասանելով գրել:

Ծեր բլբուլը հանգիստ չունի,

Դադար չունի, վայ աման,

Վարդի տեսքից խենթացել է,

Իր տարիքը մոռացել է,

Մոռացել է, վախ աման...

- Մոալիմ...

Դռան մեջ Մաքսուդն էր, առջևում՝ տղան: Տղան նույն վերարկուով էր, ներկոտ տաբատով, խունացած զինվորական վերնաշապիկով, բոբիկ ոտքերը՝ քթրված կոշիկների մեջ:

Վերարկուի գրպանից կարմրին էր տալիս պիոներական վզկապի ծայրը:

- Ո՞վ է,– չհասկացավ բանաստեղծը:

- Էն թմբլիկ տղան է,– ժպտաց Մաքսուդը:– Տես ինչ կարմիր թշեր ունի,– ասաց ու կամթելով տղայի այտը, նրան առաջ մղեց:

Բանաստեղծը դանդաղ ոտքի ելավ:

- Ես նրան ասել եմ, որ դու պաշտոնով մարդ ես, որ դու չես թողնի սպանեն, որ շոր կառնես, ինչ սիրտն ուզի՝ կառնես... Մենակ՝ նա պիտի թեզ լսող լինի...

Մաքսուդն էլի բաներ ասաց, բայց բանաստեղծը նրան չէր լսում:

- Դու դուռը կողպիր, Մաքսուդ,– շնչաց բանաստեղծն ու շարժվեց դեպի տղան:

Տղան քնազդով ամեն ինչ հասկացավ, պոկվեց Մաքսուդի ձեռքերից, կողմ փախավ:

Մաքսուդը դուռը կողպեց, շրջվեց, քայլ արեց տղայի կողմը:

- Դու նրան բռնիր, Մաքսուդ...

- Ո՞ւր պիտի փախչի,– ասաց Մաքսուդը:– Չուր տեղը մեզ չարչարելու է:

Սենյակի դուռը հրեցին, ապա թակեցին: Երևի Չեյնաբ խանումն էր սուրճ բերում բանաստեղծի համար:

- Ա՛յ, գալի՛ս են,– ասաց Մաքսուդը,– գալիս են թեզ սպանեն...

Տղան փախավ սենյակի հակառակ ծայրը և գոտկատեղից հանեց կացինը:

- Էդ ե՞րբ թռցրեց, որ ես չիմացա,– փնթփնթաց Մաքսուդն ու մեխվեց տեգում:

Բանաստեղծը ետ գնաց, ծեփվեց պատին:

Դուռը նորից թակեցին: Տղան վանդակն ընկած գազանի պես այս ու այն կողմ էր նայում, փախուստի ելք էր փնտրում ու չէր գտնում:

- Բռնիր նրան, ասում եմ,– բղավեց բանաստեղծը:

- Կացինը գցիր,– ասաց Մաքսուդը ու շարժվեց դեպի տղան:– Ախր դու խելոք տղա ես...

Տղան կացինը կախեց, և Մաքսուդին թվաց, թե նրան մոտենալու ամենահարմար պահն է, և այն է, մոտենալու էր՝ տղան նախահարձակ եղավ ու կացինն իջեցրեց Մաքսուդի գլխին: Բանաստեղծը գոռաց, պատին քսվելով շարժվեց դեպի դուռը, որ անխնայ թակում էին: Եվ հանկարծ տղան նկատեց պատշգամբի դուռը. վազեց, բացեց և նետվեց պատշգամբից: Բանաստեղծը դա տեսավ:

- Մարդասպան,– բղավեց, վազեց պատշգամբ: – Բռնեք դրան, մարդասպան...

Կաթսայատան մոտից մի քանիսը մետաղաձողերը ձեռքներին վազեցին ընդառաջ...

- Ով է, ո՞ւր է...

- Էստեղից թռավ, նոր թռավ, բռնեք էդ լակոտին:

Եվ մինչ մետաղե ձողերը ձեռքներին տղաները այս ու այն կողմ էին վազում՝ անսպասելի բան կատարվեց, վերևից քրքրված կոշիկներ ընկան: Բանաստեղծը դա տեսավ, վեր նայեց ու տեսավ, թե ինչպես ամպի միջից դուրս սահեց և քամուց ճոճվելով վար իջավ ու ընկավ ներկոտ տաբատը: Հետո հնամաշ վերարկու ընկավ, զինվորական խունացած բլուզ, պիոներական վզկապ, կացին... Ու երբ քամին տեղփոխ արեց ամպը, և կապույտ երկինքը բացվեց,

բանաստեղծը տղային տեսավ, նա համբառնում էր վեր, վեր և որքան բարձրանում էր, արեգակն
այնքան ավելի էր լուսավորում նրա մարմինը, որ մերկ էր և միայն կիսավարտիք ուներ հագին:
Երկնքից շեփորի ձայն էր լսվում...

1988

ԱՐԵՎԱԾԱԳ

Տատիս՝ Երանուհի Մելքոնյանի հիշատակին

– Շևբեթ... Շևբեթ,– կերկերուն ձայնով կանչեց Բայրամ Ալին,– ո՞ր ես, վարդ ջան, ո՞ր ես, գյոզալ ջան, ախր, ո՞ր ես, Է՛, կյանք ջան...

Բայրամ Ալին նստած էր որձաքարից շինված տան պատշգամբի սովերում, ցածրիկ թախտին: Նա թեթել էր գլուխն ու ձգել բարակ վիզը, որպեսզի ձայնը գնա, հասնի չերևացող, իր ներկայությունը ոչ մի ձևով չհուշող Շևբեթին: Ծույլ, կեսօրվա շոգ էր: Հեռվում, ասես Հաշիչից թմրած, ննջում էին սարերն ու դրանց ստորոտի փոքրիկ լճակը:

– Շևբեթ,– նորից կանչեց Բայրամ Ալին:

– Շևբեթ, Է՛, ուր է,– լսվեց կանացի ձայնը:

Կինն էր, Ֆաթիման, որ տան մյուս՝ արևահայաց կողմում բուրդ էր լվանում: Կանգնել էր հսկայական տաշտի մեջ, քիչ բարձրացրել փեշը ու ոտքերով տրորում էր բուրդը:

– Գնա, կանչի,– ձայն տվեց Բայրամ Ալին: Ֆաթիման տաշտից ելավ, թևքով սրբեց ճակատի քրտինքը և հենց այդպես ոտաբոբիկ բակի դարպասից դուրս գնաց:

Ճկուն, թեթևաքայլ էր Ֆաթիման՝ դեռ չխամրած գեղեցկության հետքերը արևից կիզված դեմքին: Նա քայլեց փոշոտ, թրիքածածկ նեղիկ փողոցով, կանգնեց չորացած բարդու մոտ, ափով արևից պատնեշեց աչքերն ու կանչեց.

– Շևբեթ... Շևբեթ...

Շրջապատն անկյանք, անշարժ էր: Ու եթե բարդու կատարին բույն դրած արագիլի թևաբախումը չլիներ, կթվար թե փողոցում ընդհանրապես շունչ չկա: Ֆաթիման անճարությունից հոգոց հանեց, մեջքը հենեց հղկված, արևից փայլված թաղի բարդու բնին: Բարդու բունն անասունն էր կողերը քորելու համար քսվելով հղկել և, երևի, դա էր պատճառը, որ չէին կտրում, թե չէ՝ ո՞ւմ էր պետք:

– Ես ի՞նչ կրակ է, Ես ի՞նչ պատիժ է,– ինքն իր հետ խոսեց Ֆաթիման: – Ախր հազար գործի տեր եմ...

– Բուրդդ գզեցի՞ր, Ֆաթիմա հանմ, - հետևից անտեսաձայն, անշշուկ հայտնվեց հարևանի կինը, որ Ֆաթիմայից բավականին տարիքով էր:

– Գզեցի:

– Էդքանը ո՞նց գզեցիր,– ասաց հարևանուհին ու ձայնը ցածրացրեց:– Փող չունի՞... Թող տար՝ գզարը գզեր:

– Ի՞նչ իմանամ,– ուսերը վեր քաշեց Ֆաթիման:– Ասում է՝ չունեմ:

– Էդ տղամարդիկ ինչքան տարիքն առնում են՝ Էնքան ժլատանում են,– գլուխն օրորեց, կարծես երգելով ասաց հարևանուհին:– Էսքան տարի մի ձեռքը բաց քիծա չտեսա:

– Շևբեթ,– նորից երկար ու ձիգ կանչեց Ֆաթիման:

– Թող խաղա էլի,– ասաց հարևանուհին:– Յո չի՞ կորելու...

– Կանչում է,– գլխով իր տան կողմն արեց Ֆաթիման:– Մի գլուխ վարդս է ասում, կյանքս է ասում ու կանչում:

– Բա մինչև հիմա ո՞նց էր ապրում առանց նրա...

– Ապրում էր,– ասաց Ֆաթիման:– Յե՛ք անունն էլ չէր հիշում:

– Գալու եմ մոտը,– բան հիշեց հարևանուհին:– Երեխի աչքերը կարմրում, ջրոտվում են:

Տեսեմ՝ ինչ կասի:

– Արի: Շնքե՛թ...

– Է՛,– նորից երգելու պես խոսեց հարևանուհին: – Բախտ չունեցար: Փոխանակ բռն ունենայիր, բռնոց հետևից ընկնեիր՝ ընկել ես խալիսի երեխի հետևից...

Ֆաթիման ձեռքն անհույս թափ տվեց: Բեռու-հեռուներից եկավ, հասավ էջի գոցը:

– Զանի՞ տարեկան էիր, որ մարդու գնացիր...

– Չգիտեմ: Մերս ասում էր՝ տասնութ:

– Յիմա քառասուն կա՞ս...

– Կլինեմ:

– Ի՞նքն ինչքան էր:

– Չգիտեմ,– հոգոց հասեց Ֆաթիման:

– Վաթսուն կլինեիր,– ասաց հարևանուհին:– Վայ թե յոթանասուն էլ լինեիր: Զո սարսաղ մորն ասեմ, որ քեզ նրան տվեց:

– Մորս ուզելո՞ւմ էր... Յերս էր ասում՝ հարուստ է, երևելի է, ուժեղ է...

– Յա,– հաստատեց հարևանուհին,– ուժեղ էր: Տակը երեք կնիկ մաշեցրեց ու հողին տվեց:

– Շնքե՛թ,– կանչեց Ֆաթիման:– Ախր ո՞ւր է, բերանս էլ չի բռնում, որ անիծեմ...

– Բայց տեսա՞ր ինչ եղավ,– խոսքը շարունակեց հարևանուհին:– Մի տղա ուներ՝ էն էլ թողեց, գնաց, Է՛, աշխարհի ծերը: Աղջիկներն էլ մարդու գնացին: Մնաց մենակ պուպու...

– Մի խոսեցրու,– ասաց Ֆաթիման:– Յոգնել եմ եղ խոսքերից:

– Լավ է՝ գոնե հարգանքը պահում ես,– նորից երգեցիկ, գլուխն օրորելով խոսեց հարևանուհին,– պատիվը պահում ես...

– Պիտի պահեմ,– ասաց Ֆաթիման,– բա ո՞նց...

Յարևանուհին գուցե էլի խոսեր, բայց փողոցում անսպասելի հայտնվեց երեխաների խումբը ու նրանց հետևից, ճիպոտը ձեռքին՝ Շնքեթը: Նրանց վազքի մեջ եռանդ կար ու ավյուն: Յոթից տասներեք-տասնչորս տարեկան տղա-աղջիկներ ընկել էին Շնքեթի դիմաց, և նրանցից յուրաքանչյուրը ցանկանում էր ստանալ Շնքեթի ճիպոտի հարվածը: Ու երբ ստանում էր՝ հրճվանքից ճչում, տրճիկ էր տալիս:

– Դու մի դրանց նայիր, դրանց նայիր,– ժպիտն երեսին ընդառաջ գնաց Ֆաթիման:– Էղ ի՞նչ եք անում...

Յևացող, ժպտացող, քրտինք արձակող խումբը կանգնեց:

– Չորան ու ոչխար եկք խաղում,– ասացին:– Չորանը Շևքեթն է:

– Բա նա ձեր հետևից կհասնի՞,– ավելի լայն ժպտաց Ֆաթիման:– Ախր բոլորիցդ փոքր

է...

– Յասնում է,– ասացին:

– Գնացինք,– Շևքեթի ձեռքը բռնեց Ֆաթիման:– Մեծ պապը կանչում է:

– Չէ,– ասաց Շևքեթը:– Խաղամ:

Ֆաթիման գրկեց Շևքեթին ու քայլեց: Աղջնակը ոտքերը նրա փորին խփելով լաց եղավ:

– Չեմ ուզում,– բղավում էր,– չեմ ուզում...

– Ախր ո՞ր մեկիդ պատասխանը տամ,– արցունքն աչքերի մեջ խոսեց Ֆաթիման:– Նա ուզում է, դու չես ուզում...

– Էդ ո՞վ է իմ կյանքին նեղացնում, Էդ ո՞վ է իմ վարդին նեղացնում,– տեղից ելավ Բայրամ

Ալին:

Շևքեթն իսկապես վարդի նման էր՝ կարմիր-կարմիր այտերով, ու հիմա արցունքները կարծես ցող լինեին վարդի թերթերին:

Ֆաթիման Շևքեթին իջեցրեց Բայրամ Ալու մոտ:

– Ո՞վ է իմ գյոզալին նեղացնում...

– Սա,– հեկեկալով ձեռքը Ֆաթիմայի կողմը պարզեց Շևքեթը:

– Կորիր աչքիցս,– բղավեց Բայրամ Ալին:

Ֆաթիման արգաթայլ հեռացավ, մասներով սրբեց աչքերն ու նորից տաշտի մեջ մտնելով սկսեց եռանդով տրորել բուրդը:

– Արի,– Շևքեթի ձեռքը բռնեց Բայրամ Ալին,– արի գնանք Նստենք, տես, թե քո մեծ պապը քեզ ինչ է տալու:

– Ի՞նչ է տալու,– լացը դադարեցրեց աղջիկը: Գնացին, Նստեցին թախտին:

– Ի՞նչ է տալու...

– Յիմա կտեսնես,– Բայրամ Ալին գրպանից հանեց պղնձե, փայլփլուն կոճակ:– Տեսա՞ր...

Սրանից ձեր Ստամբուլ քաղաքում կա՞...

– Կա,

– Իսկ եսպես երկար մորուք ունեցող պապ ձեր Ստամբուլում կա՞...

– Չկա,

– Չեմ հասկանում՝ բա նրանց նամուսն ո՞ւր է,– քթի տակ խնդաց Բայրամ Ալին:– Բռնիր, բռնիր պապի մորուքը: Ապրես: Դե հիմա ձգիր: Յոպ... Յոպ... Յոպ...

Պապ ու ծոռ խաղ տալով ծիծաղում-հրճվում էին, ու Ֆաթիման տաշտի մեջ ոտքերը արագ-արագ բարձրացնելով իջեցնելով ժպտում էր նրանց ծիծաղին:

Բայրամ Ալին փոքրիկ գյուղաքաղաքում իսկապես երևելի մարդ էր: Չառամյալ տարի՞քն էր պատճառը, փարթամ, հարգանք ներշնչող մորո՞ւքը, ապրած կյանքի փորձն ու տարիքին չհամապատասխանող պայծառ հիշողությունը, թե՞, որ թոռը՝ Սուլեյման Բեյը, Է՛, որտեղ՝ յոթ սարից, յոթ ձորից, յոթ դաշտից ու դեռ յոթ գետից էլ այն կողմ, համարյա երազային, համարյա անհրական Ստամբուլ քաղաքում թուրքական բանակի յուզբաշի էր՝ գյուղաքաղաքում բոլորն էլ հարգում էին Բայրամ Ալուն: Անասունին ո՞ր արոտավայրը տանեն՝ խորհրդատուն Բայրամ Ալին էր, երեխան հիվանդ է, ո՞ր էջի կաթը խմացնեն՝ խորհրդատուն Բայրամ Ալին էր, ջրհորը որտե՞ղ փորեն՝ խորհրդատուն Բայրամ Ալին էր: Եվ էլի այսպիսի հազար ու մի հարցով նրա դուռն էին գալիս գյուղաքաղաքի բնակիչները՝ ամեն մեկը թևի տակ մի փոքրիկ բոխչա - փեշքեշ: Ո՞վ կկասկածեր Բայրամ Ալու խոսքերի օգտակարությանը, եթե նրա մոտ երբեմն խորհրդի էր գալիս հենց ինքը՝ մոլլան և նույնիսկ քաղաքագլուխը:

Շատ տարիներ առաջ, երբ դեռ տեղաբնակ հայերը կային, գյուղաքաղաքը հուզված էր ծիրանի, ինձորի, խաղողի այգիների մեջ: Յայերի ջարդից հետո մի քանի տարում այգիները վայրենացան, կատաղեցին, կտրեցին իրենց բերքը: Եվ ահա այդտեղ էր, որ Բայրամ Ալին տվեց իր առաջին խորհուրդը. «Դուք ձեր բերքը կտրեցիք,– ասաց,– մենք էլ ձեզ կկտրենք»: Եվ առաջինը ինքը կտրեց իր տան դիմացի այգու ծառերը, տեղը կորեկ ցանեց և չտեսնված բերք հավաքեց: Օգուտն առկա էր՝ աչք-աչքի տվեցին, կտրեցին այգիները, և գյուղաքաղաքը մերկացավ: Ծիշտ է՝ մերկացավ, բայց նաև կարծես մեծացավ ու աշխուժացավ: Առաջ ծառերը խանգարում էին իրար երես տեսնել, իսկ հիմա մի տան կտուրից, հրեն՝ տասը տուն այն կողմ գտնվող կտուրն երևում է, կարելի է կանգնել, ճիչ ու ծիծաղով գրույցի բռնվել, կամ արտասուքն աչքերին անիծել իր բախտը: Իսկ ավելի ուշ, երբ արդեն ոչ հայերը կային, ոչ այգիները, Բայրամ Ալու խորհրդով փոխեցին թաղի անունը: «Էլ ի՞նչ հայերի թուզ: Բաշ մահլա», – ասաց Բայրամ Ալին, ու քաղաքագլուխը հավանություն տվեց: Եվ որպեսզի հայի հետքը լրիվ ջնջվեր Բաշ մահլայից՝ սկսեցին քանդել V թե VI դարում կառուցված եկեղեցին: Եկեղեցին, ճիշտ է, փոքր էր, բայց համարյա անհնար էր քարերն իրարից պոկելը: Մի օր քանդեցին՝ չքանդվեց, երկրորդ օրը քանդեցին՝ չքանդվեց, երրորդ օրը քանդեցին՝ էլի չքանդվեց, և Բայրամ Ալին նորից դարձավ խորհրդատու. «Ի՞նչ եք քափուքոտիների մեջ կորել: Պայ-թեցրեք՝ պրծնի-գնա: Պայթեցրին: Ի՞նչ դղրդյուն եղավ, ի՞նչ ուրախություն, ցնծություն էր երեխաների համար: Այսինքն, ինչո՞ւ միայն երեխաների, մեծերն էլ ուրախացան, անհասկանալի գրեթե, թիվ ու քանդակներով զարդարված սրբատաշ քարերը հարմար բաներ էին՝ իրարից խլիխլիով տարան, գոմ ու պարիսպ սարքեցին: Իսկ երբ Բայրամ Ալու Սուլեյման թոռը՝ թուրքական բանակի յուզբաշին, կնոջն ու 6-7 տարեկան Շևբեթ աղջնակին առած, ամերիկյան հնամաշ «Կադիլլակով» եկավ պապին տեսության՝ Բայրամ Ալու հեղինակությունը դարձավ անառարկելի: Յանա՞ք բան է՝ քաղաքագլուխը մտավ համազգեստի զարդերը արևի տակ պսպղացնող Սուլեյման բեյի թևը և քիչ խոնարհված, քիչ թժնող՝ դանդաղ քայլքով, գլուխ-գլխի հետը գրուցեց: «Ստամբուլի օդն ի՞նչ է: Այստեղի օդը, ջուրը չտեսնված է: Յո հայերը զուր տեղը չէին վեր

ընկել էստեղ ու մնացել քանի հազար տարի, – ասաց Սուլեյման Բեյը: – Ճիշտ է, – ասաց, – կարելի է Ստամբուլից դուրս, ծովափին տուն վարձել, – չասաց, որ թանկ է, որ ինքն անկարող է, դրա փոխարեն քիչ անփույթ, լավություն անողի մեծահոգությամբ ժպտաց: – Թող պապ ու ծոռ իրար ճանաչեն»: «Մաշալլահ, մաշալլահ», – ասաց քաղաքագլուխը: «Թող պապից մի քիչ խելք սովորի, – ասաց Սուլեյման բեյը, – ամռան վերջերին կգամ, հետ կտանեմ»: Ուրեմն, Սուլեյման բեյը համարյա երազային, համարյա անիրական Ստամբուլ քաղաքի իմաստուն խելոքներին թողած՝ աղջկան բերեց, թողեց Բայրամ Ալու մոտ, որ «խելք սովորի»: Էլ ինչպե՞ս Բայրամ Ալու հեղինակությունը չդառնար վերջնական ու անառարկելի: Գյուղաքաղաքի կեսը ճանապարհ դրեց Սուլեյման բեյին: Նրանք ձեռքերը թափահարեցին այնքան ժամանակ, մինչև «Կարհիլլակի» բարձրացրած փոշին կորավ սարերի հետևում:

Շնքեթին գյուղաքաղաքն իսկույն դուր եկավ: Ստամբուլում ոչնչով աչքի չընկնի՝ այստեղ նա իր յուզքաշի հորով, իր հագուստ-կապուստով միանգամից դարձավ շրջապատի երեխաների ուշադրության կենտրոն: Իսկ Բայրամ Ալին նայեց զենք ու զրահը վրան ջահել տարիների իր լուսանկարին, նայեց ծոռանը, իր և ծոռան միջև անտարակուսելի նմանություն գտավ և գոհունակությամբ ասաց, «Երեսն ու արյունը իմն են: Ափսոս, որ աղջիկ է»:

Մութուլուսին մզկիթի բարձրախոսներից ծորաց, կերկերաց ու շրջապատի խաղաղության մեջ տարածվեց մոլլայի նամազը: Մոլլան մրսա՞ծ էր, թե՞ բարձրախոսներն էին անսարք՝ ձայնը երբեմն խզիսզում, խռպոտվում էր: Մզկիթից հղված ուղերձ-նամագին առաջինն աքաղաղներն արձագանքեցին, ապա հավուճիվը կջկաց, ոչխարո մայեց, ու սկիզբ առավ ամենօրվա օրը: Բայրամ Ալին դռնից ելավ, գնաց, ծնկի իջավ պատշգամբում փռված նախշուն մինդարին ու մեկ կռանալով, ճակատը հատակին հպելով, մեկ ուղղվելով՝ հայացքն ու ափերը երկնքին, նամազ արեց: Մինչև նա նամազ կաներ՝ Ֆաթիման անասունին դուրս արեց, հանձնեց հոտաղին, հավերին կուտ գցեց ու սկսեց սուրճի պատրաստություն տեսնել: Բայրամ Ալին նամագից հետո պիտի ծալապատիկ նստի թախտին, մտքով դեռ նամագի, դեռ ալլահի հետ, քիչ վերացած հայացքով դանդաղ, անշտապ սուրճ պիտի ըմբռնի, պիտի կկլացնելով ներս ձգի դեյլանի ծուխը:

Բակում հավերը կջկոցով փախան: Շունը հաչաց:

Շնքեթն էր մութուլուսին ճիպոտն՝ առած ընկել հավերի հետևից:

– Ախչի, – ձայն տվեց Ֆաթիման, – թող կուտ ուտեն, ախչի...

Նա, իհարկե, կգնար, աղջնակի ձեռքից կվերցներ ճիպոտը, բայց մոլլայի աղոթքը քիչ առաջ լռեց, և հիմա ամենակարևորը Բայրամ Ալու սուրճն էր: Երբ Ֆաթիման սուրճի ապասքը ձեռքին պատշգամբ ելավ, Բայրամ Ալին արդեն բազմել էր թախտին, մեջքը հենել բարձերին ու կկոցած աչքերով ժպտում էր:

Յեռվում, գազաթները նորածագ արևի շողերի մեջ թաթախած սարերի՞ն էր ժպտում, ստորոտի դեռ մթության մեջ ծփացող լճակի՞ն էր ժպտում՝ Ֆաթիման չհասկացավ: Նա ապասքը դրեց ամուսնու դիմաց, խոնարհ գլուխ տվեց ու ուզում էր գնալ, Բայրամ Ալին ասաց.

– Ես սյունները տեսնո՞ւմ ես...

– Ի՞նչ սյուններ...

– Մեր տան սյունները:

– Նո՞ր պիտի տեսնեմ,– զարմացավ Ֆաթիման:

– Ես էլ եդ եմ ասում,– մորուքը շոյելով ավելի լայն ժպտաց Բայրամ Ալին և օրորեց գլուխը:– Սարսաղ մարդիկ էին եդ հայերը: Ա~յ թե սարսաղ էին...

– Ես նրանց չեմ տեսել,– ասաց Ֆաթիման,– բայց որ ասում ես՝ ուրեմն եղպես է:

– Որ սյուներն էսպես չնախշեին, չզարդարեին, հենց սովորական գերաններ դնեին՝ տունը կփլվե՞ր...

– Ինչի՞ պիտի փլվեր,– ուները վեր քաշեց Ֆաթիման:

– Յենց բանն էլ եդ է,– մատը տնկելով աչքերը փայլեցրեց Բայրամ Ալին:– Անխելք, անբան մարդու գործ՝ նստի էսպես մեկ-մեկ զարդարի սյունները: Յաշվիր՝ քանի՞ սյուն է...

– Տասներկու,– ասաց Ֆաթիման:

– Յասկացա՞ր... Եդ ինչի՞ ես քթիդ տակ ժպտում...

– Եսի՞մ... Եսպես ոնց որ թե սիրուն է,– ամաչելով ասաց Ֆաթիման:

– Սիրունը միայն կինն է լինում, սարսաղ,– կարծես թե վրդովվեց Բայրամ Ալին, լռեց, աչքերը մի կետի, անշարժ հայացքով մնաց-մնաց, հետո սթափվեց:

– Գնա:

Կինը գլուխը խոնարհ իջեցրեց, ուզում էր գնալ, Բայրամ Ալին ասաց.

– Վարդս ի՞նչ է անում,...

– Ճիպտուն անել, ընկել է հավերի հետևից: Կրակ է, կրակ...

– Մաշալլահ,– ձեռքերը տարածելով ասաց Բայրամ Ալին:– Մարդս որ կրակ չեղավ՝ կորած է:

– Սուրճը կսառի,– ասաց Ֆաթիման:

– Որ ուրիշին չվառեցիր՝ ուրիշը քեզ կվառի,– ասաց Բայրամ Ալին, մի ումպ սուրճ խմեց, տմբտմբացրեց մորուքը: Ֆաթիման ուզում էր գնալ, զբաղվել իր գործերով, բայց որովհետև՝ ամուսինը չէր թույլատրել չէր համարձակվում: Բակից եկող հավերի աղմուկը դադարեց, ուրեմն Շնքեթը ձանձրացավ հավերին հալածելուց: Շրջապատի լռությունը խախտեց չորացած բարդու կատարին բույն դրած արագիլի կափկափոցը:

– Յա,– վերջապես խոսեց Բայրամ Ալին,– Բա ո՞նց... Չվառեցիր՝ կորած ես: Ինչքան ապրում եմ՝ եդ եմ տեսել...– Նա նորից մի ումպ սուրճ խմեց և գուցե շարունակեր իր խոսք-խորհուրդը, եթե հանկարծ ներքևից չլսվեր աղջնակի սրտապատառ ճիչը:

– Օճ կծեց,– բղավեց Բայրամ Ալին ու մինչ տեղից կբարձրանար՝ Ֆաթիման աստիճաններով նետվեց ներքև: Շուքեթը կանգնել էր որձաքարից շինված տան անկյունաքարի մոտ, չռված աչքերով նայում էր անկյունաքարին ու խելագարի պես բղավում:

– Ի՞նչ եղավ,– վրա պրծնելով՝ աղջնակին գիրկն առավ Ֆաթիման:– Ի՞նչ եղավ...

Աղջիկը չէր լսում, մատնացույց էր անում խոնավությունից տեղ-տեղ մամռոտած անկյունաքարն ու բղավում, անընդհատ բղավում:

– Օճ տեսար, կարի՞ճ տեսար՝ վախեցար,– Շուքեթի արցունքոտ աչքերը համբուրելով փորձում էր հասկանալ Ֆաթիման:

– Արյուն կա, կին կա, մեծ աչքեր ունի,– հեկեկալով բղավեց աղջիկը:

– Որտե՞ղ, որտե՞ղ...

– Էնտեղ, - անկյունաքարը մատնացույց արեց աղջիկը,– մեծ աչքեր ունի...

– Ի՞նչ արյուն, ի՞նչ կին,– կարծես թե՛ հանգստացավ Ֆաթիման ու աղջկան էլ հանգստացնելու համար քայլ արեց դեպի անկյունաքարը:– Գնանք ձեռք տանք՝ տես, որ չկա:

Շուքեթն ավելի սրտապատառ բղավեց, և Ֆաթիման մնաց տեղում քարացած: Նրանցից մի քանի քայլ հեռու կանգնել, քարացել էր Բայրամ Ալին:

Արևածագ էր:

Քանի՞ տարի առաջ էր՝ վաթսու՞ն, վաթսունհի՞նգ, թուրքական զորամասը մութուլուսին գյուղաքաղաք մտավ: Հազավաթ էր՝ հավատի կռիվ: Հայերին էին կոտորելու: Չորամասի առջև ընկած սպիտակազգեստ մոլլան վաղորդյան լռության մեջ ահասարսուռ ձայնով կանչում էր.

– Ելե՛ք, դուրս ելե՛ք մուսուլմաններ: Ալլահն է հրամայում՝ սպանե՛ք հայերին: Կամ պիտի հավատափոխ լինեն, թուրքանան, կամ պիտի մորթվեն: Մեծ-փոքր, կին-տղամարդ՝ հաչվի չառնե՛ք: Հազավաթ է, հազավաթ...

Գյուղաքաղաքի սակավաթիվ թուրք բնակիչները ու նրանց մեջ հազիվ տասնութը բոլորած Բայրամ Ալին ընկան զորամասի հետևից ու վրա տվեցին Հայկական թաղին: Կրակոց էր, հրդեհ էր, ողբ էր, խուճապ էր, փախուստ էր, անասունի բառաչ էր ու մարդու բառաչ...

Բայրամ Ալին յուզբաշու ու նրա զինվորների հետևից մտավ Հակոբ աղայի բակը: Հակոբ աղան հարուստ, երևելի մարդ էր, գյուղաքաղաքում նրան ո՞վ չէր ճանաչում: Գյուղաքաղաքի ո՞ր ջահելը թաքուն հոգոց չէր հանում Հակոբ աղայի Սրբուհի անունով միևնույն անունով տեսնելիս: Քանի՛-քանի՛ ինսամախոսներ էր հետ ուղարկել Հակոբ աղան: «Բոյ-բուսաթին մի նայե՛ք, երեխա է, տասնվեց էլ չկա»,– ասում էր ու մերժում: Բայց ինչպե՞ս բոյ-բուսաթին չնայեին, երբ գյուղաքաղաքում ամեն գեղեցիկ բան համեմատվում էր Սրբուհու հետ: Թե կատվին էին գովում, ասում էին՝ «Սրբուհու նման խանում-խաթուն է», թե նժույզն էին գովում, ասում էին՝ «Սրբուհու նման բարձր է ու խորոտ», թե աղբյուրն էին գովում, ասում էին՝ «Սրբուհու աչքերի պես պարզ է ու գուլալ», թե մեկի անմեղությունն էին ուզում շեշտել, ասում էին՝ «Սրբուհու պես անմեղ, Սրբուհու պես սուրբ է»...

– Ո՞ր ես, Յակոբ աղա, դուրս արի,– գոչեց յուզբաշին: Ոչ ոք չարձագանքեց: Միայն շունն էր շղթան լարելով փրփուրը բերանին քրքրում իրեն:

Բայրամ Ալին չտեսավ, թե ով կրակեց ու փռեց շանը: Յուզբաշուն, իհարկե, հուշել էին Յակոբ աղայի ով լինելը:

– Դուրս արի,– նորից բղավեց յուզբաշին,– թե չէ տունդ կրակի եմ տալիս ու ձեզ էլ մեջը խորովում...

Ճռճռոցով բացվեց մառանի դուռը, և մշտապես պատկառանք ներշնչող տեսքից ու կեցվածքից ոչինչ, պարզապես ոչինչ չպահպանած Յակոբ աղան ներքնազգեստով դուրս ելավ: Սրա ձեռքերում կավե կճուճ կար, աչքերում՝ սարսափ, կծկված էր ու փոքրացած: Նա դանդաղ առաջ գնաց, ծնկի, իջավ յուզբաշու առաջ ու կճուճից նրա ոտքերին դատարկեց ոսկիների շեղջը:

– Խնայիր,– նրա ձայնը դողդողաց, խզվեց:– Խնայիր: Վերևն Աստված, ներքևը՝ դու...

– Պահո՛ւ,– ոսկիների տեսքից շլացան, խլրտացին գինվորները:

– Ապրես,– ժպտաց յուզբաշին:– Գնա մնացածն էլ բեր:

-- Չկա,– ասաց Յակոբ աղան:– Եղած-չեղածը սա է: Քեզ փեշքեշ:

– Դու խելոք մարդ ես,– ասաց յուզբաշին, փայտե պատյանից հանեց մաուզերը:– Գնա մնացածն էլ բեր:

Բայրամ Ալին մաուզեր չէր տեսել ու նրա աչքերը այդ անսովոր գեղքից շլացան:

- Չկա,– ասաց Յակոբ աղան:– Հավատա՛ չկա:

– Քեզ ես եմ ասում, որ խելոք մարդ ես,– մաուզերը Յակոբ աղայի դեմքին մոտեցնելով բղավեց յուզբաշին: - Եղպե՛ս ես պատասխանում իմ հարգանքին...

– Սաթիկ, բեր, Սաթիկ,– սարսափահար կանչեց Յակոբ աղան, և բուլորը տեսան, թե ինչպես գիշերանոցը հագին, ուրվականի պես մառանից ելավ Յակոբ աղայի կինը:

Ավելի փոքր մի կճուճ ձեռքին նա համրաբայլ մոտեցավ յուզբաշուն, կճուճը դրեց նրա ոտքերի մոտ:

– Բա ասում էիր՝ չկա՞:– ասաց յուզբաշին:

Քրքիջը տարածվեց բակում:

– Մեղավոր եմ,– կարծես սիրտ առավ Յակոբ աղան: -- Սև օրվա համար էի պահում...

- Սրանից էլ սև օ՞ր,– խնդաց յուզբաշին:– Հիմա մարդ ու կին միասին գնացեք, մնացածը բերեք: Քեզ մենակ՝ ծանր կլինի:

– Չկա,– ասաց Յակոբ աղան, խաչ հանեց:– Էն Աստված՝ չկա:

Յուզբաշին խստացրեց հայացքը, նայեց Սաթիկին:

– Էն աստված՝ չկա՛,– ասաց, խաչ հանեց Սաթիկը:

– Հիմա մարդ ու կին միասին ասեք՝ ալլաիը վկա՛ չկա, - ասաց յուզբաշին:– Թուրքանալու եք...

Բակում եղածները հետաքրքրությունից լռեցին, ու միայն լսվեցին կողքի տներից եկող ողբն ու աղմուկը:

Յակոբ աղան ու կինը մի պահ միայն իրար նայեցին, հետո նայեցին յուզբաշուն, նորից խաչ հանեցին ու ասացին,

– Էն Աստված՝ չկա:

– Ասեք՝ ավահը վկա՝ չկա,– բղավեց յուզբաշին:

– Էն Աստված՝ չկա,– բղավեցին մարդ ու կին:

Յուզբաշին հենց այդպես, կես մետրից կրակեց նրանց գլուխներին:

Եվ այդտեղ էր, որ սրտապատառ ճիչով մառանից դուրս նետվեց Սրբուհին ու ընկավ ծնողների վրա: Մինչ յուզբաշին կորոշեր անելիքը՝ Բայրամ Ալին վայրկենապես որոշեց, թուրքանալու է, նա դառնալու է իմ կինը:

– Յուզբաշի,– ասաց,– մենք իրար սիրում ենք:

– Սուտ չե՞ս ասում,– աչքերը ոլորեց յուզբաշին:

– Ալլահը վկա,– ասաց Բայրամ Ալին:

– Թե սուտ չես ասում,– ասաց յուզբաշին,– հենց հիմա տար մառան, հավատափոխ արա:

Ու Բայրամ Ալին Սրբուհուն քարշ տալով մառան տարավ, հետևից ծածկեց դուռը:

– Աք խորամանկ, այ ջիգի՛թ,– ասացին հետևից:—Մեր քթի տակից տես ի՞նչ փախցրեց:

Ավելի ուշ, երբ Բայրամ Ալին մառանից դուրս ելավ և ի նշան տղամարդու իր հաղթանակի բուրդի ներկայությամբ կոճկեց տաբատի կոճակները՝ բակը քրքիջից թնդաց:

– Յավատափոխ արեցի՞ր,– կանչում էին,– մի կարգին հավատափոխ արեցի՞ր...

- Ինձ Բայրամ Ալի կասեն,– ասաց Բայրամ Ալին: Ի՞նչ խնձորի հոպ կա մառանում...

– Մաշալլահ, մաշալլահ,– ասաց յուզբաշին:– Մեր ժողովուրդը քո նմաններով պիտի գորանա: Էս տունը քեզ փեշքեշ:

Սրբուհու մառանից դուրս գալը կարծես չնկատվեց: Ապակե աչքերով՝ նա դանդաղ մոտեցավ տան անկյունում կանգնած Բայրամ Ալուն, արնախառն թթեց դեմքին ու ապտակեց : Ու Բայրամ Ալու բռունցքն իջավ Սրբուհու գլխին: Սրբուհին ընկավ, գլուխը զարկեց տան անկյունաքարին, փռվեց գետնին, մի քանի անգամ ցնցվեց և անշարժացավ:

Արևածագ էր:

Շնեքեթր Ֆաթիմայի գրկից տան անկյունաքարը մատնացույց անելով բղավում էր.

– Արյուն է~, կին է~, մեծ աչքեր ունի~...

Ֆաթիման աղջկան գրկած-քարացած կանգնած էր, և նրանցից մի քանի քայլ հեռու քարացել մնացել էր Բայրամ Ալին: Նա միայն մի անգամ շարժեց շուրթերը:

– Ամառ էր,– ասաց:– Արևածագ էր...

Լուրը, որ Բայրամ Ալին փոխում է իր տունը, իսկույն տարածվեց գյուղաքաղաքում: Պատճառը՝ տանը շեյթան կա, սատանա կա, Շնեքեթը տեսել է: Կնոջ տեսք ունի շեյթանը, աչքերը մեծ-մեծ են, վրան արյուն կա: Այս ու այն կողմից խորհուրդ տվեցին մոլլային կանչել, անեծք-

Նամագով դուրս քշել շեյթանին: Բայց բոլորին խորհուրդներ տվող Բայրամ Ալին ո՞ւմ խորհուրդը պիտի լսեր:

Քաղաքագլխի գրույցն իր կնոջ հետ շատ կարճ տևեց:

– Չփոխե՞նք, – ասաց քաղաքագլուխը:

– Բա շեյթանը, – վախվորած ասաց կինը:

– Բայրամ Ալին պառավել, իսկը թոցրել է, – ասաց բա քաղաքագլուխը:

– Ախր, երեխան է տեսել, անմեղ երեխան, – ասաց կինը:

– Լսիր, – ասաց քաղաքագլուխը: – Ստամբուլում հեռուստացույց կա: Հեռուստացույցով ինչ ախմախություններ ասես, որ չեն ցույց տալիս՝ էլ սատանա, էլ գել–գազան, էլ կռիվ, էլ աշխարհի կործանում: Մի անգամ նայեցի, ես, որ իսկը գլխիս տարիքս առած մարդ եմ գիշերը ահ ու սարսափից չկարողացա քնել: Աղջիկը Ստամբուլից չի՞, ինչքան ասես, որ չի տեսել էդ զահրումարներից: Հիմա միտն է ընկել՝ վախից բղավում է:

– Դու գիտես, – ասաց կինը, – Բայց ճիշտն ասեմ՝ սրտովս չի:

– Հասկացիր, – ասաց քաղաքագլուխը, – տղաների, թոռների տեր ենք: Մեր տան նեղվածքը ինձանից լավ գիտես: Իսկ Բայրամ Ալու տունը, է ~... Փոխենք՝ քանի չի փոշմանել:

Նույն օրը Բայրամ Ալին ու քաղաքագլուխը տնփոխ եղան:

Քաղաքագլխի տանը Շևքեթը արթուն ժամանակ հանգիստ էր: Գիշերները քնած ժամանակ էր ցնցվում ու բղավում:

Սպասեցին մի օր, երկու օր, մի շաբաթ, մտածեցին՝ կանցնի: Բայց չէ, չէր անցնում: Վարդի պես գեղեցիկ աղջիկը օր-օրի ավելի էր գունատվում, մաշվում, կորցնում էր իր ավյունն ու եռանդը:

Բայրամ Ալու ինդրանքով քաղաքագլուխը գնաց մոտակա քաղաք և հեռագիր ուղարկեց Սուլեյման բեյին: «Շևքեթը դիվահար է եղել, շտապ արի», – գրեց քաղաքագլուխը: Բոլորն սպասում էին, որ քաղաքագլխի թոռներն էլ են մատնացույց անելու մամռոտ անկյունաքարը և բղավելու են, բայց թոռները չբղավեցին: Նրանք փոխարեն Բաշ մահլայի ծայրամասում մի տղա բղավեց: Նա էլ էր, իբր, արևածագին շեյթան տեսել ու այս անգամ շեյթանը, իբր, մորթված երեխայի տեսք էր ընդունել: Հետո ոչ մի աչքի ընկնող դեպք չկատարվեց փոթրիկ գյուղաքաղաքում: Միակ աննշան բանը, որ կատարվեց՝ չորացած բարդու վրայի արագիլները լքեցին, իրենց բույնը: Երեխաները բարձրացել, բնից թոցրել էին երկու ձուն, ջարդել, որ տեսնեն, թե մեջը ինչ կա: Արագիլներն էլ խռովեցին, թևին տվին, գնացին, գնացին Արաքս գետն՝ անցան, անցան Հոկտեմբերյան քաղաքի վրայով, Մեծամորի ատոմակայանի վրայով, թռան, գնացին հասան Մասիս կայարան, էլեկտրաբարձերի բարձր հոսանքի սյուներին իրենց ցեղակիցների բույները տեսան ու իրենք էլ դատարկ սյուներից մեկին սկսեցին բույն հյուսել:

Իսկ այնտեղ, գյուղաքաղաքում, մարդիկ մինչև օրս էլ ահով, կասկածանքով են նայում շուրջբոլորը: Շեյթանից վախենում են:

ՕՋԱԽ

Սերգո Բոյաջյանին

Յայաստանից եկած մտավորական տիկինը խոսում էր, և Սերգոն, որ սովոր էր երկրաշարժից ավերված և հիմա պատերազմի ու շրջափակման մեջ գտնվող հայրենիքին օգնություն հայցող եկողներից մեծ մասի շողոթորթող ժպիտներին ու խոսքերին, այս անգամ իրեն վատ զգաց: Նրանք սահմուկեցուցիչ բառերով էին նկարագրում ժողովրդի վիճակը, աշխատում գուր ու խղճահարություն առաջացնել դահլիճում, և դահլիճի ջղայնությունից էր կախված լինում խոսքի ավարտին սկսվող հանգանակության չափը: Տիկինն այդպիսին չէր: Տիկինը դահլիճում կարծես, հյուր չէր, տանտեր էր:

– Ես ուզում եմ հասկանալ ձեր սրտի միջի ոգեղենիկը ցանկանում եմ իմանալ հայի լեզուն կամաց-կամաց կորցնելով՝ հայի արյունն ու գեները խաղում են ձեր երակներում:

Ձեզից մեկը ինձ գրավոր հարց է ուղղել, ամաչում եմ բարձրաձայն կարդալ, որովհետև այնպիսի խոսքերով է նկարագրել մեր վիճակը, որ եթե ամոթս կորցնեմ, պիտի ձեռքս պարզած շրջեմ Մոնրեալում և փող մուրամ մայր հայրենիքի փրկության համար: Այդպես չէ, սիրելիս: Այդ ո՞ր մայրն է որդուն բողոքում իր ապրուստից, այդ ո՞ր մայրն է արժանապատվությունը կորցրած քծնում, շողոթորթում որդուն մի քանի կոպեկ մուրալու համար: Այդպիսի մայրն ապրելու իրավունք չունի: Եվ եթե հայրենիքում թափված մեր տղաների արյունը ինչ-որ մեկը փորձում է հավասարակշռել իր տված դոլարներով, թթել եմ ես նրա դոլարների վրա:

– Տղամարդ տիկին է,– կողքին նստած իր վաղեմի ընկեր Վարուժանին ասաց Սերգոն:

– Օ՛ր,– ժպտաց. Վարուժանը:– Բա ես քեզ ի՞նչ էի ասում...

– Ասելիքս ուրիշ է,– շարունակեց տիկինը:– Սասունում ու Մուշում, Բիթլիսում ու Ալաշկերտում, Վանում ու Էրզրումում, Կիլիկիայում ու Կեսարայում ձեր պապերի ավերված օջախների փոխարեն կարո՞ղ եք մի օջախ ստեղծել, մի օջախ շենացնել Յայաստանում, ուրախանալ ձեր արածով, այդ օջախը հեռվից հեռու ձերը համարել, տաքանալ նրա ջերմությամբ ու շնչով և, ո՞վ գիտե, այդ օջախը գուցե իր մոտ ձգի ձեր զավակներին ու թոռներին:

– Դուք ձեր օջախները թողած փախչում եք այստեղ, հիմա պահանջում եք, որ մենք այստեղից ձեզ համար օջախ ստեղծե՞նք,– բղավեց մեկը դահլիճից:

Մի պահ դղրդացող լռություն եղավ: Եվ հանկարծ կատարվեց անսպասելին: Սերգոն, որ վաթսունն անց, պարկեշտ, սակավախոս, երբեք իր անձը չցուցադրող մարդ էր, վեր թռավ աթոռից ու հայացքը ընդհատողին ուղղելով գոռաց:

– Ձայնդ... Ձայնդ, ապիկար...

Վարուժանը նրան այդ վիճակում երբեք չէր տեսել՝ ձգեց փեշը:

– Սերգո... Սերգո հանգստացիր...

Տիկինը բեմից նկատեց, որ արտակարգ խոշոր ու գեղեցիկ աչքեր ունի իրեն ընդհատողին սաստող անգուսպը: Նա ժպտաց Սերգոյին և հանգիստ ասաց.

- Եթե սրահում այս ընկերոջ նման գոնե մեկը կա, ես իմ խոսքը անտեղի չեմ համարում:
- Դահլիճը երկար ծափահարում էր տիկնոջը:

Սերգոն մռայլադեմ տուն մտավ, գնաց ընկղմվեց հյուրասենյակի բազկաթոռի մեջ ու ծխեց: Նա հազվադեպ էր տխում, և կինը հասկացավ, որ ամուսինը հուզված է ու քանի որ ծխում էր, գայրույթից է հուզմունքը: Տարիքին անհամեմատ թեթև քայլվածքով նա այս կողմից աչքի պոչով նայեց ամուսնուն, այն կողմից նայեց, դիտեր, որ եթե ուղղակի հարցնի պատճառը՝ ամուսինը պայթելու է, այդ պատճառով էլ ասաց..

- Ժողովի չեի՞ր...
- Ժողովի էի, - քիչ ուշացումով հոգոց հանեց Սերգոն:
- Է՞... - ժպտաց կինը:
- Հայրենիքից եկած մի մտավորական տիկին խոսեց:
- Խոսքը դուրդ չեկա՞՞վ, - ավելի լայն ժպտաց կինը՝
- Եկավ: Տղամարդու պես խոսեց:
- Բա էլ ինչո՞ւ ես ծխում...
- Որովհետև մեր մեջ խելոքները շատացել են, - դեմքն ավելի խոժոռեց Սերգոն:
- Դաշնակցականները երբևէ խելոքի պակաս զգացե՞լ են, - կատակեց կինը, - Ո՞վ էր...
- Երվանդը: Ապիկար շան որդի...
- Ի՞նչ էր ուզածը...
- Տիկինն ասաց՝ եթե մեր երիտասարդների կյանքն ու արյունը դուք Ձեր տված դոլարներով պիտի հավասարակշռեք՝ թթել եմ ձեր դոլարների վրա...
- Աստվա՜ծ... - ձեռքն այտին տանելով անշարժացավ կինը:
- Ասաց՝ եթե կարող եք, մի օջախ ստեղծեք, մի օջախ շենացրեք հայրենիքում և այդ օջախով տաքացրեք ձեր սրտերը...
- Աստվա՜ծ... - տխուր ժպիտով գլուխը տարուբերեց կինը: - Լավ է ասել...
- Հապա՞, - եռանդուն դարձավ Սերգոն: - Իսկ այդ ապիկարը՝ դուք ձեր օջախները թողած փախչում եք այստեղ, հիմա պահանջում եք, որ ձեզ համար հայրենիքում օջախ ստեղծենք...
- Ծեն երկրից և օջախից ո՞վ կփախչի, - խոժոռվեց կինը: - Չհարցրի՞ր...
- Սերգոն չպատասխանեց, թափ տվեց ձեռքն ու հայացքը մի կետի՛նեց:
- Օջախ ու ժառանգ ստեղծել ես, որ իմանաս օջախի գինը: Չհարցրի՞ր...
- Սերգոն լռում էր:
- Օջախ ու ժառանգ ստեղծե՞լ ես, որ իմանաս օջախի - Այդքան ունեցվածքդ ո՞ւմ ես թողնելու: Չասացի՞ր...

– Չասացի,– մրմնջաց Սերգոն:– Գոռացի վրան, այն է, ձայնը կտրեց:

Նա մի նոր սիգարետ էր ուզում վառել, կինը մոտեցավ, պազեց դիմացը, քնքշանքով դուրս սահեցրեց սիգարետը ամուսնու մատների միջից և փորձեց փոխել խոսակցությունը.

– Այդ տիկնոջ անուն ազգանունն ի՞նչ է...

– Տիկին Սոսի էին ասում: Ազգանունը չգիտեմ:

Տիկին Սոսին գլխացավով արթնացավ:

Ճիշտ է, սրահում, հանդիպման ժամանակ նա կարողացավ զսպել իրեն, չցուցադրել Երվանդի խոսքերի թևաթափ անող ազդեցությունը, բայց ավելի ուշ, հյուրանոցում, երբ ինքն էր ու իր բարձր, Երվանդի ասածը դուրս չէր գալիս ուղեղից: Իսկապես հազարներով հայրենիքը լքում են, ընկնում օտար, անծանոթ երկրների ճանապարհը: Հուսախաբված է ժողովուրդը, խուճապի է մատնվել և այդ խուճապի դեմն ամենի է պետք: Սոսին այդ հարցում սիյունների օժանդակությունն էր փնտրում, ցանկանում էր, որ սիյունքը առաջին հերթին իր մարդկային ու հոգևոր կապերով զորավիգ լինի հայրենիքին: Մտքերը ջաղացքարի նման պտտվում էին ուղեղում, չէին թողնում քնել ու ստիպված ելավ անկողնուց, քնաբեր խմեց, և հիմա գլուխը, երևի, քնաբերի ազդեցությունից էր ցավում: Նա շփեց քունքերը, նայեց ժամացույցին, մտաբերեց առավոտյան իր անելիքը՝ ժամը տասնմեկին հանդիպում Հայ Դատի գրասենյակում, գնաց արագ լվացվեց, հարդարեց մազերը: Դուռը թակեցին: Ենթադրեց՝ հյուրանոցի սպասավորն է, խալաթը հագավ, գնաց, բացեց դուռը: Վարուժանին վաղուց գիտեր, մտերիմներ էին: Սոսիին զարմանք ու շփոթմունք պատճառեց խոշոր, խամ, գեղեցիկ աչքերով պատկառելի տղամարդը:

– Մի շփոթվիր,– ժպտաց Վարուժանը,– մեր ընկեր Սերգոն է:

– Թույլ տվե՞ք ձեզ համբուրել,– անսպասելի ասաց Սոսին:

Այս անգամ Սերգոն շփոթվեց: Նրանք ողջագուրվեցին:

– Է~, այսպես դռան մեջ պիտի կանգնած մնա՞նք,-- կանչեց Վարուժանը:

Սոսին հյուրերին նստեցրեց, ներողություն խնդրելով հյուրասենյակ գնաց, քիչ անց զգեստափոխված վերադարձավ: Հյուրերը ծիսում էին: Սոսին հապճեպ պահարանից կոնյակ հանեց, լավաշ, պանիր, դրեց ցածրիկ սեղանին:

– Սուրճ կպատրաստեի, բայց կես ժամից գալու են իմ հետևից...

– Սրանց ժամանակը չի,– ասաց Վարուժանը,– տար: Սերգոն խնդիր ունի քեզ հետ:

Սերգոն լավաշից մի կտոր կտրեց, փաթաթեց թղթե անձեռոցիկի մեջ, դրեց գրպանը.

– Իբրև նշխարք կվերցնեմ: Հայրենիքից Կանադա հասած լավաշ է...

– Բուն խնդրին անցիր, Սերգո,– չհամբերեց Վարուժանը:

– Անցնեմ:– Սերգոն ծիսեց, երկար արտաշնչեց:– Ես և տիկինս այս գիշեր երկար խորհելուց հետո որոշեցինք երկրաշարժի հետևանքով որբացած երեխաներից մեկին մեզ հոգեզավակ դարձնել...– Սերգոյի աչքերը խոնավացա՞ն, թե Սոսիին այդպես թվաց:

– Սերգոն դրամով շատ անգամ է օգնել,– միջամտեցի Վարուժանը:– Սա ուրիշ խնդիր է:

- Հասկանում եմ,– մեղմ ժպտաց Սոսին:

- Դու քո պայմաններն ասա, բավ է ծխես,– Սերգոյին:

Հանդիմանեց Վարուժանը, և Սոսին հասկացավ, որ նրանց ընկերությունը չնայած տարիքների տարբերությանը, շատ է մտերիմ:

– Պայմանը հետևյալն է, պետք է աղջիկ լինի՝ 8-10 տարեկան: Նրա ուսման, մեծացնելու բոլոր հոգսերը վերցնում եմ ինձ վրա: Նրա համար ես տուն կկառուցեմ...

– Ինչո՞ւ անպայման աղջիկ,– ընդհատեց Սոսին:

– Ասեմ,– աշխուժացավ Սերգոն:– Հայկական օջախում տան սյունը կինն է: Մայրիկս հանգիստ, առանց ձայնը բարձրացնելու այնպես էր կառավարում կծու բիբար հորս...

– Բնիկ որտեղացի՞ եք,– հարցրեց Սոսին:

– Կեսարայից:

– Այլ քեզ բա՛ն,– ծափ զարկեց Սոսին:– Մենք էլ ենք Կեսարայից: Մեր պապերը իրար պետք է որ ճանաչեին...

– Որ խորանաք՝ իրար հարազատ եք դուրս գալու,– ժպտաց Վարուժանը:

– Հարազատ ենք,– ասաց Սերգոն:– Մյուս պայմանս, այդ աղջիկը չպետք է երբեք հայրենիքը լքի: Հայրենիքում ես նրա ու նրա ընտանիքի բոլոր դժվարությունները հաղթահարելի կդարձնեմ:

– Հարյուր տարի՞ պիտի ապրես, ծո՛ւ,– կատակեց Վարուժանը:

– Եթե անհրաժեշտ է՝ հարյուրհիսուն էլ կապրեմ,– ցուցամատը տնկեց Սերգոն, և Սոսին հասկացավ, որ այս պայմանները Սերգոյի և կնոջ անքուն գիշերվա մտորումների արդյունքն են:– Ձեզ մի խնդրանք ունեմ միայն,– շարունակեց Սերգոն,– այդ աղջնակին դուք պիտի ընտրեք:

– Ձեր խնդրանքը և հասարակ է և բարդ,– քիչ խորհելուց հետո ասաց Սոսին:– Հայ Օգնության Միության այստեղի բաժանմունքում որք երեխաների ցուցակը կա, շատերի լուսանկարները կան: Կարելի է նախնական ընտրությունն այստեղ կատարել, ընտրել երկու-երեք թեկնածու: Վերադարձիս կծանոթանամ նրանց հետ և կընտրեմ ամենաարժանավորին:

– Բոլորն էլ արժանավոր են,– ասաց Սերգոն: Նրա ձայնը կերկերաց:– Դժբախտաբար բոլորին չեմ կարող տիրություն անել:– Նա հայացքը թեքեց թաքցնելու համար աչքերի արտասուքը:

– Մանկան պես փխրուն սիրտ ունի մեր Սերգոն,– Սոսինն նայեց Վարուժանը:

Սերգոյի մուտքից կինը հասկացավ, որ արտակարգ բան է պատահել: Լայն ժպիտով ամուսինը հյուրասենյակ գնաց, ծոցագրպանից ծրար հանեց, դրեց սեղանին:

– Կարո՞ղ ես ասել մեջն ի՞նչ է...

Կինը մի պահ նայեց ծրարին, նայեց ամուսնուն, նրա բազմիմաստ ժպիտը կենտրոնանալու հնարավորություն չէր տալիս:

– Չեմ դիմանում, ասա...

– Մեր աղջկա լուսանկարն է,– մատը ցցեց Սերգոն:

Կինը ծրարը թռցրեց սեղանից, լուսանկարը միջից հանեց, տիկնիկը կրծքին սեղմած, խարտյաչ մազերով, կապույտ աչքերով աղջնակը մատը տարել էր շուրթերին ու «սուս» էր ասում տիկնիկին:

– Ամա՛ն...– հրճվեց, լուսարձակվեց կինը:

– Բա՞,– ասաց Սերգոն, թաշկինակը տարավ աչքերին:

– Ի՛նչ անուշիկն է... մազերը գանգուր են, տղա...

– Գանգուր են: Շրջիր հետևում անուն-ազգանունը կարդա:

Կինը դժվարությամբ տառկապ արեց անուն-ազգանունը:

– Մար-տի-րոս-յան Յայ-կա-նուշ...

– Յասկացա՞ր,– բացականչեց Սերգոն:

– Յասկացա,– ասաց կինը:– Մարտիրոսյան Յայկանուշ...

– Խենթ է այս կինը: Յայկանուշ... Մայրիկի անունն է, գլխի չընկա՞ր...

– Ամա՛ն,– աչքերը լայնացրեց կինը:– Ի՛նչ զուգադիպություն...

– Բա ես ի՛նչ եմ ասում,– հրճվեց, նորից արտասուքը սրբեց Սերգոն:

Կինը մոտեցավ, գզվեց ամուսնուն.

– Մանչ՛ս... Մեծ մանչունկ՛ս...

– Այլևս ոչ մի ընտրություն,– ձեռքը կտրուկ շարժեց Սերգոն:– Սա է մեր աղջիկը...

Կինը նորից նայեց լուսանկարին.

– Ի՛նչ է ասում տիկնիկին, գիտե՞ս... Տիկնիկին ասում է «Սո՛ւս... Սերգո հայրիկս քնած է»...

– Սերգո հայրիկը քուն ու դադարը կորցրած է՝ մինչև իրենից լուր չառնի:

– Մի ծխիր, Սերգո,– աղաչեց կինը:– Պիտի մեր աղջնակին մեծացնենք:

– Պիտի մեծացնենք, հապա ինչպե՞ս,– ըմբոստացավ Սերգոն:– Սոսին գրասենյակից հեռաձայնեց ամուսնուն, ամուսինը առավոտյան պիտի գնա, աղջկան տեսի, պետք է ազգականներից ինսամակալ գտնի...

– Այդպես արա՞գ,,,

– Ինչո՞ւ դանդաղել,– չհասկացավ Սերգոն:– Սոսին վերադարձին պիտի բոլոր անհրաժեշտ փաստաթղթերը հետը տանի...

– Չեմ ուզում,– անսպասելի խռովկան դարձավ կինը: – Մեր աղջիկն է, պիտի բերենք, մենք մեծացնենք...

– Մեկ անբուն գիշերը մեզ բավական չեղա՞վ,– խստացավ Սերգոն:– Մեր աղջիկը պիտի մեր հայրենիքում մեծանա, օջախ կազմի:

Պայմանավորվածության համաձայն՝ Սոսին գիշերը տուն զանգահարեց: Լսափողը վերցրեց ամուսինը.

- Լսում եմ:– Ամուսնու ձայնը խռպոտ էր:
- Ձայնդ մի տեսակ է: Մրսե՞լ ես...
- Չեմ մրսել,– ասաց ամուսինը, և Սոսին հասկացավ, որ ամուսինը տխուր է:
- Չնայած, տեսա՞ր Հայկանուշիկին...
- Տեսա:
- Ի՞նչ տպավորություն թողեց...
- Աշխույժ, սնդիկի պես շարժուն երեխա է...
- Հետո՞...
- Որբանոցի ղեկավարությունն ուրախացավ, ինամակալ գտնվեց...
- Իսկ դու ուրախ չե՞ս...

Ամուսինը չպատասխանեց, երկար արտաշնչեց լսափողում:

- Ճանապարհին հո փորձանքի չե՞ս եկել...
- Չէ: Նորմալ գնացի, եկա,– ամուսինը նորից երկար արտաշնչեց լսափողում:
- Մի բան պատահել է,– հուզվեց Սոսին:– Ձագուկիս, ձագուկիս կանչիր հեռախոսի մոտ:
- Ձագուկը քնած է:
- Ես կգժվեմ, – ասաց Սոսին:– Ասա՛ ի՞նչ է պատահել... Ամուսնու շնչառությունը

բեկբեկվեց լսափողի մեջ, Սոսին լարվեց ու հասկացավ, որ ամուսինը հեկեկում է:

- Ի՞նչ է եղել,– բղավեց Սոսին,– ասա՛ ի՞նչ է եղել...
- Աշտոը սպանվել է: Աշտոը... Մե՞ր Աշտոը...
- Մեր... Մեր Աշտոը...

Սոսին զգաց, որ ծնկները թուլանում են, հենվեց բազկաթոռին ու դեռ հին իներցիայով հարցրեց.

- Որտե՞ղ...
- Դրմբոնի մոտ:

Սոսին լսափողը դրեց, փքվեց բազկաթոռին, դեմքն առավ ափերի մեջ: Աշտոն ամուսնու և իր հոգեհարազատ ընկերն էր: Առաջինը մտապատկերվեց Աշտոի երկվորյակների կնունքը: Գանձասարի եկեղեցում կնքեցին: Կնունքից հետո քեֆ, ուրախություն էր: Աշտոն իր միշտ թեք ժպիտով ծափ էր զարկում ու խնդրում. «Ես պարել չգիտեմ, Սոսի ջան, դու պարիր՝ հենց իմանամ ես եմ պարում», և ինքն Աշտոին չէր մերժում: «Այ Սոսի,– ասում էր,– զարմանք բան է՝ Ես կռիվների արանքում մի երկու անգամ եմ տուն հանդիպել: Կարծում էի աղջիկ է ծնվելու, զույգ տղա ծնվեցին:– Ափը շրիկացնում էր ափին:– Չարմանք բան է»... Շրջվում, կատակում էր. «Էն Վալոդին պարի միջից հանեք, բա Ես ճրագների կնունքին ծռտի-պռտի պար կգա՞ն... ճիշտ չեմ ասո՞ւմ... Պարել է ուզում, թող գնա մի կողմ, իր համար առանձին պարի, ճիշտ չեմ ասո՞ւմ...»: «ճրագներդ

որ կան՝ քեզ պիտի քիչ գգես դիրքերը, նրանց մեծացնել է պետք»: «Սոսի ջան, բա եղա՞մ, նրանց կյանքն ո՞վ է պաշտպանելու, դիրքերից տուն եկողն էլ ո՞վ է...»: «Գժվել ես, Աշոտ...»: «Չեմ գժվել, Սոսի ջան, մի թուփով կգամ, թուշները կպաչեմ ու կգնամ...»:

– Ինչի՞ քեզ չինայեցիր, անաստված, ինչի՞ գարկվեցիր:– բարձրաձայն մոկտաց Սոսին:–
Լույսի պես երեխեքիդ ինչի՞ որբացրիր...

Բարձրաձայն արտասանված «որբ» բառը Հայկանուշին հիշեցրեց, կայծակի պես անսպասելի ու ակնթարթային մի միտք շրխկաց Սոսիի ուղեղում և այդ միտքն իրենից վանելու համար կոնյակ լցրեց ու հիշեց երգահան ընկերոջ երգի տողը.

– Լավագույն տղերքը հեռանում են,– ասաց ու կանչեց, –Ձեր համար, լավագույններս...–
խմեց, ցնցվեց կոնյակի տաթությունից, երկար արտաշնչեց:– Առանց ձեզ մեզ շատ է դժվար, հասկացե՞ք,– մրմնջաց, ելավ պտտվեց սենյակում և նորից նույն միտքը. «Եթե Հայկանուշի փոխարեն Աշոտի երկվորյակներին...»:

– Դաժանություն մի արա,– ասաց ինքն իրեն և հիշեց Սերգոյի վճիտ աչքերը. «Այս աղջիկը սիրոս մտավ»,– Սերգոն համբուրեց լուսանկարը:

– Դաժանություն մի արա,– ասաց Սոսին:– Աղջկա բախտը մի կտորիիր:– Գլուխը կախ պտույտներ տվեց սենյակում:– Աշոտի նման քանի լավագույն է գարկվել, քանի երեխա է որբացել,– ասաց և իսկույն ընդվզեց ինքն իր դեմ: – Աշոտի նմանը չկա՛ր,– մոկտաց,– Աշոտը սրբացավ, երեխեքը որբացան: Մյուսների երեխեքին չեմ տեսել, չեմ գրկել. Ես եզոխտ եմ,– բղավեց, մոտեցավ հեռախոսին, համար հավաքեց:– Քնած չե՞ս...

– Սոսի՞,– ուրախացավ Վարուժանը:

– Արի ինձ ձեր տուն տար: Ես չորս պատերի մեջ կգժվեմ...

Սպասուհի ունեին, բայց տանտիկինը հյուրի պատվին ինքն էր գոլորշի արձակող ճաշի սպասքները ձեռքին աշխույժ ելումուտ անում խոհանոցից հյուրասենյակ, հյուրասենյակից խոհանոց՝ հետևից տանելով-բերելով բամբակի պես ճերմակ փոքրիկ շնիկին: Ճաշասեղանի մոտ նստած էին Սոսին, Վարուժանը, Սերգոն:

– Ինձ մի նայե՞ք,– ասաց տանտիկինը,– դուք սկսե՞ք, ես կգամ:

– Մենք ձեզ կսպասենք,– ասաց Սոսին:

– Հանգիստը կորցրել է,– ժպտաց Սերգոն:– Օրվա մեջ հարյուր անգամ կգնա-կգա, այս նկարի առջև կկանգնի, – նա գլխով ակնարկեց փոքրիկ, ոսկեգօծ շոջանակի մեջ առնված Հայկուշի նկարը:– Տիկնիկին անուն է դրել. «Միմի»:

– Այս ի՞նչ ուրախություն մտցրեցիք տունս:– Տիկինը մոտեցավ, այտը հպեց Սոսիի այտին:

Վարուժանն ու Սոսին իրար նայեցին: Գիշերը համարյա՝ անթուն լուսացրին, երկար տվեցին-առան, և Վարուժանը տրամաբանելով գտավ, որ «այս պարագային ճիշտը Աշոտի երկվորյակներին հոգեգավակ դարձնելն է»: Որոշեցին, որ ճաշի սեղանի շուրջ Վարուժանն է

բացելու խոսակցությունը, սկսելու է հեռվից, հարցնելու է Արցախյան պատերազմից, պատերազմի հերոս նահատակներից, և Սոսին պատմելով գալու հասնելու է Աշոտին ու Աշոտի որբացած երկվորյակներին: Եվ այդտեղ Վարուժանն ընդհատելու, է Սոսին և ասելու, «Գուցե Յայկանուշի փոխարեն այդ երկվորյակներին հոգեզավակ դարձնես, Սերգո: Իսկույն մի պատասխանիր, մի երկու օր մտածիր, նոր պատասխանիր»:

Վերջապես տիկինը նույնպես նստեց: Սերգոն բաժակ բարձրացնելով նայեց Սոսին.

– Բարով եք եկել իմ տունը,– ասաց:– Բարի լուրով եք եկել: Վարուժանն ասաց, որ ձեր ամուսինը տեսել է աղջկաս և հավանել է...

– Աշխույժ, սնդիկի պես երեխա է,– հայացքը փախցրեց Սոսին:

– Ուրիշ ի՞նչ ասաց,– ժպտաց տիկինը:

– Ասաց, որ ձեր արարքից բոլորն ուրախ են, որ հարազատներից ինամակալ է գտնվել...

– Չասա՞ց, բարձրահասա՞կ է, թե կարճ, գե՞ր է, թե նիհար: Նկարը երեք տարվա հնություն ունի...

– Սնդիկի պես շարժուն երեխան ինչո՞ւ պիտի գեր լինի, միջամտեց Սերգոն:

- Ուրիշ բան չասա՞ց,– Սոսիի հայացքից կախվեց տիկինը,

– Ասաց,– հոգոց հանեց Սոսին:– Ասաց, որ Աշոտն սպանել է:– Նա գոցեց աչքերը, և արտասուքի կաթիլը սահեց այտն ի վար:

-- Ի՞նչ Աշոտ...

– Ո՞վ է Աշոտը,– շփոթվեցին Սերգոն ու տիկինը:

- Աշոտը քաջորդի է, նրա վաշտն առաջինն է Շուշի մտել,– ասաց Վարուժանը:– Նրա ղեկավարած վաշտը միշտ հայտնվել է Արցախյան պատերազմի ամենաթեժ կետերում: Այդպես չի՞, Սոսի: Ու այդպիսի տղան, այդ առյուծի սիրտ ունեցող տղան սպանվի, ինչ-որ պոռնկածիկի արձակած գնդակից...

- Ճանաչո՞ւմ էիք,– Վարուժանից Սոսին հայացքը դարձրեց Սերգոն:

Սոսին գլուխը թափահարեց ու դժվարությամբ ասաց.

– Ընկերներ էինք:

– Ամա՛ն...– աչքերը գոցելով օրորվեց տանտիկինը:

– Երկվորյակների որբացան,– ասաց Վարուժանը: – Երեք տարեկան, լույսի պես պայծառ տղաներ են...

Վարուժանը նայեց Սոսին, լռեց և նրա հայացքի ու լռության իմաստն այն էր, որ Սոսին պատմի Աշոտի քաջություններից, երկվորյակների բարեմասնություններից, նկարագրի նրա ընտանիքի անելանելի վիճակը, որից հետո ինքը կանի իր առաջարկությունը: Բայց Սոսին ոչինչ չէր ասում, անձայն արտասվում էր:

– Այսպե՛ս,– վերջապես լռությունը խզեց Սերգոն, ելավ, մոտեցավ Յայկանուշի նկարին, նայեց, նայեց և դարձավ Սոսին.

– Չե՞զ բան պիտի խնդրեմ:

- Լսում եմ,- արտասուքը սրբեք Սոսին:
- Վերադարձին դուք երկվորյակների նկարն ուղարկեցեք:
- Կփակցնեմ Զայկուշի կողքին, թող դառնան բույր ու եղբայրներ...
- Սերգո ջան, Սերգո ջան, Սերգո ջան...- ասում էր Վարուժանն ու հեկեկում...

1993 թ.

ԼՈՒՍԱՎՈՐՉԻ ԿԱՆԹԵՂԸ

Տասնյոթ-քսան տարեկան տղաների ջոկատը Շուշիից իջնում էր Քարինտակ: Շուշիում հրամանատարը՝ 30-ին մոտ, կարշնեղ, կոճղի պես մի տղամարդ, որին բոլորն Արջ էին ասում, նրանց շարեց, գրեց անուն- ազգանունները, հարցրեց զբաղմունքը ու հենց ասացին զբաղմունքը՝ կորցրեցին անունները, ու մեկը կոչվեց Նկարիչ, մյուսը՝ Բանասեր, մյուսը՝ Շկոլնիկ... Եվ այդպես: Ամենածիծաղելին սև աչք-ունքով տղան էր, որ հրամանատարի՝ զբաղմունքի մասին հարցին պատասխանեց.

- Բառադի:

Շարքը քրքիջից խեղդվում էր, հրամանատարը՝ փորձված կռվող, մեղմ ժպիտով ունկնդրում էր նրանց մանկական ուրախությանը, և այդ ժպիտից քաջալերված, խումբն ավելի էր քրքրվում:

- Ծիծաղելու ի՞նչ կա,- դեմքը խոժոռեց Բառադին:

- Չգաստ,- անպասելի խստացավ հրամանատարը: Ջոկատը սսկվեց:

- Ինչի՞ բառադի, - հարցրեց հրամանատարը:

- Երրորդ մասում իմ համար բառադի ֆռֆռում էի:

- Պարզ է,- ասաց հրամանատարը, մի պահ էլ ժպիտը խաղաց նրա աչքերում և նորից խստացավ,- հրաման է տրված՝ զգաստ:

Ջոկատը ձգվեց: Հրամանատարը՝ գլուխը կախ մի քանի քայլ արեց, աչքի պոչով նայեց տղաներին, համոզվեց, որ ամեն ինչ կարգին է, կանգնեց, բացատրեց.

- Հիմա կիջնենք Քարինտակ, կծանոթանանք զենքի տեսակներին, կսովորենք օգտագործել, հետո՝ կերևա:

Աստծուն է հայտնի, թե տղաներից ով ինչ ճանապարհով է հասել Շուշի ու անդամագրվել կամավորների ջոկատին: Նրանցից մեկը նույնիսկ Սիրիայից էր եկել, հասել, և նրա ուսանող լինելը տղաները հաշվի չառնելով՝ կոչեցին Թմբլիկ: Ջոկատը կարելի էր իջեցնել ավելի հարմար ճանապարհով, որով հատուկենտ մեթենաներ էին գնում գալիս, բայց հրամանատարը նրանց տարավ մինչև ծնկները ձյունով ծածկված գառիթափով, և տղաներից յուրաքանչյուրը մտովի հրամանատարի արածը որակեց հիմարություն: Նրանք չէին հասկանում, որ դա իրենց առաջին փորձությունն է:

Չինվորական ղեկավարությունը հիմնականում Արշին էր վստահում նորելուկների մարտական առաջին մկրտությունը: Դա, երևի, ամենադժվար գործն էր, և դա նրան հաջողվում էր, ծանոթացնում էր զենքի տեսակներին, մի քանի օր զինվարժանքներ անում, տանում առաջին մարտին, տասնհինգ-քսան օր մնում հետները, նրանց հետ կռվում ու ջոկատը հանձնում նոր հրամանատարին:

Վայրեջքը դժվար էր: Առջևից Արշն էր գնում, երբեմն շրջվում, նայում տղաներին, նրանք դանդաղ էին շարժվում: Առաջինը չդիմացավ Թմբլիկը:

– Այս երկիրը անտրամաբանությունների երկիր է,– կանչեց, կանգնեց, թաշկինակով սրբեց ճակատի քրտինքը:--Յրեն ճանապարհը, մեքենաներն էլ անցուդարձ կանեն: Այնպես ավելի շուտ տեղ կհասնեինք, եղբայր...

Խումբը քիչ վեր, Արշը՝ ներքևում, կանգնած էին դեմդիմաց, և խումբը սպասում էր Արշի պատասխանին: Պատասխանեց Բառադին.

Տրոլեյբուս չե՞ս ուզում, Թմբլիկ...

Վայ քո մեռելը չտրաքի,– ասաց շեկլիկ տղան, որ հաստատ լեռնցի էր ու քայլելիս ետ չէր մնում Արշից, ափը ափին շրխկացրեց և նորից ցատկոտեց քրքիջը:

Արշը մեղմ ժպտում էր ու, երևի, այդ ժպիտն էր հավատ ու վստահություն ներշնչում տղաներին:

– Պնացինք,– ասաց Արշը:

Քրքիջից թեթևացան և շարժվեցին հրամանատարի հետևից: Միայն նկարիչն էր երբեմն կանգնում, վերացած հայացքով նայում այս ու այն կողմ:

– Ինչի՞ ես ոտքդ կախ գցում, նկարիչ,– իր առաջին սրախոսությունից ոգևորված ձայն տվեց Բառադին: Քեզ համար էլ մի մերսեդես չբերե՞մ...

– Գեղեցիկ է,– սթափվեց նկարիչը:

– Գեղեցկության ժամանակը չի,– ասաց Շկոլնիկը,– գնացինք:

Արշը նայեց Շկոլնիկին, կկոցեց աչքերը.

– Գեղեցկությունը ժամանակ չունի, տղա ջան: Գեղեցկության ժամանակը միշտ է: Կռվելիս էլ պիտի գեղեցիկ կռվես, որ շահես...

Յովհարային անջատում էր, համատարած ցուրտ ու խավար: Նկարչի հայրը կնոջ հետ խոսակցությունից խուսափելու համար շուտ պառկեց, վերմակը քաշեց գլխին: Կինը մաշիկները քստքստացնելով քիչ էլ այս ու այն կողմ արեց խոհանոցում, մոմը ձեռքին ննջարան մտավ, մոմակալը դրեց կավից պատրաստված խաչքարի մոտ, եկավ, պառկեց մահճակալին: Կինն առաջին անգամ մոմ դրեց խաչքարի կողքին, և դա անհանգստացրեց ամուսնուն, մոռացնել տվեց ձևական քնածությունը.

– Մոմն ինչո՞ւ վառ թողեցիր...

– Կարող է վերկենալ ենք ուզում, մի ճրագ չլինի՞: Ընկենք ջարդուխուրդ լինե՞նք...

– Բայց ինչո՞ւ խաչքարի կողքին դրեցիր,– համառեց ամուսինը:– Սեղանին ավելի հարմար էր...

– Մոմը պիտի խաչքարի կողքին լինի,– ասաց կինը: – Քնած էիր՝ քնիր:

Սկարիչ որդին խաբեց ծնողներին.

– Մեր խմբից հինգ հոգու Շուշի են ուղարկում Ետյուղներ անելու,– ասաց:

– Հայաստանում տեղ չկա՞ Ետյուղի համար,– չհասկացավ մայրը:

– Շուշին Հայաստան չի՞,– քթի տակ ժպտաց տղան ու մայրը լռեց:

– Ովքե՞ր են,– հարցրեց հայրը:

– Երկու տղա, երկու աղջիկ ու ես: Դու նրանց չես ճանաչում :

Աղջիկների ներկայությունը փոքր-ինչ հանգստացրեց մորը, բայց և ասաց.

– Յո՛ւրտ, ձմե՛ռ, ավերակվա՛ծ...

– Էստեղ ցուրտ, ձմեռ, ավերակված չի՞,– ասաց տղան:– Էստեղ գոնե Էլեկտրականություն կա:

– Էլեկտրականություն կա,– հաստատեց հայրը, որ լրագրողի իր աշխատանքի բերումով արդեն մի քանի անգամ եղել էր Շուշիում:

– Բա ես ի՞նչ եմ ասում,– ուրախացավ տղան:

– Ինձ լսես՝ գարնանը կգնաս,– ասաց մայրը:– Հիվանդացար՝ ո՞վ է տերդ...

– Հինգ հոգով ենք, իրար տիրություն չե՞նք անի...

– Զեք ասացին՝ վեր, գնա Շուշի,– չհանգստացավ մայրը:

– Չէ: Ասացին՝ Շուշիում հինգ տեղ կա, ովքե՞ր են ուզում: Մենք էլ ասացինք՝ մենք: Համ էլ Էստեղ նկարչական ստուդիա են բացել, երեխաների հետ պիտի պարապենք:

– Թող գնա,– ասաց հայրը:– Հիմա Էստեղ վտանգավոր չի:

– Հիմա ամեն տեղ է վտանգավոր,– ասաց մայրը: – Մարդ մթին վախենում է տնից դուրս գա:

– Առավել ևս,– ասաց հայրը:– Միայն ամեն օր, գոնե օրումեջ կգանգահարես: Հեռախոսային կապը լավ է աշխատում:

– Ոչ մի օրումեջ,– ասաց մայրը: – Ամեն օր:

Տղան մի անգամ զանգահարեց, ասաց, որ լավ են տեղավորվել, ասաց՝ Էս ի՞նչ պայծառ աշխարհ է ու Էլի հիացմունքի խոսքեր ասաց և այլևս հեռախոսազանգ չեղավ:

Խաչքարն այնպես էր դրված, որ կողքին վառվող մոմի լույսը տեսանելի էր միայն կնոջը: Որպեսզի ամուսինը այդ լույսը տեսներ, պետք է դեմքով շրջվեր կնոջ կողմը, բայց նա դա չէր անում: Չէր անում, որովհետև եթե կինը հասկանար, որ ինքը քնած չէ և խոսեր, իսկ խոսքն անպայման որդու մասին էր լինելու, այլևս չէր դիմանա ու կասեր ճշմարտությունը: Ըշմարտությունն այն էր, որ այսօր գնացել, հետաքրքրվել էր՝ ովքեր են տղայի հետ Շուշի մեկնել,

որպեսզի նրանց հարազատներից մի տեղեկություն իմանա: Պարզվել էր, որ ոչ ոք Շուշի չի գնացել և ընդհանրապես Շուշի գնալու մասին ինստիտուտում խոսք չի եղել: Հիմա հայրը գոց աչքերով մտաբերում էր վերջին ամիսներին տղայի վարքը, նկարում էր, գովում էին, բայց աշնանային մի օր մթնդած տուն եկավ, կողմ գցեց Եսոյուդներն ու փլվեց բազկաթոռին:

– Ի՞նչ է պատահել, – հարցրեց ինքը:

– Մեր վերջին կուրսի տղերքից մեկը Լաչինում զարկվել է, – ասաց տղան, չդիմացավ, երեխայի պես հոնգուր-հոնգուր լաց եղավ:

Մայրն եկավ, շոյեց տղայի գլուխը.

– Կռիվ է, բալես, կռիվն առանց զոհի չի լինում, – կռացավ, այտը համբուրեց:

– Հա, – անսպասելի ըմբոստացավ տղան: – Նրանք Էստեղ զարկվեն, մենք Էստեղ Եսոյուդ անենք...

Լրագրողի իր ականջը որսաց, ասում է զարկվեն, չի ասում զոհվեն: (Չարկվեր) բառի մեջ ավելի խոր իմաստ է դնում տղան:

– Ցավոք՝ պատահում է, – ասաց ինքը:

– Էդ ցավոք-մավոքը որ չեք ասում՝ մարդ քիչ է մտում գժվի, – բղավեց տղան: – Գոնե սուս մնացեք...

Մայրը մատը տարավ շուրթերին, իրեն գլխով խոհանոց կանչեց: Ինքն ու կինն անձայն նստեցին խոհանոցի մթության մեջ: Դիմացի շենքից երաժշտություն լսվեց, «խարոշի» տղերքն էին, այդպես էր թաղը նրանց անվանում, շուրջբոլորը ցուրտ ու խավար՝ Աստծուն էր հայտնի, թե որտեղից՝ նրանք միշտ լույսի ու լուսավորության մեջ, քեֆ էր, որ անում էին՝ ճաշակով, մակարոնակով, երգ ու պարով, ծափ ու ծիծաղով: Տղան նրանց դեռ մանկուց չէր սիրում.

– Մեխը վերցնես, գնաս դրանց մերսեդեսի պակրիշկեքը ծակես...

– Անվադող, – ուղղում էր ինքը:

– Նրանցը պակրիշկա է:

Ինքն ու կինը մտովի տղայի հետ էին և խոհանոցից ե-րաժշտությունը լսում էին ու չէին լսում: Տղան պոկվեց տեղից,, բացեց պատշգամբի դուռը, ձեռքը դիմացի շենքը պարզե-լով բղավեց. .

– Անասուններ՛ր... Անասուններ՛ր... Կալաշնիկովը վերցնես ու սրանց վերջը տաս...

Ապա հայրը հիշեց, նկարել սիրող տղան այլևս չէր նկարում՝ «Հավես չունեմ»: Ու հանկարծ՝ Շուշի, Եսոյուդները անելու: Հայրը հասկացավ, որ տղան գնացել է կռվելու...

Ուրիշ էին մոր մտքերը, նա նայում էր մոմի թրթռացող լույսին, և նրա խոսքը առ Աստված էր: Մի քանի օր առաջ էր գնացել ինստիտուտ, պարզել որդու սուտը և ամուսնուն ոչինչ չէր ասում: Հիմա արցունքներն աչքերից գլորելով Աստծուց ներողություն էր խնդրում, որ ամուսնուց թաքցնում է, որ սովորականի պես դեմքը հարդարում է, որ ժպտում, կատակում է ամուսնու հետ, որովհետև ամուսնու սիրտը թույլ է, իմանա՝ չի դիմանա: Նա հիմա մտածում էր, որ մի երեխան քիչ է, որ ինքը երեխա ծնել այլևս չի կարող: «Աստված, – մտովի շարունակեց

մայրը,– միակս է, միևնուճարս, գառնուկս»... Մայրը գեղեցիկ խոսքի ու մտքի վարպետ էր, բայց այս պահին ոչ մի գեղեցիկ խոսք մտքով չէր անցնում, ասվածը պարզ էր ու շիտակ. «Աստված, դու գիտես՝ իմ հող ու ջրի համար ուշքս գնում է, հող ու ջուրը, գիտեմ, արյունով են պահում, թե ապրեցնելու են՝ միասին ապրեցրու, թե տանելու են՝ երեքիս միասին տար...»: Արցունքները գլորվում էին, իսկ նա նույնիսկ քիթը վեր չէր քաշում, որ չարթնացնի ամուսնուն: Եվ ինքն իրեն, նույնիսկ Աստծուն չէր խոստովանում, որ հոգու հեռու-հեռավոր խորխորատներում հպարտ է իր որդու արարքի համար: Անկյունում, խաչքարի մոտ մարմանդ թրթռում էր մոմի լույսը:

Առավոտյան նկարչի հայրը մեկ ծխեց, երկու ծխեց ու վերջապես խախտեց խոհանոցի ցուրտ լռությունը:

– Ղափան գործուղման եմ գնալու: Մոռացա քեզ ասել: Կինը հարցական նայեց ամուսնուն:

– Թուրքերը նորից քաղաքը ռմբակոծել են, պիտի գրվի,– հայացքը փախցրեց ամուսինը:

Կինը գնաց, խոհանոց բերեց ամուսնու ճամփորդական պայուսակը ու սկսեց մեջը խցկել մսի պահածոներ, խտացրած կաթ, շաքարավազ, բրինձ, կոնֆետներ և էլի բաներ, որ փաթեթավորված էին, և ամուսինը չէր հասկանում, թե դրանք ինչ են:

– Ես ի՞նչ ես անում...

– Սահմանամերձ տեղ է,– մուրաբայի բանկան պայուսակի մեջ տեղավորելով խոսեց կինը,– ճանապարհը մեկ բաց է լինում, մեկ՝ փակ: Ո՞վ գիտի՝ ինչքան կմնաս:

Ամուսինը ծխախոտը հանձրեց, ելավ, մոտեցավ կախիչին, ցանկացավ վերարկուն վերցնել՝ կինը չթողեց.

– Սպասիր:– Գնաց, պահարանից հանեց ոչխարի դաբաղված մորթուց կարված մուշտակը:– Սա հագիր:

– Հյուսիսային բևեռ եմ գնում,– քթի տակ ժպտաց ամուսինը, մուշտակը հագավ:

Կինը գրկեց ամուսնուն, այտը հպեց այտին, պահեց ու անսպասելի ծնկեց ամուսնու դիմաց.

– Աղաչում եմ վերցրու, հետդ բեր...

– Ղափան եմ գնում,– կմկմաց ամուսինը:

– Ասա՝ մայրդ հիվանդ է, ծանր հիվանդ է՝ ձագուկս վազելով կգա,– արցունքները հոսեցին մոր աչքերից, ձայնը կերկերաց:

– Ես նրան չեմ խաբի,– խոժոռվեց ամուսինը:

– Ես չեմ կարող դերասանություն անել, հասկացիր,– համարյա շշուկով արտասանեց կինը:– Էլ չեմ դիմանում...

Անսպասելի աշխատեց խոհանոցի ռադիոն պարտեզանակ էր նվագում:

Մի շաքաթվա զինավարժանքներից հետո ջոկատը դիրքեր գնաց: Փոխարինելու էին կռվողներին: Նորեկների պատկերացմամբ կռվողները պիտի առնվազն Արջի նման պինդ, կոշտ ու

կոպիտ տղամարդիկ լինեին, բայց չէ՛ հենց իրենց տարիքին էին, միայն ավելի նիհար, անթրաշ, խանձված դեմքերով: Արջն ու հրամանատարը գրկախառնվեցին:

– Ինչ կա, – հարցրեց Արջը:

– Սովորական, – ասաց հրամանատարը: – Մեկ-մեկ վրա են տալիս:

– Կորուստներ՞ը...

– Մի սպանված, երկու վիրավոր: Ծխելու բան տուր:

– Ո՞վ էր,

– Հաթերքի տղերքից էր: Չես ճանաչի: – Հրամանատարը ծխախոտը վառեց, երանությամբ ներս ձգեց ծուխը, դանդաղ արտաշնչեց: – Ես անտերից շատ ենք նեղվում: – Նա վերուվար արեց մատների արանքում պահված սիգարետը:

– Նորություն ասա, – ժպտաց Արջը, դարձավ Բանասերին: – Ծխելու բան տուր տղերքին:

Հները վրա տվեցին: Տուփերը վերցնելը, բացելն ու ծխելը մեկ եղավ:

– Ինչո՞վ են խփում, – Արջը ցնցեց հրամանատարին, որ ծխելուց չէր հագնում:

– Մինամյոտ, տանկ, ԲՄՊ: Հաթերքցուն ԲՄՊ-ից խփեցին:

– Ուրի՞շ...

– Ջրամբարի կողմերը տեխնիկա է, որ կուտակում են: Նորեկները խմբվել էին Արջի շուրջը, ինչպես ճտերը՝ թխամոր, և ուշադիր լսում էին նրանց խոսակցությունը:

– Հարձակումներում օրինաչափություն կա՞...

– Այ տղա, դրանց հրամանատարը կամ շիզոֆրենիկ է, կամ էլ ուռում են. հենց փորները կշտանում է՝ վրա են տալիս: Վերևից թրաշում ենք ու վերջ:

– Ջահելներիս բան չունե՞ս ասելու, – հրամանատարին աչքով արեց Արջը:

– Ասեմ, – ժպտաց հրամանատարը: – Ուրեմն շատ չէ, մի երկու անգամ կարգին, տղամարդավարի վախենում եք, սպառում եք վախի ձեր բոլոր պաշարները ու դրանից հետո գործը գնում է...

– Ասել է Բեկոր Աշոտը, – վրա տվեց Բառադին:

– Սովորեցրե՞լ ես, – կոտր ընկած Արջին նայեց հրամանատարը: – Հլա չսովորեցնեիր, քեզ

Արջ կասեն:

Արջը քթի տակ խոխոտոցով ծիծաղում էր:

Շուշիում նկարչի հորն ասացին, որ կամավորներին Քարինտակում են վարժեցնում, Արջի ջոկատն է:

– Արջն անուն-ազգանուն չունի՞...

– Անուն-ազգանունով չես գտնի: Ասա՛ Արջ:

Քարինտակում ասացին,

– Արջի, ջոկատը... Բսան օր կլինի, չէ՞, որ Էստեղից գնացել են...

– Ո՞ր են գնացել:

- Ի՞նչ իմանաս:
- Ո՞վ կիմանա:
- Թե ասեն՝ Ստեփանակերտում կասեն:

Ստեփանակերտում գնաց թերթի խմբագրություն, հանդիպեց իր ծանոթին, չասաց, որ որդուն է փնտրում:

- Արջի մասին ակնարկ եմ ուզում գրել, – ասաց: – Օգնիր՝ գտնեմ:

Չինվորական տեղամասում ասացին.

- Արջն իր ջոկատով սարերում է: Էստեղ Արջից պակաս տղերք չկան, նրանց մասին գրիր:

- Հանձնարարություն է, – ասաց հայրը: – Արջի մասին պիտի գրեմ:

Գիտե՞ք ուր եք գնալու, հասնելու:

- Միևնույն է՝ պիտի գնամ:

- Առավոտյան եկեք, թե էն կողմերը գնացող մեքենա լինի՝ կուղարկենք:

Գիշերեց ծանոթի տանը, առավոտյան մութուկուսին ծանոթի հետ հայտնվեցին զինվորական տեղամասում:

- Քուններիդ չտարա՞վ, տնաշեններ, – ժպտաց մայրը, վերցրեց լսափողը: – Փարսադանով, – ասաց, – թղթակից է Երևանից եկել, Արջին է փնտրում: Թե էն կողմերը գնացող մեքենա ունես՝ թող հետները գնա: – Մայրը մատը սեղանին կտկտացնելով լսեց մի պահ: – Հասկացանք, – ասաց, – գոնե մոտերքը կհասնի՞... – Լսափողը վար դրեց, դարձավ եկվորներին: – Իջեք առաջին հարկ, կապիտան Փարսադանով:

Ձյունը շատ էր, բեռնատարը տնքալով էր գնում: Խցիկում չորսով էին՝ վարորդը, երկու զինվորական ու սկարջի հայրը: Հայրը փորձեց խոսեցնել.

- Կյանքներիդ ո՞նց է...

- Հարմար է:

- Կո՞ւշտ եք, սովա՞ծ եք...

- Չինվորի կյանք է:

Հասկացավ, որ իրեն խոսակից չեն՝ լռեց: Մեկ ժամ, երկու ժամ: Լեռան ստորոտին մեքենան կանգնեց:

- Իջիր, – ասաց վարորդը, ինքն էլ իջավ, բռնեց հոր թևը, ազատ ձեռքը պարզեց դեպի լեռնագագաթը:

- Էն ցից-ցից քարերը տեսնո՞ւմ ես... Էդ ուղղությունը բռնիր ու գնա: Հետ դառնալիս էլ էստեղ կապասես: Օրեկան մի քանի մեքենա գնում-գալիս են՝ քեզ կվերցնեն:

Հայրը հայացքով ուղեկցեց բեռնատարին մինչև անհետացավ տեսադաշտից, ապա շրջվեց, նայեց ցից քարերին.

– Քանի՞ կիլոմետր կլինի,– խոսեց բարձրաձայն: – Երե՞ք, չո՞րս, հի՞նգ,– ձեռքը թափ տվեց, պայուսակը ուսը գցեց ու քայլեց:

Տրտից ձյունը կարծր էր, ոտքերը չէին մխրճվում ձյան մեջ, բայց, միևնույն է, վերելքը դժվար էր՝ ժամանակ առ ժամանակ կանգնում էր և ամեն կանգնելիս շունչը տեղը բերելուց հետո անպայման խոսք էր ասում.

– Ետյուդ է անում: Տես, թե ուր է հասել շան լակոտը... Հաջորդ կանգնելուն ասաց.

– Ականջներդ ոլորելու եմ ու՝ հայդա տուն: Աղբյուր Սերոբիս, Արարոյիս, Գևորգ Չավուշիս նայեք...

Մյուս կանգնելուն ասաց.

– Ուսանող ես, ուսանողությունդ արա, քեզ իմ ես տանջանքը պե՞տք էր...

Տից քարերից ոչ հեռու դարձյալ կանգնեց.

– Չես սասկի,– ասաց ինքն իրեն,– մենակ թե բալեդ ողջ-առողջ լինի...

Լեռան գագաթը չհասած նորից կանգնեց, մուշտակի թևքով սրբեց ճակատի քրտիկները և այն է՝ խոսք էր ասելու, երբ անսպասելի ձայնից ցնցվեց.

– Կանգնի՛ր, կկրակե՛մ:

Նկարչի հայրը քարացավ, ապա դանդաղ պտտեց՝ հայացքը: Ոչ ոք չէր երևում:

– Ո՞ւմ եք ուզում...– նորից հնչեց ձայնը:

– Արջի ջոկա՛տն է..

– Արջի:

– Արջին եմ ուզում:

Ձյան շերտից պոկվեց սպիտակ թիկնոցով մեկը, ոտքի ելավ: Շկոլնիկն էր: Ավտոմատը առաջ պարզած մոտեցավ:

– Առաջ ընկեք, գնացինք:

Նկարչի հայրն առջևից, Շկոլնիկը հետևից՝ քայլեցին: Հայրն ուզում էր որդուց հարցնել սիրտ չէր անում, աշխատում էր հեռու մղել ուղեղում պտտվող բոլոր վատ մտքերը, բայց նրանք հեռու չէին մղվում, հակառակը՝ հետևում համարյա երեխա զինվորը առաջ պարզած ավտոմատով, նրա կտրուկ ու խիստ հրամանները, շրջապատի սարսափազդու լռությունը ավելի էին թանձրացնում ծանր մտքերը: Քիչ անց ցից քարերի մոտ ծուխ նշմարվեց, մարդիկ երևացին ու երբ ավելի մոտեցան՝ հայրը տեսավ որդուն: Շկոլնիկը օդում կրակեց: Հայրը տեսավ, թե ինչպես է տղան նայում իրեն, տեսավ, թե ինչպես աչքերը տրորեց ու քիչ առաջ մղվելով ավելի ուշադիր նայեց և պրկվեց տեղից: Հայրը վազեց որդուն ընդառաջ, ու նրանք գրկախառնվեցին:

– Դուք ձեր պաչ-պոռոշտին արեք, ես գնացի իմ պոստը:

Երբ ողջագուրման առաջին պահն անցավ, հայր ու որդի քիչ հետ քաշվեցին ու զննեցին իրար, լրագրողի նրա աչքն անվրեպ էր՝ հայրը հասկացավ, որ այս մի ամսում տղան տղամարդ է դարձել: Որտե՞ղ չքացավ միջի երեխան: Որդին հասկացավ, որ այս մի ամսում հայրը ծերացել է:

Լռությունը որդին խախտեց.

- Ինչի՞ տեսել...
- Եկել եմ քեզ տուն տանեմ:
- Լինելու բան չի,– խոժոռվեց տղան:
- Չայրը հասկացավ, որ լինելու բան չի, ենթարկվեց կնոջ հնարած ստին:
- Մայրդ հիվանդ է, ասում է՝ ձագուկիս բեր... Որդին շեշտակի նայեց հոր աչքերին.
- Երդվիր ինձնով:
- Չեմ երդվի,– հայրը փախցրեց հայացքը:
- Չասկացանք,– ասաց տղան:
- Կռվում եք,– շփոթմունքը թաքցնելու համար ասաց հայրը:
- Ըհը,– ասաց տղան:– Նրանք հարձակվում են, մենք հետ ենք մղում:
- Չայրը քիչ կկոցեց աչքերը, նայեց տղային.
- Մարդ սպանե՞լ ես...
- Եսի՞մ,– այս անգամ տղան փախցրեց հայացքը, լռեց մի պահ:– Առաջին թուրքին որ խփեցի, որ ընկավ՝ Էնպես վատ զգացի...– Տղան սեղմեց, ճտճտացրեց մատները:
- Կռիվ է,– ասաց հայրը,– դու չսպանես՝ քեզ կսպանեն:
- Ըհը,– աշխուժացավ տղան,– Շեկիկի խփվելուց հետո՝ էլ ի՞նչ վատ զգալ, ի՞նչ բան...
- Ձեր ջոկատի՞ց էր...
- Ըհը... ընկերացել էինք: Այ պապ, Էստեղ մի կզաքիս կա, գալիս, իմ ծոցն է քնում: Էնքան սիրուն է...– Ժպիտը բոցկլտաց տղայի աչքերում:– Մենակ թե՛ տեսես...
- Չայրը ժպտաց, չէ, երեխան դեռ որդու մեջ է:
- Մայրդ մեղք է,– ասաց,– արի տուն գնանք: Էլ չի դիմանում:
- Էդ մասին չխոսես,– միանգամից խստացավ տղան: – Քեզ մի բան եմ խնդրում...
- Ի՞նչ...
- Չասես, որ հայրս ես:
- Ամաչո՞ւմ ես, որ հայրդ եմ:
- Տղերքի ձեռքից չեմ պրծնի: Բանասերի պապան եկավ Զարինտակ, տղային գտավ, մինչև հիմա ձեռք ենք առնում մամայի բալա...
- Մամայի բալա չեք, պապայի բալա չեք, բա ո՞ւմ բալան եք, լակոտներ,– անսպասելի բռնկվեց հայրը:
- Պապ, մեկ է՝ չեմ գալու: Դու գնալու ես, ես սրանց բերանից չեմ պրծնելու:
- Լավ, եթե հայրդ չեմ, բա ո՞վ եմ...
- Ի՞նչ ես ասել, որ թողել են գաս հասնես Էստեղ,– քիչ մտածելուց հետո ասաց տղան:–
- Չո չե՞ս ասել՝ եկել եմ տղայիս տուն տանելու...
- Ասել եմ՝ լրագրող եմ: Եկել եմ Արջի մասին ակնարկ գրելու:

– Ըհը,– ուրախացավ որդին:– Լրագրող ես, հորս ընկերն ես, եստեղ հանդիպեցինք, եղա՞մ:– Տղան նայեց հորը, հասկացավ, որ հայրը կոտորվեց:– Ցավդ տանեմ,– համբուրեց հոր այտը, վերցրեց գետնին ընկած ուսապարկը: – Գնացինք:

Բլինդաժում տղաները տարակուսանքով զննեցին նորեկին:

– Հորս ընկերն է,– բացատրեց Նկարիչը,– եկել է Արջի մասին թերթում գրելու:

– Արջը քսանհինգ րոպեից կգա,– արտասահմանցու պարտաճանաչությամբ բացատրեց Թմբլիկը:– Պահակակետերն է ստուգում:

Հայրը նստեց անտաշ տախտակներից հապճեպ սարքված սեղանի մոտ, պտտեց հայացքը, հասկացավ, որ բլինդաժից դուրս եկող խրամատը դեպի դիրքերն է տանում, հայացքը շրջեց, տեսավ պատերի մեջ փորված դարակները՝ մեջը գիրք, մոմ, տափաշիշ, ավտոմատի պահեստատուփեր: Անկյունում իրար վրա շարված էին ներթնակներն ու քնապարկերը: Մեծ, կանաչ զինվորական թերմոսի մեջ պետք է որ ջուր լիներ:

– Մի բաժակ ջուր կարելի՞ է...

Տղան դարակից վերցրեց տափաշիշը, պարզեց հորը.

– Թարմ է, գիշերն եմ լցրել:

Հայրը ջուրը խմեց, մրսեց, կռացավ, ձեռքերը պարզեց բլինդաժի կենտրոնում ցցված վառարանին, մի պահ տաքացավ, ապա վերցրեց ոտքերի մոտ ընկած ճամպուրկը և սկսեց պարունակությունը շարել սեղանին:

– Պահո~,– կանչեց Բառադին,– որ հորդ ընկերը եսքան բան է բերել, բա որ հայրդ գար՝ ինչքան էր բերելու...

Տղաների քրքիշր ցատկոտեց բլինդաժում:

– Ջուր դնենք՝ թող եռա: Բրինձը կա, պահածոն կա, շիլա եմ եփելու,– ասաց Թմբլիկը:

Հոր բերած մթերքը կարծես ցրեց առաջին պահի կաշկանդվածությունը, և այս ու այն կողմից սկսեցին հարցեր տալ:

– Երևանի՞ց եք...

– Գազ, Էլեկտրականություն կա՞...

– Սեղանիկները մտո՞ւմ են...

– Հացի հերթերն էլի էնպես երկա՞ր են...

– Ի՞նչ են վառում...

Հայրը գլուխը կախեց, խոժոռվեց.

– Ծառերը... Շրջապատի ծառերը կտրում են ու վառում...

– Վա՛խ, վա՛խ, վա՛խ...– հոգոց հանեց Բառադին:

– Որ բանը ծառերին է հասել՝ դրությունը շատ լուրջ է, – եզրակացրեց Բանասերը:

Պինդ, կարշնեղ 30-ին մոտ տղամարդը բլինդաժ մտավ, և հայրը հասկացավ, որ Արջն է:

– Ծանոթացեք,– ասաց տղան,– լրագրող է, հորս ընկերն է, եկել է քո մասին թերթում

գրելու:

Արջն ու հայրը իրար ձեռք սեղմեցին:

– Իմ մասին ինչի՞ եք գրում, սրանց մասին գրե՞ք,– Արջը գլխով ակնարկեց տղաներին:

Հայրը չպատասխանեց, աչքերը կկոցելով երկար նայեց Արջին ու վերջապես ասաց,

– Դուք... Դուք քանդակագործ չեի՞ք...

– Ի՞նչ,– ականջներին չհավատացին այս ու այն կողմից:

«Քանդակագործ» բառը բերանից բերան անցավ: Արջը ժպտաց քթի տակ ու քիչ լռելուց հետո ասաց.

– Ինչո՞ւ էի... Հիմա էլ եմ քանդակում:

– Ի՞նչ եք քանդակում...

– Տղամարդ: Չե՞ք զգում ոնց են տղամարդացել էս երեխեքը: Ընկերոջդ տղայից չե՞ք զգում...

– Չգում եմ:

– Իմ մասին գրել պետք չի: Այ էս Բառադուլ մասին գրե՞ք՝ բվի տեսողությունն ունի, գիշերն աչքից բան կփախնի՞, Թմբիկի մասին գրե՞ք՝ հո նշանառու չի, Բանասերի մասին գրե՞ք՝ նրա նման հետախույզ շատ չի պատահում, ձեր ընկերոջ տղայի մասին գրե՞ք՝ առյուծի սիրտ ունի, ջոկատի հոգին է, մյուսներն էլ նրանցից պակաս չեն, ամեն մեկը մի կանթեղ տղա..

– Կանթեղ...– մրմնջաց հայրը:

– Լուսավորչի կանթեղը չե՞ք հիշում...

Լույս է տալիս երկար դարե,

Ու վառվում են միշտ անշեջ

Սուրբի մաքուր արցունքները

Յուղի տեղակ նրա մեջ,–

արտասանեց Արջը, շրջեց հայացքը:– Էդպես չե՞ր, Բանասեր... – Էդպես էր:

Մի պահ թախծոտ, սրտամոտ լռություն տիրեց: Հեռու հեռուներում ինչ-որ տեղ կրակեցին: Արջը նայեց ժամացույցին, ծալի զարկեց.

– Թռեք դիրքերը: Նրանց ճաշը պրծավ, հիմա շիզոֆրենիկը վրա է տալու:– Դարձավ նկարչի հորը.– Ձեր գնալու ժամանակն է:

Հայր ու որդի իրար նայեցին: Հայրը հոգոց հանեց.

– Ծնողներիդ ի՞նչ ասեմ...

– Ասա՛ հենց մեզ փոխարինեցին՝ մի քանի օրով կգամ;

– Իմ կողմից համբուրե՞ք Նկարչի հոր ճակատը, որ այսպիսի տղա է մեծացրել,– ասաց Արջը, նայեց բլիսդաժում մնացած մի քանի հոգուն, խստացրեց հայացքը:

– Դիր-քե-րը...

Մնացածների հետ տղան էլ գնաց:

– Գուցե մնա՛մ,– աղերսանքով Արջին նայեց հայրը: – Գուցե մի քանի պետք գա՛մ...

– Բացառված է,– ասաց Արջը, – Մի քիչ արագ իջե՛ք, մեքենաներին չհասա՞ք՝ կցրտահարվե՛ք: Աստված տա՛ կհանդիպենք:– Արջը սեղմեց հոր ձեռքը և գնաց տղաների հետևից:

Նկարչի հայրը ճամպրուկը մոռացած գնաց: Ու երբ հետևում մնաց լեռնագագաթը իր ցից քարերով, երբ հետ նայեց ու հասկացավ, որ իրեն այլևս տեսնող չկա՝ նստեց ձյան միջից դուրս պրծած կապույտ, պսպղացող քարին, գլուխն առավ ափերի մեջ ու մղկտալով լաց եղավ:

Դիրքերում Արջը մոտեցավ Նկարչին, մեղավոր ժպտաց. – Մի մոմենտ մտածեցի, թե հորդ հետ կգնաս: Կներե՛ս...

20. 1. 93

ԽԵՆԹԵՐԸ

վանդ Ահասնյանին
Վիկտոր Բալայանին

Գեղարդում, վանքի պարսպից քիչ հեռու, ձորահայաց բլուրին փոքրիկ մի գերեզման կա: Տապանաքարին՝ Ահարոնյան Սանդուխտ, տակը, փակագծերի մեջ՝ Էրզրում-Մարսել-Չայաստան: Չայրանունը չկա, ծննդյան ու մահվան տարեթվերը չկան, փոխարենը գերեզմանին հակված կաղամախենու դեղնակարմիր տերևներն են, որ ձորն ի վար սահող աշնան քամու շորշոփից թրթռում, տեղափոխ են լինում ու ասես չկամենալով՝ իրենց տեղը տապանաքարի վրա գիջում նորերին: Քիչ հեռվում երևում է վանքի գմբեթը՝ երկինք ձգտող խաչի իր աղերսանքով, ձորից հասնում է ծերացած, նվաղած գետի մրմունջը, որ գալիս հպվում է տապանաքարի ականջին: Տեսնես ի՞նչ է ասում...

– Բարև եղբայր:

– Բարև:

– Իմ անունը Երվանդ Ահարոնյան է:

– Իմ անունը Վիկտոր է:

Մարսելի հայկական եկեղեցու բակում էին: Երկու տաք, մարդամոտ հայացքներ նայում էին իրար:

– Ինչպե՞ս իմացար, որ հայ եմ,– ձեռքսեղմումից հետո հարցրեց Վիկտորը:

– Դյուրին գործ է,– ասաց Երվանդը:– Չայ եկեղեցու բակում հայի պիտի հանդիպես:

Երվանդը հիսունին մոտ էր, նիհար, բարձրահասակ, հայի քթով ու բեղերով, ակնոցն աչքերին, Վիկտորը՝ նրան հասակակից, նրանից փոքր-ինչ ցածր, խոշոր աչքերում՝ խոշոր ժպիտ:

– Կարող է՛ իտալացի եմ կամ իսպանացի,– կատակեց Վիկտորը,– նրանք քրիստոնյա չե՞ն...

- Է,- գլուխը ետ ձգեց Երվանդը:- Ես ձեզ երեկոյան սինեմայում տեսա:

- Իսկապէ՞ս,- ուրախացավ Վիկտորը:- Նկարը հավանեցի՞ր:

Յայաստանի կինեմատոգրաֆիստների փոքրիկ խումբը նախորդ օրը մարսելաբնակ հայերի համար ցուցադրել էր «Նահապետ» ֆիլմը:

- Շա-տ,- աչքերը գոցելով ժպտաց Երվանդը:- Տիկինս, քույրս, մայրս էլ շատ հավանեցան:

- Ուրախ եմ,- ասաց Վիկտորը, նկատեց եկեղեցու դռնից դուրս եկող իր ընկերներին, ցանկացավ ևս երկու խոսք ասել ու հրաժեշտ տալ, Երվանդը կանխեց.

- Քեզմե բան մը պիտի խնդրեմ:

- Լսում եմ,- ընկերներին ձեռքով նշան անելով՝ գործնական դարձավ Վիկտորը:

- Խանութս հոստեղեն հարյուր քայլի վրա է: Երթանք իմ խանութը, ես քու մազերը պիտի շտկեմ:

Վիկտորը ծոծրակը շփեց, ամաչե՞ց, չամաչե՞ց չափն անցկացրած իր մազերի համար:

- Երևանում չհասցրեցի,- արդարացավ:

- Յոգ չէ: Երվանդ Ահարոնյանը քեզի ամիթով չի ձգեր: Առաջարկը շատ էր անկեղծ ու անսպասելի, Վիկտորը դժվարանում էր պատասխանել: Այդ կացությունից դուրս բերեց ընկերների խումբը:

- Ծանոթացե՞ք,- ասաց Վիկտորը,- Երվանդ Ահարոնյանն է:

Երվանդը սեղմեց նրանց ձեռքերը՝ պրոֆեսիոնալի հայացքով վայրկենապես գնահատելով նրանց սանրվածքը.

- Անոնք վարսահարդարի կարիք չունին,- ասաց:

- Առաջարկում է գնալ իր խանութը, որ մազերս շտկի,- բացատրեց Վիկտորը:

- Ու դեռ մտածո՞ւմ ես,- ասացին ընկերները:- Երևանում գլուխ կգովես՝ Ֆրանսիայում են մազերս շտկել:

- Այո,- մատը ցցեց Երվանդը,- չպետք է զղջա:

- Յյուրանոցում կհանդիպենք,- ասացին ընկերներն ու Երվանդին ողջունելով հեռացան:

Վարսավիրանոցը կամ, ինչպես Երվանդն էր ասում, «խանութը», իսկապես հեռու չէր: Ոչ մեծ սրահում չորս-հինգ վարսավիրներ իրենց գործին էին, և նրանց մուտքը աննկատելի մնաց: Երվանդը ֆրանսերեն բան ասաց, վարսավիրները մի վայրկյան միայն կտրվեցին աշխատանքից, քաղաքավարի ժպտացին Վիկտորին ու շարունակեցին գործը:

- Նախ սուրճ խմենք՝ հետո՞ անցնինք մեր զբաղմունքին, թե՞...

- Սուրճը վերջում,- ասաց Վիկտորը:

- Ես իմ հասկացողությամբ պիտի շտկեմ, դուն ձայն չպիտի հանես,- նրան հայելու դիմաց նստեցնելով ասաց Երվանդը:

- Ես քեզ ծառա,- կատակեց Վիկտորը:

- Ոչ, ծառայողը ես եմ:

Երվանդը «ծառայեց», և Վիկտորն իմացավ, որ այն օրիորդը՝ քառասունն անց, նիհար, բարձրահասակ, Երվանդի Գոհար քույրիկն է, միասին են աշխատում, որ ծնողները Էրզրումից են գաղթել, որ մայրն ու քույրը միասին են ապրում, որ

– Մայրիկիս տունը հին էր, անհարմար էր, խաբեցինք, ուղարկեցինք Ամերիկա, մյուս քույրիկիս մոտ, քանի մը ամիս են վերադարձավ, իր տունը չճանցավ...

– Ինչո՞ւ չճանաչեց...

– Քիչ մը խնայողություն ունեինք՝ քանդեցինք, նորը շինեցինք,– խնդաց Երվանդը:

– Ուրախացա՞մ...

– Ինչ կսես,– գլուխը ետ տարավ Երվանդը:– Դու անոր գայրույթը պիտի տեսնեիր: Կմղկտար, իմ տունը լավ էր կսեր, ես այն տան մեջ ձեզ մեծցուցի:

– Մայրդ կա՞...

– Է հա... Չըսի՞, որ քույրիկիս հետ կապրին:

– Մոռացա, կներես:

Երվանդը Վիկտորի ականջի մոտ կռացած, համարյա շշուկով էլի բաներ պատմեց ու բերանի գո՞լն էր պատճառը, թե՞ արած պատմություններն էին տաք՝ Վիկտորն զգաց, որ ջերմություն է առնիքնում այդ մարդը:

Յետո սուրճ խմեցին, այցետոմսեր փոխանակեցին և հրաժեշտ տվեցին իրար: 1987 թիվն էր: Աշուն էր:

Երևանում Վիկտորը մի քանի անգամ հպարտացավ. «Մազերս Մարսելում շտկած են», և մազերի աճի հետ շտկվածությունն էլ մոռացվեց, շտկողն էլ, հետո ո՞վ էր Մարսելն ու նրա մարդամոտ վարսահարդարին հիշողը, երբ Թատերական հրապարակում առեղի մարդաշարժ սկսվեց ու իր արձագանքը տվեց Հայաստան աշխարհի ընդերքում՝ ավերելով քաղաքներ ու գյուղեր և անվանվեց «Տիեզերական երկրաշարժ»: Հայաստանի առօրյան երկրաշարժային էր: Անսպասելին հեռախոսազանգն էր:

– Վիկտորին եմ ուզում:

Կեսգիշերին մոտ էր, Վիկտորը նոր էր վերադարձել Սպիտակից՝ ջարդված սրտով ու մարմնով:

– Ես եմ:

– Բարև եղբայր...

– Բարև:

– Երվանդ Ահարոնյանն է:

– Երվանդ Ահարոնյանը: Մարսելեն... մազերդ շտկեցի...

– Հա՛... Ե՞րբ ես եկել:

– Արդեն երրորդ օրն է: Դեղորայք եմ բերած վիրավորներու համար:

– Երկա՞ր ես մնալու...

– Վաղը երեկոյան մեկնելու եմ:

– Բա չպիտի հանդիպե՞նք,– ավելի՛ քաղաքավարության համար ասաց Վիկտորը:
Չանդիպելու ոչ սիրտ կար, ոչ՝ ժամանակ:

– Անպայման, անպայման,– շուտասելուկով ասաց Երվանդը: – Դեռ շատ կարևոր խնդրանք մը ունիմ:

Պայմանավորվեցին, և առավոտ կանուխ «Վիկտորը մեքենայով մոտեցավ հյուրանոցի մուտքին: Երվանդն արդեն սպասում էր: Չին ծանոթներ էին՝ եղբայրաբար ողջագուրվեցին:

– Խնդրանք մը ունիմ,– անմիջապես գործնական դարձավ Երվանդը:

– Ասա:

– Կհասկնամ, որ ձեր այս վիճակում անպատեհ է խնդրանքս...

– Ասա:

-- Պիտի խնդրեմ միասին Գեղարդ էրթանք:

– Գեղա՞րդ...

– Մեծ մամիկիս շիրիմը պիտի քեզ ցույց տամ...

Վիկտորն, իհարկե, ոչինչ չհասկացավ, բայց տաքսի-տաքսիով մարդ էր՝ չկարողացավ մերժել.

– Գնացի՞նք:

Ճանապարհին Երվանդը պատմեց եղելությունը Երզրումում ծնված և Մարսելում իր մահկանացուն կնքած Երվանդի տատը մի երազանք է ունեցել՝ թաղվել Չայաստանում: Չի իրականացել: Երվանդի հայրը մի ցավ է ունեցել, չի կարողացել կատարել մոր խնդրանքը և մահվան մահճում վերջին խոսքն է եղել. «Մորս փափագը չկատարվեց»...

Գիտե՞ս ինչ դարդ փոխանցեց ինձ հայրս... – Չասկանում եմ:

– Երբ հայ համայնքում ըսին ղեղորայքը ուղեկցող է պետք՝ ինձ անմիջապես մեջտեղ նետեցի:

– Պարզ է,– Չենց այնպես ասաց Վիկտորը:

– Մեծ մայրիկիս աճյունն ամփոփեցի արկղի մեջ, վերցրեցի հետս...

– Չա՛...– վերջապես գլխի ընկավ Վիկտորը:

– Ղեղորայքը չէին ստուգում: Այլապես երկու կառավարություններու համաձայնությունն էր պետք: Իսկ այսպես՝ հայդե բաբամ, եկանք հասանք հայրենիք...

– Գեղարդ ինչպե՞ս հասար...

– Իբրև տեսարժան վայր՝ երեկ բերին, վանքը ցուցադրեցին: Արկղը վերցուցի հետս: Մեծ չէր, այսքան բան էր,– Երվանդը ցույց տվեց արկղի չափը:

– Ապրես,– զգացվեց Վիկտորը:

– Չապա ինչպե՞ս,– հպարտացավ Երվանդը:– Մինչև մյուսները վանքի վեր ու վարը կուսումնասիրեին՝ պարիսպեն դուրս ելա, փոքրիկ փոս մը գտա, արկղը տեղավորեցի մեջը, մատներով ճանկռեցի, հող ու քար լեցուցի վրան...

– Սիրտդ հանգստացա՞մ...

– Հապա ինչպե՞ս... Վանք մտա, հիշատակի մոմ վառեցի...

– Հողը թեթև լինի...

– Այստեղ հարազատ մեկը չունիմ, կուզեմ որ մեկ իմանա մեծ մամիկիս շիրիմի վայրը...–

Երվանդի ձայնը՝ կերկերաց, նա հայացքը թեթեց՝ թաքցնելով, համար աչքերի արտասուքը:

– Զեզ հետ եղողները չիմացա՞ն...

– Ոչ: Բարդություններ են խուսափեցի:

Մեքենան ճանապարհի կեռմաններն էր հաղթահարում և ամեն մեկն իր մտքերին՝ լռում էին: Միայն մի անգամ վարորդը շրջեց գլուխը, նայեց Երվանդին ու ասաց.

– Ցավդ տանեմ...

Հայ ենք՝ տարին մի անգամ լինում ենք Գեղարդում՝ կնունք է, հյուրեր են, բան են: Մի խոսքով: Ամեն գնալիս Վիկտորն ու վարորդը դաշտային ծաղիկներ էին պոկում, դուրս ելնում վանքի պարսպից, գնում կանգնում էին մեծ մամիկի շիրիմի մոտ, լռում, ապա վանք մտնում ու մոմ վառում հոգու հանգստության համար: Հերթական մի այցելության ժամանակ Վիկտորն ասաց.

– Եսպես չի լինի: Հարկավոր է քար դնենք տատի գերեզմանին:

– Ամեն անգամ ուզում էի ասել ամաչում էի,– ամոթխած ժպտաց վարորդը:

Որոշեցին, և ինքը, վարորդը ու մի քանի ընկեր տղերք մի ամսում գլուխ բերեցին այդ գործը: Շիրիմին մեքենայով մոտենալն անհնար էր՝ ամեն ինչ ձեռքերով էին տանում-բերում: Վանքի աշխատողները, որ սկզբում չէին հասկանում ինչ է կատարվում՝ իմանալով հաշտվեցին վանքի հարևանությամբ գերեզմանի ներկայության հետ, միայն չկարողացան զարմանքը զսպել ու Վիկտորի մասին ասացին.

– Խենթ է այս մարդը:

Աշխատանքի ավարտին քահանա հրավիրեցին:

– Ո՞վ է հանգուցյալը,– հարցրեց քահանան:

– Մեր տատն է,– պատասխանեց Վիկտորը: Քահանան օրհնեց գերեզմանը, խունկ ծխեց:

Պատմությունն այս գուցե այստեղ էլ ավարտվեր, եթե դարձյալ մի երեկո չինչեր հեռախոսի զանգը.

– Վիկտորին եմ ուզում:– Կանացի ձայն էր: Հարսը Վիկտորին հեռախոսի մոտ կանչեց:

– Գոհարն եմ,– ասացին,– Մարսելեն: Երվանդ Ահարոնյանի քույրիկը:

– Հա... ուրախ եմ:

– Ղարաբաղի երեխաներու համար օգնություն ենք բերել: Սնունդ է:

– Լավ եք արել: Շատ լավ եք արել:

– Ես ձեզ Մարսելում եղբորս խանութում եմ տեսել: Ինձ հիշեցի՞ք:

Վիկտորն, իհարկե, չէր հիշում, բայց ասաց.

– Հիշեցի, ինչպե՞ս չհիշեցի:

– Եղբայրս ինձ ըսավ, որ մեծ մամիկիս շիրիմի տեղը միայն ձեզ է հայտնի.

– Հայտնի է:

– Պիտի խնդրեմ, որ այդ տեղն ինձ ցույց տաք: Պայմանավորվեցին, հանդիպեցին: Ճանապարհին Գոհարը պատմեց, որ Մարսելի հայ համայնքը օգնությունն ուղեկցող պիտի ընտրեր.

– Ես ինձ իսկույն մեջտեղ նետեցի:

– Լավ արեցիք:

– Հայրենիքում չէի եղած և հետո ալ մեծ մամիկիս շիրիմին այցելելու խնդիրը կար: Այս առիթը ես պիտի չկորսնցնեի:

Գերեզմանի մոտ Վիկտորը, Գոհարը, վարորդը կանգնեցին, լռեցին, բայց Գոհարի հայացքը, գերեզմանին չէր, շիրիմից դուրս ուրիշ բան էր փնտրում: Վերջապես Գոհարը չդիմացավ.

– Այս ո՞ւմ գերեզմանն է:

– Տատիս,– ասաց Վիկտորը:

– Ձեր տատի:

– Իմ:

– Աստված հոգին լուսավորի,– ամոթխած ժպտա Գոհարը:– Հիմա պիտի խնդրեմ իմ մեծ մամիկի շիրիմի տեղը ցույց տաք:

– Այս է,– քթի տակ ժպտաց Վիկտորը:

Գոհարը նախ չհասկացավ ու ավելի ուշ, երբ գլխի ընկավ՝ շփոթվեց.

– Ամա՛ն,– ասաց:

Վարորդն օգնեց, որ նա նստի ցանկապատին կից փոքրիկ նստարանին:

– Ամա՛ն,– ասում էր, օրորվելով ժպտում ու աչքերից, սահեցնում արտասուքը:

Ապա տեսախցիկով գերեզմանը վերևից նկարահանեց, վարից նկարահանեց, կողքից նկարահանեց: Տեսագրում էի ու հարցնում.

– Ո՞վ կառուցեց այս գերեզմանը՝ պետությունը կառուցեց, եկեղեցի՞ն կառուցեց, բարեգործակա՞նը...

– Թոռները կառուցեցին,– վերջապես չդիմացավ վարորդը:

Գուցե և այսպես ավարտվեր այս պատմությունը, եթե մի գիշեր չինչեր հեռախոսազանգը.

– Մարսելեն Երվանդ Ահարոնյանն է: Վիկտորին եմ ուզում:

– Վիկտորը տանը չի,– ասաց հարսը:

– Ո՞ւր է: Գոհարը, տեսաերիզները բերեց, մեզ խենթացրեց: Կուզեմ երախտիքս հայտնել...

– Վիկտորը հիվանդանոցում է...

Յեռախոսով արտասուքը երևո՞ւմ է, Երվանդը տաքսիրտ էր, հաստատ տեսավ հարսի աչքերի արտասուքը:

– Ի՞նչ է պատահեր,– բղավեց,– ինձ ըսե՛ ի՞նչ է պատահեր:

– Սրտի ինֆարկտ է... Երկրորդ ինֆարկտն է,– քիչ ուշացումով ասաց հարսը:

– Ե՞րբ պատահեց, ինչպե՞ս պատահեց...

– Առաջինը երկրաշարժից հետո,– քիթը վեր Քաշեց հարսը,-- երկրորդն էլ Ղարաբաղի էս դեպքերից հետո...

– Բժիշկներն ի՞նչ կսեն:

– Ասում են՝ շատ վատ է:

Մարսելում լռում էին, Երևանում լռում էին: Վերջապես Մարսելը խոսեց.

– Ձեր երկրում բժշկություն չկա, ջանմ, հայտնի բան է...

– Չկա,– հոգոց հանեց հարսը:– Ձեր գանգի մասին իրեն կհայտնեմ:

– Սպասե,– բղավեց Երվանդը,– թող խորհիմ:

– Խորհելու բան չկա,– ասաց հարսը:– Ասում են՝ վեց ամիս կապրի կամ չի ապրի...

– Աղջիկ, - ավելի բարձր բղավեց Երվանդը,– խելքդ գլուխդ հավաքե,– լռեց, սպասեց:–

Յավաքեցի՞ր:

– Յավաքեցի:

– Երևան-Փարիզ ուղերթը գիտե՞ս... Ամեն հինգշաբթի:

– Գիտեմ:

– Այսօր կիրակի է: Դուն հինգշաբթի Վիկտորին հիվանդության նկարագիրն ինձի ուղարկե: Կոլտաս օդաչուին հասկցա՞ր...

– Յասկացա;

– Առայժմ իրեն ոչինչ մի հայտներ, հասկցա՞ր..

– Յասկացա:

– Յինգշաբթի օդանավը ես պիտի դիմավորեմ:

Աղմուկը հիվանդանոցում սկսվեց.

– Ախր, քեզ ո՞վ է խնդրել նրա հետ եղ մասին խոսել,– չէր հանգստանում Վիկտորը:

Յարսը գլուխը կախ լռում էր:

– Գիտե՞ս եղ բուժումը Էնտեղ ինչ արժի... Յարսը գլուխը կախ լռում էր:

– Նա ինչի տեր է՝ մի սովորական վարսավիր... Էլ գնալ-գալու ծախսը չեմ ասում...

– Յիմա ի՞նչ անեմ,– վերջապես խոսեց հարսը:–Տոմսը վերցված է, վիզան՝ ուղարկված...

– Վիզան ուղարկված,– հեզնեց Վիկտորը:– Ձեզ ով է խնդրել իմ առողջության հարցերը դուք որոշեք...

– Փաստը մնում է փաստ,– միջամտեց կինը:– Յինգշաբթի Փարիզում քեզ դիմավորելու է:

– Է,– գլուխը խռոված շրջեց Վիկտորը:– Ի՞նչ եք ինձ անհարմար վիճակի մեջ գնում:–

Լռեց, լռեց:– Գոնե մի անգամ հետս խոսեիք:

– Ինքն ասաց՝ չասեք:

– Շատ բան ասաց,– բղավեց Վիկտորը: – Ինձ վերաբերող բանը ես չիմանամ...

– Քեզ հուզվել պետք չի,– ասաց կինը:

– Չհուզվելո՞ւ բան եք արել...

Կինը հարսին աչքով արեց, և նրանք առանց ծպտունի հիվանդասենյակից դուրս ելան:

Վիրահատության յոթերորդ օրը Վիկտորին հիվանդանոցից դուրս դրեցին: Արևոտ, պայծառ օր էր:

– Մորս տանը պիտի ապրիս,– ասաց Երվանդը:– Իմ տունը աղմուկը շատ է՝ երեխաներ, երաժշտություն, հեռուստացույց... Քեզ հանգիստ է պետք:

– Ոնց կասես,– ասաց Վիկտորը:– Ինձ մնա՛ վաղը Երևան կվերադառնամ:

– Ծո խենթ է սա տղան,– կանչեց Երվանդը:– Բժիշկն ասավ քեզ ամենաքիչը տասը օր հանգիստ է պետք:

– Ինձ ի՞նչ է եղել,– ժպտաց Վիկտորը:– Բողկի պես առողջ եմ:

– Գոհար,– հրճվանքով կանչեց Երվանդը:– Սա հայաստանաբնակները ամբողջովին խենթ են...

– Ինչո՞ւ...

– Կսե՛ բողկի պես առողջ եմ: Բողկն ի՞նչ է, ծո, կուտես, պետքարան կերթաս...

Վիկտորը հասկանում էր՝ Երվանդի ուրախությունը չէր զսպվում, դրսում էր, Գոհարինը՝ ներսում:

– Ամոթ է, ի՞նչ կմտածե Վիկտորը:

– Ասե՛մ ինչ կմտածեմ:

– Է, - Երվանդի աչքերից զվարճությունը կաթում էր:

– Լացս զսպեմ ու ձեր ցավը տանեմ կմտածեմ,– Վիկտորը ձգվեց ու համբուրեց Երվանդին ու Գոհարին:– Հասկացա՞ք ինչ կմտածեմ...

– Մենք ցավ չունինք,– ասաց Գոհարը:– Մեր ցավը դուն էիր, ան ալ Աստծո օգնությամբ վերջացավ:

Դեռ հիվանդանոցի մուտքի մոտ էին, քամին ծովից գլուխ, պտտեցնող բույրեր էր բերում, բայց ավելի գլուխ պտտեցնողը եղբոր և քրոջ անթաքույց ուրախությունն էր:

– Գիտե՞ս բժիշկն ինչ ըսավ,– Վիկտորի թևը ցնցեց Երվանդը:

- Ի՞նչ:

– Հարցուց՝ ի՞նչ մասնագետ է, ըսի՛ գրող է: Ըսավ՝ որ էշ ծնվեր, այս պրորբեմը չէր ունենար...

– Խայտառակ...– խտխտոցով ծիծաղեց Գոհարը:

Հիմա Վիկտորը ննջարանում պառկած մտաբերում էր այս ամենը, և մտքերը հաստատ շարունակվելու էին, եթե հյուրասենյակից հանկարծ ձայներ չլսվեին: Վիկտորը հասկացավ, որ

հարևանուհի Սրբուհին է եկել Երվանդի մայրիկի մոտ ու զրույց են սկսել: Եվ որովհետև երկուսն էլ ութսունն անց էին ու ծանրականջ՝ նրանց ձայները շատ էին բարձր ու պարզորոշ ննջարան հասնող.

– Հիվանդին բերեցի՞ք:

Սրբուհին էր:

– Բերեցի՞նք:

- Բարեհաջող անցա՞վ...

– Աստծու օգնությամբ:

– Սո՞ւղ նստեց այդ ամենը...

Չարդ մայրիկը հագաց.

– Սուղ էր:

- Այդ քո Երվանդը խենթ է, ջանմ: Ի՞նչ կարողության տեր է, որ այդպիսի ծախսերի տակ ընկավ: Հա՞յրն էր, եղբա՞յրն էր, ով էր այդ մարդը...

– Հայրը միշտ կսեր՝ Երվանդիս խենթությունը կըսիրեմ...

– Ժամանակը փոխվեր է, – առարկություն չընդունող ձայնով ասաց Սրբուհին, – խենթերի աստեն անցավ...

Վիկտորը ցանկացավ գոռալ՝ «Ու-չ... խենթերը ժամանակ չեն ճանաչում»...– Փոխարենը՝ վերմակը քաշեց գլխին ու փղծկաց...

Գեղարդում վանքի պարսպից քիչ հեռու, ձորահայաց բլուրին, փոքրիկ մի գերեզման կա: Քիչ հեռվում երևում է վանքի գմբեթը՝ երկինք պարզած խաչի իր աղերսանքով, ձորից հասնում է ծերացած, նվաղած գետի մրմունջը, որ գալիս, հպվում է տապանաքարի ականջին: Տեսնես ի՞նչ է ասում...

24. 4. 93 թ.

ԾՆՈՒՆԴ

Չոյա Թորոսյանին

Չնայած հակամարտող կողմեր էին, Շուշվա ու Ստեփանակերտի հրամանատարական կետերից երբեմն ռադիոկապով խոսում էին իրար հետ. սպանվածների փոխանակության հարց էր լինում, գերիների փոխանակության հարց, և խոսակցությունը ռուսերեն էր լինում: Կողմերը, իհարկե, տիրապետում էին միմյանց լեզուներին, իրար մեջ էին մեծացել, բայց հիմա, երբ դարձել էին թշնամիներ, պատերազմի լեզուն ռուսերենն էր: Եվ երբ կեսգիշերին Ստեփանակերտի հրամանատարական կետում աշխատեց ռադիոկապը, ու Շուշվա հրամանատարական կետից

խոսակցության հրավիրեցին հայկական կողմի հրամանատարին, հերթապահը զարմանքից խոշորացրեց աչքերը.

– Վահ, հայերեն են խոսում...

Ոչ մեծ սենյակը ծխաշատ էր և, ինչպես միշտ, այդ ժամին զինվորական ղեկավարներն ամփոփում էին պատերազմական օրվա արդյունքներն ու վաղվա անելիքները:

– Ձեզ են ուզում, հրամանատար,– ասաց հերթապահը: Հրամանատարը նայեց ժամացույցին, դեմքին տարակուսանքի նշան հայտնվեց, ելավ, մոտեցավ ռացիային.

– Սլուշայու,

– Մամեդովն է, հրամանատար,– ասացին այն կողմից, և նրա հայերեն խոսելուց հրամանատարը հասկացավ, որ արտակարգ բան է պատահել:

– Ի՞նչ կա, Մամեդով...

– Չինվոր լինելուց առաջ մարդ ենք եղել, չէ՞...

– Եսիմ,– հոգոց հանեց հրամանատարը,– Էսօր «գրադից» 26 զալպ եք տվել մեր խաղաղ բնակչության գլխին:

Այն կողմը մի պահ լռեց: Հրամանատարը լսեց, թե ինչպես լսափողում բեկբեկվեց Մամեդովի շնչառությունը:

– Խոսքս դրա մասին չի, հրամանատար,– ասաց Մամեդովը:

– Ինչի՞ մասին է...

– Կինս մեռնում է, օգնիր:

– Կի՞նդ...

– Ծննդաբերում է: Մեր բժիշկները գլուխ չեն հանում...

Հումորի զգացողությունը հրամանատարին երբեք չէր լքում.

– Ես գլուխ կհանե՞մ...

– Ղարաբաղի ամենալավ ակուշերը ձեր մոտ է: Անունը՝ Չոյա...

- Հա~..

– Մարդ ենք,– Մամեդովի ձայնը կերկերաց,– առաջին երեխաս է...

- Կստացվի՞ որ,– ասաց հրամանատարը:– Երկու օր առաջ դուք ծննդատունը հրետակոծել եք:

– Պիտի ինքը գա, ինքը... Կնոջս տեղափոխելը, ասում են, անհնար է:

– Ինքը՞,– զարմացավ հրամանատարը :

– Ոսկու մեջ կկորցնեմ,– ասաց Մամեդովը:

– Հո մենակ ոսկով չի՞,– հրամանատարը մռայլվեց, լռեց մի պահ:– Ի՞նչ իմանամ՝ ո՞րչ է վիրավոր՞ն էր քո ասած ակուշերը...

– Իմացիր, աղաչում եմ, իմացիր: Ժամանակ չկա:

– Ընդունենք՝ իմացա: Բայց կգա՞...

– Համոզիր, աղաչում եմ, համոզիր: Մորս, քրոջս կբերեմ ձեզ մոտ, պատանդ կթողնեմ:

- Նախ՝ պիտի ինքս ինձ համոզեմ, – ձայնը խստացրեց հրամանատարը:
- Տղամարդ ենք՝ հենց հիմա չոքեմ դիմացդ, ինդրեմ...
- Մի քանի րոպեից կապնվիր:
- Ես կապը չեմ անջատում: Սպասում եմ, հրամանատար, սպասում եմ...

Ամուսինն ու երեխաները քնած էին: Չոյան ճաշ էր եփում: Առաստաղի տակ, անկյունում, քամուց խշխշում էր ցելոֆանը: Մի քանի օր առաջ Շուշիից գիշերով հրետակոծել էին, արկը «թրաշելով» պոկել էր խոհանոցի վերին անկյունը: Անձրևից, քամուց պատսպարվելու համար դրսից՝ տանիքի տակից, ցելոֆանով ծածկել էին: Ամեն աչքն ընկնելիս Չոյան փառք էր տալիս Աստծուն, որ հենց այդ տեղին է դիպել արկը: «Բա որ մի քիչ էս կողմ կաներ...»: Հիմա նա ճաշի մեջ լցնելու համար գինձն ու սամիթն էր մանր կտրատում և հիշում այսօրվա ընդունած ծնունդները, երեք տղա, երկու աղջիկ: Բոլորն էլ Ստեփանակերտից: Առաջ, երբ խաղաղություն էր, կողքի շրջաններից էլ էին բերում, բայց հիմա ո՞նց բերեն: Մի ժամանակ համոզված էր, որ «տատմեր» մասնագիտությունը վերացել է և, գուցե, այդպես էր: Բայց, ահա, պատերազմի այս երեք տարիներին գյուղերում թե տատմեր էին՝ տատմեր դարձան ու հո ծնունդներ չեն ընդունում... Մահացության ոչ մի դեպք Չոյայի ականջին չէր հասել: Նա միշտ հպարտությամբ էր ասում. «Կեցցեն Ղարաբաղի տատմերները և զայրանում ծննդատան պայմաններից բողոքող բուժանձնակազմի վրա: Բա գյուղի տատմերներն ի՞նչ ասեն: Նրանք կրեմլյան ծննդատանն են ծնունդ ընդունում...»: Իսկ Ղարաբաղի կանայք թթել են պատերազմի ու դժվարությունների վրա՝ ծննդաբերում են: Եվ դա Չոյայի ամենամեծ հրճվանք-ուրախությունն էր:

Չոյան կտրտված կանաչին լցրեց ճաշի մեջ, խառնեց, ցանկանում էր աղիությունը որոշելու համար համտես անել հեռախոսը զանգահարեց: Գդալը կողմ դրեց, գնաց վերցրեց լսափողը:

- Շտաբից է, – ասացին:
- Շտաբի՞ց... – ականջին չհավատաց Չոյան:
- Ձեր կարիքն է զգացվում:

Չոյայի հումորի զգացողությունը նույնպես տեղն էր.

- Շտաբում էլ են ծննդաբերո՞ւմ...
- Շուշիում են ծննդաբերում:
- Չհասկացա...

Չոյային բացատրեցին եղելությունը:

- Ոչ ոք ձեզ չի ստիպում: Ինքներդ որոշեք...
- Որոշելու բան չկա, պիտե գնամ:
- Էդպիսի տղամարդ կի՞ն – եք, – զարմացան շտաբից:
- Տղամարդ չեմ: Կին եմ:
- Մորն ու քրոջը կբերի, պատանդ կթողնի:

- Ինձ պատանդ պետք չի:
- Ինչքա՞ն ժամանակից գանք...
- Կես ժամից:
- Մեքենան կքշենք, կբերենք ուղիղ ձեր տան մոտ:
- Ո՞ւմ մեքենան:
- Մամեդովի:
- Ոչ, ասաց,- Չոյան,- Եղ եր պակաս, որ նա իմ տան քանդված լինելը տեսի:

Ստեփանակերտից Շուշիին ասացին.

- Եկեք:
- Ե՞րբ...
- Յենց հիմա:
- Մորս ու քրոջս վերցնում եմ հետս:
- Պետք չի: Ինչո՞վ եք գալու:
- Վոլգայով: Ձերոնց ասեք՝ չխփեն:
- Չեն խփի:
- Որտե՞ղ ենք հանդիպում... Քաղաքի մուտքի մոտ:

Չոյան քիչ աղ ավելացրեց ճաշին, գնաց, արթնացրեց ամուսնուն.

- Արթնացիր,- դիպավ ուսին:
- Գիշերվա անակնկալներին սովոր էին՝ ամուսինը միանգամից ելավ, նստեց անկողնում.
- Բա՞ն է պատահել...
- Գնում եմ ծննդաբերություն ընդունելու,- Չոյան միացրեց ննջասենյակի լուսամփոփը:
- Բա ասում էիր՝ գիշերը ծնունդ չի լինի...
- Անսպասելի եղավ:

Նա անցավ զգեստապահարանի դռան ետևը, զգեստափոխվեց և երբ դուրս ելավ դռան ետևից՝ ամուսինն աչքերին չհավատաց.

- Ծննդատուն ես գնո՞ւմ, թե՞ հարսանիք...
- Գնում եմ Շուշի:
- Ո՞ւր...
- Ծննդկանը Շուշիում է:
- Ո՞վ `...
- Մամեդովի կինը:
- Էն արնախումի՞...
- Արնախումի:

Ամուսիններն իրար լավ գիտեին՝ իրենց ասածն արած էր: Ամուսինը ելավ, հագնվեց, անցավ ճաշասենյակ, ծխախոտ վառեց: Քիչ անց ճաշասենյակ մտավ կինը.

– Տեսքս ո՞նց է...

– Լավ է:– Ամուսինը, որ գլխիկոր քայլում էր սեղանի շուրջը, զսպեց իրեն, գնաց, ընկղմվեց բազկաթոռում:– Ճի՞շտ ես անում, որ գնում ես:

– Ճիշտ եմ անում:

– Հո թեզ չպիտի՞ բացատրեմ, թե ուր ես գնում...

– Բացատրել պետք չի,– Չոյան մոտեցավ, ևստեց մյուս բազկաթոռին, ամուսնու դիմաց, և նրանք աչքերով մխրճվեցին միմյանց մեջ ու անձայն խոսեցին:

Ամուսինն ասում էր. «Այ խելառ, դու հասկանո՞ւմ ես՝ ի՞նչ ես անում: Որ անհաջող եղավ, ախր, թեզ նրանք էնտեղ կշորթեն: Իսկ եթե Աստծո օգնությամբ հաջող լինի՝ ո՞նց ենք պրծնելու քաղաքի բերանից՝ գնացել մեզ ու մեր երեխեքին կոտորողի կնոջ ծննդաբերությունն է ընդունել... Մեր նահատակներին հիշիր՝ ախր բոլորի մտքում «վրեժ» բառն է...»: Կինը հասկանում էր ու աչքերով պատասխանում. «Ես կին եմ, մայր եմ և եթե կարող եմ՝ իրավունք չունեմ մյուսին օգնելու, որ մայր դառնա: Կրեժը գնացեք, դիրքերում լուծեք: Իսկ եթե չեկա՝ հանգիստ եմ, երեխեքս թեզ պես հայր ունեն»: Ամուսինն ասում էր. «Չոյա ջան, Չոյա ջան եղ ի՞նչ ես անում...»: Կինն ասում էր. «Գիտես՝ ուրիշ կերպ չեմ կարող...»:

Խոհանոցից գալիս, հասնում էր աշխատանքի քամուց թրթռացող ցելոֆանի խշխշոցը ու ավելի խտացնում ճաշասենյակի թախծոտ լռությունը:

– ճաշը պատրաստ է,– ասաց կինը:

– Լավ,– ասաց ամուսինը, և նրանք դարձյալ աչքերով մխրճվեցին իրար մեջ: Ամուսինն ասում էր– «Գուցե հետո գա՞մ»... Կինը. «Չէ, չէ, գժվե՞լ ես»... Ամուսինը. «Կին ջան, քույր ջան, մայր ջան, ախպեր ջան, եղ ի՞նչ ես անում...»: Կինը. «Մի քանդվիր, տղամարդ եղիր»...

Ո՞վ գիտի՝ նրանք լուռ ու մունջ էլ ինչե՞ր էին իրար ասելու, եթե չինչեր մեքենայի ազդանշանը: Երկուսով ոտքի ելան, Չոյան ուզեց գնալ, համբուրել քնած երեխաներին, հետո զգաց, որ կփլվի՝ արագ քայլերով սենյակից դուրս ելավ:

Հրամանատարը «Վոլգայով» իր երկու թիկնապահների հետ Չոյային հասցրեց պայմանավորված վայրը: Մամեդովի մեքենան սպասում էր: Մամեդովն ու երկու կին մեքենայից դուրս ելան: Հրամանատարն ու Չոյան՝ նույնպես: Շուրջբոլորը խոնավ, խավար լռություն էր:

– Կանանց հետս չվերցնե՞մ,– ցածրաձայն ասաց Հրամանատարը:– Որոշիր:

– Ոչ: Ես գնացի,– ևս սեղմեց հրամանատարի ձեռքը և քայլեց դեպի Մամեդովի մեքենան:

Մամեդովն արագ շրջանցեց, բացեց առջևի դուռը:

– Ես հետևում կևստեմ:

Կանայք տեղավորվեցին, մնացին հրամանատարների անշարժ կանգնած իրենց մեքենաների մոտ: Երկուսն էլ ծխում էին:

– Մինչև ավլահի դուռը լավությունդ չեմ մոռանա, հրամանատար,– վերջապես ասաց Մամեդովը:

– Տեսնե՞ք,– ասաց հրամանատարը:

Ասես պայմանավորված էին՝ երկուսն էլ շոջվեցին, մտան իրենց մեքենաները և շարժվեցին հակառակ ուղղություններով:

Մամեդովը ճանապարհի դարուփոսերին չէր նայում՝ բշել էր, որ բշում էր: Շուշի մտնելիս Չոյան ասաց.

– Մի թոպեով մոտենանք Ղազանչեցոց եկեղեցուն:

Կանայք անհանգիստ շարժվեցին, բայց ոչինչ չասացին: Մամեդովը մեքենան մոտեցրեց եկեղեցուն: Չոյան տեսավ եկեղեցու մոտ իրար վրա դարսված կանաչ, երկար արկղերը և հասկացավ, որ եկեղեցին վերածվել է ռազմական պահեստի: Քիչ հեռվում ժամապահն էր: Մամեդովը ելավ, բան ասաց ժամապահին, ապա բացեց մեքենայի դուռը:

– Խնդրեմ:

Չոյան արագ քայլերով գնաց, համբուրեց եկեղեցու պատը, խաչ հանեց, ետ դարձավ, մտավ մեքենա.

– Չնացինք:

Ճննդատան մոտ թվում էր թե հավաքվել է Շուշվա զորամասի ողջ հրամանատարական կազմը. «Կոտորվեք դուք», – մտքում ասաց Չոյան: Աշխույժ զրուցում, բրբջում էին, մեքենայի մոտենալուն՝ զգաստացան: Պարզ է՝ յուրաքանչյուրն եկել էր ցուցադրելու անհանգստության իր չափը հրամանատարի կնոջ տառապանքների նկատմամբ: Երբ մեքենայից դուրս ելան՝ նրանք դանդաղ քայլերով ընդառաջ եկան: Չոյան խիստ հայացքով նայեց Մամեդովին.

– Սա ծննդատո՞ւն է, թե բանակի շտաբ...

– Մարդիկ անհանգստանում են:

– Ասացե՞ք՝ թող հեռանան: Նրանք ներվայնացնում են:

Մամեդովն ասաց, և նրանք իսկույն տարբեր ուղղություններով հեռացան: Գլխավոր բժշկի առանձնասենյակում բարձր չիներն էին՝ 5 – 6 հոգի, սենյակը՝ ծխի մեջ կորած: Նրանց մուտքին՝ բոլորը ոտքի ելան:

– Չինվորականները հեռանան,– ասաց Մամեդովը, և զինվորականները գնացին:

– Ծննդկանը վիրահատարանո՞ւմ է,– հարցրեց Չոյան:

– Վիրահատարանում,– ասաց գլխավոր բժիշկը:

– Կարճ, երկու խոսքով, ասե՞ք բժշկական ձեր եզրակացությունը:

Գլխավոր Բժիշկը բժշկական տերմինները մեջ գցելով ցանկացավ անել հիվանդության պատմությունը, Չոյան ընդհատեց.

– Հասկանալի լեզվով ասացե՛ք ձեր եզրակացությունը, որպեսզի հարազատները հասկանան:

– Թունավոր հղիություն՝ հորդ արնահոսությամբ: Կամ մայրը պետք է փրկվի կամ երեխան...

– Ո՞ւմ եմ փրկելու,– հարազատներին նայեց Չոյան:

– Երեխային,– միաբերան ասացին Մամեդովի մայրն ու քույրը:

Չոյան նայեց Մամեդովին: ճակատին քրտինքի խոշոր կաթիլներ կային, ժպտո՞ւմ էր, չէ՞ր ժպտում՝ չէր հասկացվում:

– Երեխային,– տնթաց Մամեդովը:

– Հիմա բոլորդ հեռացե՛ք հիվանդանոցից,– հարազատերի վրա բղավեց Չոյան:– Ձեր հոտն առա՛վիրահատությունը կդադարեցնեմ:

Գլխավոր բժշկի ուղեկցությամբ առանձնասենյակից մինչև նախավիրահատարան հասնելը Չոյան պարզ գիտակցեց, որ այս օրը կարող է լինել իր կյանքի վերջին օրը...

Վիրահատությունը տևեց չորս ժամից քիչ ավելի: Փրկվեցին և՛ մայրը, և՛ երեխան: Տղա ծնվեց: Մամեդովի մեքենան Չոյային հասցրեց ճիշտ այնտեղ, որտեղից վերցրել էր Հրամանատարի մեքենան, որ սպասում էր Չոյային, նրան շտաբ տարավ:

– Ինչո՞ւ շտաբ,– չհասկացավ Չոյան:

– Ամուսինդ շտաբում է:

Երբ Չոյան առանձնասենյակ մտավ՝ բոլորը ոտքի թռան, «ուռա» գոչելով ծափահարեցին: Ասես իրենք էին տղա ունեցել: Միայն ամուսինն էր սեղանին կքված, գլուխն առել ափերի մեջ, անշարժացել: Չոյան մոտեցավ ամուսնուն, ձեռքը հպեց ուսին և նստեց կողքին: Մյուսներն էլ՝ յոթ-ութ հո- գի, նստեցին: Բոլորը նայում էին Չոյային, սպասում էին խոսք ասի, բայց Չոյան ոչինչ չէր ասում: Անշարժ հայացքը մի կետի՝ լռում էր:

– Հը՞– չդիմացավ հրամանատարը: Չոյան սթափվեց.

– Գործ էր՝ արեցինք, վերջացրեցինք...

– Բա հետո՞,– ասացին կողքից:

– Ի՞նչ հետո... հա, հետո բերեցին ոսկի ու արծաթ լցրեցին դիմացս:

– Տրաֆեյ է,– կատակեցին:

– Ասացի՛ ձեզ լինի, մենակ մեր պատանդների հետ մի քիչ մարդավարի վարվեք:

– Որ երեխային փրկելու էիր՝ գիտեինք,– ասաց հրամանատարը:– Մորը ո՞նց փրկեցիր...

– Որտեղի՞ց գիտեիք...

— Անընդհատ կապի մեջ էինք:

– Ի՞նչ սիրուն կին է, ի՞նչ սիրուն կին է,– գլուխն ափերի մեջ առնելով ճոճվեց Չոյան:– Գեղեցկուհի...– Նա լռեց մի պահ ու անսպասելի սկսեց քրքջալ– իշի գլուխներ, իշի գլուխներ,–

ասում էր ու քրքջում: Ամուսինը հայացքով փորձում էր սաստ ել նրան ամոթ է, ի՞նչ ձևի ես խոսում, բայց Չոյան չէր սաստվում:– Իշի գլուխներ...

Եվ երբ քրքիշը վերածվեց հեկեկոցի՝ նոր գլխի ընկան, որ նրա նյարդերը տեղի են տալիս: Սենյակում լռություն տիրեց: Ոմանք ծիսեցին: Հրամանատարը ելավ, մոտեցավ Չոյային, շոյեց մազերը, կռացավ այտը համբուրեց.

– Պետք չի: Դու քո պարտքը կատարեցիր, քույրիկ ջան, պետք չի:

Չոյան թաշկինակ հանեց, չորացրեց աչքերն ու քիթը, զգաստացավ.

– Կներեք:

– Դու մեզ ներիր,– ասաց հրամանատարը:– Դու ներիր, որ քեզ ես պատմության մեջ գցեցինք:

– Ո՞նց թե,– ըմբոստացավ Չոյան:– Չգնայի՝ մորն էլ էին սպանելու, երեխային էլ: Իշի գլուխներ...

– Լավ,– գործնական դարձավ հրամանատարը:– Գնա, հանգստացիր՝ հետո կխոսենք:– Նա սեղմեց սելեկտորի կոճակը:– Վարորդին ասեք, մեքենան մոտ բերի:

Տանը մարդ ու կին նորից ընկղմվեցին բազկաթոռների մեջ ու իրար նայեցին:

– Մի գիշերվա մեջ ծերացար,– վերջապես խոսեց Չոյան:

– Որ իմացա պահանջել են երեխային փրկես՝ հասկացա, որ մորթվելու ես: Ես քեզ հո գիտեմ...

Խոհանոցից նորից եկավ, հասավ աշնան քամուց թրթռացող ցելոֆանի խշխշոցը:

Այդ օրը քաղաքի վրա Շուշիից ոչ մի կրակոց չեղավ:

– Հաջորդ օրը նորից «գրադ» կայանքները քրքրեցին քաղաքը և այնքան կատաղի, ասես նախորդ օրվա բացն էին լրացնում: Թե՞ հրամանատարի տղայի ծննդյան կապակցությամբ հրավառություն էին սարքել...

1993 թ.

ՀՈՎՎԵՐԳՈՒԹՅՈՒՆ

Կնոջս՝ Իրինային

Սաքոն արթնացավ խոհանոցից եկող շիկութխկից: Նա գոց աչքերով լսեց, թե ինչպես ամանեղենի ձայնը փոխվեց, դարձավ մոտեցող հատու ոտնաձայն, հրվող աթոռի զռռոց, և ճռճոցով բացվեց պահարանի դուռը:

– Լույսը բացվե՞ց,– ասաց Սաքոն:– Չէ, ես ձեներից պրծում չկա...

Նունեն զգեստապահարանի դռանն ամրացրած հայելուն նայելով մազերն էր սանրում: Հայելու միջով նա հայացք գցեց անկողնում պառկած ամուսնուն և չոր ու խիստ ասաց.

– Լույսն աշխատողի համար է բացվում, երեխային մանկապարտեզ տանողի համար է բացվում: Քեզ ի՞նչ..

Սաքոն գիտեր, որ իր խոսքը վեճ է ծնելու, հոգոց հանեց, անկողնուց ելավ, մեջքն անելով կնոջը՝ հագնվեց, սեղանին ընկած տուփից սիգարետ հանեց, վառեց, լուցկին չխկոցով գցեց սեղանին: Նրա լռությունը կնոջը ըմբոստություն թվաց և, երևի, դա այդպես էր ու այդ ըմբոստությունը բնում խեղդելու համար էր, որ Նունեն ասաց.

– Երեխան քնած է՝ ո՞ւր ես ծուխը լցնում թոքերը...

– Որ արթուն լինե՞ր՝ կարելի՞ էր, – հաճույքով խայթեց Սաքոն: – Կլինի՞, որ մի առավոտ առանց վեճ ու կռիվ ստեղծելու տանից դուրս գաս:

– Իսկ կլինի՞ մի առավոտ, որ արթնանամ ու հասկանամ՝ էս տանը տղամարդ կա... Որ էս տան հոգսը նրա հոգսն ու ցավն է...

– Դու աչքերդ քսիր, աչքերդ...

Նունեն մատիտի ծայրը երբեմն բերանը մտցնելով արտևանունքներն էր սևացնում:

– Ինչո՞ւ պիտի չքսեմ, – չարախնդաց կինը: – Դագուստ՝ չունեմ՝ չունեմ, աչք էլ, հո, ունե՞մ, Իշխան Սաքո... Լավ էլ գտել են:

Սաքոն չպատասխանեց: Գնաց լվացվեց, սանրվեց հետ եկավ, տեսավ կինը երեխային է հագցնում: Կեթուն-կեսարթուն՝ աղջիկն աչքերը ճպճպացնում էր:

– Պապան մատա~ղ... – քանդվեց Սաքոն:

– Մատաղն էն կլինի, որ երեխադ կոշիկները հագնի: Տրտից սրթսրթում է:

– Որ պատրաստ չեն, ի՞նչ անեմ...

– Մի շաբաթ է՝ մի գույգ կոշիկ է նորոգո՞ւմ:

– Մենակ քո՞ երեխան չի: Ուրիշներն էլ երեխա ունեն:

– Որ հիվանդացավ՝ էս ցուրտ տան մեջ ես ո՞նց եմ հիվանդ պահելու...

Տանն իսկապես ցուրտ էր: Սաքոն հայացքը գցեց լուսամուտից դուրս՝ հանդարտ անձրև էր մաղում:

– Դիմա ուղիղ գնում եմ Գերասի մոտ, – սեղանից լուցկին ու ծխախոտատուփը վերցրեց Սաքոն:

– Թե չի արել կանգնիր գլխին, թող նորոգի տա: – Նունեն աղջկան գրկեց, գուլպան ձգեց, հագցրեց ու այտը համբուրելով ասաց, – այ էդպես...

– Եղավ, – ասաց Սաքոն: – Կանգնում եմ գլխին, – ու տհաճ մթնոլորտը ցրելու համար՝ ծաղրական շարժումով ոտքը զարկեց հատակին: – Այ էսպես:

Աղջիկը կլկլալով խնդաց:

– Երանի ինձ, – տխուր ժպտաց Նունեն, – Ուրիշների մարդիկ տուն են պահում, իմը՝ քացի է գցում...

– Կռիվ ես փնտրո՞ւմ, – բղավեց Սաքոն: Ի՞նչ ես ուզում ինձնից...

– Ուզում եմ, որ մի քիչ պատասխանատվություն զգաս, – բղավեց կինը: – Նա-դա-ելու...

– Չզվեցրիր,– ատամները կրճտացրեց Սաքն ու քայլեց դեպի դուռը:

– Հաց կառնես,– դռան շխկոցի հետ կանչեց կինը: Սաքն գայրույթից փքված թոքերի օդը դանդաղ պարպելով աստիճաններով ծանրաքայլ վար իջավ, անցավ փողոցն ու հայտնվեց ոչ մեծ պուրակում: Առաջին տերևաթափն էր: Տարիքն առած, բարձրահասակ բարդիները դեռ կանաչ էին, մատղաշներն էին տերևաթափվում: Դա Սաքոյին հետաքրքրե՞ց, թե ուզեց միտքը կնոջից կտրել՝ կանգնեց, հայացքը ծառից ծառ փոխանցեց:

– Ես ի՞նչ ես նայում...

Հարևանն էր. արտասահմանյան թանկարժեք մարզահագուստով ու սպորտային կոշիկներով, փորը դեմքից բավականին առաջ ընկած՝ կողքին կանգնել, հևում էր:

- Ծառերը,– ասաց Սաքն:– Փոխանակ սկզբում ծերերը տերևաթափվեն, հետո՝ ջահելները, հակառակն է՝ լինում:

– Երանի քեզ,– ժպտաց հարևանը ոլ սկսեց տեղում ցատկել:– Ցավը՝ տերևաթափն է:

– Վազո՞ւմ ես, պարոն Հարութ,– Էդպես, մի թեթև ձեռ առավ Սաքն:

– Բա ի՞նչ անեմ,– ափը փորին հպեց Հարութը: – Չե՞ս տեսնում:

– Տեսնում եմ:

– Սաքո~,– ցատկը դադարեցնելով՝ թևը բռնեց Հարութը,– արի քեզ մի խելոք, բան ասեմ:– Նա թաշկինակ հանեց, չորացրեց գլխի ցանցառ մագերը:– Էդ արվեստանոցդ ինձ վարձով տուր:

– Նկարելո՞ւ ես,– քթի տակ խնդաց Սաքն:

– Լուրջ,– թևը ցնցեց Հարութը:– Կոշիկի ցեխ դնեմ կամ խանութ դնեմ: Ահագին տարածությունն է: Ի՞նչ ես ասում...

– Բան չեմ ասում,– ծխախոտ վառեց Սաքն:

– Չնայած՝ խանութի համար հարմար չի: Չորրուրդ հարկ է:

– Երրորդ:

– Մեկ է՝ հարմար չի: Կոշիկի ցեխ՝ կորվի: Ջուրը մեջը, տուալետը՝ մեջը: Հը՞...

– Բա ես որտե՞ղ ապրեմ,– անսպասելի ասաց Սաքն:

– Սա տուն չի՞,– Գլխով դիմացի շենքը ցույց տվեց Հարութը:– Զեզ քի՞չ է... »

– Էստեղ ես քնում եմ, Էստեղ՝ ապրում...

- Վայ քո,– ափը ափին շրխկացրեց Հարութը: – Ամիսը երկու հազար կտամ:

– Չի լինի:

- Լսիր,– ժպտաց Հարութը:– Որ ես ներկերը բերեմ, դու գույնը բռնես, վրձինն առնեմ ու քեզ պես խզբզեմ ինձ նկարիչ չե՞ն դարձնի...

– Կդարձնեն:

– Դարձա՞ վեց ամսում արվեստանոց կունենամ: Փողով մի բան չի՞, - Նա ձեռքը գցեց Սաքոյի ուսը: - Հո չնեղացա՞ր...

– Չէ, հա, - ասաց Սաթն ու մտովի շարունակեց. – «Յո չէի չափալախի... Չափալախես ու փախնես: Բա չէ՛ որ բռնեց՝ կջարդի»:

Ոչ բանուկ փողոցով մեծ արագությամբ անցավ «Չապորոժեցը», ջուր ցայտեց, որ նրանց չհասավ: Չարույթը կողմ ցատկեց.

- Ո՞վ է հետևիցդ ընկել, պարագիտ,- մարգահագուստի փողքը զննեց Չարույթը:- Մի դրամեքենային նայեք:

– Զո «Մերսեդեսը» նրա դիմաց՝ հեչ,- ժպտաց Սաթն:

-- Էլ մի ասա,- Չարույթը նորից բռնեց Սաթնի թևը: - Թե իրիկվա կողմը Էստեղ ես՝ «Նապոլեոնով» բանով Էն աղջիկներին առնեմ գամ:

– Որտեղի՞ց էլ տեղս գտար:

– Չլա չգտնեի: Ասացի՛ ընկերս նկարիչ Է, ասացին՝ գնանք նկարները նայենք: Լավ ապրանք չէի՞ն...

– Մեկն էր նայում, Էն էլ՝ հարամ արեցիր, կողքս նստիր հա, կողքս նստիր:

-- Նրանց քո նկարը պե՞տք Է... համել էին ուզում: Ռեստորան՝ հարմար չի, բոլորը ինձ գիտեն: Որ արվեստից խոսեցին՝ քեզ հիշեցի:

– Բա ասում ես՝ խզբզեր:

– Դե խզբզում էր, էլի~, - ձեռքը Սաթնի ուսին թփացրեց Չարույթը:- Ի՞նչ ես ասում գա՞նք:

– Եկեք,- Սաթն զգաց, որ անձրևի կաթիլը ծոծրակից մեջքին է սահում՝ փշաքաղվեց, կծկվեց, ձեռքերը գրպանները խրեց:- Ես գնամ:

– Գնա: Մի քիչ ակտիվ եղիր, տնաշեն...

Սաթն քայլեց և սպասում էր, որ հարևանը վազելով պիտի գա, հասնի իրեն ու նորից բան ասի, բայց Չարույթը չէր գալիս, Սաթն շրջեց գլուխը և տեսավ, որ նա հակառակ ուղղությամբ է վազում:

– Դու վազիր,- խոսեց Սաթն:- Նապոլեոնով, բանով արի ու դուռս՝ փակ: Տեսեմ աղջիկների հետ որտե՞ղ ես խզբզելու...

Նա իր անելիք մանր վրեժխնդրությունից հաճույք ստացավ, նկատեց քիչ հեռվում ընկած գարեբրի թիթեղյա տուփը, քայլերը շեղեց ու մոտենալով՝ հո չտռեց...

Չնակարկատի բուրկան փակ էր: Փոքրիկ դռանն անհամապատասխան հսկայական կողպեքից դանդաղ կաթում էր անձրևաջուրը, Սաթն անճար-անօգնական կանգնեց, պտտեց հայացքը: Ոչ հեռու բանջարեղենի խանութին մոտեցավ բարձր թափքով բեռնատարը, հետընթացք կատարեց և հետևամասը խանութի դռանը՝ կանգնեց: Խանութից դուրս ելավ բեռնաթափող բանվորը՝ 60-ին մոտ ցածրահասակ մի տղամարդ, ճարպիկ շարժումով բարձրացավ, զննեց թափքի պարունակությունը, վար ցատկեց, ու հայացքն առավ Սաթնի հայացքին: Սաթն ձեռքի շարժումով հնակարկատից հարցրեց, բանվորը չհասկացավ.

– Սոխ է,– կանչեց,– լրիվ՝ ցեխ: Բայց ժողովուրդը մեկ է՝ կտանի,– ժպտաց նա:

– Գերասը,– կանչեց Սաթն,– Գերասը:

– Չկա:

– Գալո՞ւ է...

– Ի՞նչ իմանամ,– ուսերը վեր քաշեց բանվորը:– Երեկ քեֆը լավ էր:– Բանվորը գործնական քայլերով գնաց, խանութ մտավ:

Սաթն քիթը մոտեցրեց դռան ճեղքին, ցանկացավ բան տեսնել՝ չհաջողվեց:

– Ինքը՛, կողպեքը՛,– փնթփնթաց Սաթն, կողպեքն ուժգնությամբ շխկացրեց դռանը:– Ունիվերսալ է...– Նա դանդաղ քայլերով գնաց՝ երբեմն-երբեմն շրջվելով ու նայելով հնակարկատի բուդկայի կողմը: Անձրևը կարծես թե ուժ էր առնում:

– Սուրճ խմեմ,– ինքն իր հետ խոսեց Սաթն, արագացրեց քայլերը, փողոցն անցավ ու մտավ սրճարան:

– Եկա՞ր, նզովյալ,– համարյա դատարկ սրահի անկյունից բամբ ձայնով կանչեց Մկրտիչը:– Շուշանիկ, մի գավաթ սուրճ՝ երիտասարդ ընկերոջս համար:

Մկրտիչի դիմաց գուլորշի արծակող սուրճ կար, օղու շիշ և կոպիտ, բազմանիստ բաժակ: Սաթն մոտեցավ.

– Լույսը չբացվա՞ծ...

– Այո,– մատը ցցեց Մկրտիչը:– Եթե դեղ չկա՝ ինչո՞վ պիտի պայթարենք գլխացավի դեմ:

Նստիր:

Սաթն նստեց, նայեց շշին, օղու համն զգաց բերանում, փշաքաղվեց, ցնցվեց:

– Բա ես ի՞նչ եմ ասում,– Մկրտիչը օղի լցրեց, բաժակը հրեց Սաթնի դիմաց:– Ես մեկը սուսուփուս խմիր:

– Խմե՞մ, որ...

– Սա իր շատախոսությամբ ինձ կգժվեցնի,– դատարկ աթոռներին դիմեց Մկրտիչը:– Դե՞ղ է՝ քիթդ բռնեմ, բերանդ լցնեմ...

Սաթն բաժակը վերցրեց, գոցեց աչքերը:

– Սուսուփուս,– մատը թափահարեց Մկրտիչը: Սաթն խմեց և այս անգամ ներսի վայրկյան առ վայրկյան աճող ջերմությունից փշաքաղվեց, ցնցվեց.

– Փու՛ւ ու...

– Ես ի՞նչ էի ասում,– ինդաց Մկրտիչը:– Այ տղա, երբ պիտի մեջդ ճարպ կուտակես: Կաշիդ է ու ոսկորդ...

– ճարպ կուտակելու օրերն անցան...– Շուշիկը գուլորշու խշխշոցը տարածեց սրճարանում, տեղից դուրս ելավ, բաժակը բերեց, դրեց սեղանին:– Իր խելքին՝ ընկեր գտավ:

– Կյանքումդ գոնե մի անգամ տեսած կա՞ս, որ մարդու դիմաց օղու շիշ լինի ու մենակ մնա,– Շուշիկի ձեռքը բռնեց Մկրտիչը:

– Զիմա ասել էի, հա,– Շուշիկը ձեռքը պոկեց, լիքը մարմնին չներդաշնակող թեթև քայլերով գնաց իր տեղը:– Խուփը գլորվեց՝ գտավ պուտուկը.

Մկրտիչը գուցե պատասխաներ, բայց վաճաաստեղանին մոտեցած թիկնեղ երիտասարդը Շուշիկին ծածկեց:

– Ցույց տուր ինչ ես ծխում, ասեմ՝ ո՞վ ես դու,– Սաթոյին դարձավ Մկրտիչը:

Սաթոն գրպանից դուրս բերեց, սեղանին դրեց «Պրիմայի» տուփն ու լուցկին:

– Զանճարեղ նկարիչ ես,– Մկրտիչը սիգարետ վառեց, ծխեց և անսպասելի գրպանից հանեց թուղթն ու գրիչը: – Նայիր,– ասաց, բան գծեց թղթին:– Սա ի՞նչ է... Պիտի իսկույն ասես:

Ամեռքա:

– Տըխ-մար... Ղարաբաղի քարտեզն է: Սա՛ Շուշին է,– օղ գծեց,– սա՛ Քարինստակը: Եղե՞լ ես...

– Որտեղի՞ց...

– Ես էլ չեմ եղել: Բայց դա կարևոր չի: Նրանք, ուրեմն, Շուշիից խփում են մեզ: Նրանք՝ սարի գլխին, մենք՝ սարի տակ: Մենք ի՞նչ պիտի անենք...

– Մենք էլ պիտի նրանց խփենք: Պարզ չի՞...

– Բայց որտեղի՞ց,– գրիչը թղթին կտկտացրեց Մկրտիչը:– Դա է խնդիրը:

– Սարի տակից,– ուսերը վեր քաշեց Սաթոն:– Էլ որտեղի՞ց...

-- Թերուս,– գրիչը սեղանին գցեց Մկրտիչը:– Ձորից սարին խփել կլինի՞... Պիտի բարձր տեղ գտնենք:

– Իսկ բարձր տեղ կա՞,– չհասկացավ Սաթոն:

– Ուրեմն աշխարհում մի բարձր տեղ չկա՞... Պիտի գտնենք,– Մկրտիչը բռունցքով հարվածեց սեղանին:– Մեր դժբախտությունն էն է, որ եղպես էք կյանքում եղ բարձր տեղը չգտանք...

- Ընչի՞ ես գոռում,– չդիմացավ Շուշիկը:– Ես ամբողջ օրը ո՞նց եմ աշխատելու գլխացավս բռնեց:

– Բռնեց՝ բուժեմ,– Մկրտիչը օղի լցրեց:– Զո դեղ չի~:

– Դե լավ է,– դեմքը թեթեց Շուշիկը:

– Չե՞ս հասկանում եղանակի հետ յուրա չեմ գնում, Շուշիկ ջան,– ձայնը մեղմեց Մկրտիչը, օղի խմեց, կում արեց սրճի բաժակից:– Զլա մի դուրս նայիր:

– Բա ես եսքանիդ հետ ո՞նց եմ յուրա գնում,– ժպտաց Շուշիկը:– Ամեն մեկդ մի եղանակ:

– Դու ուրիշ ես, քույրիկս,– ժպտաց Մկրտիչը: – Մի հատ էլ խմեցի՞՝ գալու եմ թուշդ պաչեմ:

– Ուրիշ չեմ,– ավելի լայն ժպտաց Շուշիկը:– Ասա՛ քաթիդ հետ յուրա չես գնում: Եղբան բան:

– Դու ի՞նչ ես մռուրդ կախել,– Սաթոյի վրա հարձակվեց Մկրտիչը:– Մատուցող է գտել, ես լցնեմ՝ ինքը խմի... – Մկրտիչը օղի լցրեց, բաժակը հրեց Սաթոյի դիմաց:

– Է՛,– հոգոց հանեց Սաքոն և խմեց:

Եվ հայացքները ամեն մեկը մի կողմի վրա՝ լռեցին: Յուրաքանչյուրից դուրս՝ գորշ տանիքներին կպած երկինքն էր, մոտիկում՝ բազրիքից՝ անշտապ կաթիլք: Սրճարանը կամաց-կամաց մարդաշատ էր դառնում: »

– Մկրտի՞չ...

Շուշիկն էր:

- Ի՞նչ,– ձեռքը ծնոտի տակից իջեցրեց Մկրտիչը:

– Ես ինչի՞ եք սեն առել, սուգը մտել:

– Ի՞նչ ես ուզում անենք, տիկին Շուշանիկ:

– Մի բան ասե՛ք՝ մարդու սիրտը բացվի: Սուրճ տա՛մ... Մկրտիչը վերցրեց օղու շիշը, թափ տվեց:

– Էստեղ բան մնա՞ց, որ բան ասենք,– նա ելավ, գրպանից փող հանեց, հաշվելով՝ գցեց սեղանին:– Քառասունութ ռուբլի:

– Տասնյոթ ռուբլի, – ասաց Սաքոն, գրպանից հանեց փողը, դրեց Մկրտիչի փողերի կողքին:

– Քիչ է, – մռայլվեց Մկրտիչը: – Ստոլիկների վրա՝ հարյուր տաս ռուբլի: Այ տղա, դրանք լրիվ սարսաղ են՝ արևոտ օրը՝ հարյուր տաս, անձրևոտ օրը՝ հարյուր տաս...

– Անձրևոտ օրը պիտի թանկ ասե՞ն,– ըմբոստացավ Սաքոն:

– Անխելք,– վրդովվեց Մկրտիչը:– Անձրևոտ օրը պիտի ձրի տան, արևոտ օրը՝ երեք հարյուր ռուբլի: Ճիշտ չի՞, Շուշանիկ...

Շուշանիկը գուցե պատասխաներ, բայց այդ պահին փակ անձրևանոցը թափահարելով ներս մտավ ակնոցով, մորուքով, բարձրահասակ մեկը, իրենով պատնեշեց Շուշանիկին և նայելով նրանց՝ գլուխն օրորեց:

– Եկա՞ր,– ուրախացավ Մկրտիչը, – Արի, պոետ, արի: Պոետը դանդաղ մոտեցավ, սեղանի շիշն ակնարկելով:

Ժպտաց.

– Ճիշտ եք սկսել:

– Շարունակությունն է ճշգրտում սկիզբը,– մատը փողերին պարզեց Մկրտիչը:–

Ավելացրու:

– Ինչքա՞ն...

– Վաթսունհինգ ռուբլի է:

– Ավելացնելս ո՞րն է,– մեջ ընկավ Սաքոն: – Թոռ վերցնի, գնա, շիշն առնի, գա:

– Հանճարեղ միտք է,– կանչեց Մկրտիչն ու նայեց պոետին:– Էլ չխոսես:

Պոետը կեղծ հոգոցով վերցրեց սեղանի վրայի փողերն ու գնաց:

– Զեզ մի թույլ ժամանակ,– կանչեց Սաթն: Պոետը լսե՞ց, թե՞ չլսեց՝ դա կարևոր չէր. նրա խոսքն այս պահին ինքնահաստատման, իր չգիտես ո՞ր առավելությունն ընդգծելու բնույթ ուներ:– Ծվշվացնելով գնա, արի:

Շուշիկը պատվիրելուն չսպասեց, գուրոշու խշխշոցը գցեց սրճարանով մեկ, երեք բաժակ սուրճ ավստին դրած եկավ, բաժակները դրեց սեղանին, վերցրեց դատարկ շիշը:

– Հողեմ գլուխները,– ասաց:– Հաճախորդ չկա՝ լույս տալիս են, հաճախորդներս հավաքվում են՝ կտրում: Բա սա գո՞րծ է...

– Ի՞նչը,– չհասկացավ Սաթն:

– Սա,– ձեռքը տարուբերեց Շուշիկը:– Երեք հոգի ես պուճախում, երեք հոգի՝ Էն: Ինչո՞ւ չեն հիմա լույսը կտրում, որ հաճախորդի ժամին տան...

– Ո՞վ տա...– Չհասկացվեց՝ Սաթն դիտմամբ էր խոսեցնում Շուշիկին:

– Ղեկավարները: Հեչ հիշո՞ւմ են, որ ես սեղանների վրա դարձան ղեկավար, Էն կեղծավոր «տիկին Շուշիկները» հիշո՞ւմ են...

– Գրիր վրաս,– ձեռքը թափ տվեց Սաթն:

– Ըրը---- Մռնչաց Մկրտիչը:– Հիմա ես ի՞նչ պիտի անեմ:

– Չահրումար,– ժպտաց Շուշիկը:– Ի՞նչ պիտի անես: Պիտի խմես,– ասաց, դարձյալ թեթև քայլերով գնաց իր տեղը:

– Հետո... Հետո ի՞նչ պիտի անեմ...

– Տուն չունե՞ք, տեղ չունե՞ք, երեխա չունե՞ք,– դեմքը խստացրեց Շուշիկը:– Ձեզ պե՞տք է...

– Երեխա կոշիկները փինաչու մոտ են,– ասաց Սաթն:

– Ամեն օր ասում ես՝ չվերցրի՞ր,– կշտամբանքով նայեց Շուշիկը:

– Տեղը նստո՞ւմ է,– ուները վեր քաշեց Սաթն: – Ասա՝ գնացե՞լ ես...

– Ես օր գնացել եմ: Հաստատ:

– Եստեղ եկողը փինաչի կիշի՞,– քթի տակ խնդաց Շուշիկը:

– Ի՞նչ անեի: Անձրևին կանգնեի, սպասեի՝ Գերաս, ե՞րբ ես գալու...

– Հիմա Գերասի հետ խոսել է լինո՞ւմ,– դժգոհեց Շուշիկը:– Կոշիկ առնողն ո՞վ է, բոլորն էլ հներն են կարկատել տալիս: Հո չի գոռոզացե՞լ...

– Էնպես էլ կողպեք է դռանը կախել,– գլուխն օրորեց Սաթն:– Տնաշենը:

– Հա,– հաստատեց Շուշիկը:– Հիմա ակադեմիկոսն ո՞վ է Գերասի դիմաց: Փի~...

– Գերասին բան չասեք,– անսպասելի զայրացավ Մկրտիչը:– Էլի Էն Գերասն է,– նա բուրթը հպեց ցուցամատի ծայրին:– Հեչ եսբան էլ չի փոխվել:

– Էդպես իմացիր,– ասաց Շուշիկը,– բան հիշեց: – Էն օրը Գագոյիս կոշիկները տարա: Ղիք-ղիք նստել՝ ռադիոյով խորհրդարանի ճառերն է լսում: Հեչ չնայեց էլ՝ «երեք օրից կգաս»: Ասում եմ՝ այ Գերաս, պարաս նստած ես, երեք մեխ է՞ խփիր, վերցնեմ, գնամ: Ի՞նչ ասի, որ լավ լինի...– Նա դարձյալ խշխշոց գցեց, գուրոշին ոլորվեց դեմքի մոտ, կորավ, սուրճի բաժակը

ափսեին դնելով պարզեց հաճախորդին ու շարունակեց:– Ասում է՝ նախկին հաճախորդներս են խոսում չլսե՞մ... Ասում է՝ յոթանասուն տարի չլուտ-չփլախների օրենքով շարժվեցինք՝ բան չհասկացանք, հիմա էլ ես չլուտ-չփլախները... Սրանք էլ են, ասում առուփախ անելու, ուրիշ վարիանտ չկա...

– Բա որ ասում եմ Գերասին բան չասե՞ք,– ոգևորվեց Մկրտիչը:

Պոետն եկավ ու ընդհատեց նրանց խոսակցությունը: Նա շիշը դրեց սեղանին, ժպտաց.

– Մոսկովյան... հատուկ...

– Բաժակները,– ասաց Սաթն:

– Բերեիր, էլի, – փնթփնթաց պոետը:– Պարապ նստած ես:

– Դու սխալ կբերե՞ս,– աչքերը ոլորեց Սաթն:

– Առանց կոփ սարքելու, ախպոր պես,– դեմքը թթվեցրեց պոետը, գնաց բաժակները բերեց, դրեց սեղանին:

Մկրտիչը վերցրեց օղու շիշը, ճրճրթացնելով կափարիչը բացեց:

– Յամա ուժ ունե՞ս,– քծնե՞ց, թե՞ նախանձեց պոետը:

– Յը,– մռլտաց Մկրտիչը, – Ասա՝ քանդակագործ... – Կկոցեց աչքերը, նայեց պոետին:–

Մի օր չբռնե՞մ սրան քանդակեմ...

– Զանդակված արծած է,– շիշը վերցնելով բաժակները լցրեց Սաթն:– Սրա ի՞նչը քանդակե:

– Ձեր հավեսը չունեմ,– բաժակը շուրթերին մոտեցրեց պոետը:– Ես գնացի:

– Սպասիր,– գայրացավ Մկրտիչը:– Զեզ ո՞վ խոսք տվեց: Ռեխո, փակիր: Էդպես:– Մկրտիչը ձգեց, երկարացրեց շուրթերն ու տնազ արեց:– Երկրորդ լսափող...

– Շնորհակալություն,– ժպտալով խաղի մեջ մտավ պոետը:– բայց ռեխո՝ չէ պարոն նախագահող: Ռեխը խորհրդարանական արտահայտություն չէ...

– Ռազ-գա-վոր– չի-կի,– ասաց Սաթն:

Պոետը չհամբերեց, խմեց, շունչը տեղը բերեց ու լրջացրեց դեմքը.

– Ես լեզվի հարցն եմ մտցնում օրակարգ, պարոն նախագահող,– պոետը խեթ նայեց Սաթոյին:

– Գլուխդ պատով ես տալիս,– բղավեց Մկրտիչը, մատը դրեց դիմացի թղթին:– Տղերքն էստեղ գոհվում են՝ դու լեզվի հարցն են օրակարգ մտցնո՞ւմ...

– Ես բողոքում եմ էթիկայի հանձնախմբին,– փորձեց կատակի տալ պոետը:

– Գլուխդ պատով ես տալիս:

– Մկրտիչ,– սրճեփին կոպեկով կտկտացրեց Շուշիկն ու գլխով կշտամբեց:

– Դու սուս,– Շուշիկին նայեց Սաթն:– Սրան հասնում է:

Պոետը փնջացրեց ու հաստատ պատասխանելու էր, բայց անսպասելի բան կատարվեց, փոքրամարմին մեկը, չգիտես որտեղից հայտնվելով, նստեց նրանց սեղանի մոտ, նայեց Մկրտիչին.

– ճիշտ բան ես ասում:

– Ի՞նչ եմ ասում...

– Տղերքը զարկվում են: Փոխանակ խելք-խելքի տան, մի ճար անեն՝ հավաքվել, ջուր են ծեծում:

– Ապրես,– ասաց Սկրտիչը:– Անունդ ի՞նչ է...

- Գրիշ:

Սկրտիչը օղի լցրեց պոետի բաժակը, հրեց Գրիշի դիմաց:

– Խմիր:

-- Խմելու համար չեկա:

– Որ ասում են՝ խմիր,– ասաց Սաթն:

– Խմեմ,– բաժակը վերցրեց Գրիշը:– Էն տղերքի կենացը: Ես ցրտին, Ես անձրևին դիրքերում կանգնած տղերքի կենացը...

– Ոտքի,– հրամայեց Սկրտիչը և բաժակը ձեռքին կանգնեց:

Մյուսներն էլ կանգնեցին: Պոետը աճապարելով գնաց, բաժակ վերցրեց, ետ դարձավ, ցանկացավ օղին լցնել՝ Սաթն շիշը կողմ տարավ.

– Դու լեզվի հարցը օրակարգ վեցրու:

– Չոհվածների համար,– խռպոտ ձայնով ասաց Սկրտիչը:

Բաժակներն անխոս իրար մոտեցրին, խմեցին ու նստեցին: Սկրտիչը գլուխն առավ ափերի մեջ, դանդաղ ճոճվեց.

– Ի-նչ տղերք էին...

– ճանաչո՞ւմ էիր,– Սաթնյի թևը ցնցեց Գրիշը:

– Ո՞նց չէ,– խրոխտացավ Սաթն:

– Միասի՞ն էիք...

– Միասին: Էն բարձր տեղից խփում էինք...

– Որ Էդպես չեն խոսում,– պոռթկաց պոետը:– Առավոտից իրիկուն եստեղ վեր ընկած՝ միասին էին... Արաղս տուր:– Պոետը ձեռքը տարավ շշին:

Սաթն սեղանից թռցրեց շիշը, կանգնեց, շիշը բարձրացրեց գլխից վեր.

– Փախիր եստեղից:

– Պետք չի,– Սալայի ու պոետի արանքը մտավ Գրիշը:

– Սաթն,– ծղրտաց Շուշիկը:

– Գնա,– պոետին հրեց Գրիշը,– Շառդ քաշիր, գնա:

– Դու՝ կռվողը, Ես էլ՝ քեզ համար արաղ բերո՞ղը, պարագիտ,– չհանգստացավ պոետը:–

Արաղս տուր...

– Քեզ չասի՞ն՝ գնա,– Գրիշը գրպանից դանակ հանեց:

– Միլիցիա – բղավեց Շուշիկը:

Մյուս հաճախորդները ոտքի ելան, մոտ վազեցին: Դանակի տե՞սքն էր պատճառը, Շուշիկի ճիգ-ծղրտո՞ցը, մյուսների իրարանցո՞ւմը:– Պոետը վերցրեց անձրևանոցն ու ինքն իր հետ խոսելով սրճարանից գնաց:

– Դու նստիր, ախպեր, դու նստիր,– դանակը գրպանը մտցնելով Սաթոյին նստեցրեց Գրիշը:– Ես դրանց գիտեմ:

– Թող գնա իր սեղանի մոտ՝ իր արաղը ծախի,-- թոքերի օղը պարպելով մուտաց Սաթոն:

– Հա~,– գլխի ընկավ Գրիշը:– Ստույիկ ունի: Որ Դարաբաղը մոռացած՝ լեզվի մասին էր խոսում ուրեմն ձենը տաք տեղից է գալիս: ճիշտ չի՞, ախպեր...– Գրիշը ցնցեց Մկրտիչի թևը:

Մկրտիչը, որ այս ընթացքում անշարժ նստած էր, ափերը դեմքից իջեցրեց: Հազիվ նշմարելի արտասուքի երկու կաթիլ սահեցին նրա գոց աչքերից:

– Ընկերներին հիշեց՝ դարդոտվեց ախպերս,– հոգոց հանեց Գրիշը:

– Երկինքը կապույտ-կապույտ,– վերացած խոսեց Մկրտիչը:– Բազեն հանդարտ պտտվում է, բարձրից վայելում էս կանաչ-կարմիր աշխարհի գեղեցիկը: Արտը քամուց ծփում է, իր տաք շունչը հասցնում բազեին, բազեն էդ շնչից հարբում, կայֆ է բռնում: Լորն արտից կանչում, իր տեղն է ասում բազեին, բայց ի՞նչ լոր կարող է նրան կայֆից կտրել թևը թափ է տալիս, լորին ասում՝ դու սուս ու ելի պտույտ, պտույտ...– Մկրտիչը բացեց աչքերը ու տխուր ժպտաց:– Ջահել ժամանակ բանաստեղծություն էի գրում: Թո~ւ,– մռայլվեց միանգամից,– էս անձրևը չպրծա՞վ...

– Սա պրծնելու անձրև չի,– ասաց Գրիշը: բաժակները լցրեց:– Էդ քո ասած բազե տղերքի կենացը, որ էս անձրևին ու ցրտին էն բարձր տեղերում են: ճիշտ չե՞մ ասում...

– ճիշտ էս ասում,– բաժակ վերցրեց Սաթոն:

– Ե՞րբ եք էն կողմերից եկել...

– Ե՞րբ...– Սաթոն ճպճպացրեց աչքերը:– Քիչ առաջ: Գրիշը խմեց, բաժակը շրխկոցով դրեց սեղանին:

– Պիտի էն անտերից մի հատ հետներդ բերած լինեիք: Վերցնեի, Բաղրամյանով բարձրանայի ու ամեն ստույիկի մոտ մի հատ գռացնեի: Ասեի՝ իշի տղերք, ձեր արյունը էս տղերքի արյունից կարմիր է... Նրանք էստեղ կյանք տան, դուք՝ էստեղ վիզ հաստացնե՞ք...– Գրիշը ծխախոտ վառեց:– Է~, երգ շատ գիտեմ, ափսոս՝ ձեն չունեմ:

– Մի ասա,– քթի տակ ժպտաց Սաթոն,– լավ էլ խոսում էս:

– Հը,– քմծիծաղ տվեց Գրիշը: – Խոսում, որոշում եմ՝ վաղը ելնում եմ, գնամ էս տղերքի մոտ ու չեմ գնում ու չեմ գնում... Դուք՝ ուրիշ եք:– Նա վերցրեց կիսատ թողած բաժակը:– Ձեր կենացը,– ասաց, նայեց Շուշիկին:– Իմ էս երկու քաջ ախպերների կենացը:

– Հա,– ձայն տվեց Շուշիկը:– Ախպերներիդ հետևից հասնել չի լինի:

Սրճարանը միանգամից մթնեց:

– Զողեմ գլուխները,– լսվեց Շուշիկի ձայնը:– Զաճախորդներիս ժամը մոտենում է՝ ո՞նց կլինեք, որ չանջատեին:

– Զիմա ես ի՞նչ պիտի անեմ...

– Ոռնա, անտեր անպետք,– մթան մեջ խոսեց Շուշիկը:– Տեսեմ՝ լսողդ ո՞վ է...

Զեռախոսը զանգահարում էր:

– Սաքո,– ասաց կանացի ձայնը,– Սաքո, արթնացիր:

Չգացվեց, որ մթության մեջ ցնցեցին Սաքոյին: Սաքոն վերջապես թախտից իջավ, օրորվելով քայլեց, զարնվեց, վար գցեց աթոռը.

– Քո տիրոջ մերը,– մրթմրթաց, խարխափելով գտավ հեռախոսը, փորձեց լսափողը վերցնել՝ լսափողը ձեռքից ընկավ ու լսվեց,– Տու, տու, տու...

– Չահրումար, – ասաց, գնաց միացրեց արվեստանոցի լույսը: Արվեստանոցի պատից կախված նկարներ էին, պատերի տակ շարված՝ նկարներ, մեջտեղում մուրեռտն էր, լուսամուտի մոտ, անկյունում օլիֆի, գինու ու օղու շշեր, քիչ այն կողմ ցածրիկ սեղանն էր, երկու հնամաշ բազկաթոռ, սեղանին սուրճի բաժակներ կային, «նապոլեոն» կոնյակի շիշ, օղու շիշ, ծխախոտ: Սաքոն բարձրացրեց աթոռը և աչքն ընկավ թախտին պառկած աղջկան: Անձրևանոցը չէր պատսպարում նրա մարմինը՝ աղջիկը ձգեց, փակեց կրծքերը՝ ոտքերը բացվեցին: Սաքոն գոցեց աչքերը, գլուխը ցնցեց, նորից նայեց: Չէ, երազ չէր.

– Դու ո՞վ ես...

– Զը, - գլուխը շարժելով քմծիծաղ տվեց աղջիկը:

Զեռախոսը նորից զանգահարեց:

– Չորրորդ անգամն են զանգահարում,– ասաց աղջիկը:– Ինչ անում էի՝ չէիր զարթնում...

Սաքոն մատը տարավ շուրթերին, լռեցրեց, գնաց, վեր, վերցրեց լսափողը.

– Ասա:

– ...

– Երևի չէր միանում:

– ...

– Ո՞նց չեմ զանգել: Մեր հեռախոսները չգիտե՞ս:

– ...

– Ինչի ժամը քանի՞սն է...

– ...

– Երե՞քը... Երեքը: Ժամերը ո՞նց են անցնում...

– ...

– Զենց մենակ խմած ասելը գիտես: Աշխատեցի, հոգնեցի, ասի՝ աչքս կպցնեմ...

– ...

– Պատվեր կա, չպիտի ուշացնեմ:

- ...

- Արտասահմանցիների համար է, աճուրդ են կազմակերպելու: Ինչով ուզում են՝ թող վճարեն:

- ...

- Եղավ: Դուլար կպահանջեմ: – Չեմ մոտել: Տոլլուլը գցել էի վրաս:

- ...

- Լույսը չբացվի՞... Ես ժամին մեքենա որտե՞ղ եմ ճարելու:

- ...

- Ի՞նչ կոշիկներ...

- ...

- Ասացի՛ ոչ մի խմել: Գերասը թաղման է գնացել:

- ...

__ Կլինի՞ մի բանի հավատաս: Գյուղերում շուտ են թաղում:

- ...

- Ինձ պե՞տք է՝ որ գյուղը: Շան նման չարչարվում ես հերիք չի, հիմի էլ ես հարցաքննությունը:

- ...

- Եղավ:– Սաքոն դրեց լսափողը, գնաց, պահարանից մուշտակ հանեց, գցեց կիսամերկ մարմնին, եկավ նստեց բազկաթոռին, վերցրեց, թափահարեց շշերը, հիասթափված վար դրեց:–

Գլուխս պայթում է:

- Գնա խոհանոց, պահարանը բաց:

- Ի՞նչ:

- Գնա, գնա:

Սաքոն գնաց, թեյի բաժակը ձեռքին ետ դարձավ, հոտ քաշեց բաժակի պարունակությունից.

- Կոնյակ է...

- Նապոլեոն: Պորտո Նապոլեոնով են կտրել:

- Զո՞...

- Հարուրթ: Հարուրթն էր ասում:

- Լավ դոգա է,– բաժակը աչքերից վեր պահեց Սաքոն:– Իսկը... - Նա դանդաղ, կում-կում խմեց, աչքերը գոցելով՝ ցնցվեց, երկար արտաշնչեց, շունչը տեղը բերեց: Կենացո:

- Եղպես մի նայիր, ամաչում եմ:

- Չէ, հա...- Սաքոն մոտեցավ, միացրեց սենյակի միակ շքեղությունը՝ լուսամփոփը, հանգրեց արվեստանոցի լույսը, նստեց աթոռին:– Եսպես նայելը հարմա՞ր է...

- Հարմար է:

- Անունդ ի՞նչ է:

- Հասմիկ: Անընդհատ մոռանում ես:
- Հա, հա, հա: Հասմիկ: Հարուբի հետ եկա՞ր...
- Ես, Հարուբը, Սվետան:
- Մենա՞կ էի...
- Մրտում եմ,- ասաց Հասմիկը:
- Սաքոն մոտեցավ, ուսերի մուշտակը փռեց աղջկա վրա, նստեց թախտին:
- Հասմիկը մուշտակի տակից ձգեց, հանեց անձրևանոցը, պարզեց Սաքոյին.
- Կմրտես:
- Եկաք: Հետո՞,- անձրևանոցը ուսերին գցեց Սաքոն:
- Դու, Սկրտիչը, Գրիգորը խմած՝ երգում էիք: Հո տեսարան չէր...
- Ի՞նչ էինք երգում...
- Այ ֆիդայիներ, ջան ֆիդայիներ: ճակատներդ կպցրել էիք իրար ու օրորվում էիք;
- Գրիգոր, Գրիգոր, Գրիգոր...
- Փոքր-մոքր մարդ էր:
- Հա,- ճակատին խփեց Սաքոն:- Գրիչը: Երգում էինք:
- Հետո թեյի բաժակներով Նապոլեոն խմեցիք:
- Հրաշք խմիչք է,- երկար արտաշնչեց Սաքոն:- Ո՞նց տաքացրեց ց...
- Գլխացավդ անցա՞վ...
- Երկար մատներ ունես:- Սաքոն բռնեց աղջկա ափը, հանեց ստվերից, պահեց լուսամփոփից ընկնող կարմիր լույսի տակ:- Նկարելու մատներ են:
- Իսկ դե՞մքս...
- Սաքոն քիչ առաջ մղվեց, բարձրացրեց աղջկա գլուխը:
- Աչքերդ լավն են, քիթդ մի քիչ կարճ է, բայց լավն է, շուրթերդ լավն են...- Սաքոյի հայացքն ընկավ մուշտակի տակից դուրս սահած կրծքին:- Կրծքերդ...- Նա փորձեց դեքը մխրճել աղջկա կրծքերի մեջ:
- Սպասիր,- հրեց Հասմիկը, նստեց, գլուխը ցնցելով շտկեց ուսերին փռված մազերը, ոտքի ելավ, մի պահ մերկ մարմինը ցուցադրելով՝ հագավ մուշտակը:
- Չհասկացա,- կոտր ընկավ Սաքոն:- Մեր մեջ ոչ մի բան չի եղե՞լ...
- Եղել է,- կոշիկները հագավ աղջիկը:
- Բա ինչի՞ ես ելնում:
- Պետք ունեմ,- Հասմիկը իրեն հայտնի ինչ-որ բաներ վերցրեց թախտի անկյունից, խրեց մուշտակի տակ, կտկտացնող քայլքով սենյակից դուրս գնաց:
- Աննորմալ է,- Սաքոն ելավ, փոքրիկ սեղանի վրայից վերցրեց սիգարետի տուփը:- Քեմալ... Պակաս չի լինի ձեր բանը:- Սիգարետ վառեց, ծխեց, աչքն ընկավ սեղանի կիսով չափ դատարկ բաժակին՝ թոցրեց բաժակը, խմեց.- Հո ... Հիմա կղզվեմ:
- Սուրճ կունենա՞ս...

Աղջիկն էր՝ հագնված, բարձրահասակ, ձիգ, դռան մեջ կանգնած՝ հեգնանքով ժպտում էր: Սաքոն երկար նայեց: Ամեն բոլոր փոխվում ես:

– Լավ չի՞...

– Եսի՞մ... Չէ, լավ է, լավ է, ինչի՞ չի լավ: Սուրճը սեղանի դարակի մեջ է. Պահում եմ, որ եկող-գնացողը չգտնի:

– Եկող, գնացող շատ ունե՞ս...

– Պատահում են:

– Զաղցր ես խմո՞ւմ, թե՞ դառը:

– Ոնց որ դու:

– Ես դառն եմ խմում:– Հասմիկը խոհանոց գնաց:

– Չարգացածներից է,– փնթփնթաց Սաքոն, բազկաթոռից ելավ, գնաց, թախտի վրայից վերցրեց տաբատը, հավասարակշռությունը չկարողանալով պահել՝ մի կերպ հագավ: – Զեֆս լավացավ,– ասաց, հայացքը այս ու այն կողմ գցեց,

Վերջապես տեսավ հատակին ընկած սվիտորը, վերցրեց, թափ տվեց:– Վայ Սաքո, Սաքո, չսատկես դու,– ասաց, նայեց ոտքերին՝ գուլպաներով էր, զարմացավ:– Սրանք ե՞րբ հագա,– ասաց, ոտքերն անցկացրեց կոշիկների մեջ:

– Էդ ի՞նչ ես քեզուքեզ խոսում,– լսվեց խոհանոցից:

– Խոսում եմ, Էլի: Խոսելու քիչ բան կա՞...

Սուրճի բաժակները մատուցարանին՝ Հասմիկը եկավ, բաժակները դրեց սեղանի անկյունին, սեղանը հավաքեց, սրբեց, կեղտոտ բաժակները, շշերը, մոխրամանը դրեց մատուցարանին, խոհանոց տարավ: Խոհանոցից ջրի շփշփոց լսվեց:

– Էդ ի՞նչ ես անում,– բազկաթոռին նստելով սուրճի բաժակը մոտ ձգեց Սաքոն:

– Բաժակներն եմ լվանում:

Քիչ անց մաքուր մոխրամանը ձեռքին Հասմիկը եկավ, մոխրամանը դրեց Սաքոյի դիմաց.

– Համեցե՞ք,– ասաց, նստեց բազկաթոռին, սիգարետ վառեց:

– Բեմալիդ նայե՛մ, մաքրասիրությանդ նայե՛մ...

– Բեմալ ծխողը մաքրասեր չի լինում...

– Որտեղի՞ց... Նրանց ուշքն ու միտքը կայֆն է:

– Բացառություններ, ուրեմն, պատահում են,– Հասմիկը շուրթերին մոտեցրեց սուրճի բաժակը, կում արեց, դրեց վար:– Թող սառի:

– Անուշ ժպիտ ունես:

– Ուրի՞շ...

– Ուրիշը՝ չեմ հիշում: Սուրճը խմենք, պառկենք՝ ուրիշն էլ ասեմ:– Սաքոն ձգվեց սեղանի վրայով, համբուրեց աղջկա այտը, ցանկացավ շուրթերն էլ համբուրել Հասմիկը գլուխը հետ տարավ.

– Հանգստացիր,– ձեռքով կամաց հետ մղեց, նստեցրեց Սաքոյին:

– Բեզանից գլուխ չեմ հանում,– փնչացրեց Սաթն: Լռեցին: Դրսի աշխարհն իրեն զգացնել տվեց, ավտոմեքենայի ազդանշանը նվազեց լամբադայի կիսաառ-պռատն ու սսկվեց.

– Չարուբի մակարդակից չես բարձրանում,– վերջապես խոսեց Չասմիկը:

– Չարութն էլ է ասո՞ւմ խմենք, պառնկենք,– խայթեց Սաթն:

– Դա քեզ չի վերաբերում:

– Որ չի վերաբերում ինչի՞ մնացիր մոտս...

– Ասացիր՝ մնա, հետո խոսելիք ունեմ:

– Ու՛ խոսեցի՞նք...

– Խոսեցինք:

– Ասացի՞, որ քո եղ Չարութը փողից դեն՝ աշխարհ չի պատկերացնում...

– Չէ,

– Չիմա եմ ասում:– Սաթն ելավ, վառեց արվեստանոցի լույսը, մոտեցավ պատին:– Տես, տես, տես,– մատնացույց արեց նկարները:– Նայիր: Ինչքան էլ էստեղ են շարված: Ամեն մեկը՝ հարյուր հազար: Չիտուն հազարով՝ կիսլեն,– ինքն իր խոսքերից ոգևորվելով՝ գոչեց Սաթն:– Դուլարով... Չաշվիր՝ ի՞նչ է անում: Զանի՞ Չարութ կմոցնեմ ջեբս ու դուրս կհանեմ: Նապոլեոն չեմ խմո՞ւմ, չեմ ուզո՞ւմ չեմ խմում: Նապոլեոնն ինձ համար, Չարութիդ նման, կյանքի նպատակ չի: Չասկացա՞ր...

– Չասկացա,– ժպտաց աղջիկը:

– Բա իհարկե: Թքել եմ ես նրա վրա էլ, Նապոլեոնի վրա էլ, տո հենց, Կուտուզովի վրա էլ:

– Օղի կխմե՞ս...

– Օղի՞... Որտեղի՞ց,...

Չասմիկը ելավ, պայուսակը բերեց, միջից օղու շիշ հանեց, շոկոլադի սալիկ, դրեց սեղանին.

– Բաժակներ բերեմ,– ասաց, գնաց խոհանոցից բաժակներ բերեց ու նստեց:

– Ֆոկուսնի՞կ ես:

– Որ կոնյակն առավ՝ սա էլ առավ, ասաց՝ պահիր, պետք կգա:

– Անասուն,– շիշը բացելով դեմքը թթվեցրեց Սաթն: – Ուրեմն Սաթն փող չունի, որ կոնյակ առնի, օղի առնի, առ, որ պետք լինի՝ հենց քեզ էլ կառնեմ, Չարութ տղա:– Խոսքի հետ նա օղի լցրեց բաժակները, լռեց մի պահ ու հոգոց հանելով ասաց.– Սարերում թողած իմ ֆիդայի տղերքի կենացը:– Սուսուփուս խմիր, բան չասես:

– Չեմ ասում,– տխրածայն ասաց Չասմիկը:

Սաթն բաժակը միանգամից դատարկեց: Չասմիկը կում արեց, վրայից մի ումպ սուրճ խմեց:

– Չաստավի՞զ,– բաժակը սեղանին դրիսկառընըր Սաթն: – Չես գնում Ղարաբաղ՝ քո գործն է, գոնե գենք առ՝ օգնիր; Չասացի՞...

– Չէ,– աղջկա աչքերի մեջ արտասուքը խաղաց:

- Աչքերդ չոր պահիր,- մատը տարուբերեց Սաթն: - Նրանց Չարութի հույսին հո չե՞նք թողնի... ճիշտ չեմ ասո՞ւմ...
- ճիշտ ես ասում,- Չասմիկի ծնտը դողդողաց:
- Էդ պարագիտները կարծում են, թե ազգի հույսը իրենք են: Չայիո-յ... Ազգի հույսը Էս տղերքն են, ես եմ ազգի հույսը,- կրծքին խփեց Սաթն:- ճիշտ չեմ ասո՞ւմ...
- Գուցե... Գուցե օղին պետք չէ՞ր- Աչքերը թաշկինակով չորացրեց Չասմիկը:
- Ո՞նց պետք չէր:
- Չոր-չոր խմում ես:- Չասմիկը ջարդեց շոկոլադի սալիկը, դրեց Սաթնի դիմաց:- Մի բան դիր բերանդ:
- Չեմ կարող:- Սաթն իրեն օղի լցրեց:
- Վրա-վրա՝ խմում ես:
- Մի կում,- ասաց Սաթն, իսկապես կում արեց, կիսատ բաժակը դրեց սեղանին, սիգարետ վառեց:- Էդ Չարութիդ չասի՞ վեր կաց, ռադո քաշիր գնա: Մեկ էլ էստեղ ոտդ չմտնի,- մատով սեղանին կտկտացրեց Սաթն:
- Չէ,- Չասմիկը քիթը վեր քաշեց, նորից թաշկինակը տարավ աչքերին:
- Չեմ հասկանում,- ուսերը վեր քաշելով քմծիծաղ տվեց Սաթն:- Որ եղբանր չեմ ասել՝ ի՞նչ ենք խոսել: Ես խոսելու ի՞նչ ունեմ նրա հետ... Չը՞...- աղջկան նայեց Սաթն:
- Արվեստանոցից էիք խոսում:
- Արվեստանոցի՞ց...- Սաթն գլուխը ցնցեց, փորձեց զգաստանալ:- Արվեստանոցից ի՞նչ էինք խոսում...
- Որ մի տարով վարձով տաս: Չետո՞ կերևա...
- Առը քեզ,- Սաթնի բուրբ մատը ցցվեց ցուցամատի ու միջնամատի արանքից:
- Մկրտիչն ասաց՝ ապրել չի լինում: Կամ դու տուր կամ՝ ես:- Չասմիկը դարձյալ չորացրեց քիթն ու աչքերը:
- Չետո՞...- աչքերը խոշորացրեց Սաթն:
- Ասաց՝ փողը կկիսենք, մի արվեստանոցով յուրա կգնանք...
- Որոշում ընդունողիս նայիր,- ափն ափին շրխկացրեց Սաթն:
- Ասաց՝ քոնը հարմար է: Էնքան քանդակները ո՞նց ենք տեղափոխելու...
- Չամաձայնվեցի՞...
- Ըհը...
- Ախ Մուկու-չ, ախ Մուկու-չ,- գլուխը բռնած օրորվեց Սաթն:
- Ամիսը երկու հազար:- Չասմիկը ելավ, աչքը պատերից կախված նկարներին՝ դանդաղ քայլեց, նկարից նկար անցավ:
- Ո՞ր գնացիր, արի էստեղ,- գոռաց Սաթն, խմեց կիսատ թողած բաժակը:
- Չասմիկը քիչ էլ նայեց, ետ եկավ, նստեց, ոտքը գցեց ոտքին, սիգարետ վառեց:
- Չետո ի՞նչ եղավ...

– Զետո,– տխուր ժպտաց Չասմիկը,– նրանք գնացին, ես մնացի:

– Ինչի՞ մնացիր:

– Զարուբն ասաց՝ մնա: Դու էլ ասացիր:

Սաքոն սիգարետ վառեց, ծխեց: Լսվեց բեռնատարի աղմուկը, որ հեռանալով մարմրեց:

– Զետո պառկեցիր, որ չփոշմանե՞մ,– բմծիծաղ տվեց Սաքոն:

– Չէ,– հոգոց հանեց Չասմիկը:

– Բա ի՞նչ արեցիր:

– Ես չարեցի, դու արեցիր:

– Ի՞նչ արեցի: Պիտի բառերը մեկ-մեկ բերանիցդ քաշե՞մ, գայրացավ Սաքոն:

Զասմիկը թեթեց հայացքը նայեց մի կետի ու զուսպ ձայնով ասաց.

– Գլուխդ առար ձեռքերիդ մեջ ու... մղկտացիր:

– Էլ մղկտալի՞ ո՞րն է, իշխան Սաքո,– ինքն իր հետ խոսեց Սաքոն:

– Ասում էիր՝ սուտ կյանքով եմ ապրում ու մղկտում:

– Զետո՞...

– Ասում էիր՝ նկարներիդ չեն վաճառվում... Որ ինքդ էլ չես հասկանում՝ նկարիչ ե՞ս, թե՞ նկարիչ չես... Ասում էիր՝ աղջկադ կոշիկները ինչ-որ Գերասի մոտ են, փող չունես՝ գնաս, վերցնես...– Զասմիկը հայացքը հեռվում նույն կետին, լռեց:

– Էլ ի՞նչ էի ասում,– Սաքոն ձգվեց, ցնցեց Չասմիկին: – Ինձ նայիր...

– Ասում էիր՝ խմում, աթլորանում ես,– հայացքը դարձյալ հեռվում ասաց Չասմիկը:– Էլ ավտոմատ, էլ ֆիդայի, էլ Ղարաբաղ: Իսկ ճիշտը՝ լղպոր լակոտ եմ, ասում էիր ու մղկտում...

– Ինձ նայիր,– նորից Չասմիկին ցնցեց Սաքոն:

– Չեմ կարող,– աչքերը խոշորացնելով Սաքոյին նայեց Չասմիկը, ծածկեց դեմքն ու հեկեկաց:– Չեմ կարող... Զերիք է:

Սաքոն օղի լցրեց, խմեց: Զեռուներից եկավ, հասավ անցնող գնացքի դրոդոցը:

– ճիշտ եմ ասել,– վերջապես խոսեց Սաքոն:– Ո՞նց չես թթել երեսիս ու գնացել:

– Ո՞ր գնայի,– ձեռքերը դանդաղ դեմքից իջեցրեց Չասմիկը:– Դու խոսում էիր, ես իմ մասին էի մտածում...

– Զո մասի՞ն,– չհասկացավ Սաքոն:– Զո մասին ի՞նչ էիր մտածում :

– Մտածում էի, էլի, - հոգոց հանեց Չասմիկը:

– Չես ուզում մի ասա: Սեմ բեդ՝ ադին ատվետ,– անսպասելի ռուսերեն խոսեց Սաքոն:–

Գնանք պառկենք:

– Պառկենք, հա, պառկենք,– վրդովվեց աղջիկը:– Մենակ պառկելո՞վ է...

– Զեզկից գլուխ չեմ հանում: Ի՞նչ ես ուզում ինձանից,– բղավեց Սաքոն:

– Խմած ժամանակ մեկ մի մարդ ես դառնում, մեկ՝ ուրիշ,– տխուր ժպտաց Չասմիկը:

– Զա,– չոր կտրեց Սաքոն:– Զամելեռնի նման գույնս փոխում եմ:

– Փոխում ես:

– Ո՞ր գույնս է դուրդ գալիս, ասա:

– Լղպոր գույնդ:

– Լղպորներին ես սիրում... Չարութիւն էլ է լղպոր, լիրբ..

Չասմիկը գլուխը շոջեց, նորից թաշկինակը տարավ աչքերին:

– Ասա՝ Չարութիւն էլ է լղպոր...

– Լղպորը ես եմ,– հագիվ լսելի արտասանեց աղջիկը: – Ես էլ եմ սուտ կյանքով ապրում...

Պա՞րզ է:

– Պարզ է, Չէ, հեջ էլ պարզ չի,

– Ես Չարութի հետ կապ չունեմ:

– Ո՞նց չունես: Չետն ես ու՛ կապ չունե՞ս....

– Սրանով կապ ունեմ, սրանով, սրանով... Իսկ սրանով՝ կապ չունեմ:– Չասմիկը ճտքերով

կոշիկները ցույց տվեց, փեշը, սվիտորը, ապա ձեռքը տարավ սրտին:

– Չասկացանք: Չագցնում, կապցնում է:

– Չագցնում, կապցնում,– գլխով հաստատեց Չասմիկը:

– Քեզ ու են մյուսի անունն ի՞նչ էր...

– Ինձ ու Սվետային:

– Բա ո՞նց.. Պիտի հագնվեք, պիտի վայելեք... Քեմալից պակաս չեք ծխում, խմածներիդ էլ՝

Նապոլեոն կոնյակ: Ու ո՞վ: Չարութիւն: Թու...

– Դու խմեցրու,– Չասմիկը ելավ, ծխախոտը մատների մեջ՝ ցուցադրական աջ ու ձախ քայլեց, կանգնեց, քիչ բարձրացրեց կոնքը:–Ի՞նչն է վատ...

Նա իսկապես գեղեցիկ էր և պետք է, որ այդ գեղեցիկից մաքրություն ճառագեր: Սաքոյի ներսում արվեստագետի ոգին ընդվզեց.

– Բա քո պատիվն ո՞ւր է,– բռունցք սեղանին իջեցրեց Սաքոն:– Մերդ քեզ Քեմալը բերանիդ է ծնե՞լ, թե՞ մերկ ու մաքուր...

Չասմիկը մոտեցավ, ձեռքը սահեցրեց Սաքոյի ուսի վրայով, նստեց դիմացն ու դաժան ժպտաց.

– Իսկ քո պատիվն ո՞ւր է... Իմ արվեստանոցն էլ սա է:– Աղջիկը ձեռքերը տարավ կոնքերին, սահեցնելով բարձրացրեց, հասցրեց կրծքերին:– Բա՞...- Նա տարածեց ձեռքերն ու կլկջալով ծիծաղեց:– Վայ, մամա ջան...

Նա շարունակեց ծիծաղել, և այդ ծիծաղի մեջ նյարդային, նյարդայցնող շեշտ կար:

– Վերջացրու: Քանի՞ տարեկան ես:

Աղջիկը մի երկու անգամ էլ կլկջաց ու լրջացավ միանգամից.

– Քսաներկու:

– Վաղո՞ւց ես արվեստանոցդ վարձով տալիս,– ատամները կրճտացրեց Սաքոն:

– Էդպես մի նայիր,– բղավեց աղջիկը:– Դու ինձանից լավը չես:

– Ես արվեստանոցս դեռ վարձով չեմ տվել:

– Տվել ես:

– Խմած մարդու խոսք,– ուսերը վեր քաշեց Սաթն: – Պաղումատշ..

Հասմիկը պայուսակը բացեց, միջից թուղթ հանեց, կարդաց:

– Ներքին պայմանագիր:– Մենք,– աղջիկը նայեց Սաթոյին:– Անուն աղգանուն հայրանունդ երևի հիշում ես,– ու շարունակեց,– մի կողմից, մյուս կողմից Հարություն Աղաբեկի Վարդանյանը կնքեցինք այս պայմանագիրը առ այն, որ առաջինը մի տարի ժամկետով վարձով երկորդին է հանձնում իր արվեստանոցը:– Հասցե, ստորագրություն...

– Ո՞նց թե,– ձեռքը դեպի թուղթը պարզեց Սաթն:– Լո՞ւրջ...

– Ստացական,– ետ մղելու շարունակեց կարդալ Հասմիկը: – Ես, այսինչ այսինչյանս ստացա այսինչ այսինչյանից տասներկու հազար ռուբլի կանխիկ գումարով: Վկաներ՝ Շատվորյան Գրիգոր, Խոջաբեկյան Մկրտիչ...

– Բա դուք... Դուք վկա չեի՞ք,– ինքնաբերաբար հարցրեց Սաթն:

– Հարու՞թը կին կխառնի՞ ես գործին,– Հասմիկը քմծիծաղ տվեց, թուղթը գցեց սեղանին, պայուսակից փողերը դուրս բերեց, դրեց Սաթոյի դիմաց:– Վեց հազար ռուբլի: Մյուս վեց հազարը Մկրտիչը տարավ:

– Թուղթը կպատռենք,– Սաթն վերցրեց, պատռեց թուղթը:– Եսպես: Փողերն էլ կտանեմ, կխոթեմ Հարութի քամակը:

– Խոթեցիր,– ժպտաց Հասմիկը:– Թուղթն երկու օրինակից է: Մյուսը՝ Հարութի մոտ է:

Սաթն ծխախոտ վառեց, ելավ, գլուխը կախ պտտվեց արվեստանոցում, մոլբերտի մոտից վերցրեց ներկը քերելու դանակը, մոտեցավ պատից կախ նկարներից մեկին, նայեց, նայեց, անսպասելի պատռեց կտավը, դանակը տարավ երկորդ կտավին:

– Չճղես,– բղավեց Հասմիկը, վեր թռավ, բացեց պատշգամբի դուռը:– Ինձ ներքև կգցեմ, չճղես...

Սաթն շրջվեց: Աղջկա ձայնը և առավել՝ հայացքը հաստատ էին:

- Փորձանք ե՞ս,– Սաթն դանակը վար նետեց, մոտեցավ սեղանին, վերցրեց օղու շիշն ու կոկորդից խմեց:

Հասմիկը դուռը գոցեց, դանդաղ քայլերով ետ եկավ, փլվեց բազկաթոռին:

– Ես մարդկանց ի՞նչ եմ ասելու, – Սաթոյի խոսքն, իհարկե, ինքն իրեն էր ուղղված:– Ասելու եմ ծախվե՞լ եմ... Հը... Ի՞նչ եմ ասելու...

Հասմիկն իրեն օղի լցրեց, խմեց, ձեռքի ափով սրբեց բերանը.

– Իսկ ես ասո՞ւմ եմ, որ ծախվել եմ...

– Քոնը՞ ի՞նչ,– ուսերը վեր քաշեց Սաթն:– Քոնը չի երևում: Սա ռեալ արվեստանոց է՝ իմն էր ու հիմա իմը չի:

– Սա ռեալ չի՞,– ձեռքը սրտին դրեց Հասմիկը:– Ռեալը չորս պա՞տն է:

– Դրան ի՞նչ է եղել: Իր համար աշխատում է: Հարութի նման մեկին ճարում ես՝ ավելի լավ է աշխատում:

– Լպիրշ, – զգվանքով Սաթոյին նայեց աղջիկը:– Ասում էին նկարիչները ցինիկ են՝ չէի հավատում: Հավատամք էլ չէն թողնում...

– Հավատամք...– Սաթոն մոտեցավ, նստեց բազկաթոռին:– Իսկ էդ հավատամքը դու ունեցե՞լ ես... Ես գիրբիլը չի՞ քո հավատամքը:– Նա վերցրեց Քեմալի տուփն ու զարկեց սեղանին:– Հավատամք...

Աղջիկը կում արեց օդու բաժակից, գոցեց աչքերը: Լուսնալույսի պես մեղմ ու դանդաղասահ՝ նրա դեմքին ժպիտ հայտնվեց: Հեռու-հեռուներից լսվեց ու կորավ Էլեկտրաբարշի բամբ ազդանշանը:

– 88-ի փետրվարը հիշո՞ւմ ես...

– Ո՞նց չեմ հիշում,– ասաց Սաթոն:– Դու էդ ո՞ւր հասար...

– Առաջին կուրս,– խոսեց աղջիկը:– Ոչ ոտքերիս տեղը գիտեի, ոչ՝ կրծքերիս:– Հասմիկը բացեց աչքերն ու հայացքը հառեց առաստաղին:– Ու՛ հրապարակ, ու՛ ժողովուրդ, ու՛ ես՝ պրովինցիայից եկած աղջիկս, էդ ժողովրդի մեջ, նրա իմ չափը, ու՛ Ղարաբաղ, ու՛ հեքիաթից դուրս պրծած հարթակի տղերքը...

– ճախրանք...- ասաց Սաթոն ու աչքերը լցրեց:– ճախրա-նք,– ձայնը կերկերաց:

– Ըհը՞...– Սաթոյին նայեց աղջիկը:– Դասադուլ էր պետք՝ անում էինք, նստացույց էր պետք՝ անում էինք, հացադո՞ւլ անում էինք ու հավատամքով, որ քո արածը շատ է կարևոր... Եվ մի այնպիսի համոզվածությամբ, որ Սերվանտեսի հերոսն էլ չուներ...

– Էդպես էր,– հաստատեց Սաթոն, բաժակը պռնկեպռունսկ օղի լցրեց, խմեց:Էդպես էր:

– Հոգու ինչ վերելք էր,– գլուխը տմբտմբացրեց՝ աղջիկը:

– ճոխ... ճոխ լեզու ունես:

– Թատերական ինստիտուտ...

– Դերասա՞ն ես,– անսպասելի ուրախացավ Սաթոն: – Շուտ ասեիր...

– Չես տեսնո՞ւմ... Կոնքերս ճոճելով դերասանություն եմ անում:

– Վերջ տուր: Արի հիմա միասին խմենք:– Սաթոն օղի լցրեց:– Բաժակ-բաժակի խփենք ու խմենք:

Սաթոն բաժակը բարձրացրեց: Հասմիկը քիչ հապաղումով վերցրեց: Նրանք լուռ իրար նայեցին, բաժակները հպեցին իրար ու խմեցին:

– Շատ ես խմում, ասաց Հասմիկը:– Մի բան դնեիր բերանդ:

– Էդ՝ հեչ,– ձեռքը թափ տվեց Սաթոն:– Իմ լավը էս է, որ մյուս օրը գլուխս չի ցավում:

Ուրիշներինը ցավում է, իմը՝ չի ցավում: Դու շարունակիր:

– Ի՞նչ շարունակեմ...

– ճախրանքդ, որ ասում էիր... Էս...

– Չէ, ճախրանք չէր,– հոգոց հանելով գլուխն օրորեց Հասմիկը:– Պարզապես՝ երկու տարի՝ թռի-վռի մի ճպուռ...

– Հետո՞ ճպուռի թևերը պոկեցին,– Սաթոն ափերն իրար զարկեց:– Էդպես չի՞...

- Ըհը, - քիթը քաշեց աղջիկը:- Կռիվը պրծավ:
- Պարզվեց, որ մեր կռիվը Յարուբի համար է եղել: Եղպես չի՞...
- Ըհը: Մենք դատարկվեցինք, նրանք լցվեցին:
- Հասկանո՞ւմ ես՝ ինչ դուրս եկավ,- ատամների կրծոտացնելով աղջկան ցնցեց Սաթն:
- Ոչինչ էլ դուրս չեկավ,- ձեռքը թափ տվեց աղջիկը, խմեց կիսատ թողած օդին:-

Հավատս որ փշրվեց՝ ինձ համար մեկ է:

- Վայ ես ձեր,- ճոճվեց Սաթն:- Վայ ես ձեր... Ավտոմատը վերցնեմ ու դրանց զռացնեմ...
- Խելառ:
- Գրիշ... Գրիշն ո՞ւր է...

Հասմիկը ելավ, խոհանոց գնաց, թռչված թաշկինակը ձեռքին ետ եկավ, կանգնեց Սաթնի հետևը, թաշկինակը դրեց ճակատին, գլուխը ձգեց, կացրեց իր փորին:

- Հիմա լավ կլինես,- ասաց, սրբեց Սաթնի դեմքը:- Այ եսպես... Խելոքս:
- Ուխա~յ,- ասաց Սաթն:- Ինչ լավ է...
- Կինդ չի անո՞ւմ...
- Կինս ճշում, բղավում է:

- Ո՞նց կարելի է եսպես խելոքի վրա բղավել,- ժպտաց Հասմիկը, շոյեց Սաթնի մազերը:- Բա կարելի՞ է...- Նա կռացավ, համբուրեց Սաթնի ճակատը, թաց թաշկինակը ծալեց, դրեց վզին ու նստեց:- Հիմա կոզվես:

- Ես փողերի կեսը վերցրու,- Սաթն փողը հրեց Հասմիկի դիմաց, - վերցրու ու թփր

Հարուբի վրա:

- Խելառ:
- Բա ի՞նչ: Թու~,- թքեց Սաթն:- Եսպես կթքես նրա երեսին: Եղավ՞...
- Ինձ փող պետք չի,- տխրեց աղջիկը:
- Ի՞նչ է պետք: Ասա՝ ի՞նչ է պետք: Մի ամաչիր, ասա...
- Արվեստանոց... Եստեղ ես մաքրվում եմ: Հասկանո՞ւմ ես...- Հասմիկը շեշտակի նայեց

Սաթնի աչքերի մեջ:

- Արի, մաքրվիր, ո՞վ է խանգարում:
- Ո՞նց գամ: Առավոտյան արվեստանոց դատարկելու են:
- Չեմ թողնի,- բռունցքը սեղանին իջեցրեց Սաթն: - Կսպանեմ:
- Կթողնես,- հոգոց հանեց Հասմիկը:- Չոթանչիդ չորս հազար ռուբլի ես պարտք:
- Որտեղի՞ց գիտես:
- Որ մոկտում էիր՝ ասացիր:

Հասմիկը սիգարետ վառեց: Սաթն օդի խմեց ու անսպասելի աշխուժացավ.

- Բա ես կյանքի՞ն եր արժանի աղջիկս,- տնագ արեց:- Բա մուզիկայլի ուչիլիչչան իզո՞ւր ավարտեց, նրա սաներին մատաղ, լատիլչնիկ եր:- Սաթն բռնեց Հասմիկի թևը:- Ես մայր չունեմ, դու՛ չունես, չէ, ես աշխարհքում մենակ, ինքն է ու իր աղջիկը: Մենք ես կյանքին արժանի ենք,

աղջիկը՝ չէ: Մենք պիտի տակը լինենք, իրենք՝ վրան: Շոպենի նոկտյուրնն էլ հետը:– Սաքոն տարածեց ձեռքերը:– Տրա-յա-յա...

– Մկրատ ունե՞ս...

– Ունեմ: Ի՞նչ ես անելու:

– Բեր:

Սաքոն ելավ, մկրատը բերեց, տվեց Հասմիկին: – Էդ ի՞նչ է եղունգներիդ վիճակը,– իբր թե խստացավ Հասմիկը:– Նստիր, պիտի կտրեմ:

– Մայրի՞կս ես,– բժժիծաղ տվեց Սաքոն:

– Կինը ծնված օրվանից մայր է: Ձեռքդ տուր:

– Հո չասացիր...

– Բա ի՞նչ.- Հասմիկը սկսեց կտրել եղունգները:

Լեզուն չբացված՝ տիկնիկը սեղմում է կրծքին՝ մայրություն անում: Մյուս ձեռքդ տուր: Ես օրը կհիշվի:

– Լավն ես,– ձեռքը Հասմիկի ափի մեջ դնելով ասաց Սաքոն:– Ափսոս ես:

– Դու ես ափսոս: Մի խմիր:

– Է՛,– ձեռքը թափ տվեց Սաքոն:

– Նկարներիդ ինձ շատ են դուր գալիս:

– Մոդիլյանի՞ լսել ե՞ս...

– Լսել եմ: Աչքերդ շաղվում են: Լ

– Թուլուզ-Լոթրեկից էր գալիս. Սեղանից էր գալիս, բայց ինքն էր: Ինքը կար: Նրա գիծը, նրա պլաստիկան կարո՞ղ է ուրիշն էլ ունի... Հը՞... Ո՞վ ունի...

– Չգիտեմ:

– Որ չգիտես՝ մի խոսիր: Նրա «Էլվիրան» տեսե՞լ ես...

– Չեմ տեսել:

– Որ չես տեսել՝ ի՞նչ ասեմ,– գլուխը թեթեց Սաքոն:

– Տեսել եմ, տեսել եմ, ասա:

– Հիմա թեզ ցույց կտամ,– Սաքոն ելավ, քիչ ճոճվեքով, գնաց, թուղթ ու մատիտ բերեց, նստեց, կթվեց սեղանին: – Այ էսպես էր նկարում,– Սաքոն գծեր քաշեց, չիավանեց, կողմ նետեց թուղթը, ուրիշ թուղթ վերցրեց:– Չէ՛ էսպես:– Սաքոն նորից գծեր քաշեց, չիավանես, կողմ նետեք:– Հիմա թեզ պիտի նկարեմ:– Նա մի պահ կկոցած աչքերով նայեց Հասմիկին, արագ– արագ գծեր քաշեց:– Էսպես: Մոտավորապես: Չգո՞ւմ ես ինչ պլաստիկա ունի... Բայց աղքատ էր խեղճը ու հո չէր խմում: Նա ելավ, թուղթը ձեռքին մոտեցավ սենյակի մեջտեղում ցցված դատարկ աթոռին, պարզեց թուղթը:– Ես Մոդիլյանին եմ, գնեցեք իմ նկարը...– Մի պահ սպասեց, քայլեց, կանգնեց մուլբերտի մոտ:– Ես Մոդիլյանին եմ: Գնեցեք իմ նկարը.- Սպասեց, ապա քայլեց կանգնեց թախտի մոտ:– Ես Մոդիլյանին եմ, գնեցեք իմ նկարը,– ասաց, սպասեց ու բերանքսիվայր փռվեց թախտին:

– Մոդիլյանի,– քիչ անց շնչաց աղջիկը, մի կում օդի խմեց, ապա ելնելով՝ արագ-արագ հանվեց, մերկացավ, ոտքերի ծայրերի վրա մոտեցավ Սաթոյին:– Մոդիլյանի,– շնչաց,– ինձ նկարիր: Ինձ մերկ ու մաքուր նկարիր...– Սաթոն չէր շարժվում: Աղջիկը կռացավ, ցնցեց Սաթոյին: Մոդիլյանի, ինձ մերկ ու մաքուր նկարիր, Մոդիլյանի...: Աղջիկը բռնեց Սաթոյին, տնքալով շրջեց մեջքի վրա:– Մոդիլյանի,– ձայնը բարձրացրեց աղջիկը: Սաթոն խռացրեց խո՛զ,– բղավեց աղջիկը, հարվածեց Սաթոյին,– խոզ, խոզ, խոզ... Ձեզ մաքրություն պե՛տք է...– Նա հեկեկոցը խեղդելով հետ դարձավ, մուշտակը գցեց ուսերին, ծխախոտ վառեց ու կծկվեց բազկաթռռի մեջ:

Սաթոն սրճարան մտավ:

– Եկա՞ր,– խռպոտ ձայնով կանչեց Մկրտիչը:– Շուշանիկ, մի գավաթ սուրճ՝ երիտասարդ ընկերոջս համար

– Սկսվե՛ց,– կանչեց Շուշիկը:

– Յը,– ներողամիտ ժպիտով գլուխն օրորեց Մկրտիչն ու դարձավ Սաթոյին,– բաժակը, բաժակը հետո՞ բեր:

Սաթոն բաժակ վերցրեց, մռայլադեմ մոտեցավ, նստեց, բաժակը շիկոցով դրեց սեղանին.

– Միանգամից բաժակները դիր մոտո՞, Էլի:

– Ոչ,– մատը ճոճեց Մկրտիչը:– Կռվողն իր գեներ պիտի իր հետ բերի:– Նա օդի լցրեց Սաթոյի բաժակը, նայեց իր կիսատ բաժակին՝ քիչ ավելացրեց:

– Յա,– կանչեց Շուշիկը:– Թնդանոթներդ... Պակաս չի լինի ձեր բանը:

– Ես գործին չմիջամտես,– կեղծ գայրացավ Մկրտիչը, նայեց Սաթոյին:– Սուսուփուս խմիր:

– Սպասիր,– ծանր արտաշնչեց Սաթոն:

– Խմիր՝ կթեթևանաս,– ժպտաց Մկրտիչը:– Թեթև ապրիր, ազատ ապրիր, անկախ ապրիր: Տեսնո՞ւմ ես, ինչ արևոտ օր է...

– Թողնո՞ւմ եմ,– ճակատը կնճռոտեց Սաթոն:

– Ով չի թողնում,– ըմբոստացավ Մկրտիչը:– Դու մենակ ասա՛ ո՞վ չի թողնում...

Սաթոն խմեց, ծամածռեց դեմքը.

– Տարա...– Տարա փողերը իրեն սևացնեմ.

– Յարութի՞ն,– վախեցավ Մկրտիչը:– Չանես: Էդ փողի կեսն արդեն գոյությունն չունի, չանես: Չես ուզում՝ թող գա, մտնի իմ արվեստանոցը:

– Չո-բան-չիս,– հատ-հատ արտասանեց Սաթոն:

– Յա~,– թեթևացած շունչ քաշեց Մկրտիչը:– Չոբանչիդ:

– Տարա պարտքը տամ՝ ասում է՝ հիմիկվա չորս հազարն ու Էս ժամանակվա չորս հազարը ինչի նո՞ւյնն եմ... Փողերը գցեցի սեղանին, դուրս եկա:

– ճիշտ է ասում,– կանչեց Շուշիկը:– Ո՞ր թվին ես վերցրել...

– Ես գիտե՞մ,– ուսերը քաշեց Սաթոն:– Կնիկս մանրից վերցրել է:

- Ամենաքիչը տասով բազմապատկիր: Ամենաքիչը:
- Քառասուն հազար,- աչքերը խոշորացրեց Սաթն: - Անտրմալ ե՞ք...
- Քեզ բան ասացի,- ինդաց Շուշիկը:- Մի երկու ամսից քսանով պիտի բազմապատկես, կուկլա ջան...
- Վայ քո,- ափը ափին շրիկացրեց Սաթն:- Ամբողջ կյանքումս պիտի պարտք մնամ...
- Խնդրում ես,- ժպտաց Շուշիկը:- Էդ պարտքի տերը կհնդա...
- Բա ի՞նչ անեմ: Ուրիշ ի՞նչ անեմ:
- ճիշտ է ասում,- մատը ցցեց Մկրտիչը:- Առանց պարտքի մարդը ո՞ւմ է պետք:
- Ձեզ տղամարդ ասողի,- գլուխն օրորեց Շուշիկը, գլորշու խշխշոցը տարածեց սրճարանում, սուրճի բաժակը բերեց, դրեց Սաթնի դիմաց:
- Յենց մեզ պիտի տղամարդ ասեն,- Շուշիկի թևը բռնեց Մկրտիչը:- Մեր պարտքը գիտե՞ս ինչ պարտք է...
- Պարտքը պարտք է,- թևը քաշեց Շուշիկը, թեթև քայլերով գնաց իր տեղը:- Պարտքը աչք-ունք ունի՞...
- Էն էլ ոնց ունի,- գլուխը տմբտմբացրեց Մկրտիչը: - Ես շումերներին եմ պարտք, Միքելանջելոյին, Օդյուստ Ռոդենին...
- Ռաֆայելին, Ռեմբրանդին, Մոդիլյանին,- մեջ ընկավ Սաթն:
- Քո պարտքը իմին մի խառնիր, - խոժոռվեց Մկրտիչը- Դոնատելլոյին, Բուրգելին ու Մարլախին... Էլի ասե՛մ..
- Արտասահմանցիներ ե՞ն, ճ աչքերը ճպճպացրեց Շուշիկը:
- Բա ի՞նչ են:
- Քոռանա-մ,- ափը այտին օրորվեց Շուշիկը:- Դուլար եք վերցրել...
- Էլ՝ դուլար, էլ՝ ոսկի, էլ արծաթ ու շատ ու ահագին,- երանությամբ ժպտաց Մկրտիչը ու դարձավ Սաթնիին:- Թե չե՛՝ զոքանչդ... Կամ Յարուբո, Թու,- մռայլվեց Մկրտիչն ու օղի խմեց:
- Էդ պարտքերի տակից ո՞նց ես դուրս գալու, այ ծակ ջեբ,- տխուր ժպտաց Շուշիկը:- Խմել՝ քոռուփուչ են արել:
- Վերջապես մի ճիշտ հարց տվեցիր,- հաստատեց Մկրտիչը:- Յիմա ես ի՞նչ պիտի անեմ: - Նա ձեռքը գցեց
- Սաթնի ուսին:- Դո՛ւ ինչ պիտի անես, ախպերիկս...
- Ես գիտե՞մ,- Փնչացրեց Սաթն:
- Ասում եմ այ ժողովուրդ,- աշխուժացավ Մկրտիչը: - Արի նրանցից վերցրած ոսկին ու արծաթը քեզ տամ, չեն ուզում: Կալքաս են ուզում, կարագ են ուզում, պանիր ու բրինձ են ուզում:
- Տալիքդ ոսկի ու արծաթ է, որ,- մրթմրթաց Սաթն: - Յամոզվա՛ծ ես...
- Իմը, հա, հենց ոսկի ու արծաթ է,- զայրացավ Մկրտիչը, -- Բան ունե՞ս ասելու:
- Չէ:
- Պը՛րծ..

– Պըրծ:

Շուշիկը սուրճի բաժակը պարզեց հաճախորդին, սպասեց որ հեռանա ու ձայնը ցածրացնելով թեքվեց դեպի նրանց սեղանը.

– Ծախեք: Ծախեք, գեներ առեք, ուղարկեք Ղարաբաղ: Ուզո՞ւմ եք՝ առնող գտնեմ:

– Պահ,– ոռնաց Մկրտիչը,– Էդ Ղարաբաղն ինչի՞ հիշեցրիր...

– Ասա՛ մոռանո՞ւմ եմ,– մռայլվեց Շուշիկը:– Հողեմ նրա լաթոտած գլուխը:

– Լաթա չի,– մատը տարուբերեց Սաթն:– Արյունոտված Արցախի քարտեզն է:

– Իսկը,– կանչեց Շուշիկը:– Էդ արյունը նրա աչքը լցվի:

– Մուկուչ,– ձեռքը շեշտակի բռնեց Սաթն:– Արի Արցախ գնանք...

– Գնացինք,– ասաց Մկրտիչը:– Դու քո նկարները, ես՝ քանդակներս, շալակենք գնանք:

– Ձեռ է առնում:

– Գնանք ու ի՞նչ ասենք, գիտե՞ս... Ասենք՝ մենք մեր արվեստը չկարողացանք պաշտպանել, հիմա եկել ենք ձեզ պաշտպանելու: Կթափ երեսներիս, դու ղարաբաղցուն չգիտես:

– Ամոթ է, այ տղա,– ձայն տվեց Շուշիկը:

– Քեզ բան ասել չի լինի,– դժգոհեց Սաթն:

– Ախպերիկս, ես աշխարհում, որ ամեն մեկն իր գործով զբաղվի՝ ամեն ինչ կընկնի տեղը:

– Թողնո՞ւմ են,– լուցկին սեղանին շիկացրեց Սաթն:

– Էլի չեն թողնելու: Բայց Գառնի, Գեղարդ, Չվարթսոնց ու Ամարաս, հո, կերտե՞լ ենք...

– Նրանք ազգս սպանեն՝ ես էստեղ նստեմ, կերտե՞մ, - ձայնը բարձրացրեց Սաթն:

– Ճիշտ ես ասում,– կանչեց Շուշիկը:– Գառնի, Գեղարդ... Ռակետ է պետք, ռակետ...

– Բա իհարկե՞,– ոգևորվեց Սաթն:– Ազգս կոտորվում է՝ ես նստեմ, նատյուրմորտ նկարեմ:

– Հը,– բմծիծաղ տվեց Մկրտիչը:– Մինչև կոտորելն, ուրեմն, հինգ ու խաչ էիր անում: Օրը մի նկար կախում էիր պատից: Պլախոմոլ տանցորոլ այցի մեշայուտ, լսե՞լ ես...

Սաթն ցանկացավ պատասխանել, բայց տեսավ ներս մտնող պոետին, որ իրենց նկատելով, մեջքով շրջվեց:

– Արի պոետ, արի,– ասաց Սաթն:

– Չէ,– թեք նայեց պոետը:– Ձեր մոտ չեմ նստի:

– Շուշանիկ, մի գավաթ սուրճ՝ պոետի համար:

– Ոչ, ոչ, ոչ...

– Ինչի՞:– Սաթն ելավ բռնեց պոետի թևը, բերեց նստեցրեց, գնաց բաժակ բերեց, օղի լցրեց, պարզեց.– Խնդրեմ:

– Որ կարողանում ես՝ էսպես եղիր, Էլի,– բաժակը վերցնելով ժպտաց պոետը:– Չարքերը միջիցդ հանիր:

– Երկրորդ խոսափող, - ձայն տվեց Մկրտիչը:

– Չզվեցինք,– դեմքը խոժոռեց պոետը:– Յենց մարդուն սարքեցին խոսափող՝ գործը հարամեցին:– Նա օդին խմեց, նայեց Շուշիկի կողմը:

– Ճիշտ, - կանչեց Շուշիկը:– Կախազուխները...– Սուրճը բերեց, դրեց պոետի առջև, հեն գնաց:

Պոետը մի ումպ սուրճ խմեց.

– Գիշերը ի՞նչ էի մտածում...

– Յա,– աթոռը շտկեց Սաթն:

– Էն անասուն Մսրա Մելիքը, ուրեմն, հորը փորում, Դավթին խաբելով գցում է մեջը: Իսկ մեր Էս խելառը հորից ելնում, զարկերը սրան նրան է բաշխում: Եղպես՝ կլինի՞... Ընտրողն էլ ո՞վ՝ ժողովուրդը:

– Յրա՛ջք,– ասաց Մկրտիչը:– Դավթի կենացը:

– Բայց վերջին զարկը հո չտվե՛ց,– գլուխը հաճույթով ճոճեց Սաթն:– Մորթոզին մորթել է պետք:

– Մորթել,– զայրացավ պոետը:– Բա Էս խելքն ինչի՞ համար է մեզ տրված: Լազեր են սարքում, լազե՛ր... Պըժ՝ տանկր չկա, պըժ՝ ուղղաթիռը չկա... Մեր գիտնականները ինչո՞վ են զբաղված՝ չեմ հասկանում:

– Չորրորդ լսափո՞ղ... Յասկացա՞ր,– ժպտաց Սաթն:

– Երանի մեզ, - ձայն տվեց Շուշանիկը:– 4աֆեներում նստած՝ պրժ...

– Ապրես...– Շուշիկի կողմը մղվեց Մկրտիչը:– Էս՝ կաֆեները մեր տունը քանդեցին: Ֆրանսիացին, ախպեր ջան, գործը վերջացնում, նստում է կաֆեում, խաղաղվում, հանգստանում է: Մենք՝ լույսը չբացված, մեզ գցում ենք կաֆե: Իբր՝ մենք էլ ֆրանսիացուց պակաս ազգ չենք: Ու ի՞նչ ենք անում կատաղում ենք: Խաղաղված գետերն են հասնում օվկիանոս, հասկացեք,– բռունցքը սեղանին իջեցրեց Մկրտիչը:– Չէ: Կատաղում, աչքներս արյունը լցնում, ընկնում քարի վրա՝ չրիկ, հա, չըխկ... Բա Էդ քարը քանդակ կդառնա՞, Էդ քարը շունչ ու հոգի կառնի՞...

– Խելոք խոսք է,– մորուքը շոյեց պոետը:

– Յիմա, մի դիվիզիա լակոտ սրճարաններում նստած է: Վաստակել՝ հանգստանո՞ւմ են... - Մուկուչը կանգնեց.–Դու, դու, դու, տո հենց դու, հա, դու, ի՞նչ եք արել, որ եկել, վեր եք ընկել սրճարանում...

Մի քանի երիտասարդներ ոտքի ելան: Նրանցից մեկը դանդաղ քայլեց դեպի Մկրտիչը: Շուշիկն աճապարելով տեղից դուրս եկավ, երիտասարդի դիմացը կտրեց.

– Վահան ջան, պետք չի: Վահան ջան հորդ տարիքին է:– Նա բռնեց երիտասարդի թևը, տարավ, նստեցրեց տեղը:

– Պիրոժնի ուտողներ,– շարունակեց Մկրտիչը:– Էսպես՝ երկիր են պահո՞ւմ...

Շուշիկը մյուսներին նույնպես նստեցրեց, մոտեցավ Մկրտիչի սեղանին:

– Գնա գործիդ,– մռտաց Սաթն:– ճիշտ է ասում դարմանդներ են:

– Ընդունենք, թե ոչ մի կոիվ էլ չկա,– դանդաղ նստեց Մկրտիչը:– Պիտի աշխատե՞ս, որ երկիրդ շենանա...

– Սրանց բան չասեք,– կռանալով ցածրաձայն ասաց Շուշիկը:– Կռվող տղերք են:

- Յա~...,- բերանը բացեց Մկրտիչն ու չփակեց:

Պոետը շոջվեց, նայեց տղաների կողմը, բարձրացրեց բաժակը:

– Լացս զսպեմ ու ձեր ցավը տանեմ, տղերք,– արտասանեց ու խմեց:

Սաքոն կտրուկ ելավ տեղից, մոտեցավ նրանց, գրպանից օղու շիշ հանեց, դրեց սեղանին, ետ եկավ:

– Երեխեք են,– հայացքը տղաներին վերջապես խոսեց Մկրտիչը:

Երիտասարդներից Վահան անվանյալը շիշը հետ բերեց, դրեց Սաքոյի դիմաց, ցանկանալով հետ գնալ՝ Մկրտիչը թևը բռնեց.

– Նստիր, տղա ջան, մի բռնե՛ս նստիր:– Տղան դժկամությամբ նստեց:– Քանի՞ տարեկան ես...

– Կլինեմ, էի...

– Քսան կա՞ս,– հարցրեց պոետը:

– Տասնութ,– ասաց Վահանն ու նայեց Մկրտիչին: – Մենք լակոտ չենք, հորեղբայր:

– Լակոտը մենք ենք, տղա ջան, - պոռթկաց Մկրտիչը:

– Ձեր հանդեպ՝ լակոտը մենք ենք:

– Պետք չի,– ասաց Վահանը, ցանկանալով ելնել պոետը չթողեց:

- Որտե՞ղ ես կռվել, ապերիկ...

– Նստած՝ սուրճ ենք խմում,– քթի տակ ժպտաց Վահանը, ելավ, գնաց նստեց իր տեղը:

– Սուսիկ փուսիկներ,– դժգոհեց պոետը:– Դրանցից բան կիմանաս...

– Յա,– ասաց Սաքոն:– Մի ծանոթ ունեի՝ երկրաբան էր: Մի անգամ հանդիպեցի, այ Սիմոն, ասում եմ, հեջ չի երևում: Ասում է՝ չգիտե՞ս երկրաբանի գործը: Յետո իմացա, որ զոհվել է: Լավ էլ երգում էր...

– Ուրիշ բան խոսիր, - ընդհատեց Մկրտիչը:– Մի սոլո հնարիր՝ լսեմ, ուրախանամ: Ուրախանալու կարոտ եմ:

– Պոետն էստեղ նստած՝ սուտը ես ընտրե՞մ...

– Դու,– ասաց Մկրտիչը:– Թե չե՞ս կարող՝ ասա չեմ կարող:

Սաքոն ծիսեց, ծուխը փչեց, մոմտաց մի պահ.

– Յնարեմ,– ասաց:– Երեխա էի: Մի հորեղբայր ունեի՝ հենց խմում էր, սկսում էր արտասանել հետո իմացա, որ Թումանյանի քառյակներն է արտասանում...

– Բերանն արևոտ մարդակերը են գազան՝ հազար տարում հազիվ դարձավ մարդասպան,– արտասանեց Մկրտիչը:

– Յետո՞...

– Խմած մարդկանց չէի սիրում,– մեղավոր ժպտաց Սաթն:– Որ արտասանում էր՝ գնում, լուսամուտից դուրս էի նայում...

– Դա ի՞նչ սուտ է,– չհամբերեց պոետը:

– Մուկթ էր, անձրև էր գալիս,– շարունակեց Սաթն,– անձրևի կաթիլները փողոցի լույսերից պեծկտում էին ու կորչում: Ու ես սկսեցի բղավել «Աստղերը թափվում են»...

– Հրա-շք,– կանչեց Մկրտիչը:– Աստղերը թափվում ենք: Բայց սուտը ո՞րն է,– չհանգստացավ պոետը:

– Հիմա ասեմ: Հորեղբայրս ելավ, ինձ գրկեց, ասաց՝ սա արվեստի մարդ է դառնալու: Պակաս սո՞ւտ է...

– Սուտը ո՞րն է, չդարձա՞ր,– հիասթափվեց պոետը:

– Դարձա՞մ, որ, ...– հոգոց հանելով ուսերը վեր քաշեց Սաթն:

– Ումի՞ց ես պակաս նկարում,– բաժակը վերցնելով հանգստացրեց պոետը:– Ողջ լինես:

– Պակասով արվեստ է՞ ստեղծվում,– ասաց Սաթն: – Ավելով է ստեղծվում:

– Ապրես,– Մուկուչը ձեռքը գցեց Սաթնի ուսը, ձգեց, համբուրեց այտը:– Հիմա ես պիտի սուտ հնարեմ: Մի ուրախ, պայծառ, սուտ:

– Սկսիր, մաեստրո,– ափերն իրար շփեց պոետը:

– Ուրեմն, Փարիզում, կաֆեում նստած սուրճ էի խմում՝ մեկ էլ ներս մտան Յեմինգուեյը, Սարոյանը և Օգյուստ Ռոդենը...

– Պահո,– կանչեց պոետը:– Այ սա սուտ է...

– Հա,– շարունակեց Մկրտիչը:– Ինձ տեսան՝ մոտեցան: Բարև, լաո, քո մերը չմեռնի, հա՞յ ես,– ասաց Սարոյանը:– Բա ի՞նչ եմ ասացի ու կանչեցի:– Գարսոն, սուրճ բեր ու մի-մի բաժակ վիսկի...

– Շիշ ուզեիր, տնաշեն,– ասաց Սաթն:

– Երևա՞նդ է,– գայրացավ Մկրտիչը:– Սարոյանն ասաց՝ հայրենակիցս է, ծանոթացեք: Ի՞նչ ծանոթանանք,– ասաց Ռոդենը,– մենք իրար շատ լավ գիտենք, Մկրտիչն է:

– Զեֆերը մի քիչ տնագո՞գ էր,– հարցրեց պոետը:

– Առանց դրա՞... Յեմինգուեյը ձեռքը դրեց ուսիս. Մկրտիչ՝ ի՞նչ է նշանակում: Մկրտիչ,– ասացի,– վարպետ, նշանակում է մկրտող, կնքող: Քրիստոսին,– ասացի,– որ Հովհաննեսը կնքեց՝ դարձավ մկրտիչ:– Հա՛,– ուրախացավ Յեմինգուեյը,– դու իմ ծերունին ես: «Ծերունին ու ծովը» հիշո՞ւմ ես: Նա էր մկրտել օվկիանոսի ձկներին: Միայն շնածկները չմկրտվեցին, մնացին բարբարոս ու տեսա՞ր ինչ օյին խաղացին խեղճ ծերուկի գլխին եղ վայրենի շանորդիք...

– Բա Ռոդենը, Ռոդենն ի՞նչ ասաց,– Սաթն ցանկացավ Մկրտիչի մտքերը նորից հունի մեջ դնել:

– Ռոդե՞նը... Ռոդենը... Ռոդենն ասաց՝ Փարիզում ի՞նչ ես անում, այ Մկրտիչ... Ասացի՝ հանգստանում եմ: Եսպես՝ ոտներս փռել հանգստանում եմ: Եղ լավ է,– ասաց Ռոդենը,– բայց հանգստացող հայ, ճիշտն ասած, առաջին անգամս եմ հանդիպում: Աշխատողների՝ շատ եմ

հանդիպել: Աշխատում էին, հետո նստում, ձեռքը դնում ծնոտի տակ ու տխուր-տրտում խորհում աշխարհի բանը: Իմ Մտածողը,– ասաց,– որ աչքերին լավ նայե՞ք՝ հայ է:

– Սարոյանը սուս մնա՞ց,– անհանգիստ շարժվեց պոետը:

– Սարոյանը սուս մնա՞,– վրդովվեց Մկրտիչը:– Սարոյանը ջղայնացավ, գռռաց՝ ի՞նչ է, հայերս ոտներս փռելու, հանգստանալու իրավունք չունե՞նք... Թե՞ աշխարհի բոլոր սխալները մեր գլխին են թափվելու: Որ եղպես է՝ ես թթել եմ ես սխալական՝ աշխարհի երեսին,– ասաց,– թո՛ւ...

Լռություն տիրեց: Շուշիկը դարձյալ սրճեփի խշխշոցը տարածեց սրճարանով մեկ:

– Տխուր սուտ էր.,– ասաց պոետը:– Շատ տխուր:

– Դու ուրախն ասա,– վրա տվեց Սաթն:

– Չգիտեմ:

– Բա՛,– դառն ժպտաց Մկրտիչը:– Երեք արվեստագետ միասին՝ չեն կարողանում մի ուրախ սուտ հնարել: Ոչինչ, մի օր էլ մեր դռանը հարսանիք կլինի...

– Եկավ,– ասաց Սաթն, մեջքն ուղղեց դռան կողմը, կծկվեց, գլուխն առավ ափերի մեջ:

Հարուրը կանգնեց սրճարանի կենտրոնում, դանդաղ պտտեց հայացքը, Մկրտչին տեսնելով՝ մոտեցավ:

– Սաթն ո՞ւր է.,.

– Էստեղ եմ,– գլուխը ձեռքերից ազատեց Սաթն:

– Էղպես բան են անո՞ւմ,– շղթայից կախված բանալին մատի վրա պտտեցրեց Հարուրը:

– Ո՞վ է այս մարդը,– ասաց Մկրտիչը:

– Ո՞վ եմ,– ներողամիտ ժպտաց Հարուրը:– Իրիկունը Նապոլեոն ո՞ւմ հետ էիր խմում:

Ուզո՞ւմ ես՝ ուղարկեմ մեկն էլ բերեն:

– Հա՛... Օղի կխմե՞ս.,.

– Ժամանակ չկա: Մեքենան բարձած արվեստանոցի դռանը ձեզ է սպասում:

– Մեքենան բարձա՞ծ,– ավելի խեղճացավ Սաթն:

– Հասմիկը չասա՞ց, որ ժամը 12-ին գալու ենք:

– Կարող է ասել է, չեմ հիշում, հայացքը փախցրեց Սաթն:

– Ինքն ո՞ւր է:

– Չգիտեմ: Չարթնեցի՞ մարդ չկար:

– Մի քիչ ակտիվ եղիր, էլի,– Սաթնյի ուսին զարկեց Հարուրն ու դարձավ Շուշիկին,

– Սրանց հաշիվն ի՞նչ է, գնում ենք:

– Դու նրանց հաշվի հետ գործ չունես,– չոր ու խիստ ասաց Շուշիկը:– Դու քո հաշիվներին նայիր:

Սարյանի արձանի մոտ բազմամարդ էր: Ինչ ասես, որ չէին վաճառում գորգ ու կարպետ, խաչ ու խաչքար, մատա–նի, շղթա, գիրք, սրբապատկեր, նարդի, կշեռք... Նկարների շարքն առանձին էր: Հասմիկը ամբոխի մեջ չմտավ, շրջանցեց պուրակը, հանդարտ քայլերով մոտեցավ

Նկարների շարքին: Նա չէր կարող բացատրել՝ ինչո՞ւ այստեղ եկավ, մի բան էր պարզ՝ տուն գնալ չէր ուզում: Նա հայացքը սահեցնում էր նախորդ օրվա անձրևից դեռ խոնավ ծառերի բներին հենված կտավներին և ոչ մի կտավի չէր հաջողվում իր՝ վրա գամել, պահել նրա հայացքը:

- Նկարեմ, - Հասմիկի թևը բռնեց կապուտաչ նկարիչը: - Կես ժամից նկարդ կտամ: Հասմիկը նայեց նկարչին ու դառն ժպտաց. - Մոդիյանի՞ն էս...

Արվեստանոցում թախտը չկար, սեղանն ու բազկաթոռները չկային, լուսամփոփը չկար: Սաքոն ու Մկրտիչն իջեցնում էին պատից կախված նկարները: Երկու երիտասարդներ ծանր-ծանր ներս բերեցին կոշկակարի ցածրիկ, երկաթե սեղանը, դրեցին արվեստանոցի մեջտեղը, նայեցին Հարություն, որ մտքում ինչ-որ հաշիվներ անելով այս ու այն կողմ էր քայլում:

- Տարեք, դրեք այ էստեղ,- ձեռքով արվեստանոցի անկյունը ցույց տվեց Հարույթը,- լուսամ ուտին կպած, պատից կես մետր հեռու:

Երիտասարդները տարան սեղանը, դրեցին.

- Կես մետրը քիչ չի՞,- ասաց գանգրահերը:- Շարժվել չի լինի:

- Պարելո՞ւ էս,- գայրացավ Հարույթը:- Մեռնելով էլ լինի՝ տաս հատ պիտի տեղավորենք: Տասը, սեղան էս կողմից, տասը՝ էս,- ասաց, նայեց Սաքոյին:- Չի տեղավորվի՞...

- Կտեղավորվի,- դեմքը պատին՝ փնթփնթաց Սաքոն:

- Ո՞ր էս նկարներն երես-երեսի դնում,- Սաքոյի վրա գայրացավ Մկրտիչը,- Քերծելու էս, մի-մի նկար վերցնենք, իջնենք:- Նա երկու ձեռքով երկու նկար վերցրեց ու գնաց:

Սաքոն նույնը արեց:

- Վայ քո, - նրանց ետևից կանչեց մյուս՝ լող-լող երիտասարդը, գլխով ակնարկեց պատի նկարները: - Հարցնող լինի՝ քերծվածն ու չքերծվածը իրարից ո՞նց են ջոկելու:

Նա քծնանքախառը հայացքով նայեց Հարություն:

- Էլ դու՛ սուս,- ափսոսանքով գլուխն օրորեց Հարույթը:- Որ գույնը բռնեն, չէ՞, թե սրանցից լավ չնկարեմ էս մեռնեմ,

- Վարպետ,- ասաց գանգրահերը,- Էս օրը տեսել եմ, նստում էս կամերայի դիմաց ու տելեվիզորի մեջ դու քեզ տեսնում էս: Կողքից՝ ավտոմատ մի բան կա, քեզ նկարում է: Մենակ՝ պիտի չշարժվես: Մի ընկալից, թե երկու ընկալից նկարդ տալիս է:

- Ճիշտ է,- հաստատեց լողլողը,- ոչ գույն բռնել կա, ոչ բան:- Նա ծխախոտ վառեց:- Օրեկան քանի՞ հատ կնկարի...

- Մի հարյուր հատ հաստատ կնկարի,- ասաց գանգրահերը:

- Հատը քսանհինգ ռուբլի,- ասաց լողլողը:- Հաշվիր՝ ի՞նչ է անում:

- Չէ, էս երկիրը երկիր չի դառնա,- հոգոց հանեց Հարույթը:- Բա էս տարածությունները էս ձևի կմսխեն... Տվեք ինձ՝ նկարող ավտոմատ դնեմ, կոշիկի, մակարոնի, բիսկվիտի ցեխ դնեմ... Արտադրանք տամ: Չէ՞... Ամեն մեկի ձեռքին մի վրձին են տվել ու գցել էս արքայության մեջ: Նա էլ՝ կուզի՝ կնկարի, չի ուզի՝ չի նկարի: Հրեն՝ կաֆեում վեր ընկած էր:

- Բա պլան չունե՞ն,- գանգրահերը նույնպես ծխախոտ վառեց, նստեց երկաթե սեղանին:
- Պլան,- քմծծաղ տվեց Յարուբն ու անսպասելի գայրացավ:- Ծիսելու ժամանակ է, թե՞ ավտոյի փողը դուք եք տալու...

Տղաները ծլկեցին: Յարուբն լուսամուտից դուրս նայեց, տեսավ ինչպես տղաները սեղանը թափքից իջեցրեցին, քայլեցին դեպի մուտքը՝ գայրացավ:

- Չասի՞ բուլորն իջեցրեք, թող մեքենան գնա,- կանչեց, շրջվեց, հայացքն ընկավ մոբերտի նկարին:- Միթո՞մ ի՞նչ... Ես դրան փող տվող-առնողի մայրիկն եմ անիծել: Ձրի տան՝ չեմ վերցնի: Դարմատդ շան որդի, դու քո համար քնես՝ ամիսը երկու հազար ռուբլի իմ ջեքից ելի, մտնի քո ջեքը... Բա սա՞ է արդարությունը:- Նա գուցե խոսքը շարունակեր, բայց ներս մտնող Սաթն ու Մկրտիչը խանգարեցին: Սաթն մտամուր պատվեց դատարկ արվեստանոցում, եկավ, նստեց երկաթե սեղանին, ծիսեց: Մկրտիչը նստեց նրա կողքին: Յարուբն գրպանից մետր հանեց, սկսեց չափել դիմացի պատի երկարությունը:

- Յե՛ չմտածես,- վերջապես խոսեց Մկրտիչը:- Աչքդ ճպեցիր, բացեցիր՝ տարին անցավ:
- Լավն են, վատն են՝ չգիտեմ, բայց ձեռքս չի գնում պատից իջեցնեմ:
- Չի գնա, բա՞,- գլուխը տմբտմբացրեց Մկրտիչը:
- Մարդ ո՞նց որ իր ձեռքով իր երեխեքին որբանոց տա,- հոգոց հանեց Սաթն:
- Իմ արվեստանոցը որբանո՞ց է,- նեղացավ Մկրտիչը:
- Որ իրենց տան մեջ չեն, իրենց տեղաշորի մեջ չեն՝ որբանոց է, բա ի՞նչ է:
- Ասացիր,- ծուխը փչեց Մկրտիչը,- Չե՞ս գալու, իմ պատերից չե՞ս կախելու...
- Չէ, ոնց իրար վրա շարեցինք՝ թող էնպես էլ մնան:
- Ախր, ինչի՞...
- Ամաչում եմ,- տխուր ժպտաց Սաթն,- իրենցից ամաչում եմ:
- Չարդ տանեմ,- Մկրտիչը գրկեց, սեղմեց Սաթոյի ուսը:- Ախպորդ տանն են, օտար տեղ

չեն:

- Մեկ է՝ ամաչում եմ:
- Ողում ես՝ թող իրենց տեղերում մնան,- մետրը գրպանը խոթեց Յարուբն:- Չեն

խանգարի:

- Դու կխանգարես,- ասաց Սաթն:
- Ի՞նչ պիտի խանգարեմ,- զարմացավ Յարուբն: - Տկլոր աղջիկներով մի քանի չտեսնված ռեկլամ ունեմ՝ կկայցնեմ ես դատարկ պատին՝ գնացող-եկողները նայեն, սրանք իրենց տեղում թող հանգիստ մնան:
- Յանգիստ չեն մնա,- ասաց Մկրտիչը:- Կիջնեն, կփախչեն:
- Իմ ձեռքից բան փախնի՞- ժպտաց Յարուբն, դարձավ Սաթոյին:- Նոթերդ մի կիտիր, այ տղա, մեռելատուն չես եկել:

Լողլողն ու գանգրահերը տնքալով երկրորդ սեղանը բերեցին:

Պատին մի քանի նկարներ էին մոռացել, երբ ներս մտան տարեց կինն ու տղամարդը, նրանց հետևից՝ Յասմիկը: Մուտքն այդ շատ էր անսպասելի՝ Սաքոն, Մկրտիչը, Յարուլթը հարցական մեկ իրար նայեցին, մեկ՝ եկողներին:

– Բարև ձեզի,– ասացին տիկինն ու տղամարդը:

– Բարև ձեզ:

– Մեր հայրենակիցներն են,– բացատրեց Յասմիկը: – Ուզում են նկարներ նայել:

– Ես խառը ժամանակ,– փնթփնթաց Յարուլթը, մոտեցավ Յասմիկին:– Գժվե՞լ ես:

Տղամարդն ու կինը արվեստանոցի հատակին թափված շշերին ուշադրություն չդարձնելով առաջ գնացին, կանգնեցին պատից քիչ հեռու և աչքերը երբեմն կկոցելով սկսեցին նայել պատից կախված նկարները:

– Սուրճ պատրաստեմ,– ասաց Յասմիկը, աշխույժ քայլերով խոհանոց գնաց:

– Սուրճի ժամանակ գտավ,– փնչացրեց Յարուլթը: Շրջվեց երկաթե սեղանը ներս բերող տղաներին:– Մյուս պատի տակ եք շարում: Էդ պատի վրա շտեպսելներ պիտի ավելացվի:

– Ովքե՞ր են,– խոհանոց մտնելով՝ հարցրեց Սաքոն:

– Սարյանի արձանի մոտ նկարներ էին նայում՝ վերցրեցի, բերեցի Էստեղ:– Յասմիկը գլուխը ցնցելով ետ գցեց ճակատին ընկած մազափունջը:– Մյուս նկարներդ ո՞ր էն,..

– Մկրտչի մոտ են:

– Բերել չի լինի՞... Արժենթինից են,

– Չահլա չկա: Յազիվ իջեցրել ենք:

– Արի ականջիդ բան ասեմ,– ժպտաց Յասմիկը: Սաքոն ականջը մոտեցրեց Յասմիկին:

Յասմիկը համբուրեց Սաքոյի այտը:

– Գնա:

– Իմ սև սիրտը՝ քո վարդագույն տրուսիկը,– խոժոռվեց Սաքոն:

– Խուժան,– կոկետացավ Յասմիկը:– Գնա մոտները: Կարող է նկար առնեն, ի՞նչ իմանաս:

Սաքոն մտամոլոր արվեստանոց վերադարձավ: Տղամարդն ու տիկինը, հայացքը

նկարներին իրար ինչ-որ բան էին շշնջում:

– Տերը ո՞վ է,– նկարից կտրվեց տղամարդը:

– Ես եմ,– ասաց Յարուլթը:

– Կրնա՞նք այս նկարը լույսից քիչ մը շեղել,– գլխով մուլբերտն ակնարկեց տղամարդը:

– Զո գծով է,– Սաքոյին նայեց Յարուլթը:

Սաքոն մոտեցավ, մուլբերտից իջեցրեց նկարը, հենեց պատին:

– Ինչո՞ւ հանեցիք,– ժպտաց տիկինը:– Այնպես կնայեինք...

– Մեկ է, պիտի հանեի,– փնփնթաց Սաքոն, շտկեց պատին հենված նկարը:– Անավարտ

է:

Տղամարդն ու կինը մոտեցան, մոտիկից գննեցին կտավը: Յասմիկը երկու գավաթ սուրճ բերեց, դրեց երկաթե սեղանին.

- Յիմա աթոռներ բերեմ,– ասաց, գնաց խոհանոցից երկու աթոռ բերեց.– Յամեցեք:
- Մենք մարդ չե՞նք,– նեղսրտեց Յարուբը:– Արտասահմանցի տեսավ՝ չոքերը թուլացան:
- Կհամբերես:– Յասմիկը մոտեցավ, ձեռքը թեթևակի հպեց տիկնոջը: – Սուրճս պատրաստ է:

Տղամարդն ու կինը դարձյալ շշուկով իրար բան ասացին, մոտեցան նստեցին աթոռներին: Կինը չարթերին մոտեցրեց բաժակը և, հայացքը մոլբերտից իջեցված նկարին՝ իսպաներեն բան ասաց տղամարդուն:

- Կըսե՞ք՝ նկարն անավա՞րտ է,– Սաքոյին նայեց տղամարդը:

— Անավարտ է:

- Ինչո՞ւ է անավարտ,– Յարցրեց տիկինը:

- Չգիտեմ,– ամաչեց Սաքոն:– Ինձ այդպես է թվում:

- Սա էսպես է,– անսպասելի միջամտեց Մկրտիչը: – Ավարտված նկարի վրա էնքան է աշխատում, մինչև փչացնի:

- Աստվա-ծ,– զարմացավ տիկինը:

- Ոնց որ նորածին երեխայի վրա բռնես, մասեր ավելացնես,– ոգևորվեց Մկրտիչը:

- Աստվա-ծ,– ժպտաց տիկինը:

- Սուրճը շատ դառը չի՞,– տիկնոջը հարցրեց Յասմիկը:– Քաղցր ավելացնեմ:

- Ոչ, շնորհակալություն,– տիկինը նորից իսպաներեն խոսեց տղամարդու հետ:

- Այս նկարը կրնա՞նք գնել,– Սաքոյին հարցրեց տղամարդը:

- Այո, կուզենք գնել,– ասաց տիկինը:

Մկրտիչը, Յարուբը, Յասմիկը, նայեցին Սաքոյին: Սաքոն թևքով սրբեց ճակատի քրտինքն ու դժվարությամբ ասաց.

- Չգիտեմ: Երևի կրնաք:

- Որքա՞ն կգնահատեք,– խորամանակ ժպտաց տղամարդը:

- Չգիտեմ,– ավելի հուզվեց Սաքոն:– Որքան կտաք՝ կտաք:

Կինն ու տղամարդը դարձյալ իսպաներեն իրար բան ասացին: Խոսակցության մեջ կինն ավելի ակտիվ էր:

- Յազար դուլար,– ասաց տղամարդը:– Յամաճա՞յն եք...

Յարուբը կողմ գնաց, ափերի մեջ առավ գլուխը.

- Աննորմալ են: Յարյուր հիսուն հազար է անում... Սաքոն վերջնականապես շփոթվեց.

- Ի՞նչ ասեմ...

- Կխորհեմ՝ ավելին արժե, բայց այսքան կարող եմ:

- Ձեզ նվեր,– անսպասելի ասաց Սաքոն:– Նվիրում եմ:

- Յազար դուլարովս արդեն նվեր է,– ժպտաց տիկինը:

Մենք նկարների արժեքը կհասկանաք:– Նա գլխով ակնարկեց ամուսնուն:– Կուլեցցիոներ է: Այդպե՞ս կըսեք...

– Այդպես:– Ուրախացավ Մկրտիչը:– Կոլեկցիոներ: Նկարներ հավաքող, նկարի արժեքն իմացող, արվեստը գնահատող:

– Այո,– ասաց տղամարդը:– Քառասուն տարի են ավելի է: Սեղան ունիմ, Մոդիլիանի, Մոնե ունիմ...

– Մոդիլյանի~,– հրճվեց Չասմիկը:

– Քեզ ի՞նչ պատահեց, ախչի,– չդիմացավ Չարուբը: – Ասա՛ արագացնեն:

– Կշտապե՞ք,– հարցրեց տիկինը:

– Այո,– կեղծ ժպտաց Չարուբը:– Եթե կարելի է:

– Չենք շտապում,– ասաց Սաթն:

– Թարս ե՞ս: Չազար գործ ունեմ,– անհամբերության նշաններ ցույց տվեց Չարուբը:

– Կտեղափոխվե՞ք,– ձեռքը դատարկ արվեստանոցում ճոճվեց տիկինը:

– Մի թեթև,– ասաց Մկրտիչը:

Տղամարդը հանեց կաշվե դրամաբասակը, փողը հաշվեց, պարզեց Սաթոյին.

– Չազար դուլար:

– Կտեղափոխվենք,– ասաց Սաթն:– Նա գնում է, ես գալիս եմ: Արվեստանոց եմ ստացել:

– Պարագիտ,– բերանից թռցրեց Չարուբը:

– Չոս պարագիտ կա՞,– անհանգստացավ տիկինը: – Դիզինֆեկտի պիտի ընեք:

– Պիտի ընենք,– աշխուժացավ Մկրտիչը:– Անպայման պիտի ընենք:

– Ուրիշ նկարներ կրնա՞նք նայիլ,– ասաց տղամարդը:

– Կրնաք,– ասաց Սաթն, դարձավ Մկրտչին:– Գնացինք,

Սաթն ու Մկրտիչը արագ քայլերով արվեստանոցից դուրս ելան: Տիկինն ու տղամարդը բարձրացան աթոռներից, մոտեցան անավարտ նկարին, դարձյալ շշուկով խոսեցին:

– Ես ի՞ն արեցիր, ախչի,– թշնամանքով Չասմիկին նայեց Չարուբը:

– Ի՞նչ արեցի...

– Դու ի՞մ բոզն ես, թե՞ նրա:

– Բոզը դու ես:

– Կսատկացնեի, բայց տեղը չի: Սրանց որտեղի՞ց գտար:

– Սարյանի արձանի մոտ էին:

– Քեզ թողեցի, որ Սաթոյի մոտ մնա՞ս, թե՞ գնաս, ցցվես Սարյանի արձանի մոտ:

– Կոճակ պիտի առնեի:

– Կոճակ էր պետք՝ կոճակդ գտնեիր: Սրանց ինչի՞ք բերեցիր...

– Ի՞նչ իմանայի, որ հազար դուլար են տալու:

– Խնդո՞ւմ ես:

– Բա ի՞նչ անեմ:

Չարուբը մտքերի հետ աչ ու ձախ քայլեց, նորից մոտեցավ Չասմիկին.

– Տես՝ ինչ եմ ասում, որ սրա բոլոր նկարներն առնեմ՝ կարա՞նք բիզնես անել...

– Ի՞նչ բիզնես...

– Ես առնեմ դու սրանցից շաբաթը մեկ գտնես, բերես...

– Սրանք էլ էստեղ ինձ են սպասում: Պատահականություն էր.

– Տուրիստ չե՞ն... Պաշկեթով գալիս են: Կբերե՞ս...

– Չի ծախի:– Հասմիկի ձայնի մեջ ըմբոստություն մտավ:

- Փողին մոռնա՞թ,– ժպտաց Հարություն:– Արվեստանոցն էլ չէր տալիս: Ո՞նց տվեց:

– Չի տա: Նա հիմա փող ունի, չի տա...

– Հարյուր հիսուն հազարը փո՞ղ է... Դու չխառնվես:

Սաքոն ու Մկրտիչը ներս մտան, նկարները հենեցին պատին: Հասմիկը մոտեցավ հյուրերին:

– Մի րոպե՝ բան եմ ասում,– Հարության թևը բռնեց Սաքոն, նրան խոհանոց տարավ: Երևի նախապես էր հաշվել, պատրաստել Սաքոն Հարության բուռը մտցրեց դուլարները.

– Ես քեզ՝ տասներկու հազարի դիմաց: Շատ է ու քիչ չի:

– Սպասիր, իրար հասկանանք:

– Ասացի՛ շատ է ու քիչ չի,– ձայնը բարձրացրեց Սաքոն:

– Սաքո ջան, ես շատ ու քի՞չ եմ ասում...

– Ի՞նչ ես ասում...

– Ասում եմ նկարներիդ թոմարի ի՞նչ տամ, որ էլ չխոսենք...

– Նկարն ի՞նչ ես անում,– քմծիծաղ տվեց Սաքոն:

– Թող մնան, չի խանգարի:

– Ինչի՞ ես թոմարի տալիս: Ես գույնը բռնեմ՝ դու նկարիր:

– Լուրջ եմ ասում:

– Լակոտներիդ ասա՛ սեղաններն իջեցնեն:

– Սպասիր, այ տղա, սպասիր: Հազար դուլար է ընկել ձեռքը՝ իրեն կորցրել է: Նկարներիդ միլիոն տա՞մ...

– Միլիոն ու կես...

– Ռադո քաշիր:

– Ի՞նչ,– Ֆշացրեց Հարություն:

– Մկրտիչ...

Մկրտիչն ասես սպասում էր Սաքոյի կանչին՝ իսկույն խոհանոց մտավ, սպառնալի մոտեցավ Հարության.

– Ի՞նչ ես ասում...

– Ասում եմ՝ նկարներին թոմարի միլիոն ու կես տամ...

– Չքվիր էստեղից, պիղծ,– ձայնը խեղդեց Մկրտիչը:

– Երեկ կոնյակս խմելիս ջան էիր ասում, էսօր պիղծ դարձա՞մ...

- Կոնյակդ էլ էր պիղծ: Փախիր էստեղից:
- Չարուբը խոհանոցից ելավ, արագ գնաց, արվեստանոցի դռան մեջ հանդիպեց սեղանը ներս բերող տղաներին.
- Իջեցրեք:
- Տղաները շխկոցով սեղանը վար դրեցին:
- Որտե՞ղ դնենք,– հևաց լողլողը:
- Բենզինը լցնես, վառես՝ իրենց էլ, նկարներն էլ, էս դուլար մսխող ապուշներին էլ հետը:–
- Սաքոն ոտքը դրեց սեղանին, քայլ արեց, դռնից դուրս ելավ:– Սեղանները ներքև իջեցրեք:
- Տղաները սեղանները դուրս տարան: Սաքոն ու Մկրտիչը մոտեցան հյուրերին:
- Չասմիկը, որ իհարկե, տեսավ այս ամենը, համենայն դեպս հարցրեց.
- Չնա՞ց...
- Փորձե՛ր՝ չգնար,– խրոխտացավ Սաքոն:
- Չասմիկը մոտեցավ, ձեռքը թեթևակի հպեց տիկնոջ մեջքին.
- Սուրճը չկրկնե մ...
- Չրամմե՞...
- Սուրճը, ասում եմ, նորից չե՞ք կամենա:
- Օ, ոչ,– ժպտաց տիկինը:– Մենք սուրճը առտու կանուխ առած ենք: Այս նկարները չլինեին՝ սուրճ պիտի չխմեինք:– Նա պայուսակից ծամոն հանեց, պարզեց Չասմիկին: Չամեցեք:
- Շնորհակալ եմ: Ես ունեմ: Շատ ունեմ:
- Մի մերժեք,– ինդրեց տիկինը:
- Շնորհակալություն:
- Մկրտիչը հանկարծ բան որոշեց՝ մոտեցավ տղամարդուն.
- Ես քանդակագործ եմ:
- Իրա՞վ,– ժպտաց տղամարդը:
- Այո,– ասաց Սաքոն:– Նրա արվեստանոցը առաջին հարկումն է:
- Ինձ նայե,– Սաքոյին դիմեց տղամարդը:– Երեկոյան դարձյալ նկարչի մոտ էի: Անունը պիտի չտամ: Խ-ը անվանենք...
- Չաճելի տիկին ուներ,– տմբտմբացրեց տիկինը:
- Այո,– շարունակեց տղամարդը:– Խոսք չունիմ՝ վրձինը վարպետի վրձին է, բայց...
- Բայց ի՞նչ,– չհամբերեց Մկրտիչը:
- Չիմա բացատրեմ: Չինվորների շարքը կպատկերացնե՞ք... Կանոնիկ է, կշարվեն ըստ հասակի: Անոր նկարները ճիշտ այդ շարքը կհիշեցնեին, որ, հարկավ, նորությունն չէ, և էս տիրությունը կխորհեի, որ ազգիս գեղարվեստին միտքը հոգնել է...
- Այո,– հաստատեց տիկինը:– Տխուր էր:

– Ձեր պարագային, մատուրո,- ձեռքը Սաթոյի ուսին դրեց տղամարդը,- շարքը կա, բայց ամեն մարդ կկանգնի այնտեղ, ուր սիրտը կուզե: Սթանչելի Է: Հիմա կխորհիմ, որ զարմանալի ազգ ենք, սպառվիլ չունինք...

– Ախր, Խ-ից առաջ ա կա, բ կա, գ կա,- կանչեց Մկրտիչը:- Մեր այբուբենը չգիտե՞ք, - Մկրտիչը ճոճեց բռունցքը:- Երկաթագիր Է...

– Այո, – տխուր ժպտաց տիկինը:- Միայն այս դժվարություններից պիտի դուրս ելնեք:

– Դուրս կգանք,- հուզվեց Հասմիկը:- Եսպիսի՞ դժվարությունների տակից ենք դուրս եկել...

– Այո,- ասաց տիկինը,- նախաճաշին խումբեն դրամ հավաքեցինք Ղարաբաղի օգնության համար:- Նա գլխով ակնարկեց տղամարդուն:- Տասներեք դուլար տվեց:

Երիտասարդները ներս մտան, թշնամանքով նայեցին նրանց, վերցրեցին առաջին պատահած սեղանը, դուրս տարան:

Նկարները պատերին, իրենց տեղերում էին: Լուսամփոփը, թախտը՝ նույնպես: Փոքրիկ սեղանի ու բազկաթոռների դիրքը փոխված էր: Արվեստանոցը հավաքված, մաքուր էր, նախկին փնթիության հետքն անգամ չկար: Պատից կախված բարձրախոսից մեղմ երաժշտություն էր հնչում: Բախ՝ «Հովվերգություն»: Սաթոն մոլբերտի մոտ կանգնած նկարում էր: Արվեստանոցի դուռը զգույշ բացվեց, ներս մտավ Հասմիկը. հագուստն ուրիշ էր, սանրվածքն՝ ուրիշ, դեմքի ժպիտը խաղաղ էր, առինքնող: Սաթոն Հասմիկի մուտքը չնկատեց՝ շարունակեց երբեմն աչքերը կկոցելով նկարել: Հասմիկը հուշիկ քայլերով առաջ եկավ, նստեց բազկաթոռին: Նրան, երեւի, հաճելի էր արվեստանոցի այս մթնոլորտը՝ զոցեց աչքերն ու բավականին երկար վայելեց: Երաժշտության ավարտի հետ բացեց աչքերն ու շնչաց,

– Մողիլիանի~...– սպասեց մի պահ ու քիչ ավելի բարձր, -Մողիլիանի~...

– Եկա՞ր,- մոլբերտից կտրվելով Հասմիկին նայեց Սաթոն:

– Հովվերգություն է, իղիլիա,- ասաց Հասմիկը:- Չեմ խանգարու՞մ...

Սաթոն չպատասխանեց: Մեղմ ու անուշ ժպտաց Հասմիկին:

– Ի՞նչ ես նկարում...

– Զեզ:

– Մերկ ու մաքու՞ր ես նկարում...– Հասմիկի հայացքում աղերսանք կար:

– Մերկ ու մաքուր...

Արվեստանոցի դուռը բացվեց, ներս մտան Սաթոյի կինն ու աղջիկը: Հասմիկը դանդաղ ոտքի ելավ:

1992թ.

ՌԻՆՏԱԳՆԱՅՈՒԹՅՈՒՆ

Մինչև Գորիս ճանապարհն ինձ ծանոթ էր, անծանոթը ճանապարհի դատարկությունն էր: Տասն յակ կիլոմետրեր ես անցնում դիմացից եկող մեքենա չկա, ձեզ տվող-անցնող մեքենա չկա, և վերջապես գլխի ես ընկնում պատճառը, նախ՝ բենզինն է թանկ, առանց ծայրահեղ անհրաժեշտության մեքենա չես բռնի և հետո՝ թուրքերը Նախիջևանի կողմից, ինչպես Ալբերտն ասաց, «թխում» են, Մենք, Կիլիկիո կաթողիկոսության Զյուսիսային Ամերիկայի արևելյան շրջանի և Կանադայի հոգևոր առաջնորդ Արքեպիսկոպոս Մեսրոպ Աշճյանի ստեղծած «Վարարակն» բարեգործական հիմնադրամի վարչության անդամներս, Լորենց Առուշանյանը (տնօրեն), Ալբերտ Գրիգորյանը, Վալերի Շահրիմանյանը, Մարտիկ Ղահրամանյանը և ես Ղարաբաղ էինք գնում տեղի բնակչությանը դրամական օգնություն ցույց տալու: Գորիսից դուրս ճանապարհն ավելի դատարկվեց, ճշգրիտը՝ ճանապարհի միակ շարժվող կետը մնաց մեր մեքենան, և դա, անկեղծ ասած, մեջս տհաճ զգացողություն էր ծնում, ոնց որ բազմահարկ շենքի միակ բնակիչը լինես: Երևի մյուսների մեջ էլ նման մի բան կար՝ լռում էին: Վերջապես մեքենայի ղեկին նստած Լորենցը խախտեց լռությունը.

– Զայաստանից դուրս եկանք: Զրեն Լաչինը, տեսնո՞ւմ ես...

Չտեսնեի: Զանդված, ավերակված, անտանիք, անլուսամուտ, անմարդ, անշուն, անկատու... Անշունչ: Վեճ սկսվեց, թուրքի՝ ձեռքի գործն է, թե հայի: Մեկը թե՛ թուրքը փախչելիս վառելի ավերակել է, մյուսը՝ մերոնք են արել:

– Այ տղերք,– ասացի,– հայը ե՞րբ է ավերակել:

– Մանուկ ջան,– ասաց Վալերիկը,– թուրքի արածները որ տեսնում ես, թուրքանում ես, դու էլ ես անում:

Ուրեմն, բոլոր դեպքերում, թուրքի արածն է: Բերդաձորի ճամփեքով անցնելիս մեր ընկեր Բերդաձորի Անգոյին հիշեցինք, «հեչ գիտի, Անդրե,– ասացինք ու դարձյալ լռեցինք: Մեքենան փնչոցով, մռնչոցով առաջ էր գնում, և ես կամաց-կամաց հասկացա, որ Արցախ աշխարհը վիշապ է՝ գլուխը պարզած Զայաստանին, շնչառությունը Զայաստանում, պոչը Շահումյանում, թե ավելի հեռու, և որ այդ վիշապին հաղթելն անհնար է: Այդ ե՞րբ է եղել որ բնության բնավորությունը չի դարձել տեղաբնակ ժողովրդի բնավորություն: Անհնար է:

Քարինտակի պահակակետում երեքն էին՝ մեկը 16-17 տարեկան, մյուսը՝ քիչ ավելի տարիքով:

– Ձեզ պիտի փող տանք:

Չհասկացան, իրար նայեցին, Ալբերտը գնաց, մեքենայից հանեց պայուսակը: Տարիքով ամենափոքրը հանկարծ սթափվեց, կռացավ, բացեց թիթեղյա վառարանի դռնակը, միջից թղաչափ շամփուրներ դուրս բերեց, նկատեց իմ զարմացած հայացքը,

- Պոստի խորովածն էլ ես ձևի է լինում,– բացատրեց: – Կերեք:

Չինվորի բաժին ունելիքը կվերցնե՞ն:

– Չէ,– ասացինք,– շտապում ենք, փողն ստացեք՝ գնանք:

– Մինչև չուտեք՝ մի կոպեկ էլ չենք վերցնի, – ասաց մյուսը, և ես հասկացա, որ չեն վերցնի:

– Լավ եք ապրում,– կատակեցի,– շամփուրից դժվարությամբ պոկեցի խանձված, կիսաեփ մսի կտորը:– Խորովածով, բանով...

Քթների տակ ժպտալով իրար նայեցին:

– Տրաֆեյ է,– բացատրեց ամենափոքրը, դուրս գնաց, մի պահ հետո ցելոֆանե տոպրակով միսը ձեռքին ետ եկավ.

- Սա էլ ձեր բաժինը:

- Չի լինի, - Իրար անցավ Լորենցը,– ի՞նչ ենք անելու, մեզ միս պետք չէ:

– Մնալու է փչանա,– ասացին:

– Չի փչանա,– ասաց Մարտիկը:– Դրեք հոսող ջրի մեջ՝ ոչինչ էլ չի լինի:

– Տար, տղա ջան,– ասացի,– տար պահիր: Մեկ էլ տրաֆեյ ե՞րբ եք ունենալու:

Տղան դուրս գնաց: Ավելի ուշ, Քարինտակ գյուղի ճանապարհի խորդուբորդերին Մարտիկն ասաց.

– Ես ի՞նչ է ոտքերիս տակ:

Կռացավ, բարձրացրեց՝ ցելոֆանե տոպրակով միսն էր: Ե՞րբ դրեցին, որ չիմացանք:

Քարինտակ գյուղում ես նոր հասկացա, թե ինչ է նշանակում «Քարինտակ»: Չորս, թե հինգ հարյուր մետր բարձրությամբ կիլոմետրեր ձգվող ուղղահայաց ահռելի քարափ է, վրան՝ Շուշին, տակը ձորնիվայր իջնող գյուղը՝ Քարինտակը: Գյուղամիջում հանդիպեցինք առաջին մարդկանց, երեք-չորս ծերունի, մի պառավ կին նստած էին պատի տակի նստարանին, մեքենայից ելանք, բարևեցինք:

– Կոլտնտեսության կամ գյուղխորհրդի նախագահին ո՞նց գտնենք,– հարցրեց Լորենցը:

– Երևանի՞ց եք:

– Երևանից ենք,– ասացի և հասկացա, որ Ղարաբաղը ոտքի տակ տված ընկերներս Քարինտակում առաջին անգամն են լինում:

– Թռիր, մի Գրիշային կանչիր,– ասաց մեկը: Թռնողը վաթսուն տարեկան կլիներ՝ կաղալով գնաց: Ու մինչ մենք սպասում էինք, նրանք պատմեցին «թուրքի օյինները»:

– Թոփն ու գյուլլեն՝ ջհաննամը, Էն պակրիշկեֆն էին փիսը...

«Կրազի» ավտոդղերն այրել ու քարափի գլխից բաց են թողել գյուղի վրա: Ու եղ անտերները շուրջը կրակ սփռելով, գյուղի տները վառելով, ցատկոտելով գլորվել են ձորն ի վար:

– Բա դրանց թողած ծուխն ու հոտը, փու-...– դեմքը զզվանքով ծամածռեց պատմողը, ապա ժպտաց:– Իսկ քանի անգամ չորս կողմից վրա տվեցին: Ես ասեմ հարյուր, դու ասա՝ հազար: Առը թե գյուղ մտան,– նրա բուրթ մատը ցցվեց ցուցամատի ու միջին մատի արանքից:–

Պագլեցներ:

Կոլտնտեսության նախագահ Գրիշան եկավ, ծանոթացանք, բացատրեցինք մեր առաքելությունը:

- Յա~,– ուրախացավ:– Սփյուռքն օգնում է: Որ երեվանը մեզ չի մոռացել՝ հայտնի է, բայց որ սփյուռքն է իմանում Զարինտակի մասին՝ մտքովս չէր անցնի:

- Զո մեռելը չտրաքի,– ճոճվեց կաղը:– Տես թե մեր խաբարը ոնց է գնացել հասել ամերիկաները...

- Կհասնի բա՞,– ասացի,– հերոս ժողովուրդ եք:

- Հերոս ենք, խոսք չկա,– ինքնագոհ ժպիտով տեղում դարձյալ ճոճվեց կաղը:

- Դու էլ կասես,– ասաց ձեռնափայտին հենված չորուցամաքը:– Իր երեխին, իր տունուտեղը պաշտպանելը ի՞նչ մի հերոսություն է որ...

- Լսեցի՞ք,– աչքերը խոշորացնելով վրդովվեց կաղը: – Սրա խասիաթն է էսպես՝ միշտ պիտի հարամ անի...

- Հերոսություն է, հերոսություն է,– այս ու այն կողմից հաստատեցին Ալբերտը, Վալերին, Մարտիրը, ու կաղը ձեռքը թափ տալով հանգստացավ:

- Ժողովրդին իմաց տվեք, որ գան,– ուսի վրայից ասաց Գրիշան և մեզ առաջնորդեց գյուղական խորհուրդ:

Մինչ մենք գրույց կանեինք գյուղի գործերից, հոգս ու կարիքից՝ ժողովուրդը հավաքվեց: Երևանյան հերթերի անկարգությունը հիշելով՝ փորձեցի զգուշանալ.

- Ասեք թող մեկ-մեկ գան, ասեն ազգանունը, ստորագրեն, փողն ստանան, գնան:

- Ոչինչ ասել պետք չի,– ժպտաց Գրիշան:– Դուք սկսեք:

Սկսեցինք: Անաղմուկ, անխոս գալիս, ստորագրում էին: Անուն ազգանուններն էլ կարծես ամաչելով, շշուկով էին ասում: Միայն՝ աչքերի մեջ զգացվում էր ակնածանքը մեր նկատմամբ: Ավելի ուշ, երբ ընթրիքի նստեցինք գյուղխորհրդի նախագահ Մաքսիմի տանը, Մաքսիմն ասաց.

- Ձեր տված գումարի հազարապատիկն արժեր ձեր ուշադրությունը մեր նկատմամբ: Զգիտեմ, մեր ժողովրդից դա հասկացա՞ք, թե չհասկացաք: Քիչ խոսան ենք:

Հասկացանք, Էն էլ ո՞նց հասկացանք: Ուրիշ բան էլ հասկացանք, երբ Գրիշան բերել տվեց հեռադիտակը և Մաքսիմի պատշգամբից մեզ ցույց տվեց նոր կառուովելիք Զարինտակ գյուղի ավելի հարմարավետ, շատ ավելի ընդարձակ տեղը: Հողերն արդեն բաժանված են:

- Պլանը կա, այ էն սյունը տեսնո՞ւմ ես: Դա էլ իմ տան տեղն է: Մի շրիկան տուն եմ կանգնեցնելու...

Մարտակերտի, Մարտունու, Հադրութի շրջաններում մարտեր են մղվում, իսկ ահա Զարինտակ գյուղը մտածում է կառուցվելու մասին, դե եկեք ու սրանց հաղթեք: Մաքսիմի տանը կյանքում առաջին անգամ «Ժինգյալով հաց» կերա: Գաթայի պես բան է, մեջը խորիսիսի փոխարեն յոթ տեսակի տապակած կանաչի: Ավելի համեղ բան չէի կերել:

Շուշի մթնով մտանք: Երկինքն աստղաշատ էր: Անսպասելի ինչ-ինչ շինությունների հետևից մեր դեմ խոյացավ Ղազանչեցոց եկեղեցին: Տեսիլք էր. Լուսնի լույս, տաճարի աստվածամերձ, ճերմակ լուռություն, եկեղեցու խորքում՝ բաց դռնից զարկերակվող մոմերի լույսի հանդարտ թրթռոց... Ինձ համար էլ անսպասելի մեկիկ-մեկիկ գոռացի կենդանի ու անկենդան բոլոր հարազատներիս անունները: Ինչո՞ւ գոռացի...

Ստեփանակերտում իջևանեցինք Ալբերտի քրոջ՝ Էլմիրայի տանը, Ալբերտը նրան Գուլի էր կոչում, Գուլի անունն ինձ ավելի հարազատ թվաց քույր բառին, և ես էլ նրան Գուլի ասացի: Երեք զավակ ունի՝ Միեր, Սարդիս, Մխիթար, մեծը՝ Միերը, առաջին դասարանում է, ցավիկները տանեմ: Ավելի շատ տանեմ Գուլիի ցավը. Դարաբաղյան պատերազմի այս հինգ տարիներին երկու արու զավակ է ծնել: Այսինքն՝ թթել եմ ձեր գրադների, «շարիկավոր» ռումբերի, ձեր ՕՍՕՆ-ի, ձեր արտակարգ ռեժիմի ու չգիտեմ, թե էլ ինչի վրա, մեկ է՝ հայ ժողովուրդը բազմանալու է: Էլի՞ ապացույց... Զրեա, հենց Գուլիի տանը, Կամիլան՝ բարձրահասակ, ձիգ, Մինասի կտավներից դուրս թռած ջահել մի գեղեցկուհի: Պատշգամբում կանգնած խմոր է հունցում: Զղի է, չամաչեի՝ կմոտենայի, կծնկեի դիմացն ու ձեռքը կհամբուրեի: Դե եկեք ու սրանց հաղթեք: Բա նրանց լայնասրտությո՞ւնը... Չէ, հյուր չեինք Գուլիի տանը (ամուսինը՝ Էդիկը դիրքերում էր), մեր տունն էր, պարզապես մի քանի օրով հեռացել էինք, նորից վերադարձել: Այդպիսին էր տանտիրուհու, վերաբերմունքը: Միայն մի անգամ հիշեցրեց իր տանտիրուհի լինելը. կեսգիշեր էր, պետք ունեի՝ արթնացա, քիչ գինով էի՝ անկողնուց ելա, ոնց խավարաշատ Երևանի իմ տանը՝ պատերին թփթփացնելով քայլեցի դեպի պետքարան: Ձեռքս բռնեցին.

– Հակառակ կողմն է...

– Չէ, ես կողմն է,

Կլկլոցով ծիծաղեց.

– Իմ տունն է, ուրեմն ես չգիտե՞մ ինչը որ կողմում է:

Ձեռքս բռնած տարավ ուր հարկն է, դուռը բացեց ներս մտցրեց:

Միայն քույրն է ընդունակ այդպիսի բանի:

Ստեփանակերտում մենք մեր առաքելությամբ եղանք թատրոնում, գրողների միությունում, «Արցախ» թերթի խմբագրությունում, «Մաշտոց» հրատարակչությունում, մայրության ֆոնդում, դպրոցներում ու մանկապարտեզներում, զոհվածների ընտանիքներում, վիրավոր սակրավորների մոտ և ոչ մի տեղ դժգոհություն չլսեցինք իրենց վիճակից, հնգամյա պատերազմից, գլխներիս պայթած ռումբերից ու հրթիռներից: Ցածրածայն ասում էին անուն ազգանունը, փողն ստանում ու գնում:

Գյուղ Զղորտի: Ինչո՞ւ Զղորտի: Լորենցը բացատրեց, հնում և հիմա էլ հանդից քարափ, քարափից գյուղ լուրերն իրար կանչելով են հայտնել ու հետն էլ պատվիրել հաղորդիր: Զաղորդիր՝ դարաբաղյան բարբառով՝ հղորտի: Այստեղից էլ գյուղի անունը: Բայց նախ՝ Զղորտու հանդը,

Յոգորտու գետը, Յոգորտու ջրաղացը: Ջրաղացի բազումն է: Յոգորտին Լորենցի, Ալբերտի, Մարտիկի պասլենական գյուղն է, և նրանցից յուրաքանչյուրը յուրովի աչքի պոչով է ինձ նայում, հասկանում եմ ուզում են իմանալ, թե ինչ տպավորություն է թողնում իմ վրա իրենց մանկության աշխարհը:

– Սպասեք,– ասացի,– նախ պիտի Յոգորտոտվեմ : Գնացի, գետի ջուրը բուռն առա, խփեցի դեմքիս, առա՝ խփեցի դեմքիս, առա՝ խփեցի դեմքիս:

– Յերիք է, – ասաց Մարտիկը,– տնաշեն...

– Ուխա-յ,– ասացի,– կնքվեցի: -- Կնքված չե՞ս...

– Ո՞նց չեմ: Որ մի անգամ էլ ես անուշ ջրով կնքվեմ՝ շա՛տ կհամարվի...

Գետը՝ հրաշք, դաշտը՝ հրաշք, ջրագացը՝ հրաշք, բայդ ամենաանսպասելի հրաշքը երեխեքն էին. բեռնատարով եկան ու ինչ-որ բան էին վանկարկում, որ ես չէի ջոկում:

– Ճեղաց, ճեղաց,– բառը որսաց Լորենցը:

– Ի՞նչ,– չհասկացա:

– Ջրաղաց, ջրաղաց,– վերձանեց Ալբերտը: Բեռնատարը կանգնեց, դպրոցի աշակերտները վար ցատկեցին, ոմանք վազեցին դեպի ջրագացը, մյուսները վազեցին ծառերի տակ, ու հանկարծ հնչեց երաժշտությունը: Ակորդեոնն ու կլարնետը, ոչինչ, այս հանդում մի կերպ հասկանալի էին, անհասկանալին ոտքերի տակը ամբացված թմբուկն էր իր փայտիկների կտկտոցով: Պահո-... Մտովի ասացի՝ երեխեք ջան, ես ջրաղացի մոտ դիու-գուռնա էր պետք, չկա՞... Ոչինչ, ակորդեոնն ու կլարնետն էլ յուր կտանեն, բայց եղ ոտավոր թմբուկի ձենից վախենում եմ ճեղացը խրտնի ու փախչի: Մյուս անգամ էստեղ գալիս մի դափ-դիու գարկող ճարեք: Երեխեքի պե՛տքն է՝ սկսեցին պարել: Ուսուցչով, աշակերտով, եթե կուզես՝ հենց ինձնով լեցուն ինքնամոռաց պար էր, և պարզ չէր, ինչքան էր տևելու թիթեռներ հիշեցնող երեխաների ճախրանքը դաշտում, եթե չերևար ուրիշ մի բեռնատար:

– Եկան,– կանչեց մեկը, և երիտաները պարը թողած վազեցին բեռնատարին ընդառաջ:

Յայրերն էին դիրքերից գալիս: Գարնանը ինչպե՞ս են դառներին բերում մայր ոչխարների մոտ կերակրվելու, ինչպես են երկու կողմից մայունով ընդառաջ վազում, խրվում իրար մեջ, հաշված վայրկյաններում մայր ու գառ գտնում իրար... Եվ ապա տիրում է մի խոր լռություն: Ճիշտ այդպես եղավ: Իրար գտան, գրկախառնվեցին, իսկ ում հայրը նրանց հետ չէր վերադարձել՝ մնաց անշարժ, վիզը ծուռ՝ կողքից նայող: Ուսուցչուհին սթափվեց, ցանկացավ թախիժը ցրել:

– Նվագեք,– ասաց, բռնեց 10–12 տարեկան աղջնակի ձեռքը, մոտեցրեց նվագողներին:– Երգիր:

Աղջնակը երգն սկսեց, քիչ երգեց, աչքերին արտասուք երևաց՝ արտասուքն աչքերին երգեց, ձայնը կերկերաց, կերկերուն ձայնով երգեց, հետո անսպասելի ընդհատեց երգը, դեմքն առավ ափերի մեջ ու հեկեկալով դանդաղ կողմ քաշվեց,

– Թուրքերը հորը կապել են ծառից, կարտել ու վառել: Կարապետյան Վալերի, 33 տարեկան էր,– բացատրեց Ալբերտը:

Նայեցի աղջնակին, դեմքը ափերի մեջ, վտիտ ուսերը երբեմն ցնցվում էին: Եթե մոտենայի՝ գիրկս էի առնելու, գլուխս հպելու էի գլխին ու հետը հեկեկալու էի: Չմոտեցա: Չնայեցի ավտոմատն ուսին, ծառի բնին հենված պատանու մոտ:

– Անու նդ ի՞նչ է:

– Դանիլ:

– Քանի՞ տարեկան ես:

– Տասնվեց:

– Չե՞լ թուրք խփած կա՞ս:

– Բա խի՞ չկամ:

– Քանի՞ տարի ես կռվում... Լարեց հայացքը, նայեց աչքերիս մեջ. – Երկո՞ւ, թե երեք, – հարցրեց:

Գիշերեցինք Ալբերտ Գրիգորյանի հորական տանը: Այստեղ եղբոր՝ Մարտիկի ընտանիքն է ապրում տարիքն առած հոր հետ:

– Գրիգոր ապի, քանի՞ տարեկան ես, – հարցրեց Լորենցը:

– Չե՞լ ութանասունուրեք: Մի քիչ ապրել եմ:

Թռռնիկը՝ 10 տարեկան իդան, նայում էր ինձ ու անընդհատ ժպտում: Երևի բան էր ուզում ասել ու չէր ասում: Վերջը չդիմացավ:

– Չանդում ես քո հետ պարեցի:

– Լավ արեցիր, չարդ տանեմ, – ուրախացա: – Դու միշտ պիտի պարես:

– Ե~, – հոգոց հանեց մայրը: – Երեխան պիտի ծափ ու ծիծաղով մեծանա:

– Թողնո՞ւմ են, – բռունցքը անսպասելի սեղանին իջեցրեց Լորենցը:

Փոքրիկին՝ 3 – 4 տարեկան Դավթին ուզում էին պառկեցնել՝ չէր թողնում:

– Պառկիր, – ասացի, – կգամ, կմտնեմ ծոցդ: Կթողնե՞ս: Արևն աչքերում, շիկափեր, արտակարգ գեղեցիկ մանչուկ էր:

– Կթողնեմ, – ասաց, հնազանդվեց ու մոր հետ կողքի սենյակն անցավ:

Կեսգիշերին մոտ տանտերը՝ Մարտիկը եկավ:

– Պոստո՞ւմ էիր, – հարցրեց Մարտիկ Ղահրամանյանը:

– Պոստում: – Ավտոմատը դրեց դռան անկյունում, մոտեցավ, ծանոթացավ հետս: –

Բարով ես եկել:

– Ի՞նչ կար, – հարցրեց Վալերին:

– Չանգիստ էր:

Իր տանը, իր սեղանի մոտ հյուրի պես նստեց: Երևի քաշվում էր մեր ներկայությունից՝ ուսելիքին ձեռք չկացրեց: Լորենցն զգաց:

– Պառկե՞նք, – ասաց, – առավոտը շուտ ենք վեր կենալու:

Առավոտյան նախաճաշում էինք, երբ հայտնվեց կիսամերկ Դավիթը, ձեռքս ձգեց:

– Մտնեմ ծոցդ:

– Մյուս անգամ Դավիթ ջան, մյուս անգամ,– ամոթխած ժպտաց մայրը:

Ելա, գնացի անկողնուս մոտ, հանվեցի, մանչուկին ծոցս առա: Մագերից արևի բույր էր գալիս:

Վերադարձին Յոզորտու հանդում մոտեցանք ջրաղացին: Կոլտնտեսության նախագահ Ֆեդյան լայն ժպտաց:

– Վայր վ պորյադկե:

Քաղքանտարկյալ է եղել, շատ է ապրել սիբիրներում, վերջին երկու, թե երեք տարին է, որ գյուղ է վերադարձել՝ կիսելու գյուղի հոգսն ու պատերազմի հոգսը: Գյուղը գոհ է նախագահից: Մենք՝ նույնպես: Նախորդ այցին «Վարարակն» բարեգործական հիմնադրամը փող էր հատկացրել ջրաղացի շինարարության համար: Վեց ամիս էլ չի անցել, խնդրեմ՝ ջրաղացը պատրաստ է:

– Բա էս ի՞նչ են անում,– գլխով ակնարկեցի ջրաղացքարերի մոտ աշխատող մի քանիսին:

– Ջրաղացքարերը տեղ-տեղ իրար չեն բսվում: Կարմիր կավ ենք աղում, որ իմանանք ո՞ր տեղն է,– բացատրեց Ֆեդյան:

Մոտեցանք աշխատողներին, բարևեցինք:

- Ո՞նց ես Վիկտոր,– նրանցից մեկին դիմեց Լորենցը:

Վիկտորը բարձրահասակ, շեկլիկ, կազակի բեղերի պես ոլորած բեղեր ուներ:

– Ռուս է,– ականջիս տակ ասաց Մարտիկը,– Յոզորտվա փեսա է:

– Դուք լավ կենաք,– ասաց Վիկտորը:

– Քիչ չի՞, այ Վիկտոր:– Ընդամենը երկու երեխա ունի, – ասաց Մարտիկը:

– Որ դվես կանգնող լիներ՝ հա թող բերեր: Ոչ կինս ծնողներ ունի, ոչ ես, նրանց նայողն ո՞վ է...

– Ամոթից մեռա,– ժպտաց Լորենցն ու բացատրեց: – «Ղարաբաղի հորովելը» երգելիս ես գալու բառը փոխարինում եմ մեջք բառով, որ հասկանալի լինի: Իսկ մեր ռուս ախպերը հիմա ասում է՝ գվես:

Վերևից՝ քարափի գլխից կրակոց լսվեց: Նախ հատ-հատ կրակեցին, ու ապա կրակահերթ տրվեց: Ջրաղացից դուրս եկանք:

– Շամոն կլինի,– ասաց Ֆեդյան,– մնաս բարովի սայլուտ է տալիս:

Մենք «մնաք բարովն» ասացինք ու նստեցինք մեքենան: Ճանապարհին Լորենցը բարձրաձայն խորհում էր՝ ո՞ր գյուղերն ենք գնալու, ինչքան գումար մնաց բաժանելու և հանկարծ հիշեց:

– Պայուսակը ինչ-որ աչքովս չի ընկնում:

Ալբերտը, որ գանձապահն էր՝ իրար անցավ: Մեքենայում չկար, կանգնեցինք, բեռնախցիկը բացեցինք՝ չկար: Մեքենան շրջեցինք և գնացինք: Յոզորտու խաչմերուկում պայուսակը ձեռքին կանգնած էր Ալբերտի եղբայր Մարտիկը:

– Լավ է շուտ հիշեցինք, – ասաց Վալերին,– թե չէ գնալու էինք, է , ուր հասնելու:

- Չէին թողնի,- ժպտաց Մարտիկը,- պոստից ետ կուղարկեին:
- Ո՞նց էին իմանալու, թե բան ենք մոռացել,- ասացի:- Յեռախոս ունե՞ն:
- Մեր հեռախոսը սա է,- ձեռքի ավտոմատը բարձրացրեց Մարտիկը:- Յետ ուղարկելու կրակոց տվեցի:

Մեր առաքելության շրջանակներում հանդիպեցինք Յադրոլթի շրջանի Յին Թաղլար և Խծաբերդ գյուղերի ներկայացուցիչների հետ, դրամ բաժանվեց Մարտունու շրջկենտրոնում, շրջանի լրիվ կամ մասնակիորեն ավերված սահմանամերձ Ավդուռ, Մյուրիշեն, Յացի, Նորշեն գյուղի բնակիչներին: Ղարաբաղի մասշտաբներով, իհարկե, ընդգրկումը մեծ չէ, բայց տես, որ Լոս Անջելոսից Սարգիս և Սալբի Ղազարյաններն իրենց զուլալ առուն միացրեցին Վարարակն գետակին, ու ընդգրկումը քիչ էլ լայնացավ: Առաջին ծիծեռնակներն են: Ո՞վ գիտե, գուցե Էլի ծիծեռնակներ հայտնվեն, և «Վարարակն» գետակից գետի վերածվի: Ցանկացողները թող դիմեն Մեսրոպ սրբազանին: Սիյունքում քաջ հայտնի դեմք է Մեսրոպ սրբազանը, Յայաստանում, դժբախտաբար, քչերը գիտեն: Ասեմ՝ իմացեք. անընդհատ ու անխոնջ գործող անհանգիստ հոգի է, Ղարաբաղին օգնությո՞ւն է պետք՝ Սրբազանը իր հիմնադրամով ներկա է, ձմռանը կացնահարված ծառերի փոխարեն նորե՞րը պիտի տնկվեն՝ Սրբազանը ներկա է, ապրիլի 24-ին ժողովրդին ձրի՞ պետք է հասցնել Ծիծեռնակաբերդ՝ Սրբազանը ներկա է, ու Էլի քանի՞, քանի ազգանպաստ գործ և առաքելություն:

Խոնարհ հերոսներից է Մեսրոպ Սրբազանը:

Կրկին Ստեփանակերտում ենք, Գուլիի տանը: Երեկոյան դեմ ամուսինը՝ Էդիկը, ավտոմատն ուսին տուն մտավ: Երեխեքը վազեցին, շուլավվեցին հոր մեջքին ու ոտքերին: Ծանոթացանք: Փափուկ, մեղմ ժպիտը մեջը աչքեր ուներ: Չդիմացա.

- Եսպես աչքեր ունեցողը, մարդ կսպանի ...

- Երանի չեր չսպանեի,- հոգոց հանեց Էդիկը:- Բայց ուրիշ ճար չկա, պիտի սպանես:

- Յիշեցի Ռուլես Աղաջանյանին. բանակի շտաբում հետը ծանոթացա՝ հաղթանդամ հսկա, աչքերը Էդիկի աչքերի պես մեղմ ու փափուկ: Իմացավ գրող եմ՝ ավելի փափկեց.

- Է~, Մանուկ ջան, քեզ Էնպիսի պատմություններ անեմ... Դու մենակ գրես...

Մեր պատվին սեղան բացեց, սեղանի չորսբլուրը, տասնհինգ-քսան հոգի, զինվորներ ու զինվորական գործին առընչվող ընկեր տղերք.

- Սա էլ է մեկ-մեկ պետք,- ասաց:

Սեղանի շուրջ խոսքուզրույցի ժամանակ մտածում էի, որ գոնե մի պատմություն կպատմի Ռուլեսը:

- Մանուկ ջան, քեզ Էնպիսի պատմություններ պատմե՞մ,- ասաց ու նորից չպատմեց:

Երևի չպատմելու պատմություններ էին:

Ստեփանակերտի կենտրոնի պուրակում մեր ընկեր, մեր անուշ ընկեր Աշոտի գերեզմանն է: Բեկոր Աշոտի: Մոտեցանք, գլխահակ կանգնեցինք: Նրա պատմությունն էլ չպատմվելու պատմություն է: Միայն թե վիշտը ամոթի զգացողության հետ խառնված ճմլում էր սիրտս, այդ ո՞նց է, որ ես ապրում եմ ու նա չի ապրում... Համոզված եմ, որ ընկերներս էլ նույն զգացողությունն ունեին:

Ետ դարձի ճանապարհին հասկացա, որ դրամ բաժանելու գևացի Ղարաբաղ, ուխտավոր դարձած վերադառնում եմ: Իսկ Արցախ աշխարհում ուխտատեղիները շատ են՝ Շուշիի տաճարը, բանակի շտաբը, Գուլիի տունը, Հղորտիի ջրաղացն ու գետը, ծոցս մտած մանչուկ Դավիթը... Համոզված եմ ամեն գնալիս նոր Ուխտատեղի եմ գտնելու:

25. 5. 1993 թ.

ՄԻՋՕՐԵ

Անդրանիկ Հարությունյանին՝
Բերդաձորի Անդոյին

Ուղղաթիռը լեռան հետևից անսպասելի հայտնվելով պտույտ կատարեց ձորաբերանին կույզ արած գյուղի վրա, և գյուղով մեկ՝ մեծ, փոքր, հայացքները երկինք ուղղեցին: Որտեղ էլ լինեին, ինչ գործի էլ լինեին, միևնույն է, ամեն ինչ թողած՝ երկինք էին նայելու, ու եթե ուղղաթիռը կանաչ գույնի ներկված, ռազմական էր լինում՝ խոժոռվում էին և շարունակում կիսատ թողած գործը, իսկ եթե նարնջագույն էր՝ ձեռք ու թաշկինակ թափահարելով անուշ ժպտում էին, և այդ ժպիտը այն սովորական խաղաղ ժպիտներից չէր լինում, հույսն ու ուրախությունը աչքերի մեջ պեծկլտալով՝ առաքվում էին երկինք, ուղղաթիռի հետ պտույտ տալիս և ուղղաթիռի հետ վայրէջք կատարում:

Այս անգամ գյուղն անուշ ժպտաց: Եվ երբ դիրեկտորն է դպրոցից դուրս արձնելով վազում դեպի ուղղաթիռ, աշակե՞րտ կմնա դասարանում՝ դիրեկտորով, ուսուցչով, աշակերտով, գյուղի ահել-ջահելով, շներով ու ականջների կտրված քոթոթներով մղվեցին դեպի դյուղավերջում հարմարեցված վայրէջքի հրապարակը: Միակ մարդը, որ տեղից չշարժվեց, Մարեն էր:

– Անդրանիկս եկավ,– ասաց, ծաղկավոր լաչակի տակ խրեց կախված մազափունջը, ուղղվեց, մեջքը հենեց միջօրեի արևից տաքացած, մերկ մանկան պես անշպար ու կատարյալ մատուռի որձաքարերին: Այդպես հարմա՞ր էր, հարմա՞ր չէր տարիքից կորացած նրա ողնաշարին՝ կարևոր չէր, նա պետք է արմունկները ծնկներից բարձրացներ, շտկվեր, քարին նստած սպասեր մինչև Անդրանիկն իրեն մոտենար:

Ուրիշ էր Մարեի պատմությունը:

Պատերազմից հետո, չնայած ամուսնու մահը գուժող «սև թղթին», նա երկու տարի էլ սպասեց ամուսնուն, բայց երբ սովի պատճառով սկսվեց գյուղից համընդհանուր փախուստը, երբ դպրոցը փակվեց, երբ ստիպեցին մի մատ մինուճար աղջկան կոլտնտեսությունում աշխատել՝ բռնեց երեխու ձեռքն ու գիշերով գյուղից փախավ: Ո՞ր էր գնալու՝ չգիտեր: Ճամփան դեպի աջ՝ Շուշի, Ստեփանակերտ էր տանում, դեպի ձախ՝ Գորիս: Առաջին բեռնատար մեքենան կանգնեցրեց, և երբ տեղ հասան՝ պարզվեց, որ ձորիս են եկել: Լուսարբեցին վարորդի տանը: Վարորդը լսեց նրանց պատմությունն ու ասաց. «Կիմանան՝ հետ կողարկեն: Գնա Երևան: Մեծ քաղաք է՝ շունը տիրոջը չի ջոկում»: Երևանում գորգագործական գործարանում աշխատանքի ընդունվեց, աղջիկը դպրոցն ավարտեց, ինստիտուտն ավարտեց, ամուսնացավ, երեխաներ ունեցավ, և, փառք Աստծո, միասին՝ մի օջախ ապրում էին:

Բայց աղջիկը քաղցկեղից մահացավ, թոռներից մեծն ամուսնացավ, գնաց Կիրովական, փոքրը մի երկու անգամ խոպան գնաց-եկավ, երրորդ գնալուց էլ չվերադարձավ, մնաց Ղազախստանի Կոկլետավ քաղաքում, և տանը մնացին ինքն ու փեսան:

Փեսան թե քչախոս էր՝ կնոջ մահից հետո ընդհանրապես չխոսկան դարձավ և երբ սկսեց գիշերները հաճախ տուն չգալ՝ Մարեն որոշեց խոսել փեսայի հետ: Տանը, մենության մեջ, նա մտովի սերտում է ասելիքը, «Ամուսնացիր, որդի, ջայել ես, - ասում էր ու փեսայի փոխարեն պատասխանում:– Լինելու բան չի:– Ես գիտեմ մենակությունն ինչ է,– ասում էր փեսային,– դատարկ տունն ո՞ւմ է պետք: – Դատարկ չի,– իբր ընդդիմանում էր փեսան,– աղջկադ շունչը պռնկեպռունկ մեջն է...»: Եվ էլի նման բան էր ասում փեսային ու փեսայի փոխարեն ինքն իրեն պատասխանում: Ու երբ մի երեկո այդ մասին խոսք բացեց, և փեսան ասաց. «Չիմիկվա կնանիք առաջվանը չեն, ուզում են ազատ ապրել, առանձին ապրել»,– նա չձգձգեց, բոխչան հավաքեց ու ծերանոց գնաց: Ու երևի կյանքը ծերանոցում էլ ավարտեր, եթե Արցախը ոտքի չկանգներ: Բարձրախոսից մեկ լսեց իրենց գյուղի անունը, երկու լսեց և ծերանոցից փախավ: Աստծուն է հայտնի ինչպես հասավ Գորիս, ոնց անցավ Գորիս-Լաչին ճանապարհն ու հայտնվեց շրջափակման մեջ գտնվող իրենց գյուղում: Գյուղը համարյա չէր փոխվել, մարդիկ էին ուրիշ: Յներից մի երկուսը հիշեցին, անունը տվեցին, ասացին. «Ուրիշները գլուխն առնում, փախչում են, դու գալի՞ս ես...»: «Գալիս եմ»,– ասաց: «Եկել ես, որ ի՞նչ անես...»: «Եկել եմ, որ կռվեմ...»: «Ո՞նց ես կռվելու»,– ինդացին քթի տակ: «Բերանով,– ասաց:– Այ, ես բերանով: Չարն անիծելու եմ, բարին՝ օրհնելու»: Եվ քանի որ ինքնապաշտպանության ջոկատի հրամանատար Անդրանիկը նրան «մարտ» ասաց, գյուղը նույնպես նրան «Մարտ» անվանեց ու ինքը չդժգոհեց: Ի՞նչ իմանար Մարեն, որ իր գալը գյուղի պաշտպանության համար ռազմավարական նշանակություն է ունենալու: Ամո՞թն էր, թե այլ էր պատճառը՝ նրա գալուց հետո այլևս ոչ ոք չլքեց գյուղը և դեռ հակառակը՝ ուրիշ եկողներ էլ եղան՝ պինդ, առողջ, կռվող տղերք, մեծ մասամբ բնիկների թոռներ ու ծոռներ:

Թիթեղի գնացոց լսվեց: Մարեն բացեց կիսախուփ աչքերը և տեսավ շիկահեր տղեկին, որ իր հասակից երկար տաշտը շալակին վազում էր դեպի վայրէջքի հրապարակ:

Ուղղաթիռի շարժիչը միանգամից դադարեցրեց աշխատանքը: Լսելի դարձավ դեպի ուղղաթիռ շարժվող մարդկանց աղմուկն ու տաշտերի զնգզնգոցը: Դռնից դուրս ելավ օդաչու Արտաշը, վար իջավ և մոտենալով սկսեց բոլորին անխտիր ձեռքով բարևել: Այդ բարևը գյուղի բնակիչների համար շատ էր կարևորված, նրանց համար այդ ձեռքսեղմումը ինքնահաստատման մի արարողություն էր, այսինքն՝ ես կամ, ինձ չեք մոռացել: Որ այս բարդ ու թանկ մեքենայով վտանգավոր ճանապարհ էք կտրել, եկել ինձ մոտ՝ ուրեմն իմ ներկայու-թյունն այստեղ շատ է անհրաժեշտ: Արտաշը, եթե նույնիսկ դա չէր գիտակցում բնագործ գգում էր: Տարիքավորները ձեռքսեղմումից հետո սովորականի պես՝ սկսեցին տեղալ հարցերի տարափը.

- Ես ո՞ւր մնացիք, Արտաշ ջան...
- Աչքներս ջուր դառավ:
- Մեր հույսն, ախր, դուք էք մնացել:
- Անդոյին չբերեցի՞ր...

– Զամբերեք,– տարիքավորների կողմը թեք հայացք գցեց Արտաշը:– Բարևս տամ՝ նոր պատասխանեմ:– Նա ձեռքսեղմումը քիչ համարեց, մյուս ձեռքով խառնեց շիկահեր տղեկի գանգուրները:– Երկուսից-բանից հեչ ստանում ես...

– Չէ, հա,– ժպտաց շիկահերը:– Ինձ հրացան կբերե՞ս:

– Տանկ կբերեմ,– ժպտաց Արտաշը:

– Տանկը ուղղաթիռ չի մտնի,– ասաց տղեկը:

– Զո նրա ուզե՞քով չի՞, որ մտնի կամ չմտնի,– կողքի աղջնակի ձեռքը սեղմելով աչքով արեց Արտաշը: – Ծեծելով կմտցնենք: Ծիշտ չե՞մ ասում...

– Ծիշտ,– հրճվեց աղջնակը:

Արտաշն ավարտեց ձեռքսեղմումի արարողությունը, լրջացավ, դարձավ մեծերին.

– Ասեք, լսում եմ:

– Ինչո՞ւ եսքան ուշացար...

– Ամսից ավելի է՛ չկաս:

Էլի էին հարցեր տալու՝ Արտաշը ձեռքը բարձրացրեց, լռեցրեց.

– Եղանակն աննպաստ էր,– ասաց: Նորից աղմկեցին.

– Եղանակին ի՞նչ է եղել...

– Երևանի ռադիոն ասում էր՝ առանց տեղումների եղանակ...

– Ասա՛ զինվորականները չէին թողնում...

– Աննպաստ եղանակից դա ինչո՞վ է պակաս,– քթի տակ խնդաց Արտաշը և գուցե խոսքը շարունակեր, բայց ձորից պայթյուն լսվեց, և երկինք մխրճվեց կարմիր հրթիռը: Լռություն տիրեց: Բոլորի հայացքի տակ հրթիռը երկնքի անամպ կապույտում ճարճատյունով ցրիվ եկավ:

– Ո՞վ էր,– դռան մեջ հայտնվեց Անդրանիկի ալրոտ դեմքը, հետևից՝ դպրոցի դիրեկտորը:

Ե՞րբ դիրեկտորը ուղղաթիռ մտավ՝ ոչ ոք չնկատեց:

– Զրթիռ էր,– ասացին:– Գալիս ես:

– Զողեմ գլուխները,– ասաց կանացի ձայնը:

– Տաշտերը մոտ բերեք,– ասաց Անդրանիկը:

– Գանք՝ օգնենք:

– Շարժվելու տեղ չկա,– ժպտաց Անդրանիկը:– Զո չենք բարձել...

– Դու իջիր,– հետևից Անդրանիկի ուսին թփթփացրեց դիրեկտորը՝ կուպրի պես սև բեղմորուքով մի երտասարդ: – Դու իջիր, թող Ռուբիկը գա: Ռուբո...

Անդրանիկը դռնից վայր ցատկեց, գրկախառնվեց ներքևում խմբված երիտասարդների հետ: Կարշնեղ մեկը խմբից պոկվեց, ուղղաթիռ մտավ: Անդրանիկը գրպանից ծխախոտի տուփ հանեց: Արտասահմանյան ծխախոտատուփը շատ էր գեղեցիկ:

– Պահ,– կաչեցին:– Պակաս չի լինի... Տաս-տասներկու ձեռքեր ձգվեցին դեպի ծխախոտատուփը:

– Ծխելու բան բերե՞լ ես...

– Բերել եմ:

– Հա,– ասացին,– մեռանք տերև փշրելով:

– Սրանի՞ց ես բերել,– կատակեցին:

– Տուրի՞ստ ես,– խստաձայն ասաց Անդրանիկը: Մեքենայի հռնոյուն լսվեց, ու մի քանի վայրկյան հետո երևաց քիթը վեր ու վար ցնցող կանաչ գրահամեքենան: Հետևից փոշու և ծխի ամպ թողնելով, առաջ եկավ, կտրուկ արգելակեց և ուղղաթիռից քիչ հեռու կանգնեց: Արցախ կատարվող բոլոր թռիչքները ադրբեջանական Ադդամ քաղաքից էին հսկվում ու կարգավորվում: Այնտեղից էին զինվորականներին ռադիոկապով հայտնում թռիչքի մասին, և զինվորականները դիմավորում էին ժամանող ինքնաթիռներն ու ուղղաթիռները: Այս անգամ գրահամեքենան մի փոքր ուշացավ: Ներսից շրխկոց լսվեց, բացվեց ետնամուտքը, ավտոմատավորները դուրս թռան, վազեցին, կիսաշրջանի մեջ առան ուղղաթիռն ու կանգնեցին: Վերջինը մեքենայից ելավ կապիտանի ուսադիրներով սպան՝ նիհար, ցցված այտոսկրներով 30-ին մոտ մի տղամարդ, դանդաղ առաջ եկավ, կանգնեց նրա չոր, արպտող-զննող հայացքը վերջապես գտավ Անդրանիկին, մի պահ գամվեց, ապա շրջվեց դեպի Արտաշը.

– Անձնակազմդ ո՞ւր է...

– Ներսում են:

– Վայրեչքի թույլտվություն ունե՞ս...

Արտաշը ծոցագրպանից թուղթ դուրս բերեց, պարզեց կապիտանին:

– Այլուր, բրինձ, շաքարավազ ու վե՞րջ,– թղթին նայելուց հետո ասաց կապիտանը:

- Վերջ:

– Եստեղից՝ ուղիղ Ստեփանակե՞րտ...

– Վիրավորներ կան, Երևան եմ տեղափոխելու,– թուղթը գրպանը մտցրեց Արտաշը:

– Նրանք չլինե՞ին՝ ձեզ Եստեղ թողնող չկար,– քթի տակ ժպտաց կապիտանը:

– Հա,– խոսեցին կողքից,– եղանակը թռիչքային չի: Կապիտանը հայացքով սաստեց խոսողին ու քայլեց դեպի Անդրանիկը.

– Եկա՞ր, բանդիտ...

– Ե՞ս եմ բանդիտը, Պրիվալով,– ժպտաց Անդրանիկը: – Իմ ի՞նչն է բանդիտի...

– Որ սափրվես, փողկապ կապես՝ իսկը գերեզանցիկ ուսանող: Բայց աքերդ ու-- ու-- ու-- ու-- ...

– Աչքերս՝ ի՞նչ...

– Շուշվա հեռուստատեսությունը մի գլուխ նկարդ. Է ցույց տալիս: Գլխագին են խոստանում: Չբռնե՞մ տանեմ...

– Ինչո՞ւ ես բռնում: Հրավիրիր՝ գամ:

– Կիրավիրե՞ի,– կատակն ընդունեց կապիտանը,– բայց օղի չունեմ:

– Օղին՝ ինձանից,– ասաց Անդրանիկն ու շրջվեց դեպի ուղղաթիռը:– Օղին իջեցրե՞ք:

Ուղղաթիռի ներսից այլուրի պարկերը բերում, դնում էին դռան մոտ կանգնածների մեջքին և, նրանք տանում, պագում էին, պարկը թրմփոցով գցում կողք-կողքի շարված տաշտերի մեջ, ետ դառնում: Կապիտանը, խոսքի հետ, աչքի պոչով հետևում էր նրանց: Երբ վար իջեցրին օդու շշերով լի երկու արկղները, կապիտանի աչքերում մի պահ կայծ հայտնվեց ու մարեց:

– Հինգ շիշը քոնն է,– ասաց Անդրանիկը:

– Բա մնացա՞ծը...

– Մնացածը մերն է:

– Դուք էստեղ խմելով եք զբաղվում, թե ինքնապաշտպանությամբ,– պոռթկած կապիտանը:– Կարգուկանոն չկ'ա...

– Ո՞նց չկա, – ասացին կողքից:– Ծնունդ է լինում, կնունք է լինում, հարսանիք է լինում: Առանց խմիչքի կլինի՞...

– Շրջափակման մեջ՝ ծնունդ, կնունք, հարսանիք,– ասաց կապիտանը:– Չէ, ձեզ էստեղից քշել չի լինի...

– Ձեզ էլ չի լինի,– ասաց տարեց կինը:– Օդին՝ մերը, ոչխարը՝ մերը: Թուրքն էլ գողացած ոչխարից խորոված անելու վարպետ է: Քեֆ արա, նաչալնիկ...

– Հա,– հաստատեցին կողքից:– Մենակ թե մեր հացն ուտում են, նրանց դռանը՝ հաչում:

– Ի՞նչ,– չհասկացավ կապիտանը:

– Ասում է՝ ոչխարը գիշերով մեզանից են գողացել, օդին էլ՝ ըհը: Բայց նրանց եք պաշտպանում:

– Ես հրաման եմ կատարում,– ասաց կապիտանն ու փոխեց խոսակցությունը:– ճի՞շտ է, որ Երևանում օդին առանց տալոնի է...

– ճիշտ է,– ասաց Արտաշը:

– Հը,– գլուխը թերահավատ շարժեց կապիտանը, մատով մոտ կանչեց զինվորներից մեկին, ականջին բան ասաց:

Չինվորը գնաց, արկղից վերցրեց օդու շշերը, տարավ մոցրեց զրահամեքենան, ետ դարձավ:

– Կապիտան,– կանչեցին տաշտերի մոտից:– Ստուգելով եք, թե տանենք...

– Էլ ի՞նչ կուզեիք,– քմծիծաղ տվեց կապիտանը, շրջվեց դեպի զինվորները:– Պարկերն ստուգել:

Չինվորները վրա տվեցին, հանեցին դաշույններն ու սկսեցին պարկերը դաշունահարել: Ալրի պարկն ասես դիմացը կանգնած թշնամին էր՝ ցասումն ու ատելությունն աչքերում խրում էին դաշույնը մինչև դաստակն ու հետն էլ՝ հը՛... հը՛... հը՛...

– Ձեր դաստիարակողի,– փնչացրեց հաղթանդամ ծերուկը:– Կատաղությունն էստեղ մեր ու էս պարկերի վրա եք ծախսում: Որ տուն դարձաք՝ ո՞ւմ փորն եք թափելու...

– Հը՛... հը՛... հը՛...- վարժ, մարզված շարժումներով շարունակում էին զինվորները:

- Պուշկին... Գոգոլ... Լերմոնտով... Տոլստոյ... Դոստոևսկի... Չեխով...– պարկերին իջնող հարվածների հետ անսպասելի բղավեց համալսարանի երիտասարդ դասախոսը, որ ամիսներ առաջ ամեն ինչ թողել, կին-երեխաներին առել, եկել բնավորվել էր պապի օջախում:

– Չէ մի՛ Տյուտչև,– դասախոսի արմունկը ցնցեց ընկերը:– Սրանք Պավլիկ Մորոդովից դենը բան չեն կարողացել, քեզ մի ճղիր:

– Հը՛... հը՛... հը՛... - Այուրը բիկում, թափվում էր տաշտի մեջ և դաշտից դուրս, զինվորները ձեռքները մտցնում էին ալրի մեջ, տարուբերում, անցնում հաջորդ պարկին:

– Գնդացիր գտա՞ք,– կանչեց կանացի ձայնը:– Այուրն ափսոս է, ախր...

– Գնդացիր՝ չէ, բայց փամփուշտ ու նռնակ՝ պատահում է,– ասաց կապիտանը, շեշտակի նայեց Անդրանիկին,– Ձեր զենքն ո՞ւր եք պահում...

– Մեր զենքն էստեղ է,– Անդրանիկը ձեռքը տարավ սրտին:

– Ու մեկ էլ՝ էստեղ,– շիկամորուս տղան ցուցամատով կոկտացրեց գլխին:

– Պրիվալով,– ասաց Անդրանիկը,– շներն առած գալիս եք, տները տակնուվրա անում, մարդկանց ծեծում, ջարդում, զենք եք պահանջում: Ախր շատ ստոր բան է, երբ կնոջ ու երեխեքի առջև տան տղամարդուն քացու տակ են գցում ու ավտոմատ պահում վրան...

– Հրաման է՝ զենքի բռնագրավում,– մարմնի ծանրությունը մի ոտքից մյուսը գցեց Պրիվալովը և հորանջեց:

– Հրաման,– քմծիծաղ տվեց Անդրանիկը:– Իսկ եդ ստորությունը դուք չե՞ք հասկանում:

– Չենքի տեղն ասեն՝ չեն ծեծվի: Բաստա,– ափն ափին շրխկացրեց կապիտանը:

– Չենքր դիմացներդ է,– գլուխը տմբտմբացրեց Անդրանիկը:– Ո՞նց չեք տեսնում...

– Այսի՞նք...– Պրիվալովի աչքերը խոշորացան:

– Այ նա է մեր զենքը, նա է, նա՛, նա՛, նա՛ ու մեկ էլ էս բոլորը:– Անդրանիկի ձեռքը մեկ երեխաներին պարզվեց– մեկ՝ կանանց ու ծերերին, ապա շրջան գծեց գյուղի վրա: – Հասկացա՞ր...

– Դրանցով չես կրակի,– հիասթափվեց կապիտանը:

– Կրակելուներ՝ չեք գտնի,– խորամանկ ժպտաց Անդրանիկը:– Հո տանը չե՞նք պահելու, որ գաք ու խլեք: Բայց իմացիր՝ ձեր խաղին մենք ծանոթ ենք. դուք դեռ չհեռացած՝ թուրքերը վրա են տալիս: Մինչև զենքը բերում ենք՝ մի քիչ ուշ է լինում, վնաս են տալիս:

– Մեր ձեռքը բռնում եք, նրանց ասում՝ խփիր: Ինչո՞ւ չեք նրանց զենքերն էլ խլում,– ասացին կողքից:

– Ես հրաման կատարող եմ:

– Հրաման կատարող է՝ թող մեր արաղը հետ տա,– կանչեց շիկաիտեր տղեկը:

– Ամոթ է, կհասկանան,– սաստեցին կողքից:

– Արաղը չտվեցիր՝ տնետուն են ընկնելու, Սապոգների հոտից տուն մտնել չի լինում,– ասաց կանանցից մեկը:

Մատուռի մոտից Մարեն, իհարկե, տեսավ գյուղ մտնող զրահամեքենան, տեսավ ու Անդրանիկին տեսնելու հաճույք ծփանքը վայրկենապես չբացավ:

– Եկա՞ք,– քիչ առաջ մղվելով խոսեց Մարեն:– Բա դուք մոր ծիծ չե՞ք ծծել... Ձեր մերը ձեր օրորոցի վրա բա երգ չի՞ ասել... Բա ձեզ տոտիկ-տոտիկ չի՞ արել ձեր մերը: Ձեզ չե՞ն կնքել էս սուրբ մեռնից ձեր երեսին չե՞ն քսել... Թե քրիստոնյա եք՝ ձեր մեծն ու փոքրը ձեր էստեղ արածից պիտի ամաչի: Բա ո՞նց, գիժը չի ամաչում, գժի տերն է ամաչում: Որ պատերազմ էր՝ Անուշավանս իր կյանքը տվեց, որ ձեր կյանքն ու հողը պաշտպանի: Ձեր հողում Անուշավանս իրեն ձեր նմա՞ն էր պահում: Դրա համար էլ գլուխս միշտ բարձր է: Դուք ո՞նց եք ձեր մոր ու կնոջ գլուխը կախ թողնելու: Թե մարդ են՝ նրանք պիտի ձեզանից հրաժարվեն: Պիտի ասեն՝ մենք նրանց չենք ծներ ձկից են ծնվել: Հա, ձկից: Ու ձեր թխամերը թուրք է եղել: Թե չե՛ քրիստոնյան էս եկեղեցին կզնդակահարի՞, որ դուք արեցիք...

Այսպես Մարեն, նախաբանեց-հիմնավորեց ասելիք անեծքն ու անցավ բուն անեծքին:

Մեղուներն իրենց թանձր գվվոցով, ասես, նրա քիչ երգեցիկ, քիչ կերկերուն արտասանված թանձր խոսքերի դամս էին պահում: Վերջում, ինչպես միշտ, Մարեն անեծքի պոչը հասցրեց Կոկչետավում բույն դրած թոռանը.

– Փուճ էս, փուճ... Պապիդ օջախը ուրիշներն են արյուն-քրտիկներով պաշտպանում: Անիծեմ՝ քո նման մի փուճ զավակ ունենաս, որ իմանաս աշխարհի բանը...

Ալրի պարկերից հետո դաշունահարվեցին բրնձի ու շաքարավազի պարկերը: Դպրոցի դիրեկտորն ու ընկերի ուղղաթիռից ցած իջան, թափ տվեցին իրենց վրագլուխը, և ժողովուրդը հասկացավ, որ բեռնաթափումն ավարտվեց: Արտաշը ուղղաթիռ բարձրացավ, դռան մեջ շրջվեց, ժպտաց.

– Պինդ մնացե՞ք...– Նրա բռունցքը վեր բարձրացավ: Ասես հրամանով, զինվորներից բացի բոլորի բռունցքները մխրճվեցին երկինք: Ի-նչ մռնչյուն կար սեղմված այդ փոքր ու մեծ բռունցքներում, ի-նչ դղրդացող լռություն էր... Ուղղաթիռի փակվող դռան շխկոցից ժողովուրդն սթափվեց: Գնացին, վերցրեցին տաշտերը կողմ տարան, շարեցին իրար վրա: Ուղղաթիռն աշխատեցրեց պտուտակը: Ալրա-բրնձա-շաքարավազախառն հողմ բարձրացավ: Չինվորները գլխարկների բռնած վագեցին, թաթնվեցին զրահամեքենայի հետևը: Ուղղաթիռը օդ ելավ ու հետը տարավ իրեն ուղղված հարյուրավոր ձեռքերի ծփանքը: Կապիտանը դուրս ելավ զրահամեքենայի հետևից, Անդրանիկին մատով մոտ կանչեց: Անդրանիկն իր թեթև քաշին անհամապատասխան ծանր քայլերով առաջ գնաց, կանգնեց:

– Ի՞նչ էս ասում՝ տներն անխտիր ստուգե՞նք, թե պատահական,– խորամանկ ժպտաց կապիտանը:

– Ոնց ուզում էս,– ուսերը վեր քաշեց Անդրանիկը:

– Շարվիր,– հրամայեց կապիտանը: Չինվորները վագթով մոտեցան, շարվեցին:

– Դուք էսօր ստուգողը չեք, Պրիվալով,– ասաց Անդրանիկը:

– Ինձ գիտես...

– Ստուգելիս շատվոր եք գալիս, շներոմ եք գալիս, ծեծում, կրակում եք: Հիմա՝ քիչ եք, չեք համարձակվի:

– Որոշողը ես չեմ, – խստացավ կապիտանը: – Ի՞նչ ես ասում...

– Հինգ շիշ էլ բերեք, – ուսի՝ վրայից ասաց Անդրանիկը,

– Ռուս չե՞ն, – Անդրանիկի թիկունքից խոսեց կանացի ձայնը:

– Ռուս չեն, ռուսի անունը խայտառակող են, – պատասխանեց տղամարդու ձայնը:

– Սրանք՝ ի՞նչ, – ասաց մի ուրիշը: – Ամենամեծ խայտառակողը հրեն մոսկվաներում
նստած է:

Օղին բերեցին, տվեցին առաջին պատահած զինվորի ձեռքը: Չինվորը կարծես թե
ժպտաց:

– Սրանք ժպտալ էլ գիտեն, ախչի, – կանչեց կանացի ձայնը:

– Չուր տեղն էլ տալիս ենք: Խմելու են, կատաղելու, գալու են տուրուդմբոց սարքեն...

– ճիշտ արեց, ճիշտ արեց: Թող ռադները քաշեն-գևան: Անդրանիկը ձեռքով շարժում
արեց: Թիկունքից լսվող խոսակցությունները լռեցին:

– Ծիսե՞նք, – ծխախոտատուփը պարզելով կապիտանի աչքերի մեջ շեշտակի նայեց
Անդրանիկը:

– Կարելի է:

Իրար աչքերի մեջ նայելով ծիսեցին: Կապիտանը լրջացավ.

– Ճիշտ են ասում իսկը բանդիտի աչքեր: Ասե՛մ ինչ ես մտածում...

– Ասա:

– Մտածում ես՝ գրահամեքենան չլիներ, զինվորները չլինեին, ոչ ոք չլիներ: Ես լինեի ու ես
կապիտանը: Հը, – կապիտանը խորամանկ ժպտաց: – Ինձ հում-հում կուտե՞իր...

– Կապիտան, 68 գլուխ ոչխար են տարել: Ասա՝ հետ բերեն:

– Չգիտեմ, – հայացքը փախցրեց կապիտանը: – Մենք ձեր գործերին չենք խառնվում:

– Յոթանասուն տարեկան հովվին ծեծել, կիսամահ են արել ու տարել: Դա՞ էլ չգիտես...

– Ասացի՞ ձեր գործերին չենք խառնվում: – Նա մատի ծայրով թռցրեց ծխախոտի կրակը,
մնացուկը գրպանը մտցրեց: – Լավն է, հետո կծխեմ:

Անդրանիկը ձեռքի ծխախոտատուփը խրեց կապիտանի գրպանն ու առաջ մղվելով
ֆշացրեց ականջի տակ.

– Չեք խառնվում՝ էստեղ ի՞նչ գործ ունեք: Ինչո՞ւ չեք գնում մեր ու նրանց արանքում
կանգնում, որ արյուն չթափվի...

– Չգիտեմ, – հետ ձգվեց կապիտանը: – Իմ գործը հրաման կատարելն է:

Անդրանիկի թիկունքում լրիվ սսկվել էին: Աշխատում էին լսել նրանց խոսակցությունը,
բայց միևնույն՝ ոչինչ չէին լսում:

– Լավ, – ասաց Անդրանիկը, – ինչ գիտես՝ էն ասա: Ո՞նց կռվող ենք...

– Կռվող եք, – ասաց կապիտանը: – Նրանց զենքը դուք ունենայիք՝ ու~... ու~... ու~...

– Դե ուրեմն կասես՝ ոչխարը հետ բերես: Թե չէ՝ արյուն է թափվելու: Կասե՛ս...

– Կասեմ:

– Չնացե՞ք,– ասաց Անդրանիկը:– Խորովածը կսառի:

– Որտեղի՞ց իմացար...

– Ուղղաթիռից տեսա: Խորոված են անում:

– Զը,– գլուխն օրորեց կապիտանը:– ամեն ինչ գիտես: Տեղերում,– հրամայեց զինվորներին:

Զինվորները վազքով գնացին, խցկվեցին զրահամեքենայի մեջ: Վերջինը կապիտանը մտավ:

– Կապիտան,– կանչեցին երիտասարդների խմբից: – Էնպես արա, որ թեզ կարոտենք:

Լսեցի՞ն, չլսեցի՞ն՝ ներսից փակեցին զրահամեքենայի դուռը և հետևից փոշու ամպեր թողնելով՝ զրահամեքենան հեռացավ: Փոշու պես մարմանդ ու թանձր մի լռություն կախվեց գյուղի վրա: Առաջինն սթափվեց դպրոցի դիրեկտորը:

– Ի՞նչ ենք կանգնել: Անելիքներս չգիտե՞նք...

Ջահել, ահել քայլեցին դեպի տաշտերը ու տաշտերի ականջներից բռնած թափորը շարժվեց դպրոցի ուղղությամբ: Պահեստի դեր կատարող ազատ դասասենյակում տաշտերը կախելու էին օճորքից իջնող պարաններից: Այդպես ապահով է, մկները չեն վնասի: Մթերքը միանգամից չէին բաժանում, բաժանում էին երեք օրը մեկ, ըստ շնչի, և կախված ռազմական դրությունից ու մթերքի քանակից, շնչարածինը մեկ քիչ է լինում, մեկ՝ շատ քիչ: Դպրոցի դիրեկտորից բացի պահեստի դուռը բացող չէր լինում: Միայն երեխաներն էին պահեստ-դասասենյակի լուսամուտից նայում մանկան ճոճ հիշեցնող տաշտերին ու թուրք կուլ տալով մեծ ավարի որոշում. «Երկու շաբաթ կհերիքի»: «Երկու շաբաթ... փորներս որ սեղմենք՝ մի ամիս էլ յոլա կտանի»:

Թափորն խառնուցրիվ շարժվում էր, թափորի առաջից քայլում էր հաղթանդամ, ճերմակ գանգուրներով ծերունին: Երևի նա շատ էր նման Աստվածաշնչի Մովսեսին, այլապես դպրոցի դիրեկտորը դառն ժպիտով չէր ասի.

– Ոնց որ Իսրայելի որդիների փախուստը Եգիպտոսից: Մա՛րդ էլ իր տան մեջ փախստականի պես ապրի, թյո՛ւ...

Անդրանիկն ուզեց պատասխանել՝ կրակոց լսվեց: Ձայնը դմբդմբաց ձորում, արձագանք տվեց: Թափորը կանգնեց: Կրակոցից վախեցած թռչունները խուճապահար երկինք փախան:

– Տղե՞րքը,– դիրեկտորին նայեց Անդրանիկը:

– Տեղերում են:

– Պիտի որ եսօր հանգիստ լինեին,– ասաց Անդրանիկը: Նորից կրակեցին:

– Որսորդական է:– Անդրանիկը նայեց դասախոսին: – Որ տեսաք սկսվում է՝ կողքից կգաք: Չնացինք:

Անդրանիկն ու դիրեկտորը պոկվեցին խմբից, քիչ կռացած վազեցին ձորն ի վար: Պահակակետի դիրքերը տանող ոլոր-մոլոր այս կածանով աչքերը գոց կզնային: Կածանները նրանք հաճախ էին փոխում, որ չտրորվեր, զինվորներին հետք ցույց չտար: Ժայռաբեկորի մոտ նրանք կանգնեցին, դիրեկտորը թռչնաձայն սուլեց, սուլոց պատասխան ստացավ և նոր մոտեցան: Դիտակետում երերն էին: Լրացանները պատրաստ՝ պառկած էին:

– Ի՞նչ հաշիվ է,– տղաների կողքին տեղ գրավելով հարցրեց Անդրանիկը:

– Չեմ հասկանում,– պատասխանեց պահակախմբի ավագը՝ խաժ աչքերով, 25-ին մոտ մի երիտասարդ:– Բան չեմ հասկանում:

Նորից կրակեցին: Լսվեց քարերին զարնվող կարտեչի շխկոցը:

– Յեռադիտակ:

Անդրանիկը վերցրեց պարզված հեռադիտակը, ավելի հարմար դիրք գրավեց և սկսեց զննել տեղանքը: Դիմացի սարավանջին թուփ ու մացառներն ավելի սակավ էին, ու շարժում չէր նկատվում: Քիչ վերև՝ կիսաբանդ ջրաղացն էր: Այնտեղ դիրք գրավելն անմտություն էր, որովհետև հակագրոհի դեպքում նահանջելն անհնար էր, շուրջբոլորը բաց էր՝ նշանառության տակ: Անդրանիկի հայացքը հեռադիտակի միջից թեթևակի հավեց ջրաղացին և անցնելու էր, երբ նորից կրակեցին: Անդրանիկը տեսավ ջրաղացի հետևից հազիվ նշմարվող ծխի քուլան:

– Ջրաղացի հետևն են: Ո՞ւմ վրա են կրակում...

– Շաշ-շաշ՝ դեսուդեն են խփում,– ասացին: Դարձյալ կրակեցին: Տղաներն ասես հրամանով, նայեցին Անդրանիկին: Բոլորի աչքերում՝ դեպի ջրաղաց մղվելու պահանջն էր:

– Սպասենք,– զսպեց Անդրանիկը: – Յասկանանք մտքներինս ի՞նչ է:

– Մտքներինը մեր տեղն իմանալն է,– ասաց դիրեկտորը:

– Ո՞նց են եկել, մտել ջրաղացի հետևը, ող չեք տեսել, ասաց Անդրանիկը:

– Չրահամեքենայով ընկանք, երևի, աչքից բաց թողեցինք,– մեղավոր ասաց ավագը:

– Բաց թողեցինք,– կշտամբող ձայնով ասաց Անդրանիկը:– Յիմա՛ առանց շարժում ցույց տալու, հարյուր մետրի վրա: Վարդանը՝ աջ, Վազգենը՝ ձախ: Երևացին՝ կրակում եք: Տղաները աջ ու ձախ սողացին և կորան տեսադաշտից:

– Խորոված էին անում,– մտքերը բարձրաձայն արտահայտեց Անդրանիկը:– Գիտեն, որ զենքի ստուգում չի լինելու: Մեզ էլ գիտեն: Օրը ցերեկով ջրաղացի հետև մտնելն ու կրակելը ո՞րն է...

Անդրանիկը ծխախոտ դուրս բերեց, չվառեց, տրորեց մատների մեջ, հոտ քաշեց: Այս անգամ, երբ կրակոցի դմդմբոցը մարմրեց ձորում, հեռվից ձայներ լսվեցին: Անդրանիկը կրկին աչքերին մոտեցրեց հեռադիտակը և ինչ-որ տեսավ՝ վեր էր նրա պատկերացումից: Յրացանները ձեռքներին տաս-տասներկու տարեկան երկու տղա և կարմիր շորերով մի աղջնակ դուրս պրծան ջրաղացի հետևից, բղավոցով վազեցին սարն ի վեր, ապա կանգնելով սկսեցին ցատկոտել և անպարկեշտ շարժումներն ուղղելով գյուղի կողմը՝ ինչ-որ բաներ բղավել: Յեռադիտակով Անդրանիկը պարզ տեսնում էր տղաների ու աղջնակի անվարտիք հետույքները:

– Ի՞նչ են բղավում,– հարցրեց Անդրանիկը:

– Հայի իյում են լակոտները,– ասաց դիրեկտորը: – ճիպոտն առնես ու ոնց որ պետքն է դաղես դրանց բաց տեղերը:

Նրանք ցատկոտելով էլի բաներ բղավեցին, ապա տաբատ-վարտիք վեր ձգելով վազեցին, կորան սարի հետևում: Անդրանիկը հեռադիտակը կողմ դրեց, ոտքի ելավ, ծխախոտ վառեց: Մտածե՞ց, թե՞ չմտածեց, որ յուրայիններն աջից ու ձախից չկատարեցին իր՝ ջոկատի հրամանատարի հրամանը: Նա մի քանի անգամ խորը ներս ձգեց ծուխն ու ասաց.

– Գնացի՞նք:

– Ծխելու բան թողե՞ք,– ասաց ավագը:

Անդրանիկը «Պրիմայի» տուփը նետեց ավագին ու քայ:

Դիրեկտորը ծխեց, հետո ժպտաց, ու բարիություն էին իրենց արածի՞ մասին էին մտածում, թե՞ չարածի... Ջորի պոնկին Անդրանիկը կանգնեց, սպասեց մինչև դիրեկտորը հավասարվի իրեն.

– Ես խի՞ղճ է, թե՞ խեղճություն,– խոսեց Անդրանիկը:

– Նրանք ավտոմատով, որսորդականով խփեն մեր դպրոցին, երեխեքին վնասեն՝ մեզանից ոչ մեկը հիմա ձեռքը չտանի՞ զենքին, Ես խիղճը չի՞ մեզ Եսպես խեղճացրել...

Դիրեկտորը ծխեց, հետո ժպտաց ու բարիություն էին կաթեցնում նրա աչքերը:

– Առանց խղճի ապրել կլինի՞,– վերջապես ասաց նա:

– Խղճներս կորցնենք, դառնանք նրանց նմա՞ն...– Նա գլխով ակնարկեց դիմացի սարը:

– Ես խղճով բա ո՞նց ենք ապրելու Ես անխիղճ աշխարհում,– փնջացրեց Անդրանիկը:

Գյուղամիջում բաժանվեցին: Դիրեկտորը գնաց դպրոցի ուղղությամբ, Անդրանիկը ճամփան շեղեց, գնաց հասավ մատուռի մոտ քարին ծվարած Մարեին, կռացավ, այտը համբուրեց, նստեց կողքին:

– Եկար,– արյունեռանդ դարձավ Մարեն:– Ինչու՞ ուշացար...

– Գործ կար,– Անդրանիկը ձեռքը պարզեց, գրկեց Մարեի ուսը:– Ո՞նց Ես, խաչքարս...

– Լավ եմ: Դու որ Եստեղ Ես՝ սիրոս հանգիստ է:

– Մյուսներն ինձնից ինչո՞վ են պակաս, Մարե...

– Պակաս չեն,– Մարեն գոգնոցի գրպանից ընկույզի միջուկը բռնով դուրս բերեց, պարզեց Անդրանիկին:– Կեր:

– Երևանում ճառեր ասող իշի տղերք,– գլուխն ափերի մեջ առնելով անսպասելի գոռաց Անդրանիկը:– Կռվելը՝ ձեր գլխին կանի, մի անգամ գոնե եկե՞ք, տեսե՞ք հալներս ի՞նչ է: Ախր, թուրքի, ռուսի, ու խղճի արանքում շշկռվել, մնացել ենք...

ՆԱՐԱՆՁ ԵՐԳՈՎ

Ուղղաթիռը թռչում էր խուզող թռիչքով, լեռների հետ լեռնանում, ձորերի հետ ձորանում և թվում էր ուր որ է քսվելու է լեռնագագաթին կամ ձորն ի վար իջնող անտառին: Ներսում այլուրի պարկերից փոքր-ինչ ազատ մասում, ուղևորները հիևզն էին՝ չորս ազատամարտիկ և մի բուլղարուհի հեռուստալրագրող: Հայորդիներին Արցախ էր տանում արյան կանչը՝ պապերի երկիրն էր, իսկ բուլղարուհուն... Բուլղարուհին քիչ թեթվեց հայացքը լուսամուտից դուրս էր նետել, և, երևի վայելում էր արևածագը: Ծնկներին, ասես նինջ մտած մանուկ, հանգչում էր տեսախցիկը, որի վրայից նա ձեռքը չէր հեռացնում: Վերջապես կտրվեց լուսամուտից, նայեց Դավիթին ու գլուխը տմբտմբացնելով ժպտաց,

– Գեղեցիկ է:

– Այստեղից է գեղեցիկ, – ասաց Դավիթը: – Ներքևում ու սովետական զորքն ու ադրբեջանական ՕՄՕՆ-ը գյուղոյուզի հետևից տեղահանում են: Ներքևում դժոխք է...

– Գիտեմ, – հոգոց հանեց բուլղարուհին:

– Իմանալը՝ ի՞նչ, – ուները վեր քաշեց Դավիթը:

Դավիթը չգիտեր, որ բուլղարուհին եղել է Շուշվա և Կիրովաբադի բանտերում, տեսել գերի ընկած հաչերի տանջանքները, աշխարհով մեկ աղմուկ է բարձրացրել հայ գերեվարված լրագրողի համար, ստիպել Ադրբեջանի իշխանություններին ազատ արձակելու լրագրողին և հենց դրա համար այդ իշխանությունների կողմից նա հեռակա կարգով մահապատժի է դատապարտվել:

Բուլղարուհին չգիտեր, որ Դավիթը ծառայել է սովետական բանակում, իր ազգի արժանապատվությունը պաշտպանելու համար ամբաստանվել է, բանտարկվել, իր մաշկի վրա է զգացել բանակում տիրող շարքայինից մինչև մարշալ հասնող ամենաթողության, կեղծիքի և կաշառակերության ուժը: Բուլղարուհին չէր կարող ենթադրել, որ հիմա Դավիթը տխուր հայացքով նայում է իրեն և մտածում՝ խաղաղ, հանգիստ երկրի քաղաքացի այս գեղեցկուհի կինը ո՞նց է ընկնելու զորքի ու ՕՄՕՆ-ի բերանը:

– Հուլի-ս, Վառնա-, լողա-փ, ալիքներ-ր... Լավ է, չէ, – փոքր ինչ հեզևանքով ժպտաց Դավիթը:

– Լավ է, – ասաց բուլղարուհին:

– Բա էլ ի՞նչ եք կորցրել էստեղ...

Բուլղարուհին չպատասխանեց, մի ակնթարթ միայն թեք նայեց Դավիթին, շրջեց հայացքը և նրանք մինչև ուղղաթիռի վայրէջքը այլևս չխոսեցին: Մյուս երեքը, գլուխները այլուրի պարկերին, քնած էին:

Ուղղաթիռը վայրէջք կատարեց գյուղի եզրին, անտառից քիչ հեռու, ու մինչ պտուտակը կդադարեցներ իր պտույտները՝ բնակիչներից ոմանք ինքնապաշտպանության ջոկատի,

հրամանատարը մոտեցան: Մոտիկում, անթամբ, սպիտակ մի ձի, պոչը երբեմն գավակին զարկելով, ամեն ինչին անտարբեր, արածում էր: Օղաչուն իջավ, ձգեց ընդարմացած մարմինը: Հրամանատարը՝ 80-ին մոտ, ջլապինդ մի երիտասարդ, անջատվեց խմբից, գրկախառնվեց օղաչուի հետ: Տեղաբնակներն անհամարձակ առաջ եկան:

– Հանգի՞ստ եկաք, – հարցրեց հրամանատարը:

– Ես անգամ, փառք Աստծո, Ջիվան ջան: Ուսապարկը ձեռքին՝ ուղղաթիռից վար ցատկեց Ղավիթը, ապա մյուս երեքը:

– Ես ե՞ք, – Դիվանը սեղմեց Ղավիթի ձեռքը:

– Չէ, մեկն էլ կա, – ժպտաց Դավիթը, հայացքը շրջեց դեպի ուղղաթիռի դուռը:

Բուլղարուհին տեսախցիկը ձեռքին հայտնվեց դռան մեջ, սկսեց տեսագրել դիմավորողներին, ձիուն, շրջապատը:

– Պահո, – ասաց հրամանատարը: – Ո՞վ է...

– Իսկը որ՝ պահո, – ավելի լայն ժպտաց Դավիթը: – Ժուռնալիստ է, Բուլղարիայից:

– Եկել է, որ ի՞նչ անի, – լրջացավ Ջիվանը:

– Ես գիտե՞մ, – Ղավիթը ուները վեր քաշեց:

«Բուլղարիա», «Ժուռնալիստ» բառերը տեղաբնակների բերանից բերան անցան, աշխուժություն առաջացրեցին:

– Էդ լավ է, – կանչեց մեկը: – Որ արտասահմանցի կա՝ գորքը ռիսկ չի անի վրա տալ, աշխարհով մեկ կտարածվի:

– Փրկվեցինք, – կանչեց ծծկերը գրկին կինը: – Ես նրան դեսն ուղարկողին մեռնեմ:

Ամերիկացի լիներ՝ ավելի լավ կլիներ, – տրամաբանեցին կողքից, բայց բուլղարացին էլ ոչինչ, էլի արտասահմանցի է:

Ծծկերը կոկորդը պատռելով լաց եղավ:

– Ախչի, լակոտիդ առ գնա: Թող հասկանանք ի՞նչ են խոսում:

– Բա ես չիմանա՞մ:

Սատանի թարսություն է, Է՛, – բղավեց տղամարդու ձայնը, կինը երեխային գրկում ճոճելով մի փոքր հեռացավ խմբից ու կանգնեց:

Բուլղարուհին ուղղաթիռից իջավ, մոտեցավ Ջիվանին, պարզեց ձեռքը.

– Բարև ձեզ Հրամանատարը դո՞ւք եք...

– Ես:

– Մի վայրկյան կարելի՞ է, – նա բռնեց Ջիվանի թևը, կողմ տալով:

Շրջապատը սկսվեց, դարձավ համակ լռություն: Բոլորին էլ հետաքրքիր էր նրանց գրույցը: Մոտիկում նորից ծծկերը լաց եղավ:

– Կթողնի՞, որ լսենք, – դժգոհեցին:

Ես պետք է այստեղ աշխատեմ, – վարժ ռուսերենով, բայց և օտար առոգանությամբ ասաց բուլղարուհին: «

- Դուք պետք է այս ուղղաթիռով ետ գնաք,- ասաց հրամանատարը:

- Բացառված է,- առարկություն չընդունող ձայնով ասաց բուլղարուհին:

Ջիվանը հեգնանքով ժպտաց քթի տակ:

- Գյուղը տեղահանվելու է: Մենք չենք կարող գրահատեխնիկայի դեմն առնել, հասկանո՞ւմ եք...

- Ես այդ տեղահանությունն եմ տեսագրելու:

- Մեր դիմաց կանոնավոր զորք է կանգնած ու ադրբեջանական ՕՄՕՆ-ը: Նրանք ամեն ինչի ընդունակ են: Դուք պատկերացնո՞ւմ եք ինչ կարող են անել նրանք ձեզ հետ...

- Պատկերացնում եմ:

- Իսկ եթե հրամայե՞մ...

- Ես ձեր ենթական չեմ,- անսպասելի ժպտաց բուլղարուհին:- Ես անկախ լրագրող եմ:- Նա կողմ քաշվեց, տեսախցիկը մոտեցրեց աչքին, սկսեց նկարահանել և հասկացավ, որ հրամանատարը իր հետևից կոպիտ խոսքեր ասաց:

- Այլուրն ի՞նչ անեմ,- Ջիվանին մոտենալով՝ ցածրաձայն հարցրեց օդաչուն:

- Տար Կերիսն է: Չորքը գիշերը եկել, սարի հետևում կանգնել է:

Բուլղարուհին գյուղացիների հետ գնաց:

- Խռովեց,- ասաց Ղավիթը:

- Ջհաննամը թե չխռովեց,- խոժոռվեց հրամանատարը:- Մուկը ծակը չի մտնում ցախավելն էլ պոչից են կապում:

Գյուղացիները բուլղարուհուն հարցուփորձ արեցին, իմացան, որ Սոֆիայից է, պարզեցին, որ Սոֆիան Բուլղարիայի մայրաքաղաքն է և ավելի կարևորվեց նրա՝ իրենց գյուղում լինելը: Պարզեցին, որ ունի 11 տարեկան մի տղա, որ տղային հիմա ծնողներն են պահում: Բուլղարուհին նրանց բոլոր հարցերին պատասխանում էր հանգիստ, ժպիտը դեմքին, և այդ ժպիտն ու հանգստությունը իմաստավորվում էին բնակիչների ներսում, դառնում պաշտպանության և ապահովության երաշխիք: Իսկ հարցերը շատ էին բազմազան.

- Գորբաչովը անձամբ գիտի՞ մեր մասին...

- Մոսկվան ինչի՞ է միացել թուրքերին...

- Ամերիկան քրիստոնյա է, ինչի՞ մեզ չի պաշտպանում..

- Գիտե՞ն, որ Չայաստանը առաջին քրիստոնյա պետությունն է եղել...

Բուլղարուհին պատասխանում էր, երբեմն-երբեմն նկարահանում բակերում կամ փողոցում տեղի ունեցող կենցաղային որևէ մանրամասն և շարունակում նրանց հետ դանդաղ առաջ ընթանալ:

- Մալադեց բուլղարուհի, մալադեց,- յուրաքանչյուր պատասխանից հետո նրան քաջալերելով՝ կրկնապատիկ քաջալերվում էին գյուղի բնակիչները: Մի տան մոտ բուլղարուհին կանգնեց, դարձյալ տեսագրեց ու հետո ջուր խնդրեց:

– Արուս, – ձայնեցին, – ջուր բեր:

– Ջուրն ի՞նչ է, թող թան բերի:

Քիչ անց հայտնվեց տանտիրուհին՝ վաթսուլն անց, արևից խանձված դեմքով, մի ձեռքում թան, մյուսում՝ ջուր, ամոթխած ժպիտով նայեց բուլղարուհուն:

– Թան, – ուրախացավ բուլղարուհին:

– Պահ, գիտի, է, – զարմացան այս ու այն կողմից: - Շատ զարգացածն է երևում:

Եվ գուցե էլի դատողություններ անեին, եթե դիմացից հռնոյուն չլսվեր ու քիչ անց բլրի վրա չցցվեր, կանգներ տանկը:

Ժողովուրդն անշարժացավ: Նախ կտկտոց լսվեց տանկին հարմարեցված բարձրախոսից, ապա բարձրախոսը խոսեց.

– Գյուղի հարգարժան բնակիչներ, զինվորական զորամասի հրամանատարությունը ձեզ առաջարկում է ստորագրել մի հայտարարություն, համաձայն որի դուք ինքնակամ լքում եք գյուղը: Դուք պետք է 24 ժամվա ընթացքում գյուղից հեռանաք: Յակառակ դեպքում հարձակման կենթարկվեք...

Բուլղարուհին նայեց ժամացույցին, առավոտյան ժամը 9-ն էր: Խմբվածները անխոս, հարցական հայացքները հառել էին բուլղարուհուն՝ ասես փրկություն էին աղերսում: Բարդու կատարին բուն դրած արագիլը կափկափեցրեց կտուցը, իհարկե բան ասաց, բայց նրան ուշադրություն, դարձնող չեղավ.

Կեսօրին դպրոցի շենքում տեղավորված ջոկատի մոտ գնացած պատվիրակությունը՝ բաղկացած մաթեմատիկայի ուսուցչից, կոլտնտեսության հաշվապահից և տրակտորիստից, վերադարձավ:

– Յը՞, – հարցրեց գյուղխորհրդի մոտ հավաքված ամբոխը:

Պատվիրակներն ասես մեռլատուն էին եկել՝ գլուխները կախ լռում էին: Տրակտորիստը ծխախոտ վառեց:

– Գնացիք, եկաք, որ ջուրն առնեք բերաններդ, սսկվե՞ք...

– Գիտունը նա է, թող խոսի, – ասաց տրակտորիստը, գլխով ակնարկեց ուսուցչին և խռովածի նման կողմ թեքեց հայացքը:

– Խոսել է լինո՞ւմ, – բառերը կոկորդը քերելով դուրս եկան ուսուցչի բերանից:

– Մի խոսիր: Ինչ լսել ես՝ Էն ասա...

Տարիքից սմբած, չորացած ուսուցիչը խորը հոգոց հանեց, ավելի կծկվեց,

– Ասում են՝ գյուղը պահել չենք կարող: Ավտոմատներով ի՞նչ ենք անելու նրանց տանկերի դեմ, – նրա ձայնը կերկերաց ու խզվեց:

– Յետո՞...

– Ի՞նչ հետո, – անսպասելի վրա տվեց հաշվապահը: – Պիտի փախչենք: նրանց հետ հույս կապել չի լինի:

– Ոնց ենք հույս կապելու,– բռնկվեց տրակտորիստը: – Արադի շիշը սեղանին ցցած՝ խմում են...

– Կոկորդներին կանգնի...

– Ի՞նչ է պատահել... Ի՞նչ է պատահել,– տրակտորիստի զայրույթից անհանգստացավ բուլղարուհին:

– Էն է պատահել,– ռուսերենը կոտրտելով խոսեց տրակտորիստը,– որ մեր պաշտպանները պաշտպան չեն, ակահողիկ են: Վայ թե նրանք մեզանից շուտ փախչեն...

– Կամաց, կլսեն...

– Ջհաննամը չեն լսի:– Տրակտորիստը ծխախոտը գցեց, ոտքով զարկեց, տրորեց:– Ջավաքվեք, գնում ենք...

– Ո՞ր ենք գնում...

– Վերինշեն:

– Ախր մեր տուն ու տեղը ո՞նց ենք թողնում ու գնում,– կանչեց կանացի ձայնը:– Ասա, այ բուլղարուհի...

– Ինձ այդպես մի նայեք,– շնջաց բուլղարուհին,– այդպես մի նայեք...– Նա խոշորացրած աչքերով պտտում էր հայացքը:– Ես ձեզ պատասխան տալ չեմ կարող... Բուլղարուհին անսպասելի պոկվեց տեղից և վազեց դեպի դպրոցի շենքեր:

Դպրոցում նա փորձեց գինարբուքի ձայներ որսալ՝ չլսեց: Շոգ լռություն էր: Դռները բացելով, նա արագ անցավ մի դասասենյակից մյուսը: Առաջին հարկի նախավերջին դասասենյակի դռան մեջ կանգնեց, անշարժացավ, ջոկատի տղաները աշակերտական նստարանները իրար էին միացրեք, նստել դեմ-դիմաց: Դռան բացվելուն՝ Ջիվանն ընդհատեց խոսքը, գլուխը շրջեց.

– Արի, բուլղարուհի, արի: Տեղ տվեք:

– Խմո՞ւմ եք, – բուլղարուհու հայացքը շատ էր խիստ:

– Էն էլ ոնց,– ժպտաց Դավիթը:– Դպրոցի շենքից բուլղարուհի չի՞ գալիս...

Ջրամանատարի կողքին նստածը ելավ, տեղ ազատեց, և բուլղարուհին դանդաղ առաջ գալով նստեց: Տանտիկին էր՝ մի հայացքով գնահատեց սեղանը, մսի պահածո, խտացրած կաթ, հաց, պանիր, կանաչի, օղու շիշ...

– Մեկ ուզեցի հետևիցդ, մարդ ուղարկեք, մեկ էլ մտածեցի՝ անկախ ժուռնալիստ է, ո՞վ գիտի,– մեղավոր ժպտաց Ջիվանը:

– Ջրամանատարի ծնունդն է,– բացատրեց դիմացի ածխի պես սև աչքերով տղան:– Ջրամանատարն այսօր դարձավ երեսուն տարեկան...

– Աստված իմ,– գլուխը բռնելով օրորվեց բուլղարուհին:– Ինչ ջահել եք...

– Մեր միջի բիձան է,– ասաց Դավիթը:– Ջահելը, հրեն՝ 18 տարեկան:– Նա գլխով ակնարկեց սեղանի ծայրին նստած երիտասարդին:

– Բա ձեր բաժանները ինչո՞ւ եք պահեք,– սթափվեց բուլղարուհին:– Թե՞ պատվիրակներից վախեցաք...

– Մենք ընդամենը մի բաժակ ունենք:– Ձիվանը բարձրացրեց շշի մատնոց հիշեցնող մետաղյա կափարիչը: Կափարիչից օղի կաթեց:– Խմիր:

– Ալկոհոլիկներ... Այ, քեզ ալկոհոլիկներ,– քրքջաց բուլղարուհին:– Կենացդ, հրամանատար...– Նա խմեց, ցանկացավ շնչել՝ չկարողացավ, հազաց, աչքերն արցունքոտվեցին: Դավիթը ցատկեց, մի քանի անգամ խփեց նրա մեջքին: Ու երբ շունչը տեղն ընկավ՝ երկար արտաշնչելով օրորեց գլուխը, – Կրակ էր:

– Կրակ,– հաստատեց Ձիվանը, կափարիչը հագցրեց շշին:– Ես մի կրակին՝ վերջ: Տեսնե՞ք՝ մյուսն ի՞նչ է լինելու...

Չրամանատարի խոսքերը թախիժ ու մտահոգություն ծնեցին: Յուրաքանչյուրն ամփոփվեց ինքն իր մեջ:

– Ռուսերեն խոսեք,– ասաց բուլղարուհին,– ի՞նչ ասացիք, որ բոլորը տխրեցին:

– Ասացի՞ բնակիչները հեռանալու են, իսկ մենք մնալու ենք...

– Իմաստ ունի՞,– հարցրեց բուլղարուհին,– նրանք շատ-շատ են ու այդպես զինված...

– Ունի: Նրանք միշտ էլ շատ են լինելու ու այդպես զինված...

– Ո՞րն է կոնկրետ ձեր նպատակը:– Բուլղարուհու ներսում խլրտաց լրագրողը:

Չրամանատարը նպատակը բացահայտելու փոխարեն ծխեց, և բուլղարուհին մտածեց, որ դա, երևի, ռազմական գաղտնիք է: Բայց քիչ անց նա ուրիշ, ավելի սարսափելի բան մտածեց, հրամանատարից սկսած բոլորն էլ կամավոր մահապարտներ են: Նա հայացքը դանդաղ սահեցրեց մեկառմեկ տղաների վրայով: Մայրությունը, քույրությունը, թե՞ պարզապես կինը գլուխ բարձրացրեց ներսում՝ բուլղարուհին փշաքաղվեց, գոցեց աչքերը, խորը շունչ քաշեց և իր համար էլ անսպասելի երգեց.

– Իմալա մայկա էդըն մի չեգո...

Երգեց սկզբում ցածրաձայն, գնալով ձայնը բարձրացավ, տարածվեց, զրնգաց դատարկ դպրոցով մեկ: Երգում էր ու նրա գոց աչքերից դանդաղ սահում էին արցունքները: Չասկացա՞վ բուլղարուհին, որ իր այս երգով նա միանգամից մայրացավ, քույրացավ, հարազատ դարձավ ջոկատի տղաներին: Երգը վերաջացրեց, ավերով սրբեց այտերը, տխուր ժպտաց,

– Բացատրեմ: Մայրը ուներ մի միևնուճար որդի: Զաջ ֆիդայի էր որդին: Նա արծվի պես սավառնում էր Բալկանյան լեռներում, իր հետևից ջոկատներ տանում ու զարկում հայրենիքը նվաճած թուրքերին...

– Էլի թուրքը, – ասացին կողքից ու նորից լռություն տիրեց:

– Որդին սպանվե՞ց...

Բոլորի հայացքները դարձան բուլղարուհուն:

– Չգիտեմ,– հոգոց հանեց բուլղարուհին:

Չեռվից ուղղաթիռի սուլոց-հռնոյուն լսվեց, որ մոտենալով ահազնանում էր:

– Օդ,– կանչեց հրամանատարը:

Մի ակնթարթում, տղերքը զենքը վերցրած, որը դռնով, որը լուսամուտով դուրս նետվեցին: Բուլղարուհին տեսախցիկը ձեռքին, լուսամուտից ելավ: Ուղղաթիռը ՄԻ – 24 էր, «կրոկոդիլ» էին ասում, ցածր թռիչքով պտույտներ էր գործում գյուղի վրա:

Գյուղխորհրդի մոտ խմբված գյուղացիները լսեցին բուլղարուհու երգը, որոշեցին, որ նա էլ պակաս ակրոհոլիկ չէ ու հուսախաբ եղան: Եվ հուսախաբությունը ջոկատից, բուլղարուհուց ու հիմա արդեն ուղղաթիռի սարսափազդու պտույտները իրենց գործն արեցին, մի քանի թուփում գյուղխորհրդի դիմացի ոչ մեծ հրապարակը դատարկվեց: Ջոկատը գիտեր այս իրադրության մեջ իր անելիքը՝ հրամանատարը աֆղանական կռվի մեծ փորձ ուներ: Միակ չնախատեսված բանը բուլղարուհու ներկայությունն էր:

– Տիգրան,– կանչեց հրամանատարը, և տասնութամյա պատանին վազքով մոտ եկավ:– Դետն եղիր,– նա գլխով ակնարկեց բուլղարուհուն:– Մյուսները՝ տեղերում...

Բուլղարուհին, որ ուղղաթիռի պտույտներն էր նկարահանում, չնկատեց էլ թե ինչպես ջոկատը ներծծվեց գյուղում, չնկատեց իրենից ոչ հեռու կանգնած Տիգրանին, բարձրացավ մոտակա բլուրն ու սկսեց այնտեղից տեսագրել գյուղն ու ուղղաթիռը:

Խուճապի մատնված գյուղը տեղահանվում էր: Լքում էին իրենց տները, պապենական օջախներն ու գերեզմանները: Տղամարդու՝ մռնչունը մեջը արտասուք էր և կանացի աղեկտուր ողբ ու աղաղակ, երեխաների միամիտ լաց էր, շների հաչոց, անասունի բառաչ ու մարդու բառաչ...

Բուլղարուհին համակերպվել էր Տիգրանի ներկայությանը, և նրանք արդեն որերորդ ժամն էր բակից բակ էին անցնում, փողոցից փողոց ու նկարահանում այս նորոյա Սոդոմ Գոմորը: Բակերում ու փողոցներում ցրված- թափված էին գրտնակ ու խմորի տաշտ, կաթսա ու ափսե, կճուճ ու կարպետ, ճոճք ու ինքնատե, բուրդ ու սանդեղք, ու երեխայի խաղալիքներ, խաղալիքներ... Ուղղաթիռը չկար, փոխարենը գյուղի վրա թևածում էր սիրտ քրքրող վայնասունք: Տեսախցիկը փակում էր բուլղարուհու դեմքը, մարդիկ նրա դեմքի արտահայտությունը չէին տեսնում, բայց նկատում էին, թե՞ չէին նկատում, որ նրա ատամների մեջ սեղմած շուրթերից արյուն է հոսում: Բուլղարուհին խոշոր պլաններ վերցնելիս տեսնում և հասկանում էր իրեն ուղղված հայացքների իմաստը, ոմանք կշտամբող էին, ոմանք գլխիկոր, ամոթահար... Ու բոլորը՝ լուռ: Մտամոլոր մարդկանց ու անասունների վտակները փողոցների հետ ոլոր-մոլոր տալով շարժվում, դուրս էին գալիս գյուղից, միանում իրար, դառնում գետ ու այդ ծանրաթայլ, հառաչանքով լեցուն գետը գյուղից ելնող միակ ճանապարհով շարժվում էր դեպի Վերինշեն: Արևամուտին բուլղարուհին հանկարծ իրար անցավ, արագ շարժումներով ինչ-որ բաներ էր անում տեսախցիկի հետ, որ Տիգրանը չէր հասկանում:

– Ի՞նչ է պատահել...

– Մարտկոցները նստեցին: Պիտի մի տուն մտնենք, քանի չեն կողպել, գնացել՝ լիցքավորենք:

– Չի ստացվի,– ասաց Տիգրանը:– Գյուղի ենթակայանը պայթեցրել են:

– Ո՞վ է պայթեցրել...

– Չորքը, էլ ո՞վ...

Բուլղարուհու ծնկները թուլացան, նա դանդաղ առաջ գնաց, փլվեց դիմացի տան դարպասի մոտ դրված հսկայական քարին, գլուխն առավ ափերի մեջ, մնաց-մնաց, լեզվով անցավ շուրթերի վրայով,

– Արյուն է գալի՞ս...

– Մի քիչ: Կչորանա՞ կանցնի:

– Սոտիկում որտե՞ղ էլեկտրականություն կա:

– Ամենամոտիկը Վերնիշենն է:

– Քանի՞ կիլոմետր կլինի...

– Ճանապարհով՝ քսան, անտառով՝ յոթ-ութ: Բուլղարուհին խայթվածի պես վեր թռավ.

– Անտառով գնացինք:

– Ո՞ր, է՞, ուր...

– Ուր էլեկտրականություն կա:

– Չեմ կարող: Ես իրավունք չունեմ:

Բուլղարուհին թափ տվեց ձեռքն ու գնաց: Տիգրանը նայեց նրա հետևից, նայեց.

– Թու,– գայրացած թթեց և վազեց:

Ուշ երեկոյան հետախուզության ուղարկված զույգերը եկան:

– Չկան,– զեկուցեցին առանձին-առանձին: Բուլղարուհուն ու Տիգրանին էին փնտրում:

Պետք է նաև պարզեին՝ ինչ վիճակ է գյուղում:

– Տուն առ տուն՝ մեկ-մեկ ստուգե՞լ եք...

– Ստուգել ենք, չկան:

– Ժողովուրդը մնացե՞լ է...

– Քսանհինգ տուն՝ հազիվ: Լուսադեմին կգնան: Մանր երեխեք կան՝ գիշերով վախենում են:

Դասասենյակի լուսամուտները վարագուրված էին, սեղանին ճրագն էր՝ թռչաօտ լույսով, ջոկատի տղերքը շարվել էին պատերի տակ, փռել տարածել ոտքերը, որը ծխում էր, որը գլուխը պատին հենած, ննջում: Ջիվանն ու Դավիթը նստած էին սեղանի մոտ:

– Բուլղարուհին փախավ, - խախտեցին լռությունը:

– Բա Տիգրանը...

– Ռազգավորչիկի,– ձայնը խստացրեց Ջիվանը, մի պահ սպասեց:– Երկուսը պոստում են: Էստեղ քսան հոգի ենք: Տասը առաջին՝ տանն է դիրքավորվում, տասը՝ երկրորդ: Առաջին տանը հրամայում է Դավիթը, երկրորդում ես կլինեմ: Հիմա գնացեք ու քնեք, վաղը ծանր օր է լինելու:

Տղաները գնացին: Դավիթը գրպանից բլոկնոտ ու գրիչ հանեց և թղթին կքված, գծելով, ջնջելով նրանք նորից քննարկեցին վաղվա ռազմական գործողությունների պլանը: Պլանը պարզ էր, նախ պետք է փոխեին իրենց գտնվելու վայրը, որովհետև այն հաստատ թշնամուն հայտնի էր և կարող են տանկերից մի կրակոցով իրենց ջարդուցրիվ անել: Դավթի հետ միասին նախապես ընտրել էին իրարից ոչ հեռու գտնվող քարե պարիսպներով, քարե ամուր պատերով, դպրոցին մոտիկ երկու տուն: Երկու տարբեր տների ընտրությունը պատահական չէր, մարտն ընդունելիս թշնամին ստիպված պիտի լիներ ուշադրությունը սևեռել երկու տարբեր կետերի վրա, ցրել ուժերը: Իսկ մարտ ընդունել նրանք չէին ուզում: Ջիվանն ու Դավիթը համոզված էին, որ թշնամին շարժվելու է ուղիղ դեպի դպրոցը, և իրենք կողքից անսպասելի հարձակումով կկարողանան գերել զրահամեքենայի գոնե մի անձնակազմ ու թշնամուն թելադրել իրենց պայմանները: Պայմանը՝ հեռանալ գյուղից և բնակիչներին հնարավորություն տալ վերադառնալու իրենց տները:

Գիշերվա չորսին բուլղարուհին ու Տիգրանը գյուղ մտան, գնացին դպրոց, ջոկատը չգտան, մտան մի դասարան, մեջքները հենեցին պատին, տարածեցին ոտքերն ու քնեցին: Առաջինն արթնացավ բուլղարուհին, նայեց ժամացույցին՝ յոթն անց էր քսանչորս րոպե:

– Տիգրան,– շնչաց,– Տիգրան...

Տիգրանը խորխափելով գտավ ավտոմատը ու նոր բացեց աչքերը:

– Մերոնք չեկա ն...

– Չեկան:

– Նրանք, ախր, մնալու էին: Կարո՞ղ է՝ գյուղացիների հետ փախան...

– Չգիտեմ: Բարձրանանք կողքի բլուրը, ես պետք է զորքի մուտքը տեսագրեմ:

– Ախ բուլղարուհի, ախ բուլղարուհի... Ինձ կրակը գցեցիր:

Բուլղարուհին չպատասխանեց, ելավ, գործնական քայլերով առաջ ընկավ: Տիգրանը փնթփնթալով գնաց նրա հետևից: Բլրակից, որ ընկած էր զորքի և դպրոցի միջև, ամբողջությամբ երևացող գյուղը և կար և չկար: Ոչ մի երդիկից ծուխ չէր բարձրանում: Առանց շարժումի ու անկյանք էր գյուղը: Ամպերն իջել, հպվել էին դիմացի սարն ի վեր ձգվող անտառի կատարին ու արածող հոտի պես դանդաղ տեղափոխ էին լինում: Հեռու հեռուներից եկավ հասավ կովի բառաչը: Տիրո՞ջն էր կորցրել, թե՞ հիվանդ-հաշմված էր՝ փախչելիս չէին վերցրել: Կովի բառաչունը անկյանք, անարձագանք գյուղում թխապոտ երկնքի տակ, տխուր էր ու սարսափազդու:

– Շարժիչի ձայն եմ լսում...

– Մտնենք կողքի անտառը, բուլղարուհի, անտառից կնկարես:

– Ինձ մի սովորեցրու,– գայրացավ բուլղարուհին և գուցե էլի բաներ ասեր, բայց կրակոցը լռեցրեց նրան: Կրակում էին հատ-հատ, ընդհատումներով:– Նշանառու է խփում, նա նշանակետ ունի...

Նորից կրակեցին, բուլղարուհին տեսախցիկն այս ու այն կողմ ուղղեց և նկատեց, թե ինչպես է մեկը սողում դպրոցի երկայնքով: Նա կադրը մոտեցրեց ու կանչեց,

– Հրամանատարն է: Նրանք չեն փախել, հրամանատարն է:

Դարձյալ կրակեցին: Ջիվանը սողաց, հասավ շենքի վերջը, սկսեց շենքի լայնքով սողալ ու քիչ անց անհետացավ շենքի հետևում: Նշանառուն դադարեցրեց կրակը:

– Դպրոցում, ախր, մարդ չկա,– ասաց Տիգրանը: – Նա դպրոցում ի՞նչ էր անում:

– Մեզ էր փնտրում,– ասաց բուլղարուհին ու տեսա-խցիկի միջից տեսավ, թե ինչպես Ջիվանը վազքով անցավ դպրոցից երկրորդ տունն ընկած տարածությունն ու անհետացավ տան մեջ:

– Իրենց տեղը մատնեց,– տեսախցիկն իջեցնելով՝ գլուխն օրորեց բուլղարուհին, լռեց մի պահ:– Բայց, հո չէր կարող անընդհատ դպրոցի հետևում մնալ:

Շարժիչի ձայնը կամաց-կամաց մոտենում էր:

– Չրահատեխնիկա է գալիս,– ասաց բուլղարուհին: – Իսկ նրանք չեն լսում...

– Գար՝ տղերքը ազդանշան կտային,– ասաց Տիգրանը:– Հրթիռ տեսա՞ր...

– Հրթիռո՞վ է,– բղավեց բուլղարուհին:– Ջոկատը– կշռջապատեն :

Նրանք չգիտեին, որ պահակակետի երկու անփորձ ջահելները վախեցան ազդանշան տալ՝ չցուցադրելու համար իրենց տեղը ու քաշվեցին անտառ:

– Գնանք անտառ, բուլղարուհի: Զանի ուշ չի՝ գնանք անտառ...

– Բռի՛ր, նապաստակ, դու անտառ թռի՛ր,– ասաց բուլղարուհին ու վազեց բլուրն ի վար:

Բուլղարուհու ու Տիգրանի մուտքը շատ էր անսպասելի: Դավիթն ու Ջիվանը տղաներից քիչ կողք քաշված խորհրդակցում էին, երբ դռան մեջ հայտնվեցին նրանք: Բուլղարուհին խոշորացրած աչքերով հեռում էր:

– Այ քեզ բուլղարուհի,– ժպտաց հրամանատարը: - Իսկ մենք մտածում էինք՝ փախաք...

– Չրահատեխնիկան գալիս է,– ցածրաձայն ասաց բուլղարուհին:– Նրանք ձեզ կշռջապատեն...

– Ինչո՞ւ հրթիռ չկա,– գոռաց հրամանատարը:

– Չգիտեմ:

– Տեղերում,– կանչեց հրամանատարը, դարձավ Դավիթին:– Անելիքդ գիտես:

– Գիտեմ:

– Իրադրությունը փոխվելու դեպքում իրար իմաց ենք անում:

Դավիթն ու Ջիվանը գրկախառնվեցին ու Դավիթը արագ քայլերով գնաց: Երևաց բլուրն ի վար սահող առաջին տանկը: Բուլղարուհին մոտեցավ լուսամուտին, բարձրացրեց տեսա խցիկը:

– Չեղավ,– բուլղարուհուն մոտեցավ հրամանատարը: – Խցիկդ նկատեցին՝ տանկերից մի թանկի հարվածով մեզ ցաք ու ցրիվ կանեն: Իսկ Էնպես՝ նրանք պիտի ուզենան մեզ գերի վերցնել:

– Ես պետք է նկարահանեմ:

– Պետք է աննկատ մնաս:

Բուլղարուհին քաշվեց լուսամուտի անկյունն ու այնտեղից սկսեց տեսագրել: Առաջին տանկի հետևից գալիս էր երկրորդը ու նրանց հետևից՝ հետևակի երեք զրահամեքենա: Տանկերը քիչ էլ մոտեցան, կանգնեցինք առաջին տանկը կրակեց դպրոցի շենքի վրա:

– Սկսվեց,– ասաց հրամանատարը:

Տանկից մի անգամ էլ կրակեցին: Դպրոցի շենքը հին էր, հողաշեն, նոր սկսել էին կառուցել՝ կիսատ էր մնացել: Երբ փոշին տարածվելով նստեց, ինչ-որ մնացել էր դպրոցի շենքից, բուլղարուհին հսկայական գերեզմանաթմբի նմանեցրեց: Երևաց ինչպես տանկի լյուկը բացվեց, մեկը գլուխը հանեց, հեռադիտակն ուղղեց դպրոցի շենքին ու քիչ անց կրկին անհետացավ:

– Համոզվեցին, որ դպրոցում մարդ չկա,– ինքն իր հետ խոսեց հրամանատարը:

– Հիմա թեքվելու են մեր կողմը:– Նա շրջեց գլուխն ու ձայն տվեց:– Առանց հրամանի՝ չկրակել:

Ասես Ջիվանս էր թելադրում թշնամու գործելակերպը, իսկապես թեքվեցին, իրար հետևից գյուղ մտան, մի պահ անհետացան տեսադաշտից, լսվում էր միայն մոտեցող հռնդյունը, ու ապա երևաց առաջին տանկը:

– Դավիթ ջան, մենակ չվռազես,– նորից խոսեց հրամանատարը:– Հիմա մեկն աջ է թեքվելու, մեկը՝ ձախ, քիչ առաջ են գնալու, որ ԲՄՊ-ներին տեղ բացեն... Էդպե՛ս, բա՞ ոնց: Հենց առաջին ԲՄՊ-ն մտավ խաչմերուկ՝ պիտի խփես:– Նա սպասեց, սպասեց ու գոռաց:– Խփիր...

Նրանց միջև, իհարկե, ռադիոկապ չկար, նրանք իրար ձայն չէին լսում, բայց Դավիթը ճիշտ ժամանակին խփեց: Տանկից ծուխ դուրս եկավ: Երկրորդ կրակոցով Դավիթը մյուս տանկը խփեց, ու ապա հարվածեց հետընթացքով փախչել փորձող զրահամեքենային: Գյուղական նեղ խաչմերուկը խցանվեց:

– Ցավը~դ տանեմ,– բղավեց Ջիվանը, պայծառացավ: – Ես չեի դիմանա, շուտ կխփեի, այ թե ներվեր ունես, Դավի թ ջան...

Տանկերից ու զրահամեքենայից անձնակազմերը դուրս թափվեցին:

– Կրակ,– կանչեց հրամանատարը, և երկու տներից ավտոմատներն ու ձեռքի գնդացիոր ձարձատեցին:

Վերջին զրահամեքենան հետընթացքով փախավ, մյուսին Դավիթը երրորդ կրակոցից կանգնեցրեց:

– Ես ինչ ենք անում, տղերք ջան...

Տղերքս իսկապես անկում էին: Տանկերից ու գրահամբեռնաներից դուրս ճողոպրածներին կրակահերթեր ով ստիպում էին ծեփվել գետնին և ով կենդանի էր՝ փորձում էր սողալ դեպի այգու պարիսպը, պարսպով պատնեշվել:

Բուլղարուհին մի լուսամուտից մյուսն էր վազում, տեսագրում էր մարտը: Թշնամին, իհարկե, պատասխանում էր, բայց նրանց կրակոցներն ու այգի նետած նռնակները միայն տան ու տանից ոչ հեռու կառուցված մառանի ապակիներն էին փշրում: Մի նռնակ ուղիղ տան մոտ պայթեց:

– Այգի են մտել,– մի պահ կրակելը դադարեցրեց հրամանատարը:– Երեք հոգի՝ ներքև, երկուսը՝ լուսամուտների մոտ, մեկը՝ դռան...

Տիգրանն ու նրա տարիքին երկուսը իջան առաջին հարկ: Բուլղարուհին՝ նույնպես: Ներքևից լսվեց ավտոմատների ճարճատյունը: Մարտով ընկած՝ նրանք չնկատեցին, թե ինչպես տանկն անտառի փեշով առաջ եկավ, կանգնեց այն բլրակին, ուր առավոտյան Տիգրանն ու բուլղարուհին էին կանգնած ու սկսեց կրակել: Տղաները հետ ցատկեցին, կպան տան միջնապատին: Երբ փոշին նստեց, հրամանատարը թթեց բերանի կեղտը, թևքով սրբեց քրտինքից ու փոշուց գոյացած դեմքի կեղտն ու նայեց պատերին գոյացած խոռոչներին, մեկը՝ լուսամուտից քիչ վերև էր, մյուս երկուսը՝ հատակից քիչ բարձր:

– Ես ես տունը շինողին մեռնեմ,– ասաց Հրամանատարը:– Ի՞նչ կասես, Վարդան...

– Որ տանկից են խփում՝ գերի վերցնելուց ձեռք քաշեցին,– ասաց Վարդանը, ճակատից հանեց, քամեց աչքերը քրտնքից պաշտպանող լենտը, կրկին ճակատին անցկացրեց:– Պինդ տուն են սարքել...

– Բա էլ ո՞ւր ենք կանգնել...– հրամանատարը գնաց, դիրք գրավեց առաջին խոռոչի մոտ:– Իսկը... Ոնց որ պատվեր տված լինեինք...

– Չտեսնված է,– ձայն տվեց մյուս խոռոչի մոտից Վարդանը:

Նռնակը պայթեց տան դռան մոտ: Տանկի կրակոցներից առաջացած փոշուց ու շփոթից օգտվելով, այգի էին թափանցել:

– Ես ինչի՞ չեք կրակում,– բղավեց հրամանատարը, սպասեց մի քանի վայրկյան, ապա վեր թռնելով՝ վազքով ցած իջավ: Տիգրանն ու նրան հասակակից մյուս երկուսը քաշվել էին տան անկյունն ու պազել: Բուլղարուհին լուսամուտի անկյունից շրթունքները կրծոտելով տեսագրում էր:

– Ինչի՞ եք պազել,– կանչեց հրամանատարը:

– Չոքերս դողում են,– ասաց Տիգրանը,– չեմ կարողանում կանգնել:

– Ես իմացա տունը փլվեց գլխներիս,– ասաց մյուսը, շարունակեց ձեռքի ափերը գլխին պահել:

– Սա փլվող տո՞ւն է,– գայրացավ Ջիվանը:– Թե՞ լցրել եք տակներդ, չեք կարողանում կանգնել:– Նա ձեռքը պարզեց բուլղարուհու կողմը: Ես կնկանից ամաչեք: Մայրը ուներ մի միևնուճար որդի... Երգիր բուլղարուհի, երգիր, հասկանամ սրանք արծի՞վ են, թե՞ ագռավ...

Բուլղարուհին երգեց: Յանկարծ հայտնված երգն էր երևի պատճառը՝ կրակոցները մի պահ դադարեցին:

– Երգիր, բուլղարուհի ջան, երգիր, – կողքի տանից լսվեց Դավիթի ձայնը:

– Երգիր, բուլղարուհի, – կանչեցին վերևից ու կրակեցին:

Տիգրանն ու մյուս երկուսը ելան, վազեցին պատուհանների մոտ ու սկսեցին կրակել:

– Երգիր, բուլղարուհի, – գոռում էին ու կրակում:

– Իմալա մայկա էդըն մի լեդո, – երգում էր բուլղարուհին և մի լուսամուտից մյուսն անցնում:

Ոչ ոք չհաշվեց, թե քանի անդամ կրկնվեց երգը: Բլրից տանկը նորից սկսեց կրակել:

Բուլղարուհին հետո պիտի ասեր, որ մարտը շարունակվեց երեք ու կես ժամ: Իսկ հիմա, երբ հասկացան, որ դիմացն այլևս թշնամի չի մնացել, երբ տեսան փամփուշտների դատարկ ցիկլե արկերը և հասկացան, որ զինամթերքը վերջանալու վրա է ու նկատեցին դեպի գյուղն առաջացող վեց զրահամեքանաները՝ Ջիվանը կապավոր ուղարկեց Դավթի մոտ.

– Շտապ հեռանում ենք երրորդ ճանապարհով: Նախավերջին տան մոտ սպասում ենք: Կրկնիր:

Կապավորը կրկնեց ու գնաց: Զիչ անց սուլոց լսվեց: Առաջին տան հետնամուտքից նախ Դավիթը դուրս ելավ, ապա տղաները, վազբեվազքով անցան տների միջով, շրջանցեցին դպրոցը ու կորան Ջիվանի տեսադաշտից:

– Տաս հոգի, – թեթևացած շունչ քաշեց հրամանատարը: – Աստծուն փառք՝ վիրավոր էլ չունենք, – ասաց, դարձավ բուլղարուհուն, որ տեսագրում էր նրանց նահանջը: – Գնա, բուլղարուհի...

– Իսկ դո՞ւք...

– Ես վերջինն եմ:

– Ես ձեզ հետ կգնամ:

Բուլղարուհին կարծում էր, որ հրամանատարը իրեն կստիպի և մտքում պատրաստի առարկություն ուներ, բայց հրամանատարը շրջեց հայացքն ու ասաց.

– Տիգրան:

Տիգրանը գնաց: Փոքրիկ ընդմիջումներով մյուսները գնացին: Բուլղարուհին նկարահանում էր:

- Մնացինք մենք, – ասաց հրամանատարը: – Ատրճանակ տա՞մ...

– Ատրճանակն ի՞նչ եմ անում, – տեսախցիկն իջեցրեց բուլղարուհին:

– Մենք նրանց ձեռքը պիտի կենդանի չընկնենք...

– Ատրճանակի հետ ես վարվել չգիտեմ, – շփոթվեց բուլղարուհին, ապա շփոթմունքը զսպեց: – Նռնակ տվե՞ք: Օղակը մի կերպ կձգեմ:

Նա նռնակը վերցրեց, տեղավորեց կաշվե բաճկոնի գրպանում:

– Գնամ, հրամանատար...

– Գնա:

Բուլղարուհին ձեռքը պարզեց, ամուր սեղմեց Ջիվանի ափը, նայեց աչքերին, նայեց ու շնչաց.

– Արծիվ...

Ջուկատն առանց միջադեպի անտառ մտավ: Երբ քիչ խորացան՝ հրամանատարը Դավթի հետ ինչ-որ բան խորհրդակցելուց հետո դադարի հրաման տվեց:

– Կոլյա, Վարդան, Չավեն՝ աջ, ձախ, վերև՝ ժամապահ եք:

Երեքը խմբից անջատվեցին, գնացին իրենց ուղղություններով: Մյուսները նստեցին, հենվեցին ծառերի բներին, կոճակ-կապանքներից ազատեցին կրծքերը և աչքերը գոցելով՝ քրտնած դեմքերը այս ու այն կողմ շրջեցին, փորձեցին քամի որսալ: Քամի չկար: Թուխպերը ցածրացել, կիտվել էին անտառի վրա, խոնավացրել օդը ու դրանից քրտինքն ավելի էր շատանում :

– Ո՞ր էր՝ անձրև գար, - ասացին մի երկուսը:

Հրամանատարից ոչ հեռու նստած բուլղարուհին անհանգիստ էր: Նա ձգեց, մինչև ծնոտը հասցրեց կաշվե բաճկոնի շղթան, կծկվեց ու սկսեց ցնցվել:

– Ի՞նչ է պատահել, - հարցրեց հրամանատարը:

– Մրտում եմ, - ատամ-ատամի զարկեց բուլղարուհին:

– Մրտո՞ւմ...

– Քո հորդ տունը շինվի, - ասացին կողքից, ժպտացին:

– Երևի վախս է միջիցս դուրս գալիս, - մեղավոր ժպտաց բուլղարուհին: - Դողում եմ...

– Արաղն ո՞ւմ մոտ է:

Տղաներից մեկը ուսապարկից հանեց օղու շիշը, ձգվեց, պառկելով հանձնեց հրամանատարին: Հրամանատարը մոտեցավ բուլղարուհուն, պազեց դիմացը, օղի լցրեց մատնոցաչափ կափարիչի մեջ.

– Խմիր: Մենակ խմելուց հետո նախ արտաշնչիր, հետո շնչիր: Պա՞րզ է...

– Պարզ է:

Բուլղարուհին խմեց, երկար արտաշնչեց: Հրամանատարը քիչ սպասեց.

– Անցնո՞ւմ է...

– Դեռ ոչ:

– Մեկն էլ տա՞մ...

– Տուր: Ոնց որ օգնում է, - ժպտաց բուլղարուհին:

– Բա ո՞նց չի օգնի, - ասացին կողքից: - Ղարաբաղի արաղը հազար ցավի դեղ է:

Քիչ անց բուլղարուհին արձակեց բաճկոնի շղթան, թաշկինակ հանեց, չորացրեց ուսերին փռված մազերի տակ մնացած ծոծրակը: Ցածրածայն սուլոց- ազդանշան լսվեց, ապա երևաց

Վարդանը: Նա մոտեցավ, բան չընչաց հրամանատարին, հրամանատարը ելավ գնաց Վարդանի հետ: Ջոկատից հիսուն մետր հեռավորության վրա նստած էին երկուսը: Նրանցից մեկը մոտեցող հրամանատարին տեսնելով, դեմքն առավ ափերի մեջ, սկսեց հեկեկալ, մյուսը՝ շիկամազը, ծնոտը հենեց բռունցքներին ու հայացքը մի կետի՝ անշարժացավ: «Պոստի» տղերքն էին, հազիվ 18–19 տարեկան: Հրամանատարը կանգնեց նրանց դիմաց, լռեց, լռեց ու ծանր հոգոց հանեց.

– Եղ լաց լինելդ ի՞նչ է...

– Չգիտեմ,– հեկեկաց տղան: – Ինքն իրեն է ստացվում...

– Տեսա՞ք, որ տեխնիկան գալիս է:

– Տեսանք,– ասաց մյուսը և հայացքը պահեց անշարժ:

– Աչքերիս նայիր,– խստացավ հրամանատարը:

– Ամաչում եմ:

– Ինչի՞ ազդանշան չտվեցիք...

– Վախեցանք մեր տեղն իմաց անել: Ախր նրանք շատ էին մոտիկ:

– Ու փախաք անտա՞ռ...

– Անտառ: Մտածեցինք դուք էլ կփախչեք, տեխնիկան շատ է:

– Ու մենք էլ անտառ փախանք,– բմծիծաղ տվեց Ջիվանը:

– Չփախաք: Կռիվ տվեցիք:

– Ինչի՞ չեկաք, որ դուք էլ կռիվ տայիք...

– Մտածեցինք՝ շրջապատած կլինեն:

– Մի քիչ շատ չե՞ք մտածել,– զայրացավ հրամանատարը:– Ինչի՞ չեիք ռադետրոֆ քաշում ու գնում...

– Սրտներս ձեզից չէր կտրվում,– բռունցքները ծնկներին զարկելով մղկտաց հեկեկացողը:

Հրամանատարը ծխախոտ վառեց, ծխախոտի տուփն ու լուցկին գցեց նրանց դիմաց: Երկուսն էլ իսկույն ծխեցին: Անձրևի առաջին կաթիլների կտկտացին ծառերի տերևներին:

– Դուք ամենաճիշտ տեղով եկաք,– վերջապես լռությունը խախտեց լաց լինողը, հինգ հարյուր մետր ներքև, ոլորքին ԲՄՊ կա կանգնած:

– ԲՄՊ-ն Էնտեղ ի՞նչ է անում...

– Երևի գնում էին փախչողներին թալանելու: Դուք որ սկսեցիք՝ կանգնեցին, մնացին,

– Նրանցից քիչ հեռու խփված ԿՐԱԶ կա, Կաթիլում երեք մարդ սպանված, ընկած են:

ԲՄՊ-ից խփեցին,– ասաց շեկլիկը, – Վարորդն է ու երկու պառավ:

– Վարորդի հերն ու պառավների տղան անտառում են: Սպասում են ԲՄՊ-ն գնա, որ իրենց մեռելներին հանեն, թաղեն, – ասաց մյուսը:

Հրամանատարը կարծես ուշադրություն չդարձրեց նրանց խոսքերին, ինքնամիտի, տխուր հայացքով տմբտմբացրեց գլուխը:

– Վերինշեն եք գնալո՞ւ, հրամանատար...

– Ընդունենք՝ Վերինշեն,

- Գիշերով պիտի գնաք: Ես կողմից մի ջոկատ անցավ:

Թուրքեր էին: Անտառի կածաններին դարան կլինեն մտած:

– Ի՞նչ գիտես՝ թուրքեր էին...

– Թուրքեր են էրգում: ՕՄՕՆ-ն է:

– Ըհը:

Յրամանատարը էլի հարցեր ուներ տալու, բայց գյուղից կրակոցներ լսվեցին: Նա քիչ առաջ գնաց, կանգնեց, հեռադիտակը մոտեցրեց աչքերին: Տանկից, զրահամեքենաներից, կրակ էր, որ թափվում էր իրենց թողած, ակերի վրա: Ջիվանը հեռադիտակն իջեցրեց, լարվեց մի պահ ու բան որոշեց.

– Գնացինք:

Նրանք արագ քայլերով մոտեցան ջոկատին:

– Մարտի պատրաստ, – հրամայեց Ջիվանը: Ջոկատը ոտքի ելավ:

– Սուտերքում ԲՄՊ կա: Քանի էստեղ աղմուկ է, – հրամանատարը գլխով ակնարկեց գյուղը, – մենք սրա հարցը պիտի լուծենք... Յույց տվեք, – ասաց նա «պոստի» տղաներին: Տղաներն առաջ ընկան: Գնում էին մեկ-մեկ, աշխատում քայլերը անաղմուկ, անլսելի դարձնել: Շուտով ճանապարհի եզրին կանդկած զրահամեքենան երևաց: Նրանից քիչ հեռու, ճանապարհից գոտս ընկած, թեքված, կանգնած էր ԿՐԱԶ-ը:

Չրահամեքենայի անձնակազմը բարձրացել նստել էր անտառի փեշին: Ոմանք ծխում էին, ոմանք հեռադիտակը ձեռքից-ձեռք փոխանցելով դիտում էին գյուղում մղվող կռիվը:

– Գերի չվերցնե՞նք, – հրամանատարի ականջին շշջաց Դավիթը.

– Եսբանին ո՞նց ենք հետներս տանելու: Ասում են՝ գարաններ են դրել: Կողքից ու մեջքից հարձակումը շատ էր անսպասելի: Նույնիսկ չհասցրեցին զենք վերցնել:

Ջոկատի տղաները արագ-արագ հավաքեցին սպանվածների զենքերը ու անտառ մտան: Անտառում երկուսը ելան նրանց ընդառաջ: Մեկը տարիքով էր, մյուսը՝ 40-ին մոտ:

– Ձեզ Աստված ուղարկեց... Աստված ուղարկեց, – ծնոտը դողդողացնելով աչքերը թրջեց տարիքավորը:

Մյուսը լուռ գլխահակ կանգնած էր:

– Տրակտորիստը չե՞ս, – հարցրեց հրամանատարը: Տրակտորիստը անսպասելի կռացավ, բռնեց համբուրեց հրամանատարի ձեռքը:

– Էդ ինչի՞ համար...

– Ներող կլինես... Ներող կլինես, – կրկնում էր տրակտորիստը:

– Սպանվածներն ովքե՞ր են:

– Ծնողներս են ու սրա տղան: – Օգնե՞նք թաղեք...

– Պետք չի, – ասաց տարեցը: – Կտանենք անտառ, կղնենք, լաց կլինենք վրաները ու հանգիստ կթաղենք:

Յրամանատարը ձեռքով մոտ կանչեց Դավթին, ականջին բան ասաց:

– Չնացինք, բուլղարուհի,– ասաց Դավիթը:

– Ո՞ւր...

– Կառքով՝ Վերինշեն:

– Ես ջոկատի հետ կգնամ,– բուլղարուհին նայեց հրամանատարին:

– Սրան համոզել չի լինի,– ասաց հրամանատարը: – Դուք գնացեք:

– Վարդան, Կոլյա,– ձայն տվեց Դավիթը,– գնացինք:

Նրանք գնացին, մտան զրահամեքենա, ու զրահամեքենան շարժվեց Վերինշենի ուղղությամբ: Ավելի ուշ, երբ անտառում խորացած մթնելուն էին սպասում, բուլղարուհին հրամանատարին ասաց.

– Ձեր արածը սպանդ էր:

– Սպանողը կլինեք, եթե ԲՄՊ-ն հասներ փախստականներին,– խոժոռվեց հրամանատարը:

Գիշերով գնացին: Մանր անձրև էր մաղում: Շարժվում էին դադարներով, հետախույզներ էին ուղարկում, ստուգում տեղանքը ու նորից անաղմուկ շարժվում: Միակ միջադեպն այն եղավ, որ բուլղարուհու մազերը խճճվեցին մացառներին ու նա ստիպված եղավ դանակով կտրել մազերը: Յրամանատարը ձգում, պահում էր մացառի ճյուղը, բուլղարուհին՝ կտրում: Մութթուլուսին ջոկատը հասավ Վերինշեն, միացավ տեղի պաշտպանական ջոկատին:

– Ինձ հարկավոր է հասնել Երևան, մոնտաժել ժապավենները և ուղարկել ուր հարկն է,– ասաց բուլղարուհին:

– Յենց հիմա՞,– զարմացավ ընդհանուր հրամանատարությունն իր վրա վերցրած Ջիվանը:

– Յենց հիմա:

Մի քանի րոպեից մեքենան պատրաստ էր: Բաժանվելիս բուլղարուհին գրկեց, համբուրեց առանձին-առանձին ջոկատի տղաներին ու հայերեն ասաց.

– Ցավդ տանեմ...

Մեքենան բուլղարուհուն տարավ Գյուլիստան, ու այնտեղից նա վիրավորներ տեղափոխող ուղղաթիռով հասավ Երևան:

Վերինշենի պաշտպանները սպասում էին, որ սովետական զորքն ու ադրբեջանական ՕՄՕՆ-ը նախորդ օրվա խայտառակությունից հետո կատաղած վրա կտան: Բայց այդպես չեղավ: Չորամասի և ՕՄՕՆ-ի հրամանատարությունը նախ ռադիոձածկագիր ուղարկեց կենտրոն, ուր ասվում էր.

1. Բնակչությունը ինքնակամ, ազատեց գյուղը: Բնակչության կողմից հայտարարությունը ստորագրված է:

2. Գյուղ մտնելիս դիմադրություն եղավ հայկական էքստրեմիստների կողմից: Մեր կորուստներն են՝ 2 տանկ, 3 ԲՄՊ, 41 սպանված: Էքստրեմիստները ջախջախվեցին գլխովին, զոհերի թիվը՝ 103:

3. Խնդրում ենք համալրել հետևակն ու զրահատեխնիկան՝ Վերինշեն շարժվելու համար: Միայն իրիկնադեմին զորքը հայտնվեց գյուղի գլխավերևում ու դիրքավորվեց:

Չեռուստակենտրոնում բուլղարուհուն մոնտաժի համար կարողացան միայն գիշերային ժամեր հատկացնել: Նա մոնտաժելիս մինչև լուսաբաց կադր առ կադր վերապրեց և իմաստավորեց այն ամենը, ինչ մեկ օր առաջ տեղի ունեցավ իրենց հետ:

Իսկ Վերինշենում Նույն այդ գիշերը որոշեցին մարտն ընդունել Գյուղից դուրս: Քանի որ դիրքերի կողմից տեղահանության մասին առաջարկություն չեղավ, հասկացան, որ առանց Նախագզուշացման հարձակվելու են տեղի բնակիչներով ու փախստականներով գերհագեցված գյուղի վրա: Իսկ դա չէր կարելի թույլ տալ: Ջոկատը գիշերով դիրքավորվեց գյուղից քիչ հեռու: Ջիվանը հրամանատարությունը հանձնեց Դավթին և Վարդանի, Կոլյայի հետ Նոնականետների վերցրած, Նրանք դիրքերից մի կիլոմետրի չափ առաջ գնացին՝ զրահատեխնիկայի գրոհը կասեցնելու համար: Գրոհն սկսվեց վաղ առավոտյան: Երեք տանկ և չորս զրահամեքենա առաջ շարժվեցին: Ջիվանը, Վարդանը, Կոլյան Նրանց թողեցին մոտենալ, և երբ Նրանց միջև ընկած տարածությունը կրճատվեց, դարձավ 100 մետրի չափ, սկսեցին Նոնականետներից կրակել :

- Երգիր բուլղարուհի, – կանչում էին ու զարկում: Գուցե բուլղարուհին լսո՞ւմ էր Նրանց կանչը, ի՞նչ իմանա: Նույն այդ պահին նա մոնտաժում էր տեսաժապավենը և արտասուքն աչքերին քթի տակ մրմնջում. – Իմալա մայկա Էդրն մի չեղո...

Վերինշենում ջոկատի դիրքերից հաշվեցին խփված 3 տանկ և 4 զրահամեքենա: Չրահատեխնիկայի գրոհը կասեցվեց, բայց ջոկատը չհասցրեց ուրախանալ: Մի քանի ականանետներից կրակով ծածկեցին Ջիվանի, Վարդանի, Կոլյայի դիրքերը, և տիրեց վաղորոյան խոր լռություն...